



पेच्छद् दस सुभिणाद् तालपिसाओ हओ जैए दुजओ । सेयविहज्जो तह चित्तकोइलो पज्जुवौसन्तो ॥ २२ ॥  
 वरकुसुमदामजुयलं सियगोवग्गो य पज्जुवासन्तो । नित्थिज्जो य समुद्धो वियसियपउमो य पउमसरो ॥ २३ ॥  
 सूरौ य उग्गमन्तो परिपसरियकिरणभासुरो अदिंयं । अन्तेहिं माणुसोत्तरसेलो परिवेढिओ दिट्ठो ॥ २४ ॥  
 आखुद्धो सुरसेलं अहं ति दहं इमाणि पडिबुद्धो । लोगो य तत्थ बहुओ समागओ उप्पलेण समं ॥ २५ ॥  
 दहूण कुसुमवासं गन्धामोयं च धूयगन्धं च । अक्खयदेहं च जिणं लोगो सब्बोऽवि आउट्ठो ॥ २६ ॥  
 भणइ अहो ! उवसमिओ जक्खो भट्टारएण एएणं । इय हरिसनिब्भरज्जो पडिओ चलणेसु वीरस्स ॥ २७ ॥  
 सामी दहं गुरुहरिरानिब्भरो उप्पलो पणसिऊणं । पुच्छित्तु सुहविहारं भणइ तुमे रयणिविरमम्मि ॥ २८ ॥  
 दिट्ठा पहु दस सुभिणा ते य मए जाणिया निमित्तेणं । ऊहाए तेसि फलं नायं णवरं ण एगस्स ॥ २९ ॥  
 तालपिसाओ मोहो सुक्खज्झाणं च सेयसउणो ति । चित्तो कोइलपक्खी इवालसङ्गं बहुसरूवं ॥ ३० ॥  
 सियगोवग्गो सहो भवो समुद्धो य दुहजलाइत्तो । पउमसरो सुरपरिसा सूरौ पुण केवलं नाणं ॥ ३१ ॥  
 अन्तावेढो माणुसनगस्स सन्वत्थनिम्मला कित्ती । मन्दररूहणं देसणसमए सीहासणारूहणं ॥ ३२ ॥  
 दामदुगं च न जाणे तो भगवं आह उप्पला ! एयं । साहूण सावयाण य धम्मस्स परूवणं दुविहं ॥ ३३ ॥  
 एवं कहियं सोउं परितुट्ठो उप्पलो गओ सगिहं । वन्दित्तु जिणं चिट्ठइ वीरो निरुवहवो तत्थ ॥ ३४ ॥

१ व-मए । २ व-विलो । ३ व-सन्ति । ४ व-निच्छिन्नो । ५ मिलित इत्यर्थः । ६ व-णं वि ।

नमो नमः श्रीगुरुप्रेमसूत्रे

चन्दकुलवडगच्छीय

अम्बदेवोवज्झायसीसिसिनिमिचंदसूरिइयं

श्रीमहावीरचारियं

—: प्रकाशक :—

श्री जिनशासन आराधना ट्रस्ट

७, वीजो भोईवाडो, भुलेश्वर, मुंबई-४०० ००२

चिकुहए खीरम्मी नहाइयं लज्जिओ तओ र्ह्यो । मगगइ तीए भवणं न य जाणइ अन्नकयदारं ॥ १०७० ॥

तओ भणइ—

जइ किर अत्थि पहावो मम धम्ममार्यरियस्स तो इमा खिप्पं । दज्झउ पुरवाहिरिया तओ अहासन्नदेवेहिं ॥ ७१ ॥  
दहा सा मा भयवं अलियपहावो उ होउ इय नाउं । कुम्मगगामस्स पहे कयाइ संपत्थिओ वीरो ॥ ७२ ॥  
तत्थन्तरा य दिट्ठो तिलथम्भो पुच्छए य गोसालो । निप्पज्जिस्सइ एसो न व त्ति भयवं जिणो आह ॥ ७३ ॥  
निप्पज्जिस्सइ एसो सत्त य एयस्स पुप्फजीवा उ । एगाएँ तिलत्तेणं सुङ्गणियाए भविस्सन्ति ॥ ७४ ॥  
गोसालेणुक्खणिओ सलेट्ठुहो सो असइहन्तेणं । सन्निहियवन्तरेहि य माँ सामी अलियवाइँ त्ति ॥ ७५ ॥  
जलवासं तत्थ कयं गावीए खुरेण चम्पिओ लग्गो । पुप्फा तिला उ जाया कुम्मगगामे गओ सामी ॥ ७६ ॥  
बालतवस्सी एग्गो तस्स बहिं वेसियायणो नाम । आयावइ संत्तप्पा छप्पइयाओ जडाहिन्तो ॥ ७७ ॥  
रवितावतावियाओ पडन्ति भूमीए सोऽवि य दयात्थु । धेत्तूण छुहइ सीसे तं दट्ठुं भणइ गोसालो ॥ ७८ ॥  
किं सुणँसि किं पि तत्तं जूयासेज्जायरो उ आहु तुमं । भिक्खू च भिक्खुणी वा एवं दो तित्ति वाराओ ॥ ७९ ॥  
ताहे सो परिक्खविओ तस्स विणासाय मुयइ नियतेयं । सो भीओ पोक्कारइ तस्सणुकम्पाए वीरेणं ॥ १०८० ॥  
मुक्का य सीयलेसा तीए सा पडिहया उसिणलेसा । सो बालरिसी दट्ठुं रिद्धिं साभिसिस्समं भणइ ॥ ८१ ॥

१ अ-°इरियं । २ व-नो । ३ अ-°वायं । ४ व-तत्थां । ५ व-गुणं । ६ व-तं पं ।



# ક્ર પ્રાપ્તિસ્થાન ક્ર

(૧) પ્રકાશક :

(૨) શ્રી મૂળીએન અંબાલાલ રતનચંદ  
જેન ધર્મશાળા,  
રટેશન રોડ, વીરમગામ

(૩) શ્રી જિનશાસન આરાધના ટ્રસ્ટ,  
C/o સુમતિલાલ ઉત્તમચંદ,  
મારફતીયા મહેતાનો પાડો,  
ગોળશેરી, પાટણ (ઉ ગુ)

(૪) શ્રી જિનશાસન આરાધના ટ્રસ્ટ,  
C/o દ્વિપક અરવિહલાલ ગાધી,  
ધીકાટા, વડફળીયા, રાવપુરા, વડોદરા-૧

(૫) શ્રી સરસ્વતી પુસ્તક ભંડાર  
હાથીખાના, રતનપોળ,  
અમદાવાદ-૩૮૦ ૦૦૧.

— દ્રવ્ય સહાયક —

શ્રી જગવલ્લભ પાર્શ્વનાથ જેન શ્વેતામ્બર મૂર્તિપૂજક તીર્થ કે ભોજગિરિ (સાનનિધિ).

उरसपिणीइमाए दीयाए समाए चरिमकालम्मि । तंतथ बहुमज्जदेसे होहन्ति य कुलगरा सत्त ॥ ७३ ॥  
 पढमेत्थ विमलवाहण सुदाम संगम सुपासनामे य । दत्तो सुमुहे छट्ठे सम्मुयइ चैव सत्तमए ॥ ७४ ॥  
 काहन्ति सन्निवेशं वासत्थं गामनगरमार्इणं । कुलघम्मरायनीइण कारगा कुलगरा तइया ॥ ७५ ॥  
 आसा हत्थी गावो परिग्गाहिस्सन्ति रज्जकज्जम्मि । ववहारसिप्पकम्मा गणियलिवाइ य होहन्ति ॥ ७६ ॥  
 जाइसरो उ पढओ नामेणं विसलवाहणो राया । सव्वं चिय दाएही पुन्नुत्तमिसं पयाण हिओ ॥ ७७ ॥  
 सस्साणं उप्पत्ती परमा परमं च दुद्धदहिसप्पी । उप्पन्ने अगणिम्मि य रन्धणमार्इ अविस्सन्ति ॥ ७८ ॥  
 दूसमअरयस्सन्ते संसुइरायस्स सयदुवारम्मि । अदाए भारियाए सेणियजीवो उ पढमज्जिओ ॥ ७९ ॥  
 पुत्तत्तणेण होही पाणत्तिघसंजुओ महापउमो । वीरजिणस्स व सव्वं विन्नेयं तस्स जम्माइ ॥ ८० ॥  
 दूत्तमसुसमाए इहं पुवं पिव जिणवरा अविस्सन्ति । पडिलोमसभावेण य ते य इमे होन्ति नायवा ॥ ८१ ॥  
 पढमो उ महापउमो सेणियजीवो जिणेसरो होही । बीओ य सूरदेवो सुपासजीवो जयपईवो ॥ ८२ ॥  
 तइओ य पुण सुपासो उदाइजीवो पणट्टभववासो । होही सयंपहो तह पोदिलजीवो चउत्थो उ ॥ ८३ ॥  
 सवाणुभूइनामो दढाउजीवो उ पञ्चओ होही । छट्ठो य देवयुत्तो तित्थयो कत्तिओ पुब्बि ॥ ८४ ॥  
 उदओ य जिणो होही सत्तमओ संखनामओ आसी । पैठालपुत्तनामा आणन्दजिओ य अट्टलओ ॥ ८५ ॥

१ व-एत्थ । २ अ-य सम्मुही चे० । ३ व-राईया । ४ अ-णत्तिट्ठ ।

## ચત્વિંચિત

ગ્રંથકાર :- ચ દ્રકેલ-વડગચ્છના પૂ. આચાર્યદેવ શ્રીમદ્ વિજયઉદ્યોતનસૂરિ મહારાજના શિષ્યરત્ન પૂ. અચ્ચદેવ ઉપાધ્યાયના શિષ્ય પૂ. આચાર્યદેવ શ્રી નેમિચંદ્રસૂરિ મહારાજ

ગ્રંથરચનાકાળ :- વિક્રમ સંવત ૧૧૪૧

સ્થળ :- અણહિલપુર પાટણ

પ્રમાણ :- ૩૦૦૦ શ્લોક

આદ્ય પ્રકાશન સંવત :- ૧૯૭૩

સંશોધક :- ન્યાયાભોનિધિ આચાર્યદેવ શ્રીમદ્ વિજય વિજયાનંદસૂરિ મહારાજના શિષ્યરત્ન પ્રવૃત્તક શ્રી કાતિવિજયના શિષ્યરત્ન સુનિશ્રી ચતુરવિજયજી મહારાજ.

આદ્ય પ્રકાશક :- શ્રી જૈન આત્માનંદસલા, ભાવનગર.

પુનઃ પ્રકાશન :- સંવત ૨૦૪૪

પુનઃ પ્રકાશક :- શ્રી જિનશાસન આરાધના ટ્રસ્ટ.

દ્રસ્ટીઓ

ચંદ્રકમાર બાબુભાઈ જરીવાલા  
નવિનચંદ્ર ભગવાનદાસ શાહ

લલિતભાઈ રતનચંદ કોઠારી  
પુંડરીક અંબાલાલ શાહ

## અનુપમ સહયોગ

પૂજ્યપાદ સુવિશ્વધ્યાનિચમૂર્તિ સુવિશાળ મુનિગણુ નિર્માતા કર્મસાહિત્ય વિશારદ સિદ્ધાન્તમહોદધિ સ્વ. આચાર્યદેવ શ્રીમદ્ વિજય પ્રેમસૂરીન્દરજી મહારાજ સાહિબના પદ્મલકાર ન્યાયવિશારદ વર્ધમાન તપોનિધિ આચાર્યદેવ શ્રીમદ્ વિજય ભુવનભાનુસૂરીન્દરજી મહારાજના સદ્ગુપ્તદેશથી

“મહાવીરચરિત્ર” નામના આ ગ્રંથના પ્રકાશનનો લાભ શ્રી જગવલ્લભ પાર્શ્વનાથ જ્ઞેન સ્વે. મૂ. તીર્થ, કુલોન્ગિરિના જ્ઞાનનિધિમાથી લેવામા આવેલ છે.

તીર્થના દ્રસ્ટીઓ તરફથી મળેલ આ અનુપમ સહયોગની અમે ભુરિ ભુરિ અનુભોદના કરીએ છીએ.

લી.

શ્રી જિનશાસન આરાધના દ્રસ્ટ.

॥ अहम् ॥

॥ न्यायाम्मोनिधिश्रीमद्विजयानन्दसूरीश्वरेभ्यो नमः

वडगच्छगयणदिणयरसिरिनेमिचन्दसूरिरइयं

## महावीरचरियम् ।

पणमह पढमजिणिन्दं भविष्याणकमलबोहणदिणिन्दं । कोहहुयासणकन्दं पणयासुरअसरनइन्दं ॥ १ ॥  
सिरिसिद्धत्थनराहिबकुलनहयलविमलपुणिणमायन्दं । निज्जियकामगेहन्दं पणअह वीरं सया धीरं ॥ २ ॥  
सेसेऽवि य वावीसे अजियाईपासनाहपज्जन्ते । जियरागदोसमोहे वन्दामि जिणेसरे सिरसा ॥ ३ ॥  
जरजम्मसरणरहिण्ण केवलवरनाणदंसणसमग्गे । सिद्धे निधुयकम्म अणाहनिहणे सया नमह ॥ ४ ॥  
पञ्चविहायारधरे सुत्तत्थविस्सारए पसन्तमणे । भविष्यारविन्दपडिबोहदिणधरे नमह आयरिण्ण ॥ ५ ॥  
परमत्थगाहियसारे आयाराईहुवालसङ्गस्स । संजमतवनिधमरए उज्झाए नअह सुत्तदए ॥ ६ ॥  
पञ्चमहव्वयगुरुभारधारए चरणकरणसंपन्ने । पञ्चसमिण्ण तिगुत्ते सुत्ते साहू यं सह नअह ॥ ७ ॥

१ 'कन्दं' इति कं बलं ददातीति कन्दं भेषमित्यर्थः । २ अ-०मइन्द । ३ 'सुत्तदए' इति सूत्रददानित्यर्थः । ४ ब-०सया ।

संभक्तपाणवरचरणपरिमण्डयं भुवणतिलग्नं । पणमह जिनिन्दपणयं सिरिसङ्घं शुणगणसहस्रं ॥ ८ ॥  
 पवरसुयनाणमणहरपसत्थपोत्थयविहत्थवरहत्थं । सारयससिकिरणुजलसन्वङ्गं शुणिय सुयदेविं ॥ ९ ॥  
 वोच्छामि सभासेणं वीरजिनिन्दस्स सन्तिथं चरियं । संवेगडा भवियाण अत्तणो सुमरणत्थं च ॥ १० ॥  
 जंमि भवे संभत्तं पत्तं पढमं तमाइओ काउं । सत्तावीस जिणभवे संखेवेणं पवक्खामि ॥ ११ ॥  
 अवरविदेहे खेत्ते गामम्मि बलाहिवो पुरा आसि । दयदाणविणयदक्खिन्नसायरो धम्मसद्धालू ॥ १२ ॥  
 सो अन्नया कयाई रायाएसेण दारुयनिमित्तं । बहुपुरिसेहिं समेओ सगडे घेत्तूण संपत्तो ॥ १३ ॥  
 अइदुग्नं वणगहणं तत्थ य वणछिन्दणं करन्तेण । भोयणसमए दिढा सूरी बहुसाहुपरियरिया ॥ १४ ॥  
 पन्थाओ परिभट्ठा इओ तेओ तत्थ परिभमन्ता उ । तण्हाछुहाकिलन्ता परिसन्ता सत्थपरिहीणा ॥ १५ ॥  
 दद्धूण मुणिवरे ते चिन्तइ अनुक्कप्पभत्तिसंजुत्तो । एयारिसे अरणे कहमेए साहुणो पत्ता ॥ १६ ॥  
 तो वन्दिज्जण पुच्छइ भयवं ! कत्तो समागया तुम्हे । केण व कज्जेण इमं वणगहणं भमह अइभीमं ॥ १७ ॥  
 दाऊण धम्मलाभं समत्थदुरिओहवारणसमत्थं । पभणइ सूरी सुपुरिस ! अम्हे सत्थेण सह चलिया ॥ १८ ॥  
 गामन्तरं पविट्ठा सत्थे आवासियम्मि भिक्खट्ठा । जावम्हे ता सत्थो कत्थवि तुरियं गओ सोऽवि ॥ १९ ॥  
 तो" अम्हे संखुट्ठा अगहियभिक्खा पंहमि सञ्चलिया । सत्थं गवेसमाणा न य मिलिया तस्स पहमट्ठा ॥ २० ॥

१ व-इतो । २ व-ततो, एवमग्नेऽपि इ-उ-ओ इत्यादयः स्वरास्तकारविशिष्टा अपि दृश्यन्ते । ३ व-तुग्मे, एवमग्नेऽपि दृश्यते । ४ व-न्ता ।

एयम्मि अरण्णिंस्सि समागया तुम्ह दंसणं जायं । इय कहिए सो तुहो धम्मोऽहं जेण मे दिट्ठा ॥ २१ ॥  
 कण्पतरु व्व मरुथले दरिद्वगेहे हिरण्णवुट्ठि व्व । मायङ्गुगिहे एरावणो व्व इत्थं इमे दिट्ठा ॥ २२ ॥  
 सफलं मम मणुयत्तं सहलं मम जम्म जीवियं अब्ब । जं एयंमि अरण्णे दिट्ठा एयारिसा साहू ॥ २३ ॥  
 पुण्णकलियाण सुणिणो दंसणाविसयं पि जन्ति हयपावा । चिन्तामणिसंजोगो होइ अधत्तस्स न कयाइ ॥ २४ ॥

तथाहि—

जइणो हु बम्भयारी अंगिहे दन्तिन्दिए पसन्ते य । तवनियमभूसियहे वन्न च्चिय एत्थ पेच्छन्ति ॥ २५ ॥  
 एयं विचिन्तिज्जणं भत्तिभरुल्लसियबहलरोमओ । भत्तं पाणं वियरइ जहोचियं तेसि साहूणं ॥ २६ ॥  
 भुत्तुत्तरे य तेणं इच्छियपन्थम्मि मेलिया साहू । भणिओ सो य वलन्तो गुरूहिं अणुकम्पजुत्तेहिं ॥ २७ ॥  
 उवविसह खणं एकं रुक्खच्छायाए वीसमामो त्ति । एवं ति तेण भणिए उवविट्ठा तत्थ सव्वेऽवि ॥ २८ ॥  
 धम्मस्स एस जोगो एयं परिभाविज्जण सूरीहिं । पारद्धा धम्मकहा पडिबोहत्थं इमा तस्स ॥ २९ ॥  
 बहुजोणिलक्खगाहिरे संसारे दुल्लहं मणुयजम्मं । राहावेहो व्व इहं जुगछिहे समिलपविसो व्व ॥ ३० ॥

भणियं च—

काज्जणमणेगाइं जम्मणमरणपरियट्ठणसयाइं । दुक्खेण माणुसत्तं जइ लहइ जहिच्छियं जीवो ॥ ३१ ॥

१ ब-त्ता सफलं मणु० । २ 'अगिहे' इति गृहरहितानित्यर्थः ।

इय दुल्लहलम्भं भाणुसत्तणं पाविऊण जो जीवो । न कुणइ पारत्तहिं मो सोयइ मङ्कमणकाले ॥ ३२ ॥

एतदेवाह—

घारीमज्झे हूढो न्व गयवरो मच्छओ न्व गलगहिओ । वगुरपडिओ न्व मओ संवट्ठओ विहङ्गो न्व ॥ ३३ ॥  
सो सोयइ जरमच्चूकरालिओ जो सुधम्मपरिहीणो । तायारमविन्दन्तो कम्मभरणोल्लिओ जीवो ॥ ३४ ॥

जओ—

कुणइकयत्थणाओ सरोगया हाणि इट्ठजणविरहो । दारिदं दोहगं अकालमरणं अहम्मेण ॥ ३५ ॥  
धम्मसेणं चिय अत्था धम्मेणं चेव उत्तमा भोगा । धम्मेण सगमोक्त्वा सुहाइं सव्वाइं धम्मेण ॥ ३६ ॥  
ता भो दुल्लहलम्भं विज्जुलयाचच्चलं मणुयजम्मं । लङ्घूण जो पमायइ सो काउरिसो न सो पुरिसो ॥ ३७ ॥  
धम्मत्थिणा य धम्मो देवो य गुरू य जाणियन्वाइं । धम्मगुरुदेवसद्धा कोइ वि कन्थइ पयइइ ॥ ३८ ॥  
सो धम्मो जत्थ दया कीरइ सचराचरेसु जीवेसु । जत्थ य परमनिरोहो इन्दियनोइन्दियाणं च ॥ ३९ ॥  
सो चिय देवो एत्थं जो अइसयसंजुओ पसन्तप्पा । रागाइदोसरहिओ सव्वण्णू सव्वदंसी य ॥ ४० ॥  
परिचत्तघरावासो विसुद्धबम्भवओ य सुयनाणी । धम्मगुरू विन्नेओ परिगहारम्भपडिविरओ ॥ ४१ ॥  
इय धम्मकहं सोउं संबुद्धो परमहरिसमावन्नो । निच्चलसम्मदिट्ठी जाओ सो सावगो पैवरो ॥ ४२ ॥

१ मरणकाले इत्यर्थः । २ ब-मणुस्सत्तं । ३ ब-परमो ।



भणिओ य तेण गुरू—

उद्धरिओऽहं भयवं ! तुमए भवसायरम्मि निवडन्तो । अहवा उत्तमसङ्गो उत्तमकल्लाणहेउ त्ति ॥ ४३ ॥  
एवमभिनन्दिऊणं नमिऊण गुहं सुणी य सो चलिओ । अत्ताणं मन्नन्तो सुकयत्थं बोहिलाभेण ॥ ४४ ॥

तथाहि—

धन्नोऽहं जेण मए अणोरपारम्मि भवसमुदम्मि । भवसयसहस्सदुलहं लद्धं सङ्गम्मजाणं त्ति ॥ ४५ ॥  
पत्तो कमेण गेहं कालेण य सुद्धधम्मपरिणामो । सोहम्मे उववन्नो पलियाउ सुरो महिड्डीओ ॥ ४६ ॥  
भोत्तूण तत्थ भोए दिव्वे सुररम्मणिमज्झयारम्मि । आउयखयम्मि चविडं जत्थुववन्नो तयं सुणह ॥ ४७ ॥  
अत्थि अउज्झानयरी मणिकणमया सुरोहं निम्मविया । चारसजोयणदीहा नच वित्थिण्णा परमरम्मा ॥ ४८ ॥  
तत्थ य भरहो राया छवण्डभरहाहिवो पढमचक्की । सिरिउसहसामित्तणओ उइण्णसुहपुन्नपम्भारो ॥ ४९ ॥  
तरस सुओ उववन्नो सव्वङ्गोवङ्गसुन्दरो जुइमं । धम्मप्पिओ अकूरो भिरि त्ति नामेण विक्खाओ ॥ ५० ॥  
सो तारुण्णे पत्तो पञ्चपयारे उ झुझए भोए । नियपासायवरगओ इड्ढो नियजणणिजणयाणं ॥ ५१ ॥  
सिरिउसभस्स भगवओ उप्पन्ने केवलम्मि देवेहिं । रइयम्मि समोसरणे केवलमहिमाएँ परभाए ॥ ५२ ॥  
वट्ठन्ताए भरहो समागओ पुत्तनत्तुयसम्भो । भयवन्तवन्दणत्थं परम्भेणं अत्तिराएणं ॥ ५३ ॥  
काऊण य तिव्वुत्तो पयाहिणं वन्दिऊण भयवन्तं । निव्वत्ते नाणमहे उवविड्ढो रइयकरकमलो ॥ ५४ ॥

स्मिरिहं अरहेण समं उसभजिणं पणमिज्जण विणएणं । धरणीधले निसन्नो भयवन्तं पज्जुवोसन्तो ॥ ५५ ॥  
 एत्थन्तरस्मि भयवं जोयणणीहारिणीएँ वाणीए । सुरअसुरनरसभाए धम्मं कहिउं समाढत्तो ॥ ५६ ॥  
 परमङ्गाणि उ चत्तारि दुलहलम्भाणि एत्थ जीवाणं । साणुस्सं धम्मसुहं सद्धा तवसंजमे विरियं ॥ ५७ ॥  
 संसारविरत्तेहिं एयं नाऊण धीरपुरिसेहिं । सव्वायरेण जत्तो कायव्वो धम्मकज्जेसु ॥ ५८ ॥

बहुदुक्खपीडियाणं मच्चुपरद्धाण कम्मवसगाणं । अन्नं न किं पि सरणं धम्मं मोत्तूण संसारे ॥ ५९ ॥  
 निहडन्ति सुया विहडन्ति बन्धवा विहडं सुसंचिओ अत्थो । एक्को नवरि न विहडइ विहिणा आराहिओ धम्मो ॥  
 सयणाइमोहभूढो काऊण महापरिग्गहारम्भे । एक्को जाइ परभवं एक्को चिय वेयए दुक्खं ॥ ६१ ॥  
 ह कयलीए न सारो जह वालुयपीलेणे य नो तिह्लं । मायणिहयाएँ न जलं तह संसारे सुहं नत्थि ॥ ६२ ॥  
 किंपागरस फलं पिव हालाहलमीसिय व्व परमन्नं । आवायमेत्तसुहया विसया परिणामविरसा उ ॥ ६३ ॥  
 जह किर दुद्धं पेच्छइ मज्जारी न उण लउडयं मुद्धा । तह मूढो विसयसुहं पेच्छइ नो नरयदुक्खाइं ॥ ६४ ॥  
 जह रयणखणिं पत्तो महग्घमोह्छाई मोत्तु रयणाइं । गेण्हइ वण्णह्छाई अइमूढो कायखण्डाईं ॥ ६५ ॥  
 तह पत्ते मणुयस्से सग्गपवग्गाइसोक्खसङ्गणे । न करन्ति धम्मतत्ति विसए सेवन्ति मूढप्पा ॥ ६६ ॥

१ व-मिरियवि । २ अ-वासिन्तो । ३ व-सुही सुखिन इत्यर्थः । ४ व-परभवे । ५ व-पीलणाए । ६ व-०ए व जलं 'मायणिह-  
 याए' इति मृगतृष्णिकायाम् । ७ व-सज्जणं । ८ व-सेवेन्ति ।

जो विसयसुहृदपसत्तो लडुं मणुयत्तमाइसामग्गि । न कुणइ धम्मं कागणिसहस्सहारगसरिच्छो सो ॥ ६७ ॥  
 एवं नाडं तुम्हे जाव न वाही विडम्बए देहं । जाव न जरा न मच्चू अप्पहियं ताव चिन्तेह ॥ ६८ ॥  
 सम्मत्तं पडिवज्जह करेह सावज्जजोगवैरमणं । निज्जिणह कसायरिवू दैण्डत्तियनिगहं कुणह ॥ ६९ ॥  
 मिच्छइंसणअविरइकसायमणमाइदुड्ढजोगेहिं । जीवो बन्धइ कम्मं कम्मण य भमइ संसारे ॥ ७० ॥  
 इय एवमाइ सोउं धम्मकहं भयवओ सवणसुहयं । भववैरगगुवगया पडिवुद्धा पाणिणो बहवे ॥ ७१ ॥  
 पच्च य पुत्तसयाइं भरहस्स य सत्ता नचूयसयाइं । संयराहं पव्वइया तस्मि कुमारा समोसरणे ॥ ७२ ॥  
 आपुच्छिऊण भरहं भिरिइकुमारोऽवि परम्मसंविग्गो । संमत्तनिच्छियमई धम्मं सोऊण पव्वइओ ॥ ७३ ॥  
 पच्चसमिओ तिगुत्तो सज्झायज्झाणविणयसंपन्नो । तवनियमसंजमरओ विहरइ सो सामिणा सद्धिं ॥ ७४ ॥  
 एक्कारसअङ्गाइं तेण अहीयाइं गुरुसयासस्मि । गीयत्थो सज्जाओ धम्मकहालद्धिसंपन्नो ॥ ७५ ॥  
 अह अन्नया कयाइं गिम्हे उण्हेण तावियसरीरो । अण्हाणेण किलन्तो कम्मवसा चिन्तए पुवं ॥ ७६ ॥  
 मेरुगिरीसमभारे वोडुं संपह खणं पि न सम्पत्थो । सामणणगुणे अगुणो अहंयं संसारमणुकद्धी ॥ ७७ ॥  
 न य घरवासो जुत्तो बहुसावज्जो पमायहेउ त्ति । ता लिङ्गन्तरधारी सावगधम्मं पवज्जाप्पि ॥ ७८ ॥

किञ्च तं लिङ्गन्तरम्—

१ व-°सामग्री । २ व-°उवरमणं । ३ °डण्डत्ति° । ४ 'स्यराह' शीघ्रमित्यर्थः ।

समणा तिदण्डविरया भगवन्तो कुसलमणवर्हकिरिया । डण्डत्तियनिहयस्स य होउ तिडण्डं ममं चिन्धं ॥ ७९ ॥  
 लोइन्दियमुण्डा संजया य अहयं खुरेण ससिहाओ । थूलगपाणिवहाईवेरमणं मे सया होउ ॥ ८० ॥  
 समणा अमोहछण्णा मोहछणस्स होउ मे छत्तं । निरुवाहणा य समणा मज्झं तु उवाहणा होन्तु ॥ ८१ ॥  
 सुक्कम्बरा य समणा विसुद्धचित्ता उ धाउरत्ताइं । होन्तु य मे वत्थाइं रागाईकलुसियमणस्स ॥ ८२ ॥  
 निक्किञ्चणा य समणा मज्झं पुण किञ्चि किञ्चणं होउ । सीलसुयन्धा समणा होउ ममं देहसक्कारो ॥ ८३ ॥  
 वज्जिन्ति वैज्जभीरू बहुजीवसमाउलं जलारम्भं । होउ मम परिमिणं जलेण पहाणं च पिघणं च ॥ ८४ ॥  
 एवँ परीसहभीरू सच्छन्दविगप्पियं इमं लिङ्गं । परिकप्पिय जुत्तिजुयं पारीवज्जं पवत्तेह ॥ ८५ ॥  
 तं लिङ्गन्तरधारी सकोउगो पुच्छई जणो धम्मं । सो कहइ साहुधम्मं जहड्डियं सुद्धपरिणामो ॥ ८६ ॥  
 कहियस्मि जणो पभणइ न कुणसि तं कीस अप्पणो एयं । मेरुगिरीसमभारे इच्चाई तस्स सो कहइ ॥ ८७ ॥  
 धम्मकहाअक्खित्ते उवड्डिए देइ सामिणो सीसे । गामागरणगराईं विहरइ सो सामिणा सद्धिं ॥ ८८ ॥  
 उज्झाउरीए पत्तं भयवन्तं अन्नया भरहराया । अहिवन्दिऊण पुच्छइ कहन्तरे विणयसंपन्नो ॥ ८९ ॥  
 जारिसया लोगगुरू भरहे वासम्मि केवली तुम्हे । तारिसया कह अन्ने ताया होहिन्ति तित्थयरा ॥ ९० ॥  
 तो भणइ जिणवरिन्दो भरहे वासम्मि जारिसो उ अहं । एरिसया तेवीसं अन्ने होहिन्ति तित्थयरा ॥ ९१ ॥

१ व-तिडण्डवि० । २ अ-हुन्तु । ३ अवधभीरवः । ४ अ-एवं । ५ पारिव्राज्यम् ।

होही अजिओ संभव अभिनन्दण सुमह सुप्पह सुपासो । ससि पुप्फदन्त सीयल सेज्जंसो वासुपुज्जो य ॥ ९२ ॥  
 विमलोऽणन्तह धम्मो सन्ती कुन्धू अरो य मल्ली य । मुणिसुव्वय नमि नेमी पासो तह वद्धमाणो य ॥ ९३ ॥  
 अह भणइ नरवरिन्दो भरहे वासम्मि जारिसो अहयं । तारिसया कह अन्ने ताया होहिनति रायाणो ॥ ९४ ॥  
 तो भणइ जिणवरिन्दो जारिसओ तं नरिन्दसङ्गलो । एरिसया एक्कारस अन्ने होहिनति रायाणो ॥ ९५ ॥  
 होही सगरो मघवं सणकुमारो य सन्ति कुन्धु अरो । तह य सुभुमो पउमो हरिसेणो तह जओ बम्भो ॥ ९६ ॥  
 अप्पुट्ठो कहइ जिणो इमाएँ ओसप्पिणीएँ होहिनति । जे केसववलदेवा नव नव पडिवासुदेवा य ॥ ९७ ॥  
 होइ तिविट्ठु डुविट्ठू सयम्भुपुरिसोत्तिमे पुरिससीहे । तह पुरिसपुण्डरीए दत्ते नारायणे कण्हे ॥ ९८ ॥  
 अयले विजए भई सुप्पभे य सुदंसणे । आनन्दे नन्दणे पउमे रामे आवि अपच्छिमे ॥ ९९ ॥  
 आसग्गीवे तारएँ मेरएँ महुकेढवे निसुम्भे य । बलि पहराए तह रोमणे य नवमे जरासन्धे ॥ १०० ॥  
 एए खल्ल पडिसत्तू किन्ती पुरिसाण वासुदेवाण । सबे य चक्कजोही सव्वेऽवि हया सचक्कोहिं ॥ १ ॥  
 पुणरवि पुच्छइ भरहो अजियार्इजिणवराण मज्झम्मि । भयवं ! कोइ भविस्सइ तित्थयरो तुम्ह परिसाए ॥ २ ॥  
 तत्थ मिरी पुब्बुत्तो आहपरिन्वायओ उसभणत्ता । सज्झायझाणजुत्तो एगन्ते झायइ महप्पा ॥ ३ ॥  
 तं दरिसेइ जिणिन्दो एव नरिन्देण पुच्छओ सन्तो । होही चरिमो एसो तित्थयरो वीरनाम्भो त्ति ॥ ४ ॥

१ चापि । २ रावणः । ३ नसा पौनः इत्यर्थ ।

पढमो य वासुदेवो तिविहु नासेण पोयणाहिर्वई । पियमित्तचक्खदी सूयपुरीए विदेहम्मि ॥ ५ ॥  
 तं वयणं सोऊणं राया अच्चियतणूरुहसरीरो । अभिवन्दिऊण पियरं भिरिस्स अभिवन्दओ जाइ ॥ ६ ॥  
 सो विणएण उवगओ काऊण पयाहिणं च तिकखुत्तो । वन्दइ अभित्थुणन्तो इमाहिं महुराहिं वग्गहिं ॥ ७ ॥  
 लाभा हु ते सुलद्धा जंमिं तुमं धम्मचक्खवट्ठीणं । होहिसि दस चोदसमो अपच्छिमो वीरनामो सि ॥ ८ ॥  
 आई य दसाराणं पोयणपुरसामिओ तिविहु त्ति । सूयाए विदेहस्मी पियमित्तो नाम चक्कि त्ति ॥ ९ ॥  
 नवि ते पारीवज्जं वन्दामि अहं इमं च ते जम्मं । जं होहिसि तित्थयो अपच्छिमो तेण वन्दामि ॥ १० ॥  
 एवं सो थोऊणं काऊण पयाहिणं च तिकखुत्तो । आपुच्छिऊण पियरं विणीयनयरिं अह पविट्ठो ॥ ११ ॥  
 तं वयणं सोऊणं तिवइं अप्फोडिऊण तिकखुत्तो । अब्भहियजायहरिसो तत्थै य मिरिई इमं भणइ ॥ १२ ॥  
 जइ वासुदेवपढमो होहं चक्की विदेहवासम्मि । चरिमो तित्थयराणं अहो ! अलं मज्झ ससेणं ॥ १३ ॥  
 अहयं च दसाराणं पढमो जणओ य चक्खवट्ठीणं । अज्जो तित्थयराणं अहो ! कुलं उत्तमं मज्झ ॥ १४ ॥  
 एवं च कुलमएणं मीयागोयं समजियं तेण । जस्स चिवागेण इहं नीयत्तं पाविही बहुसो ॥ १५ ॥  
 जइ ताव एत्तिओऽविहु बहुनीयट्ठाणकारणं जाओ । भगवन्तस्स मओ ता बहुमयकारीण किं भणिमो ॥ १६ ॥  
 जओ भणियं—

१ व-जंसि । २ अ-इहं । ३ वे-°त्थ मिरिई । ४ व-होही ।

जच्चाइमथफलेणं नीयट्टाणीहँ पावमाणो उ । भमइ चिरं संसारे तम्हा उ मए विवज्जेज्जा ॥ १७ ॥  
सो अन्नया गिलाणो जाओ पडियगिओ न साहूहिं । अस्संजउ त्ति काउं ताहँ चिन्तेउमाहसो ॥ १८ ॥  
अस्संजयस्स सुणिणो किच्चं न कुणन्ति संजमपहाणा । न य कारिउं पि जुज्झइ वेयावच्चं इमे मज्झ ॥ १९ ॥  
ता किञ्चि तहाल्लवं अप्पसहायं करेमि सीसमहं । भवियव्वयाएँ पउणो जाओ इय चिन्तमावन्नो ॥ २० ॥  
तस्स सघासं पत्तो कयाइ कविलो त्ति नाम रायसुओ । पुच्छइ धम्मं सोऽवि य जइधम्मं अवितहं कहइ ॥ २१ ॥  
न कुणत्ति कीस तुममिमं इय पुठे कहइ बइयरं निययं । कविलोऽवि हु धम्मत्थी जइधम्मं काउमस्समत्थो ॥ २२ ॥  
पभणइ किं तुज्झ वए धम्मफलं नत्थि किञ्चि इय भणिए । गुरुकम्मो एसोऽवि हु जइधम्मं नेच्छए काउं ॥ २३ ॥  
इय चिन्तिय सो भणिओ पडिपुणफलं जइण धम्मम्मि । भो कविल ! केत्तिथं पि हु मज्झवि दिक्खाएँ अत्थि त्ति ॥  
सीसत्थिणा उ एयं मिच्छत्तविट्ठिकारगं वोढुं । बडं असुभं कम्मं भवभमणनिवन्धणं घोरं ॥ १२५ ॥

भणियं च—

दुब्भासिएण एक्केण मिरीई दुक्खसागरं पत्तो । भमिओ कोडाकोळिं सीगरसरिनामधेज्जाणं ॥ २६ ॥  
पव्वाविओ य कविलो तेण समं किं पि विहरिउं कालं । चुलसीइ पुव्वलक्खे सव्वाउं पालिउं तत्तो ॥ २७ ॥  
अप्पडिकन्तो दुब्भासियस्स कालं गओऽणसणविहिणा । दससागरोवमाज बग्गे कप्पे सुरो जाओ ॥ २८ ॥  
आसुरिपसुहा सीसा कविलेणं दिक्खिया समाधारं । कहिउं तेसिं नियमं बग्गे कप्पे गओ खोऽवि ॥ २९ ॥

ओदिं पञ्जिऊणं तत्तो नियदंसणापुराणं । नरलोए अवयरिउं कहइ ससीसाण सहयथं ॥ १३० ॥

तं पुण पणुवीस तत्तारूवं, ताणि य इमाणि—

पंडमं तत्तं पयई सत्तरयतमाण जा समावत्था । तीए य महं जाई जं भणइ बुद्धिसेणं ॥ ३१ ॥

तत्तो य अहङ्गारो सोलस तत्ता तओ समुप्पन्ना । पञ्च य तम्मत्ताइं एगारस इन्दियाइं च ॥ ३२ ॥

फासणरसणाघाणं चक्खूसोत्ताइं बुद्धिकरणाइं । करपायपाउवत्था मणवायाकम्माकरणाइं ॥ ३३ ॥

गन्धरसरूवफासा सहो तम्मत्ताया य मे तत्तो । पुढविजलतेयमारुय तह भूयाई अह कमेण ॥ ३४ ॥

पणुवीसइमं तत्तं आया पुरिसो य तस्स पज्जाओ । एएसिं तत्ताणं विज्ञाणाओ हवइ मोक्खो ॥ ३५ ॥

सो पञ्चवणमण्डलयसण्ठिओ अन्तरट्ठिओ देवो । पणुवीसं तत्ताइं कहिऊण गओ नियं ठाणं ॥ ३६ ॥

आसुरिपमुहेहिं तओ सीसपसीसप्परम्पराए उ । काऊण कुसत्थाइं भागवयं दंसणं एयं ॥ ३७ ॥

वित्थारियं महियले इओ य सो वम्मसुरवरो मिरिहं । कोह्लागसन्निवेसे चविउं कोसियदिओ जाओ ॥ ३८ ॥

असिइं च सयसहस्सा पुन्वाणं पालिऊण सन्वाउं । परिवायगवयधारी मरिऊण गओ स सोहम्मं ॥ ३९ ॥

चविऊण चिरं कालं संसारं भमिय माहणो जाओ । धूणाएँ पूसमित्तो बावत्तरिपुण्वलक्खाऊ ॥ ४० ॥

घेत्तुं भागवयवयं सोहम्मसुरत्ताणेण उववत्तो । चविउं अगिगल्लोओ चेइयनयरे दिओ जाओ ॥ ४१ ॥

१ साइयतत्त्वसंग्राहकमेतद्वाथापच्चकं अ-पुस्तके एवोपलभ्यते । २ व-सोहम्म । ३ अ-तत्तो य ।



चउसट्ठि पुव्वलक्खा तत्थाउं होइउं परिवाओ । ईसाणे उववन्नो तओ खुओ मन्दिरपुरम्मि ॥ ४२ ॥  
 जाओ य अग्गिभूई माहण परिवायगो य होऊण । छप्पणपुव्वलक्खा सव्वाउं पालइत्ताणं ॥ ४३ ॥  
 पत्तो सणकुमारं सेयवियाए य आउयखएणं । जाओ भारद्वाओ पत्तो परिवायगत्तं च ॥ ४४ ॥  
 चोयालीसं लक्खा पुव्वाणं तत्थ आउयं जायं । मरिउं माहिन्दसुरो संजाओ मज्झिमठिईओ ॥ ४५ ॥  
 तो संसारं हिण्डिय चिरकालं थावरो त्ति नामेणं । रायगिहं पवरदिओ तत्थवि परिवायगो जाओ ॥ ४६ ॥  
 चउतीसपुव्वलक्खा परंसाउं पालिऊण बम्भम्मि । कप्पम्मि सुरो जाओ भमिओ तत्तो य संसारे ॥ ४७ ॥  
 रायगिहम्मि पुरवरे राया नामेण विस्संनदि त्ति । भज्जा तस्स पियङ्गू विसाहनन्दी य ताण सुओ ॥ ४८ ॥  
 रण्णो तस्स कणिट्ठो भाया नामं विसाहभूइ त्ति । सो जुवरज्जे ठविओ तस्स पिया धारिणी देवी ॥ ४९ ॥  
 सो मिरिइजीवदेवो चैविऊणं बम्भलोगकप्पाओ । धारिणिपुत्तो जाओ नामेणं विस्सभूइ त्ति ॥ १५० ॥  
 जणणिजणयाण इडो पञ्चहिं धाईहिं लालियसरीरो । चन्दो इव वहन्तो कमेण सो जोव्वणं पत्तो ॥ ५१ ॥

केरिसो य सो—

कुमलो सव्वकलासुं सुरो चाई य सत्तवन्तो य । धम्मप्पिओ अकूरो गुरुणभत्तो अयसभीरू ॥ ५२ ॥  
 पुप्फकरण्डुज्जाणं तम्मि पुरे पवरतरुवरसमिद्धं । कीलइ सो तत्थ सुहं अन्तेउरपरिगओ विविहं ॥ ५३ ॥

१ ब-परियायं । २ ब-चइऊणं । ३ ब-गुरुण भत्तो ।

कीलेउं तत्थिच्छं राधकुमारो विसाहनन्दि सि । नवारे न विरहं पावइ अहिट्टिए धारणिसुएण ॥ ५४ ॥  
 पुष्फाईण निमित्तं तत्थ गयाहिं पियज्झुदासीहिं । दिट्ठो सो कीलन्तो तो ईसावेसकलियाहिं ॥ ५५ ॥  
 भणिया पियज्झुदेवी सांसाणे ! दोगुन्दुगो व्व उज्जाणे । कीलह जुवरायसुओ तुम्ह सुओ न लहइ पवेसं ॥ ५६ ॥  
 एवं सोउं उप्पन्नमच्छरा रोससुवगया सावि । कोचहरम्मि पचिट्ठा ससंभमं पुच्छिया रण्णा ॥ ५७ ॥  
 तं देवि ! कीस कुविया तीए भणियं न तुम्ह इह रज्जं । राया विसाहभूई जस्स सुओ कीलइ जहिच्छं ॥ ५८ ॥  
 पुष्फकरण्डुज्जाणे विसाहनन्दी य न लहइ पवेसं । रण्णा भणियं सुन्दरि ! अम्ह कुले एस कप्पो त्ति ॥ ५९ ॥  
 जं एगम्मि कुमारो पुव्वपचिट्ठे चिरेणवि न बीओ । पविसइ तत्थ कुमारो जाच न सो निग्गओ सुग्रणु ! ॥ ६० ॥  
 णवरं जइ निव्वन्धो तुम्हं ता अवसरेण केणावि । जइ तुह पुत्तो पविसइ तत्थुज्जाणे तह करिस्सं ॥ ६१ ॥  
 एवं तं संठविउं आलोचेऊण जन्तिणा सद्धि । ताडविया सुघोरा पयाणभेरी कइयवेणं ॥ ६२ ॥  
 तं सोउं संभन्तो उज्जाणाओ विणिग्गओ कुमारो । पत्तो रायसमीवं विणएण य पणमिउं भणइ ॥ ६३ ॥  
 किं देव ! पयाणमिणं रण्णा भणियं विडत्थिओ अम्हं । नियचलगन्धियनित्तो सामन्तो पुरिससीहो त्ति ॥ ६४ ॥  
 मण्डलमुवद्देवई नो पडिवन्नं च सो करं देह । ता तस्सोवरि जत्ता इय कहिए भणइ सो कुमारो ॥ ६५ ॥  
 वीसत्था इह चिट्ठह तुम्हे को उवरि तस्स संरम्भो । देह ममं आएसं गन्तुं तं जेण साहेमि ॥ ६६ ॥

१ 'कइययेणं' इति कैतवेन मायेत्यर्थः । २ 'विडत्थिओ' इति पृथग्जातः ।

इय भणिउं सो चलिओ नियखन्धावारपरिगओ सहसा । आगच्छन्तं सोउं सम्मुहमाओ पुरिससीहो ॥ ६७ ॥  
नीओ तेण सनयरं कयसम्माणो य भोगणार्इहिं । वियरियसविसेसकरो विसज्जिओ विणयपणएणं ॥ ६८ ॥  
परिभमिउं नियदेसं अदिट्ठउवद्दवो पडिनियत्तो । रण्णा विसाहनन्दी पवेसिओ तम्मि उज्जाणे ॥ ६९ ॥  
सोऽवि य नियपुरपत्तो पुष्फकरण्डम्मि पविसमाणो उ । पडिहारेण निसिद्धो विसाहनन्दी पविट्ठो त्ति ॥ ७० ॥  
इय सोउं सो रुद्धो मायाए नीणिओ अहं पत्तो । तो मुट्ठिपहारेणं तप्पुरओ पहणइ कविट्ठिं ॥ ७१ ॥  
पाडइ सन्वकविट्ठे भणइ य तुम्हं सिराई पाडन्तो । एवं तु तुज्झ पिउणो पावा जइ हं न लज्जन्तो ॥ ७२ ॥  
इय भणिय निगगओ सो पियहुचेढं च मुणियवुत्तन्तो । वेरगगओ चिन्तइ अहो ! अणज्जाओ महिलाओ ॥ ७३ ॥  
अवि य—

महिला कुडिलसहावा बन्धवकुलभेयकारिणी महिला । महिला निदयहियया पच्चक्खा रक्खसी महिला ७४  
महिला आलकुलहरं महिला लोयम्मि दुच्चरियखेत्तं । महिला सकज्जनिट्ठा महिला जोगी अणत्थाणं ॥ ७५ ॥  
किं च—

विसयासत्ता पुरिसा विडम्बणं तं जयम्मि पाव्विन्ति । जं कहिउं पि न तीरइ धूलीबुक्कावणमहं व ॥ ७६ ॥  
अवि य—

१ व-भागच्छन्तो । २ 'नीणिओ' इति गमितः । ३ अ-बुल्लपिं । ४ व-पुबत्तं । ५ व-पावेन्ति । ६ अ-गह । ७ °मह व्व ।

जोववणमयणुम्मत्तोहिं विसयतणहाविमोहियमणेहिं । तं तं कीरइ पुरिसाऽहमेहिं जं जं कुगइहेउं ॥ ७७ ॥  
 लहिउं मणुस्सजम्मं सोगइगंमणुग्गसाहणमणग्घं । रयणं वराडियाए व्व हारए विसयगिंद्वीए ॥ ७८ ॥  
 पुरिसत्ताणं विवेयं कुलमज्जायं विसिद्धसंसंगिं । लज्जं गुरुयणसेवं चणइ विसएहिं वेलविओ ॥ ७९ ॥  
 विसयसुहलालसाणं सुधम्ममन्दायराण पुरिसाणं । अमुणियसारासाराण गलइ हस्थट्ठियं अमयं ॥ १८० ॥  
 विसयासेवणदविणज्जणम्मि कुकुडम्बतत्तिकरणम्मि । निच्चक्खणिया अजरामर व्व चिहुन्ति मूढप्पा ॥ ८१ ॥  
 ता उल्लिङ्गउं दुरन्ते विसए पावस्स आसवदारे । साहेमि अणन्नमणो सप्पुरिसनिसेवियं धम्मं ॥ ८२ ॥  
 इय वेरगगएणं दिट्ठो सिरिविजयसीहआयरिओ । कुमरेण तेण विणएण वन्दिउं पुच्छिओ एवं ॥ ८३ ॥  
 भयवं भवाडवीए परिभामिज्जन्ति पाणिणो केणं । सासयसोक्खे मोक्खे केणं व वच्चन्ति मे कहसु ॥ ८४ ॥  
 धम्मोवयारनिरओ एसो धम्मत्थिओ त्ति मुणिज्जणं । कुमरेण पुट्टमत्थं सो सूरी कहिउमाहत्तो ॥ ८५ ॥  
 जम्मजरमरणवाहीविओगसोगाइहुक्खपउरम्मि । संसारे भमइ जिओ कम्मणट्ठप्पयारेणं ॥ ८६ ॥  
 नाणस्स दंसणस्स य आवरणं वेयणीय मोहणियं । आउ य नामं गोत्तं अट्ठमयं अन्तरायं च ॥ ८७ ॥  
 पञ्च नव दोन्नि अट्ठावीसा चउरो तहेव बायाला । दोन्नि य पञ्च य कमसो उत्तरपयडीओ कम्माणं ॥ ८८ ॥  
 मिच्छदंसणमविरइकसायजोगा य बन्धहेउ त्ति । ओहेण तस्स संपइ विसेसहेऊ णिसामेहि ॥ ८९ ॥

१ व-०गममगसाहणमहग्घ । २ व-गेहीए । ३ अ-०निसाहेमि ।

पडणीयमन्तराइय उवघाए तप्पओसनिहवणे । बन्धइ पाणावरणं एवं चिय दंसणावरणं ॥ १९० ॥  
 भूयाणुकम्पजिणभत्तिसंजुओ खन्तिदाणविणयपरो । बन्धइ सायावेयं विवरीओ बन्धए इयरं ॥ १९१ ॥  
 अरहन्तसिद्धचेइयत्तिथाइसु पचणीयजोगेहिं । मिच्छत्तमोहणीयं बन्धइ संसारबुद्धिकरं ॥ १९२ ॥  
 तिब्बकसाओ बहुमोहपरिणओ चरणकरणपडणीओ । बन्धइ चरित्तमोहं दुविहं पि चरित्तगुणघाई ॥ १९३ ॥  
 कुणिमाइभक्खणरओ मिच्छत्तमहापरिगहारम्भो । नरयाउयं निवन्धइ पावमई रुद्धपरिणामो ॥ १९४ ॥  
 उम्मगगदेसओ मग्गनासओ अट्टज्झाणज्झाइह्लो । बहुनियडिसंपउत्तो निरियाउं बन्धई जीवो ॥ १९५ ॥  
 पयईए तणुकसाओ दाणरओ पयइभइगविणीओ । मज्झिमगुणेहिं जुत्तो मणुयाउं बन्धई जीवो ॥ १९६ ॥  
 अणुब्बयमहव्वएहिं बालतवाकामनिज्जराईहिं । देवाउयं निवन्धइ सम्मदिट्ठी उ जो जीवो ॥ १९७ ॥  
 मणवयणकायवक्को गुणदोसी गारवेहिं पडिबद्धो । असुहं बन्धइ नामं तप्पडिवम्बो य सुहनामं ॥ १९८ ॥  
 अरहन्ताइसु भत्तो सुत्तरुई पयणुमाण गुणरागी । बन्धइ उचागोयं विवरीओ बन्धए इयरं ॥ १९९ ॥  
 पाणवहाईनिरओ जिणपूयादाणभोयविग्गकरो । अज्जेइ अन्तरायं न लहइ जेणिच्छियं लाभं ॥ २०० ॥  
 इय पावकम्मबन्धस्स हेउणो जाणिऊण सुविवेया । भवभमणभीरुणो जे पयत्तओ ते विवज्जन्ति ॥ १ ॥  
 पाणाइगुणवसेणं असेसकम्मक्खए य निब्बाणं । होइ जियाणं तम्हा पाणाइसु चेव जइयव्वं ॥ २ ॥

१ ब-विवरीए । २ ब-बन्धई । ३ ब-बन्धए । ४ अ-विवरीए । ५ ब-बन्धई । ६ ०-विग्गयरो ।

तहाहि—

नाणेण सुणइ भावे सदहइ य सम्मदंसणगुणेणं । चरणेण नासवेई कम्मं पुण सुज्झइ तवेणं ॥ ३ ॥  
इय सुणिघ विरसभूई अइसयसंवेगभाविमईओ । पडिवन्नो पव्वजं अणवजं गुरुसयासम्मि ॥ ४ ॥  
पञ्चसमिओ तिगुत्तो पञ्चिन्दियनिगंहेण परिकलिओ । निजियचउक्कसाओ छक्कायदयाधरो धीरो ॥ ५ ॥  
समसत्तुमित्तभावो समतिणमणिलेहुकञ्चणो मइमं । जियउवसगगपरीसहसेन्नो विहरइ गुरुहिं समं ॥ ६ ॥  
कालेणं गीयत्थो जाओ विहरइ सगुरुअणुत्ताओ । एगल्लविहारेणं सव्वत्थ य अपडिवद्धो त्ति ॥ ७ ॥  
विहरन्तो संपत्तो महुरपुरिं तत्थ मासपारणए । भिक्खट्ठाय पविट्ठो दिट्ठो भवियन्नवगवसेणं ॥ ८ ॥  
पुरिसेहिं विवाहत्थं विसाहनन्दिस्स आगयस्स ताहिं । संजायमच्छरेहिं पविसन्तो तोहिं सिद्धो उ ॥ ९ ॥  
एत्थन्तरम्मि तेसिं गादीए अहिणवप्पस्सयाए । पेच्छन्ताणं सिंगेहिं पेह्लिओ महियले पडिओ ॥ १० ॥  
सो साहू तवसुसिओ उवहसिओ तोहिं कलयलं काउं । तं संपह कत्थगयं कविट्ठपाडणन्नलं तुज्झ ॥ ११ ॥  
तं सो उं तेय वियाणिऊण सो कम्मदोसओ रुद्धो । धेत्तूण य तं गाविं सिंगगेहिं भमाडेइ ॥ १२ ॥  
नियसीसोवरि तणपूलियं व सो खिवइ भूमिवट्ठम्मि । ते पभणइ भयभीए सो रुद्धो निदुरगिराए ॥ १३ ॥  
रे रे पावा ! किं कोल्हुएहिं सीहस्स दुब्बलस्सावि । लद्धिज्झइ देहबलं इय भणिउं निगओ तत्तो ॥ १४ ॥

१ अ—० निगंहे य । २ व—कमसो । ३ अ—पयसिथो तस्स विण्णाओ ।

गुरुअहिमाणवसेण य रोसुच्छाइयविवेगरयणेणं । यद्धं तेण नियाणं धी धी कम्मस्स परिणामो ॥ १५ ॥

तं च केरिसं—

जइ होज्ज इमस्स फलं मएऽणुचिणस्स तवविसेसस्स । तोऽहं भविस्सकाले अतुलचलपरक्कमो होज्जा ॥ १६ ॥  
वरकण्णेणं रीरिं रासहमेरावणेण अइमूढो । कप्पूरेण व छारं वेरुलिएणं व कायमणिं ॥ १७ ॥  
गुञ्जाओ मोत्तिएहिं जह मग्गइ कोइ तह इमं तेण । मोक्खपसाहणतवसा देहवलं मग्गियमसारं ॥ १८ ॥  
काउं नियाणमेयं अपडिक्कन्तो य तस्स ठाणस्स । सो मासियभत्तेणं कोडीवासाउओ होउं ॥ १९ ॥  
कप्पम्मि महासुक्के उक्कोसठिई य सुरवरो जाओ । कयसुरकिचो भुज्जइ पञ्चविहे दिव्वकामगुणे ॥ २० ॥  
इओ य—

अत्थि इह भरहवासे णयरं पोयणपुरं परमरम्मं । तत्थ पडिसत्तुराया तं भुज्जइ विजियपडिवक्खो ॥ २१ ॥  
भद्दा य तस्स भज्जा अयलो नामेण तीए परमसुओ । चउहिं महासुमिणेहिं स्रूहयजम्मो समुप्पन्नो ॥ २२ ॥  
भग्गिणी तस्स कण्णिट्ठा मिगावई पवररूवसंपन्ना । सा पढमजोव्वणत्था सन्वालङ्कारचरदेहा ॥ २३ ॥  
पिउपायवन्दणत्थं जणणीए पेसिया वरनिमित्तं । नियउच्छङ्गनिविट्ठा पलोइया तेण सन्वङ्गं ॥ २४ ॥  
अज्जुववन्नो तीए रूवम्मि मणोरमग्गि पुच्छेइ । सामन्तमन्तिवग्गं मेलेउं पउरलोयं च ॥ २५ ॥

१ अ—रिपुपडिसत्तू । २ व—रूयस० । \* कक्षिय ।

जं एत्थ मज्झ भवणे रयणं उप्पज्जए तयं कस्स । भो आहंन्वं जायइ तो भणियं तेहिं सन्वेहिं ॥ २६ ॥  
 असुणियपरमथेहिं सन्वस्मि वि तुज्झ मण्डले सामि ! । जं उप्पज्जइ रयणं तं तुम्हं किं पुण गिहम्मि ॥ २७ ॥  
 जइ एवं ता एसा भिगावई पवरमिथिया रयणं । भज्जा मज्झ भविस्सइ जं वयणं अचित्तहं तुम्हं ॥ २८ ॥  
 ते सवयणेण छलिया अहोसुहा लज्जिया गया सन्वे । णियणियठाणं पच्छा सन्वेसिं कूयमाणानं ॥ २९ ॥  
 गन्धव्वविवाहेणं सयमेव विवाहिया निया कत्ता । भद्दा निवारयन्ती न य गणिया रागस्सूदेणं ॥ ३० ॥  
 सा खेयसमावन्ना चिन्तइ इमिणा अकज्जमायरियं । कुलगोत्तलञ्छणकरं अहो ! हु रागस्स माहप्पं ॥ ३१ ॥

अहवा—

ताव पुरइ वेरग्गु चित्ति कुललज्जवि तावहिं । ताव अकज्जहं तणियसंक गुरूयणभउ तावहिं ॥ ३२ ॥  
 ताविन्दिदयहं वसाइ जसह सिरि सहायइ तावहिं । मयरद्धयवेयालवसिउ नरु होइ न जावहिं ॥ ३३ ॥  
 एवं परिभावन्ती अयलेण समं गया तओ भद्दा । दक्खिणदेसे नयरिं माहेसरियं निवेसेइ ॥ ३४ ॥  
 अयलो तत्थ ठवेडं जणणिं पिउमूलमागओ तस्स । जायं नामं च पयावइ त्ति रण्णो जहत्थमिणं ॥ ३५ ॥  
 अह विस्सभूइजीवो सत्तमकप्पाउ सुरवरो चविउं । सत्तमहासुमिणेहिं वज्जरिओ केसवो पढमो ॥ ३६ ॥  
 उववन्नो कयपुण्णो भिगाएँ देवीएँ कुच्छिसंभूओ । पुत्तो पयावइस्सा तिचिड्डुनामो त्ति विक्खाओ ॥ ३७ ॥

१ ब-आभव्व । २ अ-नियय° । ३ अ-वेरगस° । ४ अ-तत्थ । ५ अ-°त्थमिणं ।



सो जोव्वणमणुपत्तो कलासु कुसलो य कीलइ जहिच्छं । अयलेण भाउणा सह बलदेवेणं विणयसङ्को ॥ ३८ ॥  
इओ य—

अथि महामण्डलिओ आसग्गीवो पयण्डनरनाहो । सो पुच्छइ नेमिस्सि कस्स सयासाउ मज्झ भयं ॥ ३९ ॥  
नेमिस्सिण भणिगं—

जो चण्डमेहदूयं धरिसेही तुज्झ तह य बलवन्तं । जो सीहं मारेही तस्स सयासाउ तुज्झ भयं ॥ ४० ॥  
इय कहिए सो भीओ दोऽवि पयाव्हणरिन्दपुत्ते य । बलवन्तं सोऊणं दूयं पेसइ पयाव्हणो ॥ ४१ ॥  
तं चण्डमेहदूयं पेच्छणए संठियाण सो पत्तो । कोउगअक्खित्ताणं तिण्हं पि नरिन्दकुमराणं ॥ ४२ ॥  
पेच्छाभङ्गो जाओ दूयागमणेण आसग्गीवस्स । रुद्धा दोऽवि कुमारो पेच्छाभङ्गो कओ केण ॥ ४३ ॥  
कहियं च तेसि पिउणा जस्साणाकारिणो बहुनरिन्दा । भरइद्धवासिणो इह तस्सेसो आगओ दूओ ॥ ४४ ॥  
सग्गमाणिओ य दूओ कयकज्जोपेत्थिओ सपुरहुत्तं । अद्धपहे गन्तूणं कुमरेहिं पिँट्टिओ गाढं ॥ ४५ ॥  
तप्पुरिसा य पलाणा सोऽवि य भीएण तेसि जणएणं । चिउणं तिउणं दाउं खमाविओ विणयजुत्तेणं ॥ ४६ ॥  
एण्हिँ कुमारैहिं अयाणुएहिं सिंसुत्तदोसेणं । जं अवयरियं तुम्हं सब्वं चिय खमसु तं मज्झ ॥ ४७ ॥  
ण य कहियव्वं एयं रणणो दुच्चेडियं कुमारानं । सामोवयारगहिओ सो चिय पच्चाह न कहिस्सं ॥ ४८ ॥

१ व-°हणाम । २ अ-पट्टिओ । ३ 'हुत्त' देशीशब्दोऽयमभिमुखार्थः । ४ अ-पेट्टिओ । - सिन्दुव ।

इय भणिय गओ दूओ पुव्वपलाणेहिं साहियं सव्वं । पुरिसेहिं दूयहणं ओसगीवस्स कुमरकयं ॥ ४९ ॥  
 तं सोउं सो कुविओ दूओऽवि समागओ तयं पुट्ठो । तेणवि सच्चं कहियं पुव्वं चिय सुणिगमिमिण स्ति ॥ २५० ॥  
 पुणरवि दूओ भणिओ गन्तूण पयावइस्स साहेसु । सालीखेत्तं रक्खसु कसिजमाणं तुमं मज्झ ॥ ५१ ॥  
 दूएण य गन्तूणं आएसो साहिओ जहा भणिओ । केसवपिउणो तेणवि भीएण सुया उवालद्धा ॥ ५२ ॥  
 धरिसन्तेहिं तहा तं तुव्वेहिं चण्डमेहदूयं ति । हो पुत्ता । किमयण्डे वीसत्थो खवलिओ मच्चू ॥ ५३ ॥  
 जं अज्ज अकाले चिय सालीरक्खा उ मह समाइट्ठा । तेहिं उ भणियं अम्हे रक्खिस्सामो तयं सालिं ॥ ५४ ॥  
 सत्थो चिट्ठउ ताओ इय भणिउं ते गया भयविमुक्ता । जत्थ कसिजइ साली पुट्ठा ते करिसगा तेहिं ॥ ५५ ॥  
 कह रक्खिज्जइ एसा केचिरकालं च तेहिं ते भणिया । चउरङ्गेण बलेणं रक्खिज्जइ जाव छम्मासा ॥ ५६ ॥  
 भणियं तिचिट्ठुणा तो खिज्जिस्सइ को णु एत्तियं कालं । जो एत्थुवइवकरो तं मम दरिसेह किं बट्ठुणा ॥ ५७ ॥  
 एत्थ गुहाए चिट्ठइ कुमार ! सीहो कयन्तसारिच्छो । सो वसहकरिसयाइं संहारइ अकयपडियारो ॥ ५८ ॥  
 मो तं सीहस्स गुहं कुमरो अइवयइ रहसमाख्खो । उट्ठइ वियम्भमाणो सीहो जणकल्लयल्लवेणं ॥ ५९ ॥  
 पयचारी एस अहं रहग्गि ता विसरिसं इमं जुद्धं । इय चिन्तिय असिफए घेतूण रहाओ उत्तरिओ ॥ २६० ॥  
 एस वराओ दाढानहरत्थो सत्थपहरणो उ अहं । असमञ्जसमेयं पि हुइय कुमरो सुयइ सत्थाइं ॥ ६१ ॥

१ व-अस्सगी० । २ 'अइवयइ' इति अभिन्नजतीत्यर्थः । ३ व-ओयरिओ । ४ अ-सत्थाणि ।

तं पेच्छवि सो रुसिओऽहो ! धारिष्ठं इमस्स पुरिसस्स । एगागी गुहमाओ बीयं परिचत्तरहसत्थो ॥ ६२ ॥  
 इय च्वित्तिथ अवदारियवयणो कुमरस्स देइ ओखन्दं । तेणवि दोणिवि ओद्वे घेत्तूणं दोहिं वि करोहिं ॥ ६३ ॥  
 जुणपडओ व्व सीहो हेलाए फालिओ स दुट्ठप्पा । जो आसि पुव्वकाले विसाहनन्दि त्ति रायसुओ ॥ ६४ ॥  
 रोसेण फुरुफुरन्तो माणुसमेत्तेण मारिओज्जं ति । सारहिणा उवसमिओ सो सीहो महुर्वायाए ॥ ६५ ॥  
 पसुसीहो भइ ! तुमं नरसीहो एस पुण कुमारो त्ति । ता जइ सीहो सीहेण मारिओ को किरामरिस्सो ॥ ६६ ॥  
 अमयं पिव मन्नन्तो सारहिवयणं सुरोदपरिणामो । मरिज्जण गओ नैरए सीहो अइदुक्खपडरस्मि ॥ ६७ ॥  
 अह सन्निहियसुरेहिं सुक्कं कुमरोवरिं कुसुमवरिसं । केसरिचम्मं घेत्तुं चलिया कुमरा सपुरहुत्तं ॥ ६८ ॥  
 भणिया य करिस्सगा ते घोडियगीवस्स कहइ गन्तूणं । चिट्ठ तुमं वीसत्थो तुह सत्तु मारिओ सीहो ॥ ६९ ॥  
 कहियं च तेहिं गन्तुं वयणं तं आसगीवरायस्स । सोऽवि निसामिय दूयं पेसेइ त्तिविट्ठुजणयस्स ॥ ७० ॥  
 पेसेसु नियकुमारं जेणं पिच्छेमि देमि देसे य । इय भणिए सो गन्तुं आएसं कहइ तं तस्स ॥ ७१ ॥  
 तो भणह त्तिविट्ठुपिया सयमागच्छामि रायपासस्मि । अज्जवि बाला कुमरा सेवं काउं न याणन्ति ॥ ७२ ॥  
 दूएण य हैसिज्जणं भणियं किं जम्पिएण इह बहुणा । अह पेसेसु कुमारे अहर्वा भव जुज्झसज्जो त्ति ॥ ७३ ॥  
 इय भणिए सो दूओ कुमरेहिं घाडिओ गले घेत्तुं । तेण य तं सविसेसं नियपहुणो साहियं सव्वं ॥ ७४ ॥  
 १ अ-दोणवि । २ अ-होडो । ३ व-फाडिओ । ४ अ-सुरुद्धं । ५ व-णरयं । ६ व-घोडगी० । ७ अ-रु (रु) सि० । ८ अ-ठायसु । ९ व-न्नान्तुं ।

कण्डोरिओ न्व सीहो सो तक्खणमेव रोसमावक्षो । बहुसामन्तसमेओ बहुदलअक्खोहणिससग्गो ॥ ७५ ॥  
अक्खोहणीए पुण पमाणं—

इगवीससहस्साइं अट्टसया सत्तरा करिरहाणं । तिउंणां आसा अक्खोहिणीए सुहडा य पंअंणुणा ॥ ७६ ॥  
अवसउणखलियगमणो तिविटुअयलाण पेत्थिओ उवरिं । अमरिसपहरियहियओ ताडियभेरीरवरउद्यो ॥ ७७ ॥  
चिन्तियं चै तेण—

थेवं पि छिज्जह रिणं अग्गी थेवोऽवि विज्जवेयव्वो । मउओऽवि गओ छिज्जहवालो विधे हम्मए सत्तू ॥ ७८ ॥  
विन्नायतयागमणो पयावई नियकुमारपरियरिओ । नियवलसहिओ थक्को देसन्ते तं पडिच्छन्तो ॥ ७९ ॥  
मिलियाण नत्थ दोणहवि बलाण जुद्धं सुदारुणं जायं । बहुदिवसाणि य बहुनरकरितुरयसहस्ससंहरणं ॥ ८० ॥  
बहुजीवखयं पेच्छिय तिविटुणा भाणिओ स पडिसत्तू । किं निरवराहजणमारणेण बहुपावमूलेणं ॥ ८१ ॥  
तुज्झं मज्झ य जुज्झं संपज्जउ वहरभावजुत्ताणं । इय भणिए ते<sup>१</sup> दोणिण वि जुज्झेण परोप्परं लगगा ॥ ८२ ॥  
खीणेसु पहरणेसु आसग्गीवो उ मुयइ वरचक्कं । केसववहणनिमित्तं पडियं तुम्येण तं तस्स ॥ ८३ ॥

जओ—

कन्तारे जलमज्झे रिउगहणे भीमसावयसमूहे । वसणावडियं पि नरं रक्खइ पुव्वज्जिओ धम्मो ॥ ८४ ॥

१ अ-<sup>०</sup>रिउ न्व । २ अ-पट्ठिओ । ३ अ-<sup>०</sup>विह<sup>०</sup> । ४ अ-चणेण । ५ ब-विय । ६ ब-तो । ७ व-परोपर ।

तेणवि तं चिय धेत्तुं छिन्नं सीसं तु तुरयगीवस्स । भवियव्वयानिओगो न तीरण्ण काउं ॥ ८५ ॥  
जइ पविसइ पायालं दुग्गगिरिं विसइ लङ्गइ समुदं । कुणइं य बहुपडियारे तहवि न भवियव्वया सुयइ ॥ ८६ ॥  
उक्किट्टिनायपुव्वं देवहिं निवाडियं कुसुमवरिसं । भणियं च पढमकेसी उववन्नो एत्थ भरहम्मि ॥ ८७ ॥  
कोडिसिला सीसोवरि धरिया छत्तं व बाहुदण्डेहिं । सुरतरपच्चयहेउं तिविड्डुणा सुबलकलिएणं ॥ ८८ ॥  
परिहायन्तम्मि बले सेसेहिं ऊणमूणमुक्खित्ता । जा चरिमकेसयेणं नियजाणुयमेत्तमुक्खित्ता ॥ ८९ ॥

जओ केसवबलं—

सोलसरायसहस्सा सव्वबलेणं तु संकलनियद्धं । अब्बन्ति वासुदेवं अगडतडम्मि ठियं सन्तं ॥ ९० ॥  
धेत्तूण संकलं सो वामगहत्थेण अञ्चमाणानं । सुञ्जेज्ज विलिम्पेज्ज व महुमहणं ते न चायन्ति ॥ ९१ ॥  
पढमो एस दसारो जाओ इय मुणिय सव्वसामन्ना । आणाकारी जाया पणमियचलणा तिविड्डुस्स ॥ ९२ ॥  
ओयवियं भरहद्धं सत्त य रयणाणि तस्स जायाणि । चक्कं छत्तं धणुयं मणि माला तह य गय संखो ॥ ९३ ॥  
सोलससाहस्सीणं जाओ सो मउडबद्धराईणं । सामी बत्तीसाए अवरोहवहूहस्साणं ॥ ९४ ॥  
पालन्ताण य रज्जं अयलतिविट्ठूण गरुयनेहाणं । सेज्जंसजिणसमीवे पावियसम्मत्तरयणाणं ॥ ९५ ॥  
बोलीणो बहुकालो अप्पडिहयसासणाण भरहद्धे । अह अन्नया तिविड्डुस्स असुहकम्मोदयवसेणं ॥ ९६ ॥

१ व-०इ वहू । २ 'अब्वन्ति' इति भाति । ३ व-अब्ब० । ४ व-०ह गया ।

बाहुबलभोगसंपयनिवलच्छीपमुहगन्धकलियस्स । परिगलियं सम्मत्तं जं दुलहं भवसएहिं पि ॥ ९७ ॥

अवि य—

संपत्तो कप्पतरू अहवा चिन्तामणी अह निहाणं । अहवावि महाविज्जा जह नासइ मन्दपुणस्स ॥ ९८ ॥  
तस्सवि तह संमत्तं दोग्गइमहणं असेसगुणमूलं । सयलसुहाण निहाणं नट्टं मिच्छत्तउदएणं ॥ ९९ ॥  
बुलसी उ वरिसलक्खा आउं अणुहविय बद्धनरयाऊ । मरिउं सोऽसुहलेसो सत्तमपुढवीए उववन्नो ॥ ३०० ॥  
अयलोऽवि य भाइविओगसोगसंतत्तमाणसो जाओ । चिट्ठइ कयमयकिच्चो दुहेण वेरगमावन्नो ॥ १ ॥  
अह तत्थ समायाओ आयरिओ नाम धम्मघोसो त्ति । नाणी बहुमुणिसहिओ सीसो सेज्जसणाहस्स ॥ २ ॥  
अयलो तस्सागमणं णाउं गुरुहरिसपुलइयसरीरो । उज्जाणे गन्तूणं तं वन्दइ पज्जुवासेइ ॥ ३ ॥  
भवजलहिजाणवत्तं दुहहरणं सुहकरं च सो सूरी । दाऊण धम्मलाभं धम्मकहं कहिउमाढत्तो ॥ ४ ॥  
दुहरूवो दुक्खफलो दुहाणुबन्धो य एस संसारो । तुसमुट्ठि न्व असारो भयकारी पेयभवणं व ॥ ५ ॥

जओ—

मत्तकरिकणचवला थिजुलयाचञ्चला मणुयलच्छी । संक्षब्भरागसरिसा वाउद्धुयवेजयन्तिसमा ॥ ६ ॥  
जलबुब्बुओवमाणं कुसगजलविन्दुचञ्चलं जीयं । गिरिणइवेगसमाणं कयलीक्खम्भो न्व निसारं ॥ ७ ॥

१ अ—°च्छिप्प । २ अ—°सीइ । ३ ब—°वासइ य ।

तरुबुडियकुसुमलावन्नसन्निभं इन्दियालकणगसमं । गन्धव्वपुरसरिच्छं जोव्वणमथिरं मणुस्साणं ॥ ८ ॥  
जह रयणीए सउणाण सङ्गमो जह पहेय पहियाणं । जह सुमिणे निहिजोगो तह अथिरो इडसंजोगो ॥ ९ ॥  
असुइनिहाणं देहं बहुवाहीवसणवेयणाविहुरं । जरकडं व धुणेणं धुणिज्जइ जराए मणुघाणं ॥ ३१० ॥  
मच्चू कुणइ अकाले बहुआसापासमोहियमणाणं । अणिवांरणिज्जपसरो आसाभेङ्गो मणुस्साणं ॥ १११ ॥

अन्नं च—

मन्नन्ति विसयसुक्खं जं पि य मूढा मणोरमं एत्थं । तं पि महुविन्दुसरिसं न सुद्धं परमत्थओ होइ ॥ १२ ॥

सुणसु एत्थ दिट्ठन्तं—

एगो दरिदुरिसो उच्छन्नकुलो सुदुक्खिओ दीणो । देसन्तरं पयद्वो एगागी अह सुहासाए ॥ १३ ॥  
वचन्तो य अरणे अणोरपारम्मि पिट्ठओ नियह । आगच्छन्ती सियकत्तियाकरा रक्खसीमिगं ॥ १४ ॥  
अन्नो रुडवणकरी आगच्छइ तं करेण घेतुमणो । ते पेच्छिय सो भीओ धावइ वेगेण तेऽवि तहा ॥ १५ ॥  
दिट्ठो तत्थ महन्तो वडरुक्खो हत्थिरक्खसिअगम्मो । तम्मि य सो आरुहिउं न तरइ तो हेडओ नियइ ॥ १६ ॥  
पेच्छइ य अन्धकूवं तम्मज्जे तेण घत्तिया झम्पा । तडसंठियसरथम्भे लग्गो चिडइ पलम्बन्तो ॥ १७ ॥

१ अ—०वारिज्जं । २ व—०भङ्गं । ३ ब—०सोक्खं । ४ व—एत्थ । ५ व—असुइहा० । ६-७ एतत्पदद्वयं लुप्तद्वितीयान्तम् ।

८ व—एगा ।

कूवतडेसुं चउसु वि पेच्छह चउरो य भीसणभुयङ्गे । तेह हेहा य पसारियवयणं गुरुअग्रं नियह ॥ १८ ॥  
 छिन्दन्ति य सरथम्भं सियकसिणा मूसगा दुवे सययं । तिक्खाहिं दाढाहिं वाहेह करं करी तस्स ॥ १९ ॥  
 जाहे य तं न पावह ताहे दन्तेहिं हणइ वडरुक्खं । वडकम्पणेण भिणं महुयालं साहयन्नठियं ॥ २० ॥  
 निवडन्ति य महुबिन्दू तस्स निडालोवरिं चिरलविरला । ते होइगगे पत्ता जीहाए लिहइ हिट्टमणो ॥ २१ ॥  
 महुयालकण्डराहिं य खज्जइ सो निट्ठरं च सव्वङ्गो । बहुवसणसंकडे वि हु पडिओ मन्नइ सुहं चव ॥ २२ ॥  
 महुबिन्दुलिहणलोलो जा चिट्ठइ ताव खहयरो एगो । पत्तो तम्मि पएसे तं दहुं भणइ दयजुत्तो ॥ २३ ॥  
 भो तं दुहगहणाओ इमाओ मोगमि वड्डुमं एयं । सव्वोवद्वरहिं आरोवेऊण जइ भणसि ॥ २४ ॥  
 सो भणइ न कज्जं मे महुबिन्दुसुहं तरामि नो चहउं । गच्छ तुमं नियठाणं को लद्धसुहं परिचयह ॥ २५ ॥  
 खयरेण पुणो भणियं सरथम्भे मूसएहिं छिन्नम्मि । पडिहिंसि अयगरवयणे खज्जिहिंसि य दुट्ठभुयगेहिं ॥ २६ ॥  
 सो पभणइ विज्जाहर ! को जाणइ किं भविस्सइ ममेत्थ । आसाएमि अपावियपुन्वे महुबिन्दुणो ताव ॥ २७ ॥  
 इय भणिए सो खयरो दुब्बुद्धी एस न सुहभागि स्ति । चिन्तिय गओ सठाणं सुण उवणयमिणिहमेयस्स ॥ २८ ॥  
 पहिओ संसारिजिओ भवो अरणं व रक्खसि व्वजरा । मत्तकरी य कयन्तो मोक्खो वड्डपायवसमाणो ॥ २९ ॥  
 कूवो य मणुस्सभवो सरथम्भो आउयं च जीवस्स । सियकसिणा दो पक्खा आखूदाढा य दिणरयणी ॥ ३० ॥

१ अ-पयहे० । २ न-वाहइ य । ३ 'महुयालं' इति मधुपटलमित्यर्थः । ४ मधुपटलमित्यर्थः । ५ अ-भणिओ । ६ अ-० ए य



दुष्टाहिणो कसाया नरओ पुण अयगरो व्व भयहेऊ । महुविन्दू विसयसुहं गेहिनिमित्तं च तुच्छं च ॥ ३१ ॥  
 विविहाओ आवधाओ जीवं बाह्नि कण्डराउ व्व । विज्ञाहरो य सूरि मोक्खो जं पुण वडारोहो ॥ ३२ ॥  
 जह सो पहिओ करिमाइवसणभीओऽवि सुहकरं नियमा । द्वियविज्ञाहरवयणं न गणइ महुविन्दुलोहेणं ॥ ३३ ॥  
 तह मच्चूजराभीओ भवे भमन्तोऽवि नरयतत्तोऽवि । बहुआवइविहुरत्ताणकोहाइकयत्थिओऽवि दढं ॥ ३४ ॥  
 विसयसुहलेसलुद्धो जीवो दुक्खं भविस्समगणन्तो । धम्मं पवत्तयन्तं धम्मगुणं मण्णइ न मूढो ॥ ३५ ॥

तम्हा—

विसया किंपागफलं विसया हालाहलं विसं परमं । विसया विसमं सल्लं विसया आसीविसमुयङ्गो ॥ ३६ ॥  
 विसया उं कूडपासो विसया कण्डु लुओ नरयमगो । इय सुणिय विसयसङ्गं धीरा वल्लन्ति दूरेणं ॥ ३७ ॥  
 एमाईधम्मकहं पडिबुद्धो सोउमयलयलदेवो । संवेगभावियमणो निक्खन्तो सूरिपासम्मि ॥ ३८ ॥  
 गहिऊण दुविहसिक्खं सज्झायज्झाणविणयसंजुत्तो । निम्मलसंजमनिरओ दुक्करतवचरणसंपत्तो ॥ ३९ ॥  
 खविऊण घाइकम्मं उप्पाडेऊण केवलं नाणं । लोयालोयपयासं अप्पडिहयमपडिवायं च ॥ ४० ॥  
 पडियोहिऊण बहवे भवियजणे सयलकैम्ममलमुक्को । संपत्तो परमपयं जम्मणजरमरणदुहरहिंयं ॥ ४१ ॥  
 नरगाओ उव्वट्ठिय तिविदुजीवो अरणमज्झम्मि । सीहत्ताए जाओ सरिऊण पुणो गओ नरखं ॥ ४२ ॥

१ व-०ओ ष । २ व-०क्खे नयणं । ३ व-०यत्ता । ४ अ-उक्कडं । ५ व-०मउम्मुक्को ।

परिभभिडं संसारं कथय मणुयत्तणं च लद्धिज्जण । आवज्जियसुहकम्मो महाविदेहस्मि आधाओ ॥ ४३ ॥  
 मूगाए पुरवरीए धणल्लओ आसि पवरनरनाहो । तस्स च धारिणिभज्जा सो पुत्तो तेसिसुववओ ॥ ४४ ॥  
 चोवसहिं महासुमिणेहिं सइओ पवरलक्खणसमेओ । जाओ कालक्खेणं पियमित्तो नाम वरकुमरो ॥ ४५ ॥  
 सो जोववणमणुपत्तो पिडणा संठाविओ निययरज्जे । अइरेण य संजाया वोइसरयणा इमे तस्स ॥ ४६ ॥  
 सेणावइ गाहावइ पुरोहिं गय तुरय वहुई इस्थी । चक्कं छत्तं चम्मं सणि कागणि खगग दण्डो य ॥ ४७ ॥  
 चक्कं छत्तं दण्डो तिसि वि एयाई वामतुल्लाहं । चम्मं दुहत्थदीहं वत्तीसं अहुलाहं असी ॥ ४८ ॥  
 चउरहुलो मणी पुण तस्सद्धं चैव होइ चित्थिण्णो । चउरहुलप्पमाणा सुवण्णवरकागिणी नेया ॥ ४९ ॥  
 नेसप्पे पण्डुयए पिड्डलए सववरयण महरयणे । काले य महाकाले माणवगे<sup>३</sup> नवमए संखे ॥ ५० ॥  
 मणिकणगरयणपुत्ता अहोनिस्सिं चैव दिज्जमाणावि । निट्ठन्ति न पुण्नवसा ते निहिणो तस्स संजाया ॥ ५१ ॥  
 नवजोयण चित्थिण्णा वारस दीहा समूसिया अट्ठ । जक्खसहस्सपरिबुडा चक्कपइट्ठिया नववि ॥ ५२ ॥  
 छक्खण्डविजयत्तेत्तं साहिय आणावडिच्छियं काउं । पियमित्तो बलवन्तो पत्तो चक्खित्तणं पवरं ॥ ५३ ॥  
 चउदसवि जस्स रयणा एक्केक्कणं च सुरसहस्सेणं । निचमहिट्ठियदेहा दोहिं सहस्सेहिं य सरीरं ॥ ५४ ॥  
 चउसट्ठिसहस्साहं जस्स य अन्तेउरं मणभिरामं । वत्तीसं च सहस्सा जस्स वसे मउडवद्धाणं ॥ ५५ ॥

१ व-०संसारे । २ व-चउव० । ३ अ-०गमहानिही । ४ व-०सी जे वह्ज० । ५ व-०च्छाणं ।

बुलसी करिरहलकला अठारस वरतुरङ्गकोडीओ । छन्नवह गामकोडी रिछी एमाहया जरस ॥ ५६ ॥  
 सो चक्कवट्टिभोए सुञ्जन्तो संठिओ पिरं कालं । अह अन्नया कयाई विहरन्तो तस्थ उज्जाणे ॥ ५७ ॥  
 संपत्तो सुणिजुत्तो पोदिलसूरी सुणाणचरणहो । चक्की य वन्दणत्थं तस्स गओ परमभत्तीए ॥ ५८ ॥  
 वन्दित्तु सुहणिसण्णस्स तस्स सूरी परेसि हियनिरओ । संसारुच्छेयकरिं धम्मकहं कहिउमाढत्तो ॥ ५९ ॥  
 अइदुलहं मणुयत्तं जीवाणं कम्मपरिणई चित्ता । ता पाविय सामंगिं कीरउ जिणभासिओ धम्मो ॥ ६० ॥

तत्थ इमेहिं दिठ्ठन्तेहिं दुल्लहं मणुयत्तं—

बोल्लग पासग धन्ने जूए रयणे य सुमिण चक्के य । चम्मजुणे परमाणू दस दिठ्ठन्ता मणुयलम्भे ॥ ६१ ॥ इय दारगाहा ॥  
 चोह्ल त्ति भोयणं चक्कवट्टिपरिवारभरहगेहेसु । भोत्तुं दियस्स दुल्लहं पुण चक्किगिहे तह नरत्तं ॥ ६२ ॥  
 वरलब्धिच्छयपासयपडणे दीणारपत्तिज्यूम्मि । अण्णस्स जओ दुल्लहो जह तह मणुयत्तणं दुल्लहं ॥ ६३ ॥  
 धन्ने त्ति भरहधन्ने सिद्धत्थगपत्थयस्स खेवम्मि । थेरीए अवसोहिय तं भेलण दुल्लहं एयं ॥ ६४ ॥  
 जूयम्मि रज्जकङ्खिस्स जह जओ थेरनिवइत्तस्स । थम्मइसयंसीणं तहेव दुल्लहो मणुयज्जब्भो ॥ ६५ ॥  
 रयणे त्ति भिन्नपोयस्स रयणनाले ससुइमज्झम्मि । अन्नोसणम्मि तल्ला भदुल्लहं माणुसं जम्भं ॥ ६६ ॥  
 सुमिणम्मि चन्दगिलणे रज्जफलं निवसुयस्स सोऊणं । दम्मगल्लेसियत्तस्सुमिणदंस्सणोवसम्मिह नरत्तं ॥ ६७ ॥

१ अ-पुट्टि° । २ व-तो । ३ अ-भगी ।

चंके चि निवुईए सयंवरे जहवि सिक्खकुमरेहिं । चक्कउत्तरराहावेहो दुलहो तह नरत्तं ॥ ६८ ॥  
 सेवालचम्मपिहिए दहम्मि पुव्वोवलङ्खिहस्स । कुम्मेण दंसणं जह पुण दुलहं तह उ मणुयत्तं ॥ ६९ ॥  
 जलहिम्मि पुव्वदिसि खित्तजुंगयछिदम्मि दुल्लहं जह य । अवरदिसि द्वियसम्मिलापवेसणं तह नरत्तम्मिणं ॥ ७० ॥  
 वीसियखम्भरणं भेरुसिरद्वियसुरेण नलियाए । जह फूमिएण दुलहं तैग्घच्चणं तह य मणुयत्तं ॥ ७१ ॥  
 इय दुलहं पुण एयं अन्नाणपमायदोसवहुलस्स । जीवस्स पुढविमाइसु गयस्स जं तेसि कायठिई ॥ ७२ ॥  
 अस्सखोसपिणितसपिणीओ एगिन्दियाण उ चउण्हं । ता चैव ऊ अणन्ता वणस्सईए उ बोद्धव्वा ॥ ७३ ॥

संपह कम्मपरिण्हं निसामेहि—

कम्मेण विचित्तेणं संसारं भमइ चउगाइसमेयं । विविहाओ अवत्थाओ पावइ जीवो सक्कम्मेणं ॥ ७४ ॥

तथाहि—

जो मारओ जियाणं परधणपरदारहिंसओ चण्डो । मंहआरम्भपरिगहसत्तो सुणिखिसणपरो य ॥ ७५ ॥  
 कुणिमाहारपसङ्गी तन्दुलमच्छो व्व रुद्धपरिणामो । मिच्छविट्ठी मरिउं दुहपरे जाइ सो नरए ॥ ७६ ॥

तत्थवि—

पढम्मसन्नी बीधं सिरीसिवा पक्खिणो य तइयम्मि । सीहाइया चउत्थि उरगा पुण पञ्चमं जन्ति ॥ ७७ ॥

१ अ-°कि चि । २ व-°जूयछि° । ३ व-तह घ° । ४ अ-गुरु° । ५ व-रोह° । ६ व-°उरगाई प° ।

छट्टं च नरित्थीओ मच्छा मणुया य सत्तमं नरयं । उक्कोसेणं एसा भणिया नरयम्मि उप्पत्ती ॥ ७८ ॥  
 अट्टज्झाणोवगया परदुक्खुप्पायगा नियडियहुला । बहुमोहंभाणपरा जीवा तिरियत्तणमुवेन्ति ॥ ७९ ॥  
 अप्पकसाया दाणुज्झया य खमविणयमद्वपहाणा । दक्खिणपरा पर्यईएँ भद्दगा जन्ति मणुयत्तं ॥ ८० ॥  
 जे य महव्वयधारी अविरयसम्मा य देसविरया य । जिणपूयणदाणरया यालतवाऽकामनिज्जरणा ॥ ८१ ॥  
 परिणामविसुद्धीए देवाउयकम्मयन्धजोगाए । नरपञ्चिन्दियतिरिया सुरगइगमणं समज्जिन्ति ॥ ८२ ॥

अवि य—

साहू जा सव्वट्टं सोहम्मा जाव अञ्चुयं सट्ठो । वावन्नदंसणो वि हु सुणिलिद्धी जाव गेवेज्जे ॥ ८३ ॥  
 पञ्चिन्दिओ तिरिक्खो गुणधारी जाइ जा सहस्सारं । परिवायगा य दम्भे जोइसिए तावसा जन्ति ॥ ८४ ॥  
 बालतवे पडिवद्धा उक्कडरोसा तवेण गारविद्या । वेरेण य पडियद्धा मरिडं असुरेसु गच्छन्ति ॥ ८५ ॥  
 रज्जुगहणे विसभक्खणे य जलणे य जलपवेसे य । तण्हाछुहाकिलन्ता मरिऊणं होन्ति वन्तरिया ॥ ८६ ॥  
 असढा विणयपहाणा सुसहवा अप्पलोह खमजुत्ता । सघव्वया अचवला महिला पुरिसत्तणमुवेइ ॥ ८७ ॥  
 अलियव्वभक्खानरओ असच्चभासी य बच्चलसहावो । साहसकारी परवच्चणो य पुरिसो हवइ महिला ॥ ८८ ॥  
 जो तुरयवसहमहिसाइयाण निह्लच्छणं कुणइ कूरो । उक्कडमोहो य तहा जीवो संढत्तणमुवेइ ॥ ८९ ॥

१ अ-छट्टि । २ व-°हिंसा य परा । ३ अ-अणुए । ४ अ-°वेति ।

पुढवाईवहनिरओ परलोयं नेय मणए मूढो । अहसङ्किलिट्ठकम्मो अप्पाऊ सो भवे पुरिसो ॥ ३९० ॥  
 सीलव्वयखन्तिजुयो अणुकरूपासंजुया महुरभासी । पाणिवहाओ नियत्ता दीहाऊ जन्तुणो होन्ति ॥ ३९१ ॥  
 सयणासणवत्थं वा भत्तं पत्तं च ओसहं पाणं । साहूण देह तुडो सो भोगी जायए पुरिसो ॥ ३९२ ॥  
 देह न निययं सन्तं दिशं हारेह वारए दिन्तं । देह य अमणुन्नं वा भोगेहिं विवज्जिओ होइ ॥ ३९३ ॥  
 अगुणो वि गव्विओ जो अप्पं संधुणह निन्दह गुणहुं । माणी विडम्बओ जो सो जायह दुब्भगो पुरिसो ॥ ३९४ ॥  
 गुरुदेवाणं भत्तो विणयपरो खन्तिजुत्त मिउभासी । सव्वजणप्पियकारी सो पुरिसो जायए सुहंगो ॥ ३९५ ॥  
 जो पढइ सुणह चिन्तइ अन्नं पाढेह देह उवएसं । सुयगुरुभत्तीजुत्तो मरिउं सो होइ मेहावी ॥ ३९६ ॥  
 तवणाणगुणसमिद्धं अवमन्नह वड्डइ य विग्घस्मि । पढणसवणाइयाणं दुम्मेहो होइ सो पुरिसो ॥ ३९७ ॥  
 पक्खीण सावयाण य विच्छोहं न य करेइ जो पुरिसो । जीवेसु य कुणह दयं तस्स अवचाइं न मरन्ति ॥ ३९८ ॥  
 जो परछिदाइ अदिट्ठयाइ दिट्ठाइ जम्पइ अणज्जो । छायाभंसपयत्तो जच्चन्धो होइ सो मणुओ ॥ ३९९ ॥  
 असुयं पि सुयं भासइ धम्मविरूढाइ कहइ लोयस्स । पिसुणो परतत्तिल्लो सो बहिरो होइ मूओ य ॥ ४०० ॥  
 दहणं कणघायणछेयणेहिं दुक्खं जियाण पकरिन्तो । बहुरोगी होइ नरो विचरीओ जायइ अरोगो ॥ १ ॥  
 जो कुणह अन्तरायं धणज्जणे णासगं व्वं अवहरइ । परधणहरणपसत्तो दोगच्चं लहइ सो पुरिसो ॥ २ ॥

१ व-वय० । २ व-०त्ता । ३ अ-०हओ । ४ व-व ।

महुघाय अग्निदाहं वह्णं जो कुणह इत्थियार्हणं । बालवणस्सइघाई कुडी सो जायए पुरिसो ॥ ३ ॥  
जो महिस खरं करहं अइभारारोवणेण पीडेइ । अहवा मणुस्सजाइं सो पुरिसो खुज्जओ होइ ॥ ४ ॥  
मण्टा वैडभा य सथा साहूणैमणज्जकारिणो होन्ति । विच्छोहकारयाणं न पयाण थिरत्तणं होइ ॥ ५ ॥  
तवसीलसंजुयाणं जो जम्पइ विप्पियं असचं वा । सो पूइसुहो जायह कुण्ठो पुण पण्हियाएणं ॥ ६ ॥

तो सामग्गिं पावियत्ति संपइ वणिज्जइ—

माणुस्सखेत्तजाई कुलरूवारोगमाउयं बुद्धिं । धम्मसुइअवधारणसद्धा धम्मस्स सामग्गी ॥ ७ ॥

तत्थ मणुयत्तं पढमं साहणं धम्मस्स—

जं माणुसजम्मे चिय पडिपुन्नो संजमो तवो होइ । दव्वत्थओ य परमो विसिद्धसग्गोऽपवग्गो य ॥ ८ ॥  
तत्थवि आरियखेत्ते मगहादेसाइए मुणिविहारे । न उ सगजवणाईए विवज्जिए धम्मसद्धाए ॥ ९ ॥  
रायगिह मगह चम्पा अङ्गा तह तामलित्ति वङ्गा य । कच्चणपुरं कलिङ्गा वाणारसि चैव कासी य ॥ ४१० ॥  
साएँय कोसला गयपुरं च कुरु सोरियं कुसदा य । कम्पिहं पञ्चाला अहिच्छत्ता जङ्गला चैव ॥ ११ ॥  
वारवई य सुरदा मिहिल विदेहा य वच्छ कोसम्बी । नन्दिपुरं सण्डिब्भा भद्विलपुरमेव मल्लया य ॥ १२ ॥

१ अ—मण्डा अनङ्गुलयः । २ ‘वडमा’ इति वामनाः । ३ अनाज्ञाकारिणः । ४ व—ञाए । ५ व—केय । ६ व—लए य ।

वहराड वच्छ वरुणा अच्छा तह मन्नियावह दसन्ना । सोत्तियमई य चेई य वीहैभयं तिन्यु सोवीरा ॥ १३ ॥  
 महुरा य सूरसेणा पावा भङ्गी य मासपुरिवदा । सावत्थी य कुणाला कोडीवरिसं च लाढा य ॥ १४ ॥  
 सेयवियावि य नयरी केयहअद्धं च आरियं भणियं । जत्थुप्पत्ति जिणाणं चक्खीणं रामकण्हाणं ॥ १५ ॥  
 सगजवणसवरबन्बरकायसुरुण्डोडुगोडपक्खणया । अरवागहोणरोमथपारसखसखासिया चेव ॥ १६ ॥  
 डौविलवलउसवोक्कसभिह्लिन्दपुलिन्दकुम्भमररुया । कुञ्जा य चीणत्तुयमालवदमिलाकुलग्घा य ॥ १७ ॥  
 केकयकिरायहयसुहखरसुहगयतुरगमिण्डगमुहा य । हयकन्ना गयकन्ना अण्णे वि अणारिया बहवे ॥ १८ ॥  
 पावा य चण्डकम्मा अणारिया निग्घिणा निरणुक्म्पा । धम्मो त्ति अदखराइं तेसु न नज्जन्ति सुविणेऽवि ॥ १९ ॥  
 माहससुत्था जाई जम्हा सा माहसुद्धिओ भणिया । पीहससुत्थं च कुलं जं पिउसुद्धं तयं भणियं ॥ ४२० ॥  
 जाईए संपन्नो सुविणीओ होइ सुस्सहावो य । लज्जइ अकज्जकरणे तम्हा जाईवि धम्मगुणो ॥ २१ ॥  
 वयनियमतवविसेसस्स पारगामी सयं पवन्नस्स । होइ न कुलपरिहीणो कुलं पि धम्मस्स हेउ त्ति ॥ २२ ॥  
 हीणाहियजुवङ्गो विसमसहावो उ होइ पाएणं । ता ख्वं धम्मगुणो जत्थागीई गुणा तत्थ ॥ २३ ॥  
 कुहजलोयरसोसाइएहिं रोगेहिं चिहुरियसरीरो । नालं वयगहणाइसु ता आरोगं पि धम्मगुणो ॥ २४ ॥  
 कह कुणइ नाणवुहिं तववुहिं संजमस्स सो बुहिं । जो मणुओ अप्पाऊ धम्मगुणो आउयं तेण ॥ ४२५ ॥

१ व-०तीमं । २ ब-चेई । ३ व-वीमं । ४ अ-०डुं । ५ अ-०लद्धं । ६ ब-०को । ७ ०णुतावी ।



हेयमुवाएयं वा न जाणए विमलबुद्धिपरिहीणो । न य धम्माहपरिक्खं बुद्धी ता धम्महेउ त्ति ॥ २६ ॥  
 संवेगो निव्वेओ नाणावरणस्स तह खओवसमो । तत्ताहिगमो जायइ गुरुवएसस्स सवणगुणा ॥ २७ ॥  
 निसुयं पि छिड्डुकुडसंनिभस्स न हवइ विसिद्धगुणहेऊ । अवधारणरहियस्स य तम्हा अवधारणा परमा ॥ २८ ॥  
 निसुयमवधारियं वा सद्धारहियस्स कं गुणं कुणइ । देवगुरुधम्मतत्ते सद्धा ता सव्वगुणहेऊ ॥ २९ ॥  
 इय एसा सामग्गी दुलहा जीवाण भवसमुद्धम्मि । धम्मरहियाण जायइ निरत्थिया ता तयं कुणह ॥ ४३० ॥  
 भवकूवे निवडन्तं हत्थालम्बो व धरइ जो जीवं । सो धम्मो त्ति पबुच्चह सो पुण जिणभासिओ चेव ॥ ३१ ॥  
 रुक्खेसु कप्परुक्खो मणीसु चिन्तामणी जह पहाणो । अमयं रसेसु गोसीसचन्दणं चन्दणेसु जहा ॥ ३२ ॥  
 तह पावकम्ममहणो सयलदुहनिवारणो सुहनिहाणं । सव्वेसिं धम्माणं जिणधम्मो चेव सुपहाणो ॥ ३३ ॥  
 सव्वेसिं जीवाणं अहिंसणं चेव थावरतसाणं । सचवइभासणं तह अदिन्नपरत्तथुपरिहरणं ॥ ३४ ॥  
 अव्वग्भवज्जनं तह सव्वाओ परिग्गहाओ वेरमणं । राईभोयणविर्डं समिईओ तिन्नि गुत्तीओ ॥ ३५ ॥  
 समसत्तुमित्तभावो समतिणमणिलेद्धुकञ्चणत्तं च । सव्वत्थ निग्गमत्तं असत्तिहीसंचओ चेव ॥ ३६ ॥  
 खन्तीमद्वअज्जवमुत्तीतवनियमवग्गमुत्तीओ । पडिलेहणापमज्जणसज्झाओ ज्ञाणजोगो य ॥ ३७ ॥  
 दसहा सामायारी इच्छाकारो य भिच्छकारो य । तइओ य तहकारो निसीहिधावस्सिया चेव ॥ ३८ ॥

१ अ-०ताभि० । २ ब-तहा ।

आपुच्छण पडिपुच्छा निमन्तणा छन्दणा य साहूणं । उवसंपया गुरूणं एमाई साहुधम्मो य ॥ ३९ ॥

तथा—

पञ्च य अणुव्वयाइं गुणव्वयाइं च होन्ति तित्तेव । सिक्खावयाइं वउरो सावगधम्मो हुवालसहा ॥ ४४० ॥

अन्नं च—

सुहातियसुद्धीए पञ्चङ्गणामपुव्वयं विहिणा । कुणइ तिसज्झं सहो चीवन्दणमेगचित्तो उ ॥ ४१ ॥

तथाहि—

पुव्वणहे समणोवालगस्स पाणिं पि कप्पइ न पाउं । मो जाव चेइयाइं साहूवि य वन्दिया विहिणा ॥ ४२ ॥  
मज्झणहे पुणरवि वन्दिऊण नियमेण कप्पए भोत्तुं । पुण वन्दिऊण ताइं पओससमयम्मि सो सुयइ ॥ ४३ ॥  
एयस्स फलं मोक्खो तयभावे होइ सुरसुहसुयारं । सुकुलुप्पत्ती वोही पव्वज्जा मोक्खसंपत्ती ॥ ४४ ॥  
इह लोकेऽवि न हाणी पायं निववण्हितक्कराईहिं । अन्नेऽर्विं य उवसग्गा न होन्ति एयम्मि जुत्ताणं ॥ ४५ ॥

तथा—

पहार्णविलेवर्णेवरवासैकुसुमधूर्वेक्खएहिं वंत्थेहिं । रयणकणर्गाइएहिं करेइ पूयं जिणिन्दाणं ॥ ४६ ॥  
जत्थत्थि चेइयाइं जत्थ य साहूहिं होइ संजोगो । जत्थन्ने साहम्मो तत्थ निवेसे वसइ सहो ॥ ४७ ॥

१ व-पाण । २ व-क्षिय ।

साहुसगासै सवणं पञ्चकखाणं अपुठवपढणं च । दाणं च साहुवग्गे नित्थस्स पभावणं कुज्जा ॥ ४८ ॥  
 तित्थाण वन्दणं सुहभावनवकारचिन्तणार्हयं । एमाह सावयाणं नरिन्द ! धम्मो समकखाओ ॥ ४९ ॥  
 इय सोउं सो चक्की परमं संवेगमागओ खिप्पं । अट्ठाहियमहिमाओ काऊण जिणिन्दभवणेसु ॥ ४५० ॥  
 दाऊण महादाणं रज्जे संठाविऊण नियपुत्तं । निक्खन्तो सुपसन्तो पोडिलसूरिस्स पासम्मि ॥ ५१ ॥  
 वासक्कोडिं पालिय सामणं निक्कलं महासत्तो । चुलसीइ पुव्वलक्खा सव्वाउं पालइत्ता णं ॥ ५२ ॥  
 अणसणविहिणा कालं काउं सुहझाणभावणाजुत्तो । सव्वट्ठविमाणम्मि उववन्नो सुक्ककप्पम्मि ॥ ५३ ॥  
 सत्तरस्स सागराऊ तम्मि य सो दिव्वभोगडुल्लिओ । नियमाउयमणुपालिय आयाओ मणुयलोगम्मि ॥ ५४ ॥  
 नयरीएँ छत्तगाए जियसत्तू नरवई महिहीओ । भद्दा य तरस्स भज्जा सव्वन्तेउरपहाणा उ ॥ ५५ ॥  
 सो तेसि सुओ जाओ परममहासुमिणसूइओ सुहओ । रुव्वंसी बन्धुपिओ नन्दणनामो सुकयपुत्तो ॥ ५६ ॥  
 सो पञ्चधाइकलिओ कलाकलावेण तणुउववणं । वट्ठन्तो चन्दो इव मणुणत्तारुणमणुपत्तो ॥ ५७ ॥  
 परिणाविओ य पिउणा बहुयाओ पवररायकन्नाओ । रज्जे य तयणु ठविओ पव्वज्जं घेचुक्कामेणं ॥ ५८ ॥  
 कयसव्वपयारक्खं रज्जसुदगं च विजियपडिक्खं । बहु समईओ कालो नाएणं पालमाणस्स ॥ ५९ ॥  
 न य परचक्कपवेसो न च बन्दिगहो न तक्करप्पसरो । न य किं पि य उडुभरं संजायं जस्स रज्जम्मि ॥ ४६० ॥

१ व-रुव्वंसी । २ व-रज्जे तयणुडु ।

सो पयइ चिय कारुणसायरो पुरिसघारसोडीरो । सुमई य दाणनिरओ सुप्पियम्मो सहावेणं ॥ ६१ ॥  
तत्थन्नया कयाई पोडिलसूरी समागओ महं । छत्तीसगुणसम्मगो उज्जाणे साहुपरियरिओ ॥ ६२ ॥  
ते य गुणा पुण एए—

देसकुलजाइख्वे संघयणे धीजुओ अणासंसी । अविकत्थणो अमाइ थिरपरिवाडी गहियवक्को ॥ ६३ ॥  
जियनिहो जियपरिसो मज्झत्थो देसकालभावणू । आसणलद्धपइओ नाणाविहदेसभासणू ॥ ६४ ॥  
पञ्चविहे आयारे जुत्तो सुत्तत्थतदुभयविहणू । आहरणहेउकारणनयनिउणो गाहणाकुसलो ॥ ६५ ॥  
ससमयपरसमयविजु गम्भीरो दित्तिमं थिरो सोमो । इय छत्तीसगुणजुओ आयरिओ होइ हुं जहत्थो ॥ ६६ ॥  
तस्सागमणं नाउं सहरिसचित्तो महाविभूईए । नीहरइ वन्दणत्थं मयगलखन्धं समारुहिउं ॥ ६७ ॥  
वन्दिता य निसन्नो परितुडो धम्मलाभदाणेणं । भयवं पि महुरवाणी उच्चएसं दाउमाढत्तो ॥ ६८ ॥  
संसारे नत्थि सुहं चउसुं पि गईसु वट्टमाणणं । जीवाणसओ भदा ! सोक्खत्थं आयरं कुणह ॥ ६९ ॥  
तथाहि—

अच्छिनिमीलणमेत्तां पि नत्थि सोक्खं जियाण नरयम्मि । सारीरमाणसेहिं दुक्खेहिं पच्चमाणानं ॥ ७० ॥  
उवचन्नस्स उ नरए सुँडधडियालमज्झघारम्मि । सण्ढासकहुणाओ पढमं चिय दारुणं दुक्खं ॥ ७१ ॥

१ अ-सिठो । २ व-उ । ३ अ-उत्तो । ४ व-उज्जम । ५ व-कुड० ।

उणहनरथाउ गिम्हे पज्जलियच्चियाएँ नारगो खित्तो । देवेण सुहं मन्नहं अइउणहं उणहरएसु ॥ ७२ ॥  
 कत्थइ य गाढसीयं इहच्चसीयाउ तं असंखगुणं । अयभारसहस्समओ गोलो जेणं विलिजेज्जा ॥ ७३ ॥  
 केइवि कुम्भीपागं भडित्तपागं च भट्टपागं च । केइवि लोहीपागं कुणन्ति इय अगिगवियणाओ ॥ ७४ ॥  
 कुवन्ति जन्नपीलं केइवि करवत्तदारुणं घोरं । केइवि सिलायलम्भी अच्छोडणमम्बरस्सेव ॥ ७५ ॥  
 कुवन्तसिपत्तवणं पडन्तपत्तेहिं लुणइ अज्जाइं । जं चक्कासिसमेहिं केइवि सुलासु रोवेन्ति ॥ ७६ ॥  
 तिकखेहिं वासिपरसूकर्पणिचक्कासिखुरियमाईहिं । कण्णोडनासिकरचरणबाहुगीवाओ छिन्दन्ति ॥ ७७ ॥  
 जीहच्छिमुक्खणंति उ कुच्छीहियओदराणि भिन्दन्ति । सेल्लेहिं तिसूलेहिं य पहरन्ति यमोगगरोहिं सिरे ॥ ७८ ॥  
 कुवन्ति कण्ठयाउलसिम्बलिरुक्खावरुण्णं करिउं । कड्ढोकड्ढीदुक्खं उक्कत्तन्ती य तणुखल्लं ॥ ७९ ॥  
 तैम्बतउसीसयाइं केइवि पाइन्ति कढकढिन्ताइं । तिसिए परमाहम्मी नेरइए कन्दमाणे उ ॥ ४८० ॥  
 वेयरणीएँ णईए जलन्तवसरुहिरपूयपुन्नाए । बोलन्ति ये लोलन्ति य अइतत्ते वालुयापुलिणे ॥ ८१ ॥  
 खावन्ति समंसाइं खण्डेहिं जे भविंसु मंसासी । तत्तायसमहिलाओ आलिङ्गावन्ति परदारी ॥ ८२ ॥  
 जोइत्तिय लोहरहे जलन्तसमिलालुगम्मि महिसे व्व । अवहन्ते पुण रुसिउं कुइन्ति य लउडघाएहिं ॥ ८३ ॥  
 कत्थइ य रिच्छचित्तयवराहसहलसुण्णयमाईहिं । वेउव्वियरुवेहिं खायन्ति सुतिकखलुण्डेहिं ॥ ८४ ॥

१ अ-इय उ० । २ ब-०प्पण च० । ३ ब-०हण० । ४ न-तउतम्ब० । ५ न-य अतितत्ते अत्रे पुण वा० । ६ ह० । ७ अ-०णह० ।

बन्धन्ति उद्धपाए जलन्तजलणोवरिं च तरुचिडवे । पाडिन्ति अम्बराओ पडियं च सिलाहिं चुन्नन्ति ॥ ८५ ॥  
 मोरेह हणह छिन्दह भिन्दह खहरं वं कुट्टह दहेह । एयस्स लेहवद्धे इय सहे ते पभासन्ति ॥ ८६ ॥  
 हा ताथ ! पट्ट ! सामिय ! भाइय ! पणओऽम्हिह तुम्ह दासोऽहं । मा मं दीणमणाहं सरणागयमिय कयत्थेह ॥ ८७ ॥  
 एवं पि विलवमाणं सेहिनति उ दढयरं विगयकरुणा । न मरन्ति ते अकाले सहस्ससो खण्डियतणूवि ॥ ८८ ॥  
 इय नारयदुक्खाइं अपमाणाइं न साहिउं तरइ । अतिसयनाणविरहिओ तमन्धयारेसु नरएसु ॥ ८९ ॥  
 तीसु परोप्परजणियं परमाहम्मियकयं च पुढवीसु । दुक्खं नेरइयाणं सेसासु परोप्परकयं तु ॥ ९० ॥  
 तिरियगईए दुक्खं पच्चक्खं चेव दीसइ जियाणं । पञ्चेन्दियपल्लवसाणयामेगिन्दियादीणं ॥ ९१ ॥  
 सिसिरम्मि सीयदुक्खं गिम्हेसु य चण्डआयवसमुत्थं । वासासु निरन्तरमेहवारिभूयं कओ सोक्खं ॥ ९२ ॥  
 वाएण य वज्झडणं खुहापिवासाओ सत्थेघायं च । वाहण दोहण दहणंकणं च छविठेयस्खं च ॥ ९३ ॥  
 केइवि आराविन्धणमन्ने पुण ताडणं कसादीहिं । अङ्कुसदारणमवरे सहन्ति अवरे य गुरुभारं ॥ ९४ ॥  
 केइ गलकत्तणाइं जालगहणं च पासबन्धं च । वागुरबन्धं पञ्जरबन्धं च सहन्ति दीणमणा ॥ ९५ ॥  
 किञ्चि दुहं मणुयकयं किञ्चि परोप्परकयं तिरिक्खेसु । कालाहभावजणियं किञ्ची किञ्चिच्च सयमेव ॥ ९६ ॥  
 मणुयगईए दुक्खं असुईकीडियसमस्स गब्भम्मि । पढमं चिय अइदुसहं जायइ संकोडियङ्गस्स ॥ ९७ ॥

१ ब-घ । २ ब-तोत्तधा° । ३ अ-° हिनति । ४ ब-गलजालगहं । ५ ब-एवं मणुयगईए दुक्खं असुहंमि कीडियसमस्स । गब्भंमी पढम चिय जायइ° ।

अणियं च—

अग्निगव्वन्नाहिं सुहहिं संभिन्नस्स निरन्तरं । जावतियं जायए दुक्खं गम्भे अट्टगुणं तओ ॥ ९८ ॥  
गम्भाओ नीहरन्तस्स जोणीजन्तनिपीलणे । जं तं सयगुणं तत्तो सहस्सगुणमेव वा ॥ ९९ ॥  
दन्तुब्भेयाईसुं दुक्खं बालत्तणे जुवत्ते य । इच्छियवत्थुअजोगे अहवा पियविप्पओगम्मि ॥ ५०० ॥  
इन्दियहाणीकम्पणपरिभवणाई दुहं च थेरत्ते । मरणदुहं पुण सो चिय जाणइ अहवावि सव्वण्णू ॥ १ ॥  
दारिदं दोहगं इडवियोगं च अत्थणासो य । दासत्तं पेसत्तं परसेवा आवईओ य ॥ २ ॥  
चिन्ता सोगो बहुवाहिवेयणा तह कुभोयण कुवासो । कुकलत्त कुपुत्तत्तं सयणं नरवाहणाभावो ॥ ३ ॥  
सयणविरोहो कन्नापेद्धत्तणं सीयतावद्धहतणहा । एमाइमणुयलोए पयडं चिय दीसए दुक्खं ॥ ४ ॥  
देवाणवि णत्थि सुहं कोहाइकसायकलुसियमणाणं । समयम्मि जओ एए निदंसिया दुक्खहेउ त्ति ॥ ५ ॥

तथाहि—

सपरोभयाण संतावकारओ कुगइगव्वणहेउ य । पीईविच्छेयकरो कोहो ता दुक्खहेउ त्ति ॥ ६ ॥  
माणोऽवमाणहेउ मन्नस्सवि कुणइ भाणिणोऽवत्तं । गुरुविणयभंसकारी भाणो इय दुक्खहेउ त्ति ॥ ७ ॥  
माया कुविगप्पेहिं अवमाणेहिं परवच्चणनिमित्तं । चित्तस्स दाउलत्तं कुणइ अतो दुक्खहेउ त्ति ॥ ८ ॥

१ व-तयं ! २ व-°बहु° । ३ ब-माणओ ।

रक्खणवायामेणं सन्तेसु असन्तएसु कंक्खाए । अज्झणवाचारेणं लोभो दुक्खवस्स हेउ त्ति ॥ ९ ॥  
 ईसा भयं विसाओ मदलियत्ताइ आभिओगित्तं । केसिञ्चि सुराण दुहं किव्विसियत्तं च केसिञ्चि ॥ ५१० ॥  
 पियदेवीए चवणे गुरुदुक्खं रूसणम्मि वा तीए । छम्मासियवियणाए महिद्धियसुरस्स घाएणं ॥ ११ ॥  
 सुररिद्धिं चिन्तेन्तो चवणं सग्गाउ गन्भवासम्मि । असुइम्मि य उववायं सहइ महन्तं सुरो दुक्खं ॥ १२ ॥  
 इय चउगइयं दुक्खं नाऊण विवेइणो सुकयकम्मा । भवपरिभम्मैणुव्विग्गा कुणन्ति धम्मं जिणाभिहियं ॥ १३ ॥  
 एवं निसामिउं सो तुरियं चिय भवविरागमावन्नो । राया पभणइ भयवं ! असंसयं एवमेवेयं ॥ १४ ॥  
 काऊण रज्जसुत्थं दिक्खागहणेण तुम्ह पासम्मि । करिकन्नचलं माणुसजम्मं सफलं करिस्सामि ॥ १५ ॥  
 देवाणुपिया ! तुज्झं अहासुहं मा करेह पडिबन्धं । किच्चमिणं भविघाणं इय भणिओ सूरिणा तुडो ॥ १६ ॥  
 गन्तूण नियं भवणं आपुच्छेऊण मन्तिसामन्ते । रज्जे संठविय सुयं काऊण जिणिन्दपूयाइ ॥ १७ ॥  
 सिवियारूढो गन्तुं उज्जाणं पवररिद्धिफलकलियं । नमिऊण सुगुरुचलणे जम्पइ पञ्जलिउडो एवं ॥ १८ ॥  
 आलित्तो य पलित्तो भयवं ! सन्वो वि एस लोगो त्ति । आलित्तपलित्तोऽवि य जराएँ रोगेहिं मरणेणं ॥ १९ ॥  
 जह गेहम्मि पलित्ते तस्स पहु सारवक्खरं गिण्हे । नित्थारियमेयं मे हियं सुहं होहिही नूणं ॥ ५२० ॥  
 एवमहं अग्गपाणं नित्थारिस्सामि दुहपलित्तम्मि । भवरणे पडिबज्जिय दिक्खं सासयसुहनिमित्तं ॥ २१ ॥

१ अ-सुरगणानं । २ ब-°याए वियणा । ३ अ-°भव° । ४ ब-य गुरु° । ५ ब-नीणे ।



संवलणवि रहिओ जो पडिवलइ महन्तमद्धानं । सो वचन्तो पावइ दुक्खं तंणहाछुहाहिंतो ॥ २२ ॥  
 एवं धम्ममकाउं सुहजणं परभवम्मि जो जाइ । सो होइ दुक्खभागी पए पए जम्ममरणत्तो ॥ २३ ॥  
 ता पव्वावेह ममं काऊणाणुगहं सहत्थेण । सिक्खवह साहुकिरियं सीसोऽहं तुम्ह पघसेवी ॥ २४ ॥  
 पव्वाविओ य गुरुणा जहाविहाणेण सुद्धलेसिल्लो । विहरइ य तेहिं सद्धिं विणीयविणओ पसन्तप्पा ॥ २५ ॥  
 अब्भसियसाहुकिरिओ सुत्तत्थविसारओ य अइरेण । मासोववासणिरओ निरन्तरं धीरसत्तो सो ॥ २६ ॥  
 दोहिं पि बन्धणेहिं रहिओ दोहिं असुद्धज्ञाणेहिं । दण्डेहिं गारवेहिं य सल्लेहिं तिहिं वि परिमुक्को ॥ २७ ॥  
 उवसन्तचउकसाओ विगहासन्नाहिं वज्जिओ चउहिं । पञ्चकिरियानियत्तो पञ्चसु कामेसु वि विरत्तो ॥ २८ ॥  
 पञ्चसु सैमिइसु समिओ छल्लीवनिकायरक्खणपरो य । सत्तभयठाणरहिओ अट्टमयट्ठाणपरिहीणो ॥ २९ ॥  
 नववम्भवेरगुत्तिसु उवउत्तो दसविहम्मि धम्मम्मि । अट्टारसविहवम्भे सुरो बारसविहत्ते य ॥ ५३० ॥  
 पञ्च विहे सज्जाए उज्जुत्तो चउविहोवसणेहिं । अखलियचित्तो धीरो बावीसपरीसहेहिं च ॥ ३१ ॥  
 वीसाए ठाणेहिं बहुसो आसेविएहिं विमलेहिं । तित्थयरनाप्रकम्मं नन्दणमुणिणा अए निबद्धं ॥ ३२ ॥

वीसं ठाणाणि पुण इमाणि—

अरहन्तसिद्धपवयणशुद्धेयरबुद्धसुए तवस्सीसुं । वच्छलं कुणमाणो तित्थयरत्तं समज्झिणइ ॥ ३३ ॥

१ अ-तणं । २ व-सगीसु । ३ य-°रुवहुसुयथेरसत्तव° ।

सद्धो पवयणमत्थं गुरुणो धम्मोवएसगंईया । सुत्तत्थोभयधारी बहुस्सुया हुन्तेवेक्खाए ॥ ३४ ॥  
 जाईसुयपरियाए पडुच्च थेरो तिहा जहकमेणं । सढीवरिसो समवायधारओ वीसवरिसो य ॥ ३५ ॥  
 भत्तीपूयावन्नप्पयडणवज्जणमवन्नवायस्स । आसायणपरिहारो अरहन्तादीण वच्छल्लं ॥ ३६ ॥  
 नाणुवओगो भिक्खं दंसणसुद्धी य विणयसुद्धी य । आवस्सयजोगेसुं सीलवएसु य निरइयारो ॥ ३७ ॥  
 संवेगभावणाप्पानसेवणं खणलवाइकालेसुं । तवचरणं जइजणसंविभागकरणं जहासत्ती ॥ ३८ ॥  
 वेयावच्चं दसहा गुरुमार्इणं समाहिजणणं च । किरियादारेण तथा अपुव्वनाणस्स गहणं च ॥ ३९ ॥  
 आगमबहुमाणो वि य तित्थस्स पभावणा जहासत्ती । एणहिं ठाणेहिं तित्थयरत्तं लहइ जीवो ॥ ५४० ॥  
 इय सो पैचूयकालं सामन्नं निक्कलं चरेऊणं । पज्जन्ते आराहणमेयं काउं समाढत्तो ॥ ४१ ॥  
 दुक्कडगरिहा जैन्तूण खामणं भावणा य चउसरणं । पञ्चण्ह नमोक्कारो अणसणमाराहणा एसा ॥ ४२ ॥

तत्थ दुक्कडगरिहा—

कालविणयाइओ खलु नाणायारो य अट्ठहा भणिओ । जो मे तत्थइयारो कोइ कओ तमिह निन्दामि ॥ ४३ ॥  
 निस्सङ्कियाइयम्मी अट्ठविहे दंसणस्स आयारो । जो अइयारो विहिओ तिचिहेणं वोसिरे तं पि ॥ ४४ ॥  
 सुहुमो य वायरो वा पाणिवहो मोहलोहजुत्तेणं । जो कोइ कओ पुंवि तिविहेणं वोसिरे तमहं ॥ ४५ ॥

१ व-०मार्ई० । २ व-०न्तवि० । ३ व-बहुयं का० । ४ व-०मेवं । ५ व-जीवा० ।

जं किञ्चि सुसं भणियं हासभया कोहलोहमोहेहिं । तं सव्वं निन्दामिं पायच्छित्तं पवज्जामि ॥ ४६ ॥  
 अप्पं बंहुं व कत्थइ परदव्वमदिन्नयं च जं गहियं । रागेण व दोसेणं तं सव्वं मज्झ वोसिरियं ॥ ४७ ॥  
 जं सुरत्तिरिक्खमाणुसंमेहुणमासेवियं मए पुठ्ठिं । तिविहेणवि करणेणं तं निन्दे तं च गरिहामि ॥ ४८ ॥  
 जो कोऽवि लोहदोसा धणधन्नचउप्पयाइवहुभेओ । गहिओ परिग्गहो मे वोसिरिओ सो मए इण्हिं ॥ ४९ ॥  
 राईए जो भुत्तो असणाइचउव्विहोऽवि आहारो । इन्दियवसगेण मए तं पि य निन्दामि भावेण ॥ ५० ॥  
 जो पुत्तकलत्तेसुं बन्धुसु गित्तेसु गिहधणे धन्ने । एमाईसु ममत्तो सो सव्वो मज्झ वोसिरिओ ॥ ५१ ॥  
 जो कोइ कओ कोहो माणो माया य दुडलोहो य । रागो दोसो कलहो पेसुन्नं परपरीवाओ ॥ ५२ ॥  
 अब्भक्खाणं इय एवमाइ जं किञ्चि दुडुमायरियं । अन्नाणाइवसेणं तं तिविहं वोसिरे सव्वं ॥ ५३ ॥

जन्तुखामणं पुण—

जो कोइ मए वहिओ कहुयं भणिओ य जरस्स मे हरियं । अवयारी जस्स कओ सव्वोऽवि हु खमउसो मज्झं ५४  
 भित्तो व अमित्तो वा सयणो वा परजणो व जो कोइ । सो खमउ मज्झ सव्वो समभावो मज्झ सव्वेसु ॥ ५५ ॥  
 देवत्तणम्मि देवा तिरिया तिरियत्तणम्मि जे केइ । नरयस्मि वि नेरइया मणुया मणुयत्तणे जे उ ॥ ५६ ॥  
 दुक्खम्मि मए ठविया खलन्तु ते मज्झ खामणपरस्स । अहम्मवि खामभि तेसिं भेत्ती मे सव्वं भूएसु ॥ ५७ ॥

१ व-बहुयं । २ व-कोइ । ३ व-खामणा पुण । ४ व-जीवेसु ।

भावणा पुण—

जीयं जोव्वणमिद्धी ख्वं पियसंगमो बलं सव्वं । विसमवरमारुयाहयकुसगजलचिन्दुणा सरिसं ॥ ५८ ॥  
जम्मजरामरणेहिं अभिभूयाण बहुवाहितत्ताणं । जन्तूण नत्थि सरणं धम्मो जिणभासिओ मोत्तुं ॥ ५९ ॥  
सव्वे जाया सयणा सव्वे जीवा य परजणा जाया । सव्वेसिं जीवाणं पडिबन्धं तेसु को कुणह ॥ ६० ॥  
एगो पावह जम्मं एक्को चिय सरह कम्मवसगो त्ति । एगो सुहदुक्खाइं जीवो अणुहवह संसारे ॥ ६१ ॥  
अन्नं इमं सरीरं अन्ना धणधन्नसंपया सयूला । अन्नो य एस जीवो बहुहा परिभमह संसारे ॥ ६२ ॥  
वसमंसरुहिरचम्ममड्डिविरइए असुहपूरिए अन्तो । देहेऽसुइघरसरिसे सुच्छं को कुणह जाणन्तो ॥ ६३ ॥  
अइलालियं पि अइपालियं पि देहमइरेण मोत्तवं । भाडीगहियं व्व घरं विद्धंसणधम्मयं एयं ॥ ६४ ॥  
धीरेणवि सरियव्वं काउरिसेणवि अवस्समरियव्वं । तह सरियव्वं विउसा जह मरणं पुण न संहवह ॥ ६५ ॥

चउसरणं पुण इमं—

अरहन्ता मह सरणं सिद्धा साहू य बम्भवयजुत्ता । केवलिणा पँन्नत्तो धम्मो ताणं च सरणं च ॥ ६६ ॥  
जिणधम्मो मह माया जणओ य गुरू सहोयरा साहू । सह धम्मयरा मह बन्धवा य सेसं पुणो जालं ॥ ६७ ॥

पञ्चनमोक्कारो इमो—

१ व-°मिद्धी । २ व-तेऽथु । ३ अ-°यणा । ४ व-°लिपन्नतो मे घ° । ५ व-°क्कारा इमे ।

उसभाईतिथ्यरे चउवीसं सुरनए नमंसासि । भरहेरवयविदेहे जे केई ते य वन्दामि ॥ ६८ ॥  
 अरहन्तणमोक्कारो जीवं मोएइ भवसहस्साओ । भावेण कीरमाणो होइ पुणो बोहिलाभाए ॥ ६९ ॥  
 सिद्धाण णमोक्कारं करेमि भावेण निष्ठियट्ठाणं । भवसयसहस्सवड्ढं दंडं कम्मिन्धणं जेहिं ॥ ७० ॥  
 पञ्चविहं आचारं आयरमाणण पन्नवेन्ताणं । आयरियाणं पि णमो धारिज्जइ पवयणं जेहिं ॥ ७१ ॥  
 उवझायाणं पि णमो सज्जोवड्ढं सुयं धरेन्ताणं । सीसगणस्स हियट्ठा झरमाणाणं तयं चेव ॥ ७२ ॥  
 साहूण णमोक्कारं करेमि सीलव्वए धरन्ताणं । भवसयसहस्स वड्ढं जे किर निन्नासए पावं ॥ ७३ ॥

अणसणं चेमं—

सव्वं चिय सावज्जं जोगं उवहिं च वाहिरन्तरयं । तिविहेण वोसिरामी निविहमहं जाव जीवाए ॥ ७४ ॥  
 असणं पाणं खादिम साइमयं वोसिरामि सव्वं पि । संपइ जावजीवं चरिसुस्सासेहि देहं पि ॥ ७५ ॥  
 इय आराहणमिणमो आराहेऊण नन्दणो भयवं । धम्मायरियं समणे समणीओ खामए सम्मं ॥ ७६ ॥  
 वासाण सयसहस्सं परियायं पालिऊण सुहझाणो । पणुवीससयसहस्से सव्वाडं अणुभवेऊणं ॥ ७७ ॥  
 संपुन्नकयाणसणो णिप्पडिकम्मो य निम्ममत्तो य । आलोइयपडिकन्तो विहिणा कालं गतो धीरो ॥ ७८ ॥

१ अ-दडुं । २ व-घरं । ३ अ-भयं । ४ व-से य दे० । ५ व-मिडं ।

पाणयकप्पे पुप्फुत्तरस्मि विडलस्मि वरविमाणस्मि । उववायसहामज्झे सुरसयणिज्जस्मि उववन्नो ॥ ७९ ॥  
 देवो महिहिओ सो अन्तमुहुत्तेण सन्वपज्जत्तो । अवणीय देवदूसं उवविट्ठो नियइ पासाइं ॥ ८० ॥  
 दहुं तं सुररिद्धिं विमाणरयणाइं देवसद्दायं । विम्हइयमणो चिन्तइ दिव्विट्ठो पाविया एसा ॥ ८१ ॥  
 केण मए कम्ममेणं तवेण दाणेण देवभत्तीए । दुद्धरवयधरणेणं ओहिं च पउज्जए तत्तो ॥ ८२ ॥  
 पेच्छइ पुव्वभवं सो निच्चलसामन्नपालणं सुणइ । चिन्तइ अहो पैभावो जिणवरधम्मस्स सुकयस्स ॥ ८३ ॥  
 एत्थन्तरस्मि दहुं उप्पन्नं तं सुरं महिहीयं । हिट्ठमणा पज्जलिया मिलन्ति सुरकिंकरा बहवे ॥ ८४ ॥

भणन्ति य—

जय जय नन्दा जय जय भदा तं अम्ह सामिओ देवो । अजियं जिणाहि सुरपहुजियं पुणो पालयाहि त्ति ८५  
 तुम्ह विमाणं एयं आणाकारी य एस सुरनियरो । उववणमेयं सुरतरुसुसमिद्धं कीलणद्वाए ॥ ८६ ॥  
 मज्जणवावी एसा मज्जणयसहाइयाओ एयाओ । एयं सिद्धाययणं अत्थाणसहा सुहम्मा य ॥ ८७ ॥  
 एयाण तुमं सामी अम्हं पुत्तोदएण जाओऽसि । संपइ उट्ठह सामिय ! मज्जणयसहाए उवविसह ॥ ८८ ॥  
 इय भणिओ सो गन्तुं मज्जणयसहाए बहुसुरसमगो । सीहासणे निसीयइ पुव्वाभिमुहो सपयपीढे ॥ ८९ ॥  
 खीरोयाइजलेहिं अभिसित्तो विविहकलसखित्तेहिं । किंकरसुरेहिं तत्तोऽलंकारसहाए गन्तूणं ॥ ९० ॥

१ अ-°तवचरणेणं । २ व-पसाओ । ३ व-देव । ४ अ-°याहि° ।

निवसेह देवदूसे वरहरियन्दणविलेचणं कुणह । बन्धह सिरोहराए सुरपायवकुसुममालाओ ॥ ९१ ॥  
 केऊरकडयकुण्डलहारलयामउडमाइ । सन्वझेसु पिणिन्धइ रेहइ नं कप्परुखो व्व ॥ ९२ ॥  
 ववसोयसहं गन्तुं पोत्थयरयणं चै वायए पवरं । पुप्फाई पूयझं घेत्तुं सिद्धालयं विसइ ॥ ९३ ॥  
 अट्ठीत्तरपडिमसयं ण्हावइ पूएइ वन्दइ शुणेइ । तो सोहम्मसहाए अत्थाणं देइ सुरमज्जे ॥ ९४ ॥  
 पेक्खणयगीयचाइयमहूसवं अणुहवेइ गुरुहरिसो । दिव्वे य कामभोए जहिच्छिण माणए तत्थ ॥ ९५ ॥  
 कल्लाणए जिणाणं आगच्छइ एत्थ तह विदेहेसु । वन्दइ जिणिन्दचन्दे निर्म्मलसम्मत्तगुणधारी ॥ ९६ ॥  
 वीसं च सागराइं आउठिइं पालिउं तओ चविओ । तिहिं नाणेहिं समगो अवयरिओ एत्थ भरहम्मि ॥ ९७ ॥  
 हत्थुत्तरजोगेणं आसाढे सुद्धपक्खछट्ठीए । विगए य अद्धरत्ते अग्गाहारे दियवराणं ॥ ९८ ॥  
 माहणकुण्डगामे कोडालसगोत्तामाहणो आसि । नामेण उसहदत्तो उववन्नो तस्स गेहम्मि ॥ ९९ ॥  
 गयमाइमहासुभिणेहिं सुइओ माहणीए चोइसाहिं । देवाणन्दाए जिणो कुच्छीए कुलमदवसेणं ॥ १०० ॥  
 तुट्ठो य उसहदत्तो देवाणन्दा य पवरसुभिणेहिं । होही सुओ त्ति अम्हं वेदविज्ज दियकुलपहाणो ॥ १ ॥  
 अह दिवसे बासीई वसइ तहिं माहणीए कुच्छिसि । सक्को आसणकम्पे जाए तो ओहिणा नियइ ॥ २ ॥  
 पेच्छइ जिणसुववन्नं चिन्तइ अ अहो ! अजुत्तमावन्नं । जं एसो चरिमजिणो उववन्नो माहणकुलम्मि ॥ ३ ॥

१ ब-सिरे वराओ । २ ब-°हारस° । ३ ब-पवायए । ४ ब-अहुत्त° । ५ ब-°णगे । ६ ब-निचलस° ।

जओ—

उगकुले भोगकुले इक्खागकुले य तह य हरिवंसे । नायकुले कोरवे उववज्जन्ती पुरिममीहा ॥ ४ ॥  
एसो पुण नीयकुले तिलोयमहिओ जिणो समुववन्नो । अहवा न जिनवरेणवि लद्धिज्जइ कम्मपरिणामो ॥ ५ ॥  
अच्छेरमिणं जायइ अणन्तकालाओ समयनिदिट्ठं । जीयं पुण सक्काणं जिणस्स गवभन्तरे नयणं ॥ ६ ॥

इओ य—

अत्थि इह भरहवासे मज्झिमदेसस्स मण्डणं परमं । सिरिक्कुण्डगामनयरं वसुमइरमणीनिलयभूयं ॥ ७ ॥  
अमराउरि व्व अलयाउरि व्व लङ्काउरि व्व रमणीयं । बहुविहविलासकीलाणचवणगेयाडमोहाहिं ॥ ८ ॥

जं च—

नियचउ[चउ]क्कचचरचउमुहरच्छामुहेहिं सोहिल्लं । उतुल्लवियडमणहरबहुगोउरदारकयसोहं ॥ ९ ॥  
कविसीसट्ठालयपरिगएण निठुरसिलानिवद्धेणं । सालेण वलइयमिणं सुपुरिसिहियं व तुल्लेणं ॥ १० ॥  
पेरिहाए पइवयौए महासई सन्वगहिरमज्झाए । सन्वदिस्सिं परिखित्तं परपुरिसालद्धणिज्जाण ॥ ११ ॥  
आरामुज्जाणाहं नन्दणवणसन्निभाइ रेहन्ति । जैत्थ फलकुल्लपल्लवमणहरवणराइकलियाइ ॥ १२ ॥  
वरवारिभरियसरवरवावीकूवेहिं परिसरं जैस्स । सन्वदिसासु विरायइ बहुकीलाठाणरसणिज्जं ॥ १३ ॥

१ व-°य व्व । २ व-परि° । ३ अ-°भया° । ४ व-° ईइ व्व । ५ अ-तत्थ । ६ अ-तत्स ।



सरयवभखण्डपण्डुरपासायसएहिं तुङ्गसिहरेहिं । जतथ ग्वलिज्जह मन्ने रविणो रहतुरयसंचारो ॥ १४ ॥  
 कम्हीरमलयगिरिणो उवहसई धुसिणचन्दणोहेणं । घणसारदीवमणुहरइ पचरकप्पूरपूरेणं ॥ १५ ॥  
 बहुसुरहिदव्वपवभारपरिमलुगारवासियदियन्ता । आणन्दइ जतथ जणं गन्धियहड्डी बहुघणह्हा ॥ १६ ॥  
 तत्थुवभवेहिं देसागएहिं वत्थेहिं पञ्चवन्नेहिं । जतथ विरायइ अइघणदोसियहट्टाग रिञ्जोली ॥ १७ ॥  
 ततथ य रूपसुवन्नयपवालसुत्ताहलेहिं अइरम्मा । रेहइ वियहुत्ता सोवन्नियहट्टिया पन्ती ॥ १८ ॥  
 कतथइ कइगजणघणा पूगीफलनालिएरनियरेहिं । बहुपडिपुत्ता हट्टा तप्फलदीव व्व रेहन्ति ॥ १९ ॥  
 कतथइ जा सुयणोवमकुसुम्भसम्भारभरियभूमिनला । कतथइ सुगन्धविकिज्जमाणअणवरयघयतेल्ला ॥ २० ॥  
 कतथइ गिरिगुम्करडिप्पयरा रेहन्ति विञ्जदेस व्व । कतथइ उडुनियरोवमउल्लकप्पासपव्वभारा ॥ २१ ॥  
 कट्टिज्जमाणवलयाइकम्मपरिकम्ममाणकरिदसणा । कतथइ सुगन्धगैन्धाइदव्वसुरभा विवणिपन्ती ॥ २२ ॥  
 कतथइ जिणसमया इव बहुविहसुत्तत्तसारपरिकलिया । कतथइ सुकट्टपउरा दारिदक्कन्तसेणि व्व ॥ २३ ॥  
 सतरसविहधन्नाणं कुसुमाण फलाण पत्तसागाणं । दहिखीराणं दीसन्ति चिक्कया ठाणठाणेसु ॥ २४ ॥  
 सालिजववीहि कोइवरालयतिलमुग्गमासचवलचणा । तुवारिमसूरकुलत्था गोहुमनिप्फावअयसिसणा ॥ २५ ॥  
 इय केत्तियं व भन्नइ जहट्ठियं विवणिमग्गवन्नणयं । उक्कोसहीणमज्झिमविक्रयदव्वायरे तम्मि ॥ २६ ॥

१ अ-°यत्ता । २ अ-तरुफलदीवो व । ३ अ-°त्यय । ४ व-दवाइ° ।

विज्ञानं सिप्पकला आभरणं वत्थमन्नवत्थुं वा । तं नत्थि वसुमईए ण होज्ज जं तम्मि वरनयरे ॥ २७ ॥

किं च—

लायन्नरुव्वेजोव्वेणविलाससिञ्जारचारुवेसाओ । जत्थ हरन्ति निरुमणं तियसाणवि वेसविलयाओ ॥ २८ ॥  
उज्जलपसन्तवेसो परोवयारी य सुइसमाधारी । जत्थ महायणवगो रेहइ णयविणयसंपन्नो ॥ २९ ॥  
मिडमहुरभासिणीओ विणयपहाणाओ सीलकलियाओ । उज्जलनेवत्थाओ जत्थ य पउराण जुवईओ ॥ ३३० ॥  
वरकणयकलसकिरणावलीहिं पिञ्जरियगयणमगाइं । सरयव्वभविव्वभमाइं हिमगिरिस्थिहरं व तुज्जाइं ॥ ३१ ॥  
णरकरितुरङ्गमणहरपडिरुव्वयैविम्बभत्तिकलियाइं । जणनयणागरिसणसालभञ्जियावल्लयकलियाइं ॥ ३२ ॥  
वरसिप्पिविरइयाइं जत्थ विरायन्ति देवभवणाइं । उत्तुङ्गतोरणाइं सगगविमाण व्व पवराइं ॥ ३३ ॥  
मणिमण्डियचामीयरपवरालङ्कारभूसियङ्गाहिं । महरित्तसुरपडिमाइं अहिसंसियगव्वभहरयाइं ॥ ३४ ॥  
जगइपरिसंठिंएहिं पडिजिणभवणेहिं पुहइसारेहिं । निच्चपैवत्तियजत्तामहूसवाइं जिणहराइं ॥ ३५ ॥  
खन्ताईगुणकलिया कव्वालङ्कारवागरणकुसला । सिद्धन्तमहोयहिणो जत्थ य विहरन्ति मुणिवसहा ॥ ३६ ॥  
एको चिय दोसो णवरि तत्थ सावयकुलेसु सुपसिद्धो । अप्पधणोऽवि य धम्मे महन्तमत्थव्वयं कुणह ॥ ३७ ॥  
अन्नोऽवि तत्थ दोसो रायङ्गणरायमगगविपणिपहे । विररन्तभगगपसरा निच्चं चिय मत्तामायङ्गा ॥ ३८ ॥

१ व-तन्नं । २ व-रुय्यं । ३ व-यणं । ४ अ-यविविहभं । ५ अ-पविं । ६ अ-रुणि । ७ व-रायपहे । ८ व-हरं ।

तस्मि पुरे सुपसिद्धो गायनरिन्दकुलणहयलमियङ्को । पणिवदयवच्छलो वित्थरन्तनिवलच्छिपरिकलिओ ॥ ३९ ॥  
सिरिसिद्धत्थनरिन्दो उदण्डपयावनिहयपडिवक्खो । गरुयपरक्कमसामन्तनमिरसिरधुदुपयजुयलो ॥ ४० ॥  
तरणि व्व पयावेणं भीमो व्व परक्कमेण गरुएणं । पणयजणकप्परुक्खो कन्नो विव चायसोडीरो ॥ ४१ ॥  
सच्चपइन्नो नीईवियक्खणो परकलत्तविमुहो य । दुडुजणनिग्गहपरो सन्वपयापालणेक्करसो ॥ ४२ ॥  
दडुं जं गयत्थन्धे रुक्खेत्ताओ पउरजुवईओ । सुन्नमणाओ दिवसं पि गेहकम्मआई न कुणन्ति ॥ ४३ ॥  
देन्तपहारूपेह्लियभूमीभारेण सेसफणनिवैहं । जस्सोनामिन्ति दढं बलवन्तो मत्तमायङ्गा ॥ ४४ ॥  
निटुरखुरक्खएणं भूमिरओहेण जस्स वियरन्ता । अन्धारयन्ति गयणं दप्पुदुरतुरयसङ्गाया ॥ ४५ ॥  
चक्कासिक्कुन्तकुन्तीकोदण्डपयण्डसेन्नविगराले । दडुं जस्स भडे नणु वेयालगणावि णासन्ति ॥ ४६ ॥  
जम्भि य जत्ताभिमुहे उग्गपयावे भएण विटुराहं । पडिवक्खमण्डलाहं खलहलयं जन्ति सन्वदिसिं ॥ ४७ ॥  
तस्स य तिसला भज्जा रम्भा इव पवररूयलायन्ना । कामकरिक्कुम्भविब्भमपओहरा सरयससिवयणा ॥ ४८ ॥  
वियसियकुवलयनयणा रम्भाखम्भसुक्कुमालसन्वङ्गा । गुरुत्तमदमविणयज्जवसच्चदयादानसीलगुणा ॥ ४९ ॥  
अह भणह नेगमेसिं देविन्दो एस एत्थ तित्थयरो । लोगत्तमो महप्पा उववन्नो माहणकुलम्भि ॥ ५० ॥  
खत्तियकुण्डगामे सिद्धत्थो नाम खत्तिओ अत्थि । तस्स घरे तं साहर तिसलादेवीए कुञ्छिसि ॥ ५१ ॥

१ अ-सन्तगे० । २ अ-दत्त० । ३ ब-वहो । ४ अ-जुङ्गी । ५ अ-तास० । ६ ब-परम० ।

बाढं ति भाणिऊणं वासारत्तस्स पञ्चमे पक्खे । साहरह पुव्वरत्ते हत्थुत्तरतेरसीदिवसे ॥ ५२ ॥  
 गवभट्ठाणं परिसोहिऊण साहरह तिसिलकुच्छीए । सुमिणे य पडिनियत्ते ते पेच्छइ माहणी सावि ॥ ५३ ॥  
 कहियं च इमं पइणो दोऽवि विसन्नाइ ताइ चित्ते णं । निहिलम्भे णयणुप्पाडणं व विहिणा कयम्मिं ति ॥ ५४ ॥  
 तिसलाऽवि सग्गिहम्मिं सुहसुत्ता पेच्छए महासुमिणे । तिहुयणदिवायरम्मिं गवभम्मिं समारिज्जन्ते ॥ ५५ ॥  
 कुन्देन्दुसंखवन्ने गयवसहमयाहिवे पसन्नसुहे । लच्छीए अभिसेयं दामजुयं रयणकञ्चुरियं ॥ ५६ ॥  
 किरणकरालं तरणिं निम्मलजोणहं च पुन्निमाइन्दं । मणिमयदण्डं च झयं पउमपिहाणं च वरकलसं ॥ ५७ ॥  
 पउमसरं पवरजलं महल्लकल्लोलमालियं जलहिं । मणिरयणमयविमाणं बहुविहरयणाण सुक्कुरुडं ॥ ५८ ॥  
 निज्जूमसिहाजालं जलणं इय पेच्छिउं सुहपबुद्धा । अब्भहियजायहरिसा साहइ सिद्धत्थनरवइणो ॥ ५९ ॥  
 तं सोऽं सो राया पहिड्ढचित्तो य पुलइयसरीरो । कल्लाणभोगसुहअत्थकारया देवि ! तुह सुमिणा ॥ ६० ॥  
 अइरेण य ते पुत्तो होही कुलकिरिचइणो सूरु । इय भणिउं तं तिसिलं विसज्जए निययपासाओ ॥ ६१ ॥  
 पुव्वणहे अत्थाणे वाहरिउं सुमिणपाढगे राया । पुच्छइ सुमिणाण फलं तेऽवि य सत्थाणुसारेणं ॥ ६२ ॥  
 कहयन्ति राय ! सत्थे बायालीसं हवन्ति सुमिणाइं । तीसं च महासुमिणा चोइस तं मज्झयारम्मि ॥ ६३ ॥  
 तित्थयेरे चक्किम्मि य उववज्जन्तम्मि पेच्छए जणणी । सत्त उ केसवजणणी चउरो बलदेवजणणी उ ॥ ६४ ॥

ता तिसिला तित्थयरं चक्कहरं वावि पसविही नियमा । इय भणिय उवज्झाया कयपूया ते गया सगिहं ॥ ६५ ॥  
 तं सोउं सा तिसिला अइसयहरिसुल्लसन्तरोमञ्चा । तं गवभं परिपालइ भोज्जेहिं हियसुहकरेहिं ॥ ६६ ॥  
 भयवं तिनाणसहिओ जणणीए पीडरक्खणनिमित्तं । संकोडियङ्गमङ्गो अच्छइ अणुकम्पगयचित्तो ॥ ६७ ॥  
 तं निप्फन्दं नाउं भीयमणा परमसोयमावन्ना । चिन्तइ गलिओ गवभो मतो व्व हरिओ व्व केणावि ॥ ६८ ॥  
 तो सा पणट्ठनिद्वा अजम्पिरी चत्तभोयणत्रिलासा । चिट्ठइ नं गयजीवा हियरज्जा नट्टसव्वस्सा ॥ ६९ ॥  
 हा पेच्छ अहन्नाए विहिणा चिन्तामणी ममं दाउं । हरिओ विडम्बणट्ठा धिरत्थु ता मज्झ जीवस्स ॥ ७० ॥  
 इय सोगभरुच्छइयं जणणिं दहुं जिणेण संचलियं । निरुवहओ मे गवभो त्ति सावि पुण हरिसमावन्ना ॥ ७१ ॥  
 भयवं पि अदिट्ठस्सवि अहो इमाए मसोवरिं नेहो । ता जइ जीवन्तीए दिक्खलागहणं करेमि अहं ॥ ७२ ॥  
 ता मोहमोहियमणा मम विरहुप्पन्नसोयसन्तत्ता । अट्टज्झाणोवगया बन्धइ असुहं बहुं कम्मं ॥ ७३ ॥  
 दुप्पडियाराणि दढं अम्मापियरो हवन्ति लोगम्मि । ता एएसिं मैधिइ रक्खेयव्वा मएऽवम्भं ॥ ७४ ॥  
 इय चिन्तियमभिगिण्हइ अभिगहं सत्तमम्मि मासम्मि । नाहं समणो होहं अम्मापियरम्मि जीवन्ते ॥ ७५ ॥  
 तिसिला गवभगयम्मी भयवंते तिरियजम्भगा देवा । सक्कस्स समाएसा खिवन्ति सिद्धत्थभवणम्मि ॥ ७६ ॥  
 उच्छन्नसामियाइं गामारन्नपुरपव्वयगयाइं । विविहाइं निहाणाइं जिणवरपुत्ताणुभावेणं ॥ ७७ ॥

१ व-नूण । २ व-उवज्झाया सम्माणिय क० । ३ व-महं । ४ व-०वं अहि० । ५ मकारोऽन्त्यक्षणिक्तस्ततोऽव्यतिरिधः ।

अह चेत्तैरसीए सुद्धाए अहरत्तसमयस्मि । हत्थुत्तराहिं जाओ तिहुयणचिन्तामणी वीरो ॥ ७८ ॥  
आसणचलणानन्तरमोहिन्नाणेण मुणियजिणजम्मो । तक्खणभेत्तायाओ दिसाकुमारीण सद्दाओ ॥ ७९ ॥

तथाहि—

अहलोगउड्डुल्लोगा पुव्वार्द्धरुयगवासिणीओ य । अट्ठ विदिसि चउरो मल्लिमरुयगाउ चत्तारि ॥ ६८० ॥  
छप्पन्न सुरवहूओ सव्वालङ्कारभूसियझीओ । नमिऊण जिणं तिसलं थुणन्ति परमप्पमोएणं ॥ ८१ ॥  
तुज्झ नमो परमेसर ! जगमुद्धरिउं तुमं सिं अवयरिओ । भवचारयनिम्महणो जणपत्थियसोक्खकप्पनरू ॥ ८२ ॥  
अत्थमिए पासजिणे लोगाइच्चे अणाहयं भरहं । उववन्ने नाह ! तुमे अज्ज सणाहं पुणो जायं ॥ ८३ ॥  
तुज्झ नमो जय सुन्दरि ! सुकयत्था सव्वलक्खणा तं सि । जं नरयणं उयरे जगप्पईवो जिणो धरिओ ॥ ८४ ॥  
इय एवमाइ थोउं दिसाकुमारीउ जीयमेयं ति । अणुजाणाविय जणणिं नियनियकिच्चाहं कुव्वन्ति ॥ ८५ ॥  
अट्ठ विउव्वियवाया भूमी सोहन्ति अट्ठ कयमेहा । गन्धजलं वासन्ति य जाणुपमाणं च कुसुमोहं ॥ ८६ ॥  
अट्ठ उ आयंसधरा अट्ठ उ भिङ्गारधारिया अट्ठ । वरतालियण्टहत्था अट्ठ उ वरचम्मरधारीओ ॥ ८७ ॥  
दीवयधरा उ चउरो चउरो मल्लिमगरुयगवासाओ । कप्पिन्ति नालमुच्चियं निहणन्ति य रयणवियरम्मि ॥ ८८ ॥  
अवभङ्गिन्ति य दोन्नैवि सयपागसहस्सपागतेल्लेहिं । उव्वट्ठणं च काउं उदगेहिं तिहि उ ण्हाविन्ति ॥ ८९ ॥

१ न-०लोगे । २ व-०सिमव० । ३ व-०न्निवि ।

हरियन्दणाणुलेवं सञ्चालङ्कारमणहरं काउं । रक्खाक्रमं विविहं आसीसाएऽधिनन्दनि ॥ ३९० ॥  
एवं किंच काउं सयणिले ठाविउं जिणं जणणिं । गायन्ति मङ्गलाइं सञ्वाओ महुरसहेणं ॥ ३९१ ॥  
एत्थन्तरम्मि हरिणो सोहम्मपहुस्स आसणं चलयं । सो नियइ पउत्तोही कुण्डगामे जिणं जायं ॥ ३९२ ॥  
अब्भुट्ठइ संभन्तो घोलिरहरो पलम्बवणमालो । कुण्डलविलिहियण्डो हरिसाडोवेण चलमउडो ॥ ३९३ ॥  
सत्तट्ठपए गन्तुं पञ्चङ्गपणामपुन्वयं वामं । भूमिं निहित्तु जाणुं दाहिणमञ्चेवि पञ्जलिओ ॥ ३९४ ॥  
हरिसुल्लसन्तपुलओ सक्कथयं पढइ एगवयणेण । भणइ य वन्दामि जिणं तत्थगयं नियउ मं भयवं ॥ ३९५ ॥  
पच्चुट्ठिओ य सीहासणम्मि उवविसिय सुरविबोहट्ठा । ताडावेइ सुघोसं घण्टं हरिणेगमेसिसुरं ॥ ३९६ ॥  
तीए य ताडियाए तस्सहेणं च काउमाहत्ता । यत्तीसघण्टलक्खा एग्गुणा कणकणारावं ॥ ३९७ ॥  
घण्टासदं सोउं मिलिया सञ्चे सुरा सदेवीया । सक्कोऽवि हु संचलिओ आरुहिउं पालगविमाणं ॥ ३९८ ॥  
तस्सट्ठ अगमहिंसी परिसाओ तित्ति तह य चउरासी । सामाणियसाहस्सी चउग्गुणा आयरक्खाउ ॥ ३९९ ॥  
सत्तेव अणीयाइं एमाईदिव्वरिद्धिसंजुत्तो । अहया विच्छेदुणं कुण्डगामे य संपत्तो ॥ ४०० ॥  
भयवं पयक्खिणेउं वन्दिता भत्तिनिअरसरीरो । ओसोयणिं च दाउं पडिरूवं तत्थ ठविऊणं ॥ १ ॥  
हरिणगंमेसिसमप्पियमह अयउन्तं सक्करयले धरिउं । पञ्चविउव्वियरूवो मेरुं संपत्थिओ सक्को ॥ २ ॥

१ व-भिघा० । २ अ-०हिओ । ३ अ-स्वातो । ४ व-०गवे० ।

गहियजिनिन्दो एक्को दोन्नि य पासेसु गहियवरचमरो । धरियथवलायवत्तो एक्को य वल्लथरो । ३ ॥  
मणिरयणकञ्चणमयं पत्तो सक्को खणेण मेरुगिरिं । सन्वेडवि तत्थ इन्दा समागया नियविभूर्हण ॥ ४ ॥

सो य केरिसो—

जोयणसहस्समेगं अवगाढो धरणिमज्झयारम्मि । नवनडइ उन्विद्धो चउवरवणसण्डरमणिज्जो ॥ ५ ॥  
भूमिण भदसालं मेहलजुयलम्मि दोन्नि रम्माइं । नन्दणसोमणसाइं सिहरम्मि य पण्डगवणं तु ॥ ६ ॥  
चउसुं वणेसु चउद्धिसि चउरो चउरो य होन्ति जिणभवणा । तस्सोवरिं तु चूला जिणभवणजुया दुवीसोच्चा ॥ ७ ॥  
पण्डगवणम्मि चउरो सिलाओ चउसु वि दिसासु चूलाए । चउजोयणूसियाओ सन्वज्जुणकञ्चणमयाओ ॥ ८ ॥  
पञ्चसयायामाओ तस्सद्धं चैव होन्ति रुन्दाओ । चन्दद्धसंठियाओ तासुं सीहासणा छच्च ॥ ९ ॥  
पुन्वावरासु दो दो सिलासु सीहासणाइं रम्माइं । जम्माणे उत्तराए सिलाए एक्केकयं भणियं ॥ १० ॥  
दाहिणसिलाए सिंहासणम्मि करकमलधरियजिणचैन्दो । सक्को य समुवविट्ठो कयत्थमत्ताण मन्नन्तो ॥ ११ ॥  
खीरोदहिस्स सलिलं मागहगङ्गाइयाण आणीयं । अभिओगियदेवेहिं अच्चुयसुरनाहवयणेणं ॥ १२ ॥  
रूपस्स कञ्चणस्स य मणीण तह चैव रूपकणयाणं । रूपमणीणं मणिकञ्चणाण मणिकणयरूपपाणं ॥ १३ ॥  
कलसाण मिँउमयाणं पउमपिहाणाण पउमनिहियाणं । अट्टसहस्सं भरियं पत्तेयं गन्धवारिस्स ॥ १४ ॥

१ व-० सुन्नि वणेसु चउदि० । २ व-० सणे । ३ व-० इन्दो । ४ व-मिम्मया० ।



जिणवरमञ्जणकज्जे उक्खिस्सा भत्तिनिग्गरमणेहिं । चन्दणचच्चियकलसा अचुयइन्ददाहअमरोहिं ॥ १५ ॥  
 तं कलसभरं दहुं सक्को चिन्तेह संकमावन्नो । लहुयसरीरो भयवं विसहिस्सइ किं व समकालं ॥ १६ ॥  
 बहुकलससहस्सजलं सुरखित्तं मह इमा गरुयचिन्ता । भयवं पि य तं नाउं ओहीनाणेण सक्कस्स ॥ १७ ॥  
 चलणगेणं चालइ मेरुगिरिं लेट्ठयं व्व लीलाए । इन्दस्स अलियसक्काअवणयणत्थं अतुलथामो ॥ १८ ॥  
 चलमाणेण समन्ता सुरगिरिणा वसुमईवि हलहलिया । दलटलिया धरणिधरा चलन्तगुरुगण्डसेलोहा ॥ १९ ॥  
 उच्छलिया मयरहरा महल्लकल्लोलहल्लिरजलोहा । संखुहियमच्छमयरा णइप्पवाहा य उत्थल्ला ॥ २० ॥  
 उत्तत्था थलचारी दिसोदिसिं सव्वओ पलायन्ति । तंहुवियकन्नजुयला णासन्ति दिसागइन्दावि ॥ २१ ॥  
 थरथरथरन्ति वाढं देउलपायारतुङ्गधवलहरा । भज्जन्ति कडयडन्ता फलफुल्लभरोणया तरुणो ॥ २२ ॥  
 खुवणं हल्लोहलियं सुरअसुरतिरिक्खलयरणरकलियं । चिन्तइ किं किं एयं अकण्डविडुरमहो जायं ॥ २३ ॥  
 किं एस पलयकालो किं कोइ महिड्डिओ सुरो कुयिओ । खलियारियस्स रिसिणो किं कोववियंभियं एयं ॥ २४ ॥  
 आभग्गो फणनिवहो वसुमइभारेण किं फणिन्दस्स । जिन्नत्तणेण भग्गा आइवराहस्स किं दाढा ॥ २५ ॥  
 इय एवमाइ जाए संन्नोभे सुरचई वि चिन्तेह । हा किं सन्तिविहाणे वेयालो उट्ठिओ एसो ॥ २६ ॥  
 तो किं विडुरमेयं नि जाव जोणइ अवहिणा मम्मं । पेच्छइ य ताव जिणचलणकोटिसंचालियं मेऊं ॥ २७ ॥

१ ताणहवितकर्णयुगला इत्यर्थः । २ व-० कोटिस० ।

तो लज्जिओ विलखलो पच्छायावेण दुस्मणो सक्को । चिन्तइ असङ्कणिल्लं पि संकिंयं पेच्छ मूढेणं ॥ २८ ॥  
 कप्पहुंमो उ वियरइ नूणं कप्पियफलाहं लोयस्स । चिन्तामणी पयच्छइ चिन्तियवत्थूणि तणुओऽवि ॥ २९ ॥  
 लहुयावि ह्नु दीवसिहा तमनियरं नासए महन्तं पि । अप्पोऽधि महामन्तो उच्चाडइ दुडवेयालं ॥ ७३० ॥  
 उत्थल्लिखि महिवटं मन्दरदण्डं धरन्ति छत्तं व । जे किर ते सिसुणो वि ह्नु अतुलबला चैव तित्थयरा ॥ ३१ ॥  
 इय चिन्तैउं सखेओ वीरजिणं खामए विणयपणओ । कुविगप्पेहिं जिणेसर ! अयाणमाणेहिं जा तुम्ह ॥ ३२ ॥  
 आसायणा उ विहिया तं सव्वं खमह खन्तिमुपहाण ! । कुणह पसायं होइ ह्नु चुक्कखलियं सकम्मस्स ॥ ३३ ॥  
 भयभीयं भुवणमिणं आसासह सामि । करिय गुरुकरुणं । मत्तामि गुरुमणुगहमिय जं मिच्छत्तमवणीयं ॥ ३४ ॥  
 उवसन्ते संखोहे जिणस्स वरमज्जणं समाढत्तो । काउं अचुयइन्दो भत्तिभरावज्जियसरीरो ॥ ३५ ॥  
 गायन्ति केऽवि वायन्ति केऽवि नच्चन्ति तियसरमणीओ । जय जय करेन्ति केइ पढन्ति केइ सुरा तुट्ठा ॥ ३६ ॥  
 वासन्ति केइ गज्जन्ति केइ केइ पुण विज्जुयाइन्ति । फलकुसुमरणवन्नयत्थाइं केऽवि सुच्चन्ति ॥ ३७ ॥  
 उक्किट्ठिसीहनाए करेन्ति वेगेन्ति दिन्ति किरणाइं । एमाइहरिसचेट्ठा कुणन्ति जिणमज्जणे अमरा ॥ ३८ ॥  
 तित्थजलमट्ठियाहिं सव्वकसाएहिं पुप्फगन्धेहिं । सव्वोसहीहिं गोसीसचन्दणाइहिं य ण्हवन्ति ॥ ३९ ॥  
 एवं च ण्हाविऊणं सव्वालङ्कारभूसियं काउं । अचुयइन्दो पणमह संथुणइ य महुरवग्गहिं ॥ ७४० ॥

१ व-०हुमपातोऽविहु । २ अ-०न्तियं । ३ व-०माणेण । ४ व-वग्गि० । ५ व-कर० ।

एवं कमेण सन्वे करेन्ति जिणमज्जणं सुरवरिन्दा । अन्ते य कुणह सक्को ईसाणो पञ्चरूवो य ॥ ४१ ॥  
 धरइ जिणं उच्छङ्गे छत्तं धारेइ ढालए चमरे । एक्को य सुलपाणी चिट्ठइ पुरओ जिणवरस्स ॥ ४२ ॥  
 चत्तारि धवलवसहे सक्को विउरुव्विऊण चउपासे । अट्ठचिसाणेहिंतो निस्सारइ वारिधाराओ ॥ ४३ ॥  
 गोखीरसन्निभाओ उड्डुं ता उप्पइत्तु एगतथ । मिलिउं निवडन्ति मिरे वीरस्स भवारिमहणस्स ॥ ४४ ॥  
 काऊण विहिं एयं कप्पो त्ति तओ य अच्चुइन्दो व्व । सव्वं करेइ एहाणं रूपसुवन्नाइकलसेहिं ॥ ४५ ॥  
 हरियन्दणाणुलेवणमल्लालङ्कारमण्डणविहीए । मण्डित्तु जिणं वन्दइ गुरुआणन्दो थुइं कुणह ॥ ४६ ॥  
 जय जय तिहुयणसामिय ! सिद्धत्थणरिन्दकुलनहमियक्क ! जय जय निन्नासियपावपङ्क ! अकलङ्क ! जिणवीर ! ॥ ४७ ॥  
 जय परमरूय ! कारुन्नपुल्ल ! लावन्नविजियेतियलोक्क ! जगदप्पमञ्जुणुदुरमयरद्धयमाणनिम्महण ! ॥ ४८ ॥  
 कमलदलदीहलोयण ! पडिपुल्लमयक्कसरिसमुहसोह ! ! सिरिवच्छवच्छलञ्चिय ! जयभूसण ! जयपहु ! नमो ते ॥  
 जगचिन्तामणि ! जयगुरु ! जगवन्धव ! जगपईव ! जगनाह ! ! सयलजगजन्तुरक्खण ! तारसु मं भवसमुदाओ ॥  
 ते वञ्चिया वराया विहलं चिय तेसि भाणुसं जम्मं । सयलसुहाण निहाणं गाह ! न दिट्ठो तुमं जेहिं ॥ ७५१ ॥  
 ताव जरजम्ममच्चू ताव चिय रोयसोयसंतावा । हेन्ति जियाणं सामिय ! जाव न पत्तो पहु तं सि ॥ ५२ ॥  
 भवचारयम्मि भीमे देव ! अहं रोइहुहसयाइहे । चसिओ कालमणन्तं कम्ममहासङ्कलनिबद्धो ॥ ५३ ॥

१ व-दोहि सियव० । २ व-उड्डुणं उ० । ३ व-मज्जा० । ४ व-रूव० । ५ व-यतेलो० ।

तुह दंसणमलहन्तो करुणायर ! ता करेसु कारुहं । नीसेसवसणसंतावविरहियं देसु सुहनिवहं ॥ ५४ ॥  
 तं मह नाहो तं मज्झ बन्धवो तं जिणिन्द ! मह सरणं । तं चिय आसाठाणं पत्तो मे नाह ! पुब्बेहिं ॥ ५५ ॥  
 एवं थोउं गहिऊण करयले सुरवई विभूईए । कुण्डगामे गन्तुं ठवेइ जणणीए पासम्मि ॥ ५६ ॥  
 साहेरिउं पडिरूवं विज्झं अवसोयणिं च अवणेउं । घोसावह घोसणयं सुरनरमज्झे महासहं ॥ ५७ ॥  
 उवरिं जिणस्स जिणजणणिए य जो महुलं मणो कुणह । फुट्टिस्सइ मुद्धाणं तस्सज्जगमज्जरि व्व फुडं ॥ ५८ ॥  
 खिवइ हिरन्नसुवन्नयकोडीओ जिणगिहम्मि बत्तीसं । बन्धइ जिणसयणोवरि लम्बन्तं कणयलम्बूसं ॥ ५९ ॥  
 खोमं कुण्डलजुयलं सिरिदामं चेव देइ सक्को से । मणिकणगरयणवासं वासन्ति य जम्भगा देवा ॥ ६० ॥  
 एवं सक्काईया जिणजम्ममहूसवं करिय अमरा । नन्दीसरम्मि जत्तं काऊण गया उ सट्ठाणं ॥ ६१ ॥  
 सिद्धत्थणरिन्देणं पहायसमए य सव्वनयरीए । घोसावियं महन्तं वद्धावणयं सुतोसेणं ॥ ६२ ॥

अवि य—

संमज्झिओवलित्तं वन्दणमालासहस्सरमणिज्झं । उब्भियचन्दणचच्चियजुगसुसलसहस्सपरिकलियं ॥ ६३ ॥  
 मश्चाइमञ्चपवरं उब्भडवेसं विसुक्कचारगिहं । सुक्ककरदण्डसुक्कं वहियउम्माणमाणं च ॥ ६४ ॥  
 गन्धव्वनट्टपडरं पारद्धोदारजिणभवणपूयं । दिज्जन्तमहादाणं उग्घोसियअभयदानं च ॥ ६५ ॥

१ ब-आसट्ठा° । २ अ-° रियं ।

असियवयप्यप्यायं वरतोरणहृदसोहरेहिल्लं । कुण्डगगमं नयरं सुरलोयसमं तहिं जायं ॥ ६६ ॥

किं च—

तुडाओ देवीओ देवा आणन्दिद्या सपरिसागा । भयवम्मि वद्धमाणे तेलोगसुहावहे जाए ॥ ६७ ॥  
सिद्धत्थो य नरिन्दो तिसिलादेवी य रायलोओ य । सन्वो तथा पुरजणो हरिसेण न माइ अङ्गसु ॥ ६८ ॥  
विस्ते वद्धावणए कए य सन्वम्मि जायकम्मम्मि । नामं बारसनदिणे गुणनिप्पन्नं जिणस्स कयं ॥ ६९ ॥  
गम्भप्पभिई वहुइ अम्हगिहं कणयरयणमाईहिं । तग्हा उ वद्धमाणो त्ति नामओ होउ अम्हसुओ ॥ ७० ॥  
बालत्तणेऽवि सरो पयईए गुरुपरकमो भयवं । वीरो त्ति कयं नामं सक्केण य तुट्ठचित्तेणं ॥ ७१ ॥  
अह वहुइ सो भयवं दियलोयचुओ अणोवमसिरीओ । दासीदासपरिवुडो पारेकिन्नो पीढमहेहिं ॥ ७२ ॥  
असियसिरओ सुनयणो विम्बोद्धो धवलदन्तपन्तीओ । वरपउमगवभगोरो कुल्लुप्पलगन्धनीसासो ॥ ७३ ॥  
जाईसरो उ भयवं अप्परिवडिएहिं तिहिं उ नाणेहिं । कन्तीए बुद्धीए अब्भहिओ तेहिं मणुएहिं ॥ ७४ ॥  
अह जणअड्ढासो भयवं कीलइ कुमारएहिं समं । आमलियाखेद्धेणं लोयपसिद्धेण पुरवाहिं ॥ ७५ ॥  
तत्थ य खेहे लक्खं आरुहियव्वं तु खेलयनरेहिं । एत्थन्नरे य सक्को लोहस्ससहाए उवविट्ठो ॥ ७६ ॥  
सन्तगुणुक्कित्ताणं करेइ वीरस्स अलरसज्झम्मि । वीरत्तगुणवियारे परगुणगहणम्मि तल्लिच्छो ॥ ७७ ॥

१ व-नाणाहिं । २ अ-°खेडुणं । ३ अ-लणं । ४ व-धीरं ।

बालो अथालभावो अब्बालपरधमो महावीरो । न ह्रु सक्ता भेसेउं देवेहिं सहन्दएहिं पि ॥ ७८ ॥  
 तं पयणं सोऊणं सिच्छदिडी उ अह सुरो एगो । चिन्तह माणुसमेणं तत्थवि सिसुभावभावन्नं ॥ ७९ ॥  
 देवेहिं धि नो तीरह भेसेउं सदहाणि णो एणं । ता गन्तुं भेसेष्ठी इय चिन्तिय आगओ तत्थ ॥ ८० ॥  
 कीलए जत्थ जिणिन्दो कीलणरुक्खं च वेढए समन्ता । कज्जलवन्नं काउं फणिरुवं दीहरं भीमं ॥ ८१ ॥  
 तं दइण पलाणा भयभीया कीलमाणया कुमरा । सन्वेऽवि ठिओ वीरो फणिणावि कओ फणाडोवो ॥ ८२ ॥  
 सो घेत्तूण करेणं उल्लालेज्ज घट्ठिओ दूरं । अयरहिएण जिणेणं तो मिलिया ते पुणो डिम्भा ॥ ८३ ॥  
 चिन्तह सुरो न भीओ एत्थं ता अन्नहा पुणो भेसे । एत्थन्तरस्मि वीरो तिन्दूसयकीलणं कुणह ॥ ८४ ॥  
 तेहिं कुमारेहिं समं सोऽवि सुरो डिम्भरुवयं काउं । कीलह वीरेण समं जिओ य सो भगवया तत्थ ॥ ८५ ॥  
 तप्पट्ठीए वीरो आरुढो तस्स वाहणनिसित्तं । एसो चिय तत्थ पणो जियस्स जं पुट्ठिआरुहणं ॥ ८६ ॥  
 सो वह्ठिउं पयत्तो वेयालाकारघारओ रुद्धो । सत्ततलमाणदेहो संजाओ भेसणट्ठाए ॥ ८७ ॥  
 जिणणारेणवि पहओ पट्ठीए वज्जकट्ठिणमुट्ठीए । सो आराडिं काउं भएण ससगो व्व संकुडिओ ॥ ८८ ॥  
 पायडियामररुवो रञ्जियहियओ य पणमइ जिणिन्दं । भणइ तुहं परमेसर ! धीरसं तारिसं चेव ॥ ८९ ॥  
 जारिसयं सुरवहणा सुरमज्जे वसियं तिं ता खमसु । मज्झ तुमं भेसविओ परिवक्खणत्थं जमेवं ति ॥ ९० ॥

१ अ-अम्हहा । २ ब-पोटि° । ३ ब-धीर° । ४ अ-नु ।

सुज्जो सुज्जो खामिय पणमिय वीरं गओ स सोहम्मं । भयवं पि गिहं चिट्ठइ विसिट्ठकीलाविणोएणं ॥ ९१ ॥  
 मोहेणम्मपियरो जाणित्ता अहियअट्ठवासं तु । ण्हायं विलिस्सेहं कयकोउयमङ्गलं वीरं ॥ ९२ ॥  
 सव्वालंकारधरं सोहणदिवसे कलाण गहणत्थं । कयपूयासक्कारस्स उवज्झायस्स उव्वणिन्ति ॥ ९३ ॥  
 एत्थन्तरस्मिं सक्को आसणकम्पेण संपउत्तोही । चिन्तइ अहो ! महन्तो मोहो सिद्धत्थरायस्स ॥ ९४ ॥  
 तिहिं नाणेहिं समग्गो तित्थयरो सव्वसत्थतत्तच्चू । जं उव्वणिज्झइ पागयणरस्स अप्पप्पविज्जस्स ॥ ९५ ॥  
 विज्जागहणनिमित्तं इय चिन्तिय आगओ तहिं तुरियं । उज्झायस्स निमित्तं रइए सीहासणे पवरे ॥ ९६ ॥  
 तस्सेव य पच्चक्खं वीरकुमारं निवेसइ पहडो । वन्दित्तु सदलक्खणमह पुच्छइ मउलकरकमलो ॥ ९७ ॥  
 भयवं पि वागरेई जहट्ठियमसङ्किंयं तयं पुडो । उज्झाओऽवि पसुइओ निसुणइ परमेण विणएणं ॥ ९८ ॥  
 पेच्छ अहो ! अच्छरियं बालोऽवि हु पढणसुणणरहिओऽवि । सव्वच्चू विव साहइ जहट्ठियं सदसत्थत्थं ॥ ९९ ॥  
 तुडा अम्मापियरो एवं नाउं चियक्खणं वीरं । सक्कोऽवि य सट्ठाणं वन्दिय वीरं गओ खिप्पं ॥ १०० ॥  
 वीरजिणस्स सगासे अवधारिय सदलक्खणलत्तेणं । उज्झाएणवि रइयं वागरणं किर अइन्दं नि ॥ १ ॥  
 उम्मुक्कबालभावं कमेण नवजोव्वणं समणुपत्तं । भोगससत्थं नाउं अम्मापियरो दहावीरं ॥ २ ॥  
 तिहिरिक्खम्मि पसत्थे महन्तसामन्तकुलपसूयाए । कारिन्ति पाणिगहणं जसोयवररायकजाए ॥ ३ ॥

१ व-°वणेन्ति । २ व-उवक्षा° । ३ व-उवक्षा° ।

पञ्चविहं माणुस्सं विसयसुहं तस्स अणुभवन्तस्स । ससिणेहा सोमत्तणू जाया पिपदंस्सणा धूया ॥ ४ ॥  
 परिणीया समयस्मि य जमालिणा पवरनरचट्टसुणं । नीरस्सग्मापियरो दिवं गया एत्थ समग्गिम्म ॥ ५ ॥  
 वीरस्स जेडुभाया अहिस्सितो नन्दिवद्धणो कुमरो । वररायलक्खणधरो रत्ते सामन्ननन्नीहिं ॥ ६ ॥  
 वीरोऽवि नन्दिवद्धणपसुहं आयुच्छए सयणवगं । पव्वत्तागहणत्थं पडिपुत्ताभिग्गहत्तेण ॥ ७ ॥  
 तो भणह जेडुभाया मम जणणीजणयविरहदुहियस्स । तुह विरहगी सुन्दर ! खयस्मि खारोवमो होइ ॥ ८ ॥  
 एवं भणिए जेडुण भाउणा परमपणयकलिणं । तस्सेव बोहणत्थं भणह जिणो भवविरत्तमगो ॥ ९ ॥  
 नडपेच्छणए पेच्छय जणाण जह दीहरो ण संजोगो । तह बन्धुसमाजोगो अथिरो चिय एत्थ संसारं ॥ ८१० ॥

किं च—

पीमाहभाहणीभज्जापुत्तत्तेणेण सव्वेऽवि । जीवा जाया बहुसो जीवस्स उ एगमेगस्स ॥ ११ ॥  
 ता कस्मि कस्मि कीरह पडिबन्धो कस्मि कस्मि वा नेय । इय नाऊण महायस ! मा किज्जउ सोयसंतावो ॥ १२ ॥

नन्दिवद्धणेण भणियं—

अहमवि जाणामि इमं किन्तु ममं बन्धणाहं तुट्ठन्ति । जीवियभूएण तए अज्जवि मुक्कस्स संयराहं ॥ १३ ॥  
 ता मह उवरोहेणं वासाहं दोल्लि चिट्ठसु गिहस्मि । उत्तमपुरिसा दट्ठं दुहियं करुणायरो होन्ति ॥ १४ ॥

१ 'सयराह' इति शीघ्रम् । २ व-°चेट्ठ° । ३ व-परा ।



एवं चोवकूषेण भणियं वीरेण—

एवं होउ नरीसर ! किन्तु महंढा ण कोइ आरम्भो । कायव्वोऽहं फासुयभोयणपाणेण चिट्ठिस्सं ॥ १५ ॥  
 एवं ति य पडिवन्ने चिट्ठइ सुहक्षाणभावणो वीरो । विसयसुहनिप्पिवासो दयावरो सव्वजीवेसु ॥ १६ ॥  
 संवच्छरेण होही अभिनिक्खमणं तु सुणिय जिणचन्दो । आढत्तो दाउं जे संवच्छरियं महादाणं ॥ १७ ॥  
 एणा हिरन्नकोडी अंढेव अणूणगा सयसहस्सा । सूरुदयाउ दिज्जइ जाव य मज्झणहसमओ त्ति ॥ १८ ॥  
 वरह वरं वरह वरं इय घोसिज्जइ महन्तसंवेण । पुरतियचउक्कचच्चरच्छारायप्पहाईसु ॥ १९ ॥  
 जो जं वरेइ तं तस्स दिज्जए हेमवत्थमाईयं । वियरन्ति तत्थ तियसा सक्काएसेण सव्व पि ॥ ८२० ॥  
 तिन्नेव य कोडिसया अड्ढासीहं च होन्ति कोडीओ । असिंहं च सयसहस्सा एयं संवच्छरे दिन्नं ॥ २१ ॥

एत्थन्तरम्मि य—

सारस्सय माइच्चा वण्णी वरुणा य गइतोया य । तुस्सिया अब्बावाहा अग्गिच्चा चेव रिट्ठा य ॥ २२ ॥  
 एए समयं नाउं निययं लोगन्तिता सुरा पत्ता । पभणन्ति विणयपणया वन्दिता महुवरवग्गूहिं ॥ २३ ॥  
 हत्थालम्बोऽसि तुमं सामिय ! निवडन्तयाण भवक्कवे । सव्वजगज्जीवहियं ता पट्ठु ! तित्थं पवत्तेहि ॥ २४ ॥  
 पुडो य पुणो भाया जिणेण वीरेण विगयसोहेणं । तुह सन्तिओ हूं अवही पुनो गिणहाभि दिक्खमंहं ॥ २५ ॥

१ व-णरेस० । २ व-ममडा । ३ व-मड । ४ व-सियं । ५ अ-य ।

वयगहनिच्छयमेवं नाउं वीरस्स जेट्ठाया उ । बाहजलाउलनयणो निक्खमणमहं समाहसह ॥ २६ ॥  
 धयहट्ठसोहंवन्दणमालामञ्चाइमं च रमणिजं । कुण्डगामं नयरं सुरलोयसमं कयं तहया ॥ २७ ॥  
 जेम्मोत्तकलसनियरेण ठाविओ नन्दिवद्धणनिवेणं । निक्खमणत्थं परमो अहिसेओ वद्धमाणस्स ॥ २८ ॥  
 वलियासणा य इन्दा सन्वेऽवि समागया सपरिसागा । संकेणावि तह चिय उवँठविओ कलससद्दाओ ॥ २९ ॥  
 दोऽवि य परोपरं ते अन्तब्भूया समाणकलसेसु । तो रत्ता संकेण य महाविभूइएँ अभिसित्तो ॥ ८३० ॥  
 सुरचन्दणाणुलित्तो सुरतरुवरकुसुममालचिञ्चइओ । सियवत्थपाउयङ्गो जस्स उ मोहं सयसहस्सं ॥ ३१ ॥  
 आसुरकिरीडमउली हारविरायन्तकण्ठवच्छयलो । केऊरकडयमण्डियभुयडण्डो कुण्डलाहरणो ॥ ३२ ॥  
 सिवियाएँ समारोहइ वीरो चन्दप्पहाभिहाणाए । मणिरयणकञ्चणमए निविसइ सिंहासणे तत्थ ॥ ३३ ॥

केरिस्सी य सा सिधिया—

पन्नासं आयामा धणुइं रुन्दा य पन्नवीसं तु । छत्तीसं उन्विद्धा मणिकञ्चणरयणविच्छुरिया ॥ ३४ ॥  
 उत्तुङ्गपवरसिहरा महघवरवत्थविरइउल्लोया । उम्मुक्कहारदामा परिलम्बिरकुसुममालोहा ॥ ३५ ॥  
 णरवइआएसेण य उक्खित्ता सा नरोहिं बहुएहिं । तरुणेहिं सरुवेहिं सन्वालङ्कारधारीहिं ॥ ३६ ॥  
 पच्छा वहन्ति सीयं सक्कीसाणयल्लिचमरइन्दाओ । कोणेसु चउसु अमरा सेसावि जहारिँहं लग्गा ॥ ३७ ॥

१ अ—यव° । २ ब—जम्मु° । ३ अ—निक° । ४ अ—ठविओ कलसाण सङ्गाओ । ५ अ—°सिया । ६ अ—°विहं ।

भणियं च—

चलचलभूसणधरा सच्छन्दविउव्वियाभरणधारी । देविन्ददाणविन्दा वहन्ति सीयं जिणिन्दस्स ॥ ३८ ॥  
कुसुमाणि पञ्चवन्नाणि सुयन्ता दुन्दुभीउं वायन्ता । देवगणा उ पह्वा भूमिं गयणं च छायन्ति ॥ ३९ ॥  
वणसण्डो उव्वं कुसुमिओ पउमसरो वा जहा सरयकाले । सोहह कुसुमभरणं इय गयणयलं सुरगणेहिं ॥ ४० ॥  
अयस्सिवणं व कुसुमियं सिद्धत्थवणं व चम्पगवणं उव्वं । तिलगवणं व कुसुमियं इय गयणयलं सुरगणेहिं ४१ ॥  
वरपडहभेरिद्धल्लरिदुन्दुभिसङ्गसहिण्हिं तूरेहिं । धरणिगले गयणयले तूरनिनाओ परमरम्मो ॥ ४२ ॥  
निगगच्छन्तो य तथा कुण्डगगामणयरस्स मज्जेणं । अभिनन्दिज्जइ वीरो आसीसाहिं बहुविहाहिं ॥ ४३ ॥  
जय जय नन्दा जय जय भद्दा धम्मं य होअविग्घं ते । जय जय खत्तियवरवसभ ! तुज्झ दुक्खक्खओ होउ ॥  
अग्घे पडिच्छमाणो गयणसहस्सेहिं दीसमाणो उ । अवरोप्परं च दरिसिज्जन्तो अहुलिसहस्सेहिं ॥ ४५ ॥  
एवं सदेवमणुयासुराएँ परिसाएँ परिवुडो भयवं । अभियुव्वन्तो गिराहिं संपत्तो णायसण्डवणं ॥ ४६ ॥  
उज्जाणं संपत्तो ओरुहिउं उत्तमाएँ सीयाए । छट्ठेणं भत्तेणं लेसाहिं विसुद्धपरिणामो ॥ ४७ ॥  
ओमुयह अलङ्कारं पडिच्छँए तं च आमयाईओ । हत्थुत्तरजोएणं मग्गसिरे किण्हदसमीए ॥ ४८ ॥  
लोयं च पञ्चमुट्ठिं करेह सक्को पडिच्छँए केसे । अणुणविय जिणवरिन्दं खीरसमुदस्सि पक्खिवइ ॥ ४९ ॥

१ व-ओ । २ व-व । ३ व-व । ४ अ-साइं । ५ अ-च्छइ ।

दिव्वो मणुस्सघोसो तुरियणिणाओ य सक्खवयणेणं । खिप्पामेव निल्लक्को जाहे पडिवज्जह चरित्तं ॥ ८५० ॥  
 सिद्धाण नमोक्कारं काऊण अभिगगं तु सो गिणहे । सव्वं मे अकरणिज्जं पावं ति चरित्तमारुढो ॥ ५१ ॥  
 भन्ते स्ति सद्धवज्जं सव्वं उच्चरह सामइयसुत्तं । पडिवज्जे य चरित्ते मणपज्जवनाणसुप्पन्नं ॥ ५२ ॥

अणियं च—

तिहिं नाणेहिं समग्गा तित्थयरा जाव हेन्ति गिहवासे । पडिवन्नम्मि चरित्ते चउनाणी जाव छउमत्था ॥  
 एणं च देवदूसं सक्कविइन्नं खिवेइ खन्धम्मि । सीसाण सचेलं चिय धम्मविहिं पन्नविस्सामि ॥ ५४ ॥  
 सक्काइया देवा भयवन्तं वन्दिउं सपरितोसा । कयनन्दीसरजत्ता नियनियठाणां संपत्ता ॥ ५५ ॥  
 वीरोऽवि बन्धुवगं आपुच्छिय पत्थिओ विहाराए । सोऽवि य विसन्नचित्तो वन्दि य भयवं पडिनियत्तो ॥ ५६ ॥  
 एत्थन्तरम्मि एगो आजम्मं चैव निद्धणो भट्ठो । धणलाभत्थी पत्तो आसं काउं जिणसयासे ॥ ५७ ॥  
 सो पुण दाणावसरे जिणस्स देसन्तरं गओ आसि । लाहत्थमेव रडिओ भज्जाए आगओ सन्तो ॥ ५८ ॥  
 एवं जिणेण दिन्नं सव्वस्स दणक्कए तुमं देसि । तो निल्लवत्तण ! अज्जवि गन्तूण तमेव मग्गेसु ॥ ५९ ॥  
 अणियं च तेण भयवं ! दीणोऽहं दुत्थिओ अभग्गो य । मगगन्तभमन्तस्सवि न किञ्चि मे सामि ! संपडइ ॥ ८६० ॥

किञ्च—

१ व-एवं । २ व-०म्ममहं । ३ अ-०उद्ध० । ४ व-०रुवन्तं ।

किं किं न कयं को को न पतिथओ कत्थ कत्थ न य भूमिओ । दुम्भरुयस्स कए तं पि कयं जं न कायव्वं ॥ ६१ ॥  
 दिन्नं च तए दाणं सव्वस्स जहिच्छियं चिरं कालं । नासि तथा एत्थाहं ता सामि ! करेवि कारुन्नं ॥ ६२ ॥  
 देसु मह किञ्चि दाणं सव्वस्स जगस्स तं सि कारुणिओ । इय विन्नत्तो भयवं करुणेक्करसोऽणुकम्पाए ॥ ६३ ॥  
 वियरइ सुरदूसद्धं अन्नं मह नत्थि किं पि इय भणिउं । सोऽवि गओ पणमित्ता महापसाओ त्ति तं गहिउं ॥ ६४ ॥  
 तुत्तागस्सुवणीयं दसियाकज्जम्मि तेण सो भणिओ । भमसु जिणमगओ तं खन्धाउ पडिस्सइ तमद्धं ॥ ६५ ॥  
 न य धेच्छी सो भयवं निस्संगो तो तुमं तमाणेज्ज । दोऽवि अहं तुन्नेउं अद्धे सगलं करिस्सामि ॥ ६६ ॥  
 दीणारसयसहस्सं लहिही तं विक्कयम्मि तो तुज्झं । मज्झं च अद्धमद्धं होही भणिओ इय गओ सो ॥ ६७ ॥  
 भयवं पि महावीरो तीसं वासाइ वसिय गिहवासे । पडिवल्लिऊण दिक्खं विहरन्तो तम्मि चैव दिणे ॥ ६८ ॥  
 संज्झाए संपत्तो कुमारगामम्मि तस्स बाहिम्मि । पडिमाएँ ठिओ भयवं धम्मज्झाणं छियायन्तो ॥ ६९ ॥  
 गोवो य तत्थ एगो दिवसं सव्वं हलस्मि वाहेउं । निययवइल्ले घेत्तुं संपत्तो वीरपासम्मि ॥ ७० ॥  
 तस्सासन्ने मोत्तुं गामस्सव्वभन्तरं पविट्ठो सो । गोदोहाइनिमित्तं तेऽवि चरन्ता गया रन्नं ॥ ७१ ॥  
 गोवो तत्थायाओ न वइल्ले तत्थ पेच्छइ तओ य । सामी पुच्छइ वसहे कत्थ गया ते इसी कहसु ॥ ७२ ॥  
 सामी मोणेणच्छइ न सुणाइ एसो त्ति सव्वराहं पि । सो मणिगउं पवत्तो न य लद्धा तो विसन्नमणो ॥ ७३ ॥

१ व-भमियं । २ व-पेहस्स । ३-व-जं म० । ४ अ-पेच्छी । ५ व-भीगं । ६ व-पयत्तो ।

पुण आगओ पहाए सामिसमीवे य पेच्छए वसहे । ते पुण रत्ति चरिउं माणुसनिस्सं समल्लीणा ॥ ७४ ॥  
 तो सो कुविओ एए इमिण चिय नूण आसि ओहरिया । संपइ पुण पायडिया रयणीए न सक्किया पेउं ॥ ७५ ॥  
 उग्गामिऊण सेल्लं पहाविओ भगवओ पहणणत्थं । एत्थन्तरम्मि सक्को चिन्तइ किं कुणइ अज्ज जिणो ॥ ७६ ॥  
 दइण तमुवसगं वेगेणागम्म पहणए गोवं । पुच्छइ य सुहविहारं सामी वन्दइ नमंसइ य ॥ ७७ ॥  
 भणइ य भयवं तुम्हं बारसवरिसाई सोवसगं ति । ता तेसि वारणेणं वेयावच्चं करेमि अहं ॥ ७८ ॥  
 नो भूयं नो भव्वं न भविसं देवराय ! जं होज्जा । परनिस्साए केवलणणुप्पत्ती जिणिन्दाणं ॥ ७९ ॥  
 नियवलपरक्कमेणं कम्माण खयं कुणन्ति तित्थयरा । मोक्खो अवेइयाणं तेसिं जं होज्ज न कयाइ ॥ ८० ॥  
 एत्थन्तरे सहरिसो माउसियसुओ उ वद्धमाणस्स । वन्दणहेउं पत्तो सिद्धत्थो वन्तरसुरोऽवि ॥ ८१ ॥

सो य सक्केण भणिओ—

भो सिद्धत्थ ! न मन्नइ भयवं मं वारयन्तमुवसेगं । करिसद्धे सीहो अहिलसइ किमन्नसाहेजं ॥ ८२ ॥  
 ता चिद्ध तुमं बारसवरिसाई भगवओ समीवम्मि । पाणन्तियमुवसगं वारेज्जसुं अप्पमत्तो उ ॥ ८३ ॥  
 इय तँज्जिऊण सक्को सिद्धत्थं नयजिणो गओ सगं । इयरोऽवि भत्तिमन्तो चिद्धइ सामिस्स सन्निहिओ ॥ ८४ ॥  
 कोल्लागसन्निवेसे भयवं पि य छँट्ठखमणपारणए । भिक्खव्हाए पविट्ठो दिग्गस्स बहुलस्स गेहम्मि ॥ ८५ ॥

१ व-य ह० । २ अ-सगे । ३ व-सिहो । ४ व-वेडि । ५ व-सुमप्प० । ६ तर्जयित्वा शिक्षयित्वेत्यर्थः । ७ व-तत्थ० ।

घयमहुसंजुत्तेणं परमज्ञेण पडिलाभिओ तेणं । हरिसुद्धरेण पञ्च य पाउब्भूयाणि दिव्वाणि ॥ ८६ ॥  
 गन्धजलकुसुमबुद्धी हिरन्नबुद्धी पभूयकोडीओ । चेलुक्खेवो सुरदुन्दुही य धुहं अहो ! दाणं ॥ ८७ ॥  
 बहुलेण तेण तइया दाणेणं गाहगाइसुद्धेणं । देवालयं निबद्धं कओ परित्तो य संसारो ॥ ८८ ॥  
 सामी तं पारेउं विहरइ गामनयराउलं पुहइं । पञ्चसमिओ तिगुत्तो जिह्दिओ जियकसाओ य ॥ ८९ ॥  
 अममो विसुद्धलेसो उवसग्गपरीसहाण य अभीओ । वाउ व्व अपडिबद्धो निक्कम्पो मन्दरगिरि व्व ॥ ९० ॥  
 सीहो व्व भयविमुक्को सोडीरो कुञ्जरो व्व मयमुक्को । चन्दो व्व सोममुत्ती तवतेणं दिणयो व्व ॥ ९१ ॥  
 गयणमिव निरुवलेवो संखो व्व निरञ्जणोऽविगारेहिं । धरणिं पिव सव्वसहो महासमुद्धो व्व गम्भीरो ॥ ९२ ॥  
 लाभम्मि अलाभम्मि य जीवियमरणे सुहे य दुक्खे य । सव्वत्थवि समभावो समो य माणावमाणेसु ॥ ९३ ॥  
 दुक्करतवचरणरओ खन्तिखमो उग्गवम्भवेरो य । अप्पपरतुल्लचित्तो मोणव्वय पाणिभोई य ॥ ९४ ॥  
 दूईज्जन्तगतावसगामम्मि गओ य विहरमाणो उ । तत्थच्छइ पीमित्तो जयपहुणो तावसाहिवई ॥ ९५ ॥  
 दद्धूण जिणं सो साइयत्थमब्भुद्धिओ गरुयेनेहं । कहवि दिणे तत्थच्छिय वच्चन्तो तेणिमं भणिओ ॥ ९६ ॥  
 आगच्छेज्जह एत्थं वासावासत्थमरहसुवरोहा । सामी वि विहरिऊणं वासासमए सखायाओ ॥ ९७ ॥  
 तग्गामे कुलवइणा समप्पिए तणगिहम्मि तत्थठिओ । चारिमपावन्ताइं तणाइं उडयाण कहन्ति ॥ ९८ ॥

१ व-व । २ व-दूईं । ३ व-पिइमिं पितुमित्रम् । ४ स्वागतार्थमित्यर्थः ।

भुविखयगोरूवाइं सामी नो वारए विगयसंगो । तो कुलवइणा भणिओ कुमार ! सउणी वि नियनीडं ॥ ९९ ॥  
 रक्खह ता किं न तुमं रक्खसि निययं उवस्सयं एयं । म्वज्जन्तं इय भणिए अचियत्तो उग्गहो म्मो ॥ १०० ॥  
 धम्मत्थिणा य कस्सइ अपत्तियं सव्वहा न कायव्वं । इय चिन्तिय निक्खन्तो पाउससमयम्मि पढम्मि ॥ १०१ ॥

भणिणियं च—

सो तावसासमाओ तेसिं अप्पत्तियं सुणेऊणं । परमं अबोहिबीयं तओ गओ हन्त कालेऽवि ॥ २ ॥  
 इय सव्वेणवि सम्मं सक्कं अप्पत्तियं सहजणस्स । नियमा परिहरियव्वं इयरम्मि सतत्तचिन्ताओ ॥ ३ ॥

तथाहि—

जिणभवणसाहुदंसणमाई वि हु जेण होइ केसिंवि । अप्पत्तियस्स हेउं कुन्तलनमुयाइयाणं व ॥ ४ ॥  
 निगन्तूण य तत्तो अट्टियगामे गओ महावीरो । तत्थ ठिओ आययणे जक्खस्स उ सूलपाणिस्स ॥ ५ ॥  
 सो पुण दुट्ठसहावो वासं कस्सइ न देइ रयणीए । सो पुव्वभवे वसहो आसी धणदेववणियस्स ॥ ६ ॥  
 पञ्चसए सगडाणं उत्तारेउं नईए सो तुट्ठो । गामस्स वद्धमाणस्स बाहिं भोत्तुं मओ वणिओ ॥ ७ ॥  
 पाणियचारिनिमित्तं दव्वं गामेल्लयाण दाऊण । तेहिं य न किञ्चि दिन्नं तण्हाए छुहाए सो मरिउं ॥ ८ ॥

पाणियचारिनिमित्तं दव्वं गामेल्लयाण दाऊण । तेहिं य न किञ्चि दिन्नं तण्हाए छुहाए सो मरिउं ॥ ८ ॥  
 पाणियचारिनिमित्तं दव्वं गामेल्लयाण दाऊण । तेहिं य न किञ्चि दिन्नं तण्हाए छुहाए सो मरिउं ॥ ८ ॥

१ व-भूखियगोरूवाइं । २ 'अचियत्तो' अयोग्य इत्यर्थः । ३ व-एस । ४ अप्रीतिकमित्यर्थ एवमग्रेऽपि । ५ अ-'भणिय च' इति नास्ति । ६ व-०ण व । ७ व-वसमो । ८ अ-०ई उ । ९ अ-मुपुं ।



जाओ य सूलपाणी रुद्धो उवरिं च तस्स गामस्स । मारिं विउव्विऊणं निवाहओ बहुजणो तेणं ॥ ९ ॥  
 लोणेणं विव्वत्तो तव्वयणेणं च देउलं काउं । तप्पडिमा कारविया जत्तं पूयं च कारेन्ति ॥ ११० ॥  
 तम्ममारियजणअट्ठीनियरो दीसइ पए पए तत्थ । तो सो अट्ठियगामो ति लोयमज्झम्मि विक्खाओ ॥ ११ ॥  
 तस्सेव बोहणत्थं भयवं पडिमाएँ सण्ठिओ रत्तिं । तस्साययेणे सो चिय दद्धं रुद्धो जिणस्सुवरिं ॥ १२ ॥  
 उव्वसग्गिउमाडत्तो संज्झाए कुणइ भूमिभेयकरं । अट्ठहाससहं मणुयतिरिक्खाण तासणयं ॥ १३ ॥  
 तत्तो य हत्थिरुवं पिसायरुवं च नागरुवं च । काउं उव्वसग्गेई खुहइ मणागं पि नो भयवं ॥ १४ ॥  
 सिरकन्ननासनइअच्छिदन्तपट्ठीसु वेयणं कुणइ । पक्केका जा जीवियहरणे अन्नस्स सुसमत्था ॥ १५ ॥  
 जाहे य सव्वरयणिं भयवं उव्वसग्गिओडवि नो खुँटिओ । तो उव्वसन्तो खामइ संयुणइ य गरुयसहं सो ॥ १६ ॥  
 अट्ठन्नमिच्चविज पासावच्चिओ तोहिं गामे । निट्ठइ आगमक्कुसलो उप्पलओ सिद्धपुत्तो ति ॥ १७ ॥  
 सो देवचयकहिंयं सामिसरुवं सुणेइ उव्विगगो । मत्ते वीरजिणिन्दो छउमत्थो एत्थ आयाओ ॥ १८ ॥  
 सुम्मइ य किलंकिरवो जक्खाययणम्मि ता न नज्जेत्ता । हं पि अवत्थं जक्खो सो दुट्ठो कुणइ सामिस्स ॥ १९ ॥  
 समइक्कन्ता रयणी इय चिन्ताए अलद्धनिदस्स । तस्स पट्ठाए य गओ जक्खाययणे जिणं दद्धुं ॥ २० ॥  
 भयवं पि सव्वरयणिं सुरेण संतापिओ पहायम्मि । उव्वसन्तमन्ववियणो सुट्ठत्तमेत्तं गओ निदं ॥ २१ ॥

१ व-विन्नविओ । २ अ-यण । ३ व-ताहे सग रयणिं । ४ व-चलइ । ५ व-त्ता । ६ व-सुणेवि । ७ व-किलिकिलिं ।

जक्खेण थुव्वमाणो निच्चं चिय अद्धमासखवणेहिं । सरयन्ते निगगन्तुं गओ य मोरागवासम्मि ॥ ३५ ॥  
 उज्जाणे तत्थ ठिओ अच्छन्दो नाम तत्थ पासण्डी । जोहसमन्तनिमित्तेहिं जीवए लोयविवक्खाओ ॥ ३६ ॥  
 तस्स विगोयणक्खे केलिपियत्तेण तह जिणिन्दस्स । पूयाए जणणत्थं सिद्धत्थो बाहरेऊण ॥ ३७ ॥  
 आसन्ने गेच्छन्तं एगं गोवं च कहइ जिणख्वो । जं तेण कयं मुत्तं दिट्ठं संपत्थिओ जत्थ ॥ ३८ ॥  
 एमाइं नियं चिट्ठं सोउं सो रज्जिओ गओ गामे । सव्वजणाणं साहइ तीयाणागयनिमित्तविज्ज ॥ ३९ ॥  
 उज्जाणगओ चिट्ठइ एगो देवज्जगो तओ लो गो । सव्वोऽवि समागन्तुं पुच्छइ सोऽवि य परिकहेइ ॥ ४० ॥  
 सो आउट्ठो वीरं वन्दइ पूएइ पज्जुवासेइ । कहइ य एत्थवि चिट्ठइ अच्छन्दो जाणओ एगो ॥ ४१ ॥  
 सिद्धत्थेण य भणियं न किं पिं सो मुणइ वञ्चए लो गं । एमेव तओ लो गो गन्तूणं तस्स तं कहइ ॥ ४२ ॥  
 सो अमरिसिओ पभणइ जइ पुरओ मज्झ मुणइ तो सव्वं । जाणइ सो देवज्जो गओ य जणसंजुओ तत्थ ॥ ४३ ॥  
 ठाउं जिणस्स पुरओ तणं च घेत्तूण दोहिं वि करेहिं । भणइ इमं अज्जिस्सइ न वत्ति सो चिन्तइ इमं ति ॥ ४४ ॥  
 जं एस किं पि भणिही चिवरीयं चेव तं करिस्सामि । सिद्धत्थेण य भणियं न भज्जिही सोऽवि आहत्तो ॥ ४५ ॥  
 भजेउं सक्खेणवि दिट्ठुवओगेण पक्खविय वज्जं । अच्छन्दगस्स छिन्ना करज्जुलीओ दसवि रुसिउं ॥ ४६ ॥  
 इय विग्गुत्तो लोएण खिसिओ आगओ य वेलक्खं । सामी परमपसिद्धिं संपत्तो परमपूयं ष ॥ ४७ ॥

१ अ-धामंमि । २ व-अच्छन्तं । ३ अ-संपत्तिओ तं । ४ व-ई नियचिं । ५ व-वि । ६ व-लोयं ।

सिद्धत्थो पुण रुद्धो लोयस्स कहेह एस चोरो स्ति । किं चोरियमेणं अत्थि इहं वीरघोसो स्ति ॥ ४८ ॥  
 एगो पणमिय पभणइ एस अहं तुज्झ अमुगकालस्मि । वट्ठं दसपलमाणं नट्ठं आमं तयं हरियं ॥ ४९ ॥  
 इमिणा तं कत्थच्छइ सहसिन्दुतरुस्स हत्थमेत्तेणं । पुण्वदिसाए निहिंयं एयस्स पुरोहेडे चेव ॥ ५० ॥  
 गिणहह तं खणिज्जं गया य दिट्ठं च आगया तत्थ । कलकलरवं कुणन्ता अन्नं पि सुणेह एयस्स ॥ ५१ ॥  
 अत्थेत्थ इन्दसम्मो एसोऽहं तुज्झ ऊरणो नट्ठो । अमुगे काले आसं एणं चेव सो खइओ ॥ ५२ ॥  
 उक्कुरुडिगाँए वयरीए दाहिणे अट्ठियाणि चिट्ठन्ति । ते तत्थ गया दिट्ठाणि आगया कुक्कुयन्ता य ॥ ५३ ॥  
 तइयमवच्चमकज्जं कहिही एयस्स भारिया चेव । सा पुण तस्स विरत्ता चिट्ठइ छिदाणि मग्गन्ती ॥ ५४ ॥  
 अक्कोसदाणनिरया तग्गि दिणे चेव पिट्ठिया तेण । लोणेण य सा पुट्ठा मा गेणहह एयनामं ति ॥ ५५ ॥  
 एसो अकज्जकारी इय भणिउं साहए इमो पावो । भणिणीए समं अच्छइ तं सोउं खिसए लोगे ॥ ५६ ॥  
 धी एस महापावो फलियं अज्जेव दुक्कयमेयस्स । अड्डुलिछेएणेवं तह सो सन्वत्थ विग्गुत्तो ॥ ५७ ॥  
 जहभिवक्खं पि न पावह ताहे दीणो रहे पणमिज्जं । पभणइ सामी तुब्भे अन्नत्थवि पूयणिज्जाओ ॥ ५८ ॥  
 मम नत्थि अन्नथामं मा भज्जह मज्झ जीवियं तम्हा । अचियत्तमिमं नाउं सामी चि ड्डु विहरिओ तत्तो ॥ ५९ ॥  
 वच्चन्तस्स य पडियं खन्धाओ सुवन्नवाल्लयापुलिणे । वत्थं कण्ठियलग्गं घेत्तूण य सो दिओ वलिओ ॥ ६० ॥

१ व-आमंति तं । २ अ-विहिं । ३ अ-स अहं । ४ व-गाइ । ५ अ-ता । ६ व-चमीकाउं अप्रीतिकमितिकृत्वा ।

तुष्ठागस्तुवणीयं तुल्यमेण लकलमोल्लं च । जायं अद्धेण य दव्वं दोहिं पि तं गहिंयं ॥ ६१ ॥  
संपत्थिओ य भयवं उत्तरचावालसन्निवसम्मि । तत्थ य उल्लू वक्को दो मग्गा उल्लुणा वलिओ ॥ ६२ ॥  
गोवालेहिं निसिद्धो एत्थच्छइ दिट्ठिविसहरो भुयगो । तप्पडियोहणेउं गन्तुं तेणेव कणगखले ॥ ६३ ॥  
आसमपयम्मि पत्तो मण्डवियाए य जक्खभवणस्स । पडिमाएँ ठिओ दिट्ठीविसस्स सप्पस्स आसन्ने ॥ ६४ ॥

सो य पुव्वभवे को आसी—

एगम्मि सन्निवेसे सुणिगच्छे आसि खमरिसी एगो । भिक्खट्ठा य पविट्ठो पारणए खुट्ठुएण समं ॥ ६५ ॥  
खमरिसिणा अक्कन्ता एगा मण्डुक्किया मया तत्थ । खुट्ठेण तस्स कहिया सो भणइ इमा न मे वहिया ॥ ६६ ॥  
किं दुट्ठसेह ! झङ्गसि जणेण एयाउ पेच्छ वहियाओ । खुट्ठो चिन्तइ छुहिओ एसो ता चोयणेऽसमओ ॥ ६७ ॥  
पुण पडिकमणे सारइ खुट्ठो मण्डुक्कियं खमरिसिस्स । सो रुट्ठो आहन्तुं पहाविओ खुट्ठुयस्सुवरिं ॥ ६८ ॥  
खम्भम्मि समावडिओ पडिओ य मओ य रोसमावन्नो । जोइसियसुरो जाओ तओ बुओ कणयत्तल्यम्मि ॥  
कुलवइणो संजाओ पुत्तो पञ्चणहतावससयाणं । अहिंवइणो तस्स तहिं नामं पुण कोसिओ त्ति कयं ॥ ७० ॥  
सो पुव्वसहावेणं चण्डो तो चण्डकोसिओ जाओ । पियरम्मि य कालगए सो तेसिं कुलवई जाओ ॥ ७१ ॥  
न य देइ तावसाणवि वणसण्डे सुच्छिओ फले घेचुं । तेऽवि य अन्नत्थ गया अलहन्ता सो य एगागी ॥ ७२ ॥  
हिण्डइ वणं समन्ता गोवार्हयं पि तत्थ पविसन्तं । धाडेइ फरखुहत्थो कोहन्थो निरयसहावो ॥ ७३ ॥

आसन्नपुरवरीए कयाइ आगन्तुरायपुत्तेहिं । तस्स परोक्खं भग्गो उडवो मोडेवि वणसण्डं ॥ ७४ ॥  
 गोवेहिं तस्स कहियं कण्ठियहेउं गयस्स जहवत्तं । सोउं च आसुरुत्तो वहणत्थं धाविओ ताणं ॥ ७५ ॥  
 धेत्तूण तिवक्खफुरुसं अक्खुडिओ खाणुयम्मि सो पडिओ । चण्डेण फरसुणा सो दुहजायसिरो मओ तुरियं ॥ ७६ ॥  
 रोसवसेणुववन्नो तम्मि वणे चव मोहमूढमणो । दिट्ठीविसो सुयङ्गो मसिवन्नो भीसणायारो ॥ ७७ ॥  
 मुब्बाए वणसण्डं एक्खइ जे तत्थ तावसा आसि । ते दहा केई पुण नट्ठा वेगेण भयभीया ॥ ७८ ॥  
 पैरियञ्चइ वणसण्डं सोऽवि तिसंज्झं पि तत्थ जं नियइ । सउणं पि तं सरोसो दिट्ठिविसेणं दहइ सहसा ॥ ७९ ॥  
 दिट्ठो य तेण सामी चिन्तइ य अहो उ एस धिट्ठो त्ति । वीसत्थो इह चिट्ठइ असुणन्तो मज्झ सामत्थं ॥ ८० ॥  
 तो आसुरेत्तचित्तो सूरं निज्झाइऊण भयवन्तं । जोयइ पुणो पुणो सो तवतेएणं न पहवेइ ॥ ८१ ॥  
 सुट्ठुयरं आरुट्ठो डसिउं ओसरइ झत्ति दूरम्मि । पडिही ममोवरिं चिय इय चिन्तिय न य विसं कमइ ॥ ८२ ॥  
 सामिसरीरे सोऽवि हु पुणो पुणो डसइ नियइ भयवन्तं । जिणकन्तिसोमयाए दिट्ठी वि हु तस्स विज्जाया ॥ ८३ ॥  
 णाउं बोहावसरं भणिओ सो भयवयाणुकम्पाए । उवसमसु चण्डकोसिय ! कोवो जं दारुणसहावो ॥ ८४ ॥

तथाहि—

न सुणन्ति परं अप्पं हियमहिं सुन्दरं च इयरं वा । धणमित्तणासमरणं वेरं न गणन्ति कोहन्धा ॥ ८५ ॥

१ अ-<sup>०</sup>कुडिओ । २ अ-अडुणं । ३ परिआम्यतीत्यर्थः । ४ अ-<sup>०</sup>रुत्तं ।

तं चिय जन्तुं पढमं कोवो निदहह जत्थ उववन्नो । जत्थुप्पल्लो तं चेव इन्धणं धूमकेउ व्व ॥ ८६ ॥  
सुहसंपयाण विग्घो अणत्थमूलं विवेयपडिवक्खो । कोहो दुग्गईहेऊ तवसंजमनेहल्लयकारी ॥ ८७ ॥  
सुमरसु तं खमगभवे कोवफलं चण्डकोसियभवे य । इय एवमाइ सोउं ईहापोहं करेन्तस्स ॥ ८८ ॥  
जायं जाईस्सरणं संवेगं आगओ य सो परमं । तिक्खुत्तो भत्तीए पयाहिणं भगवओ कुणइ ॥ ८९ ॥  
पच्चक्खिऊण भत्तं सुहपरिणामो विले मुहं छोडुं । नवकारपरो चिट्ठइ जिणोणुकम्पाए तत्थ ठिओ ॥ ९० ॥  
सामिं दडुं गोवाइयावि तत्थागया सुविम्हइया । पाहाणखिवणकड्डाइघट्ठणेहिं परिक्खन्ति ॥ ९१ ॥  
जाहे कहवि न फन्दइ ताहे लोगस्स कहियमेएहिं । सो आगन्तुं सामिं वन्दइ सप्पं च पूएइ ॥ ९२ ॥

भणइ य—

पेच्छ रिसिणो पहावो इमस्स जं एरिसो फणी दुट्ठो । उवसमिओ नत्थ तवस्स अहव इह किंश्चि वि असज्झं ॥ ९३ ॥  
मक्खिन्ति घयार्हं बहुमाणेणं व्वं गौडलित्थीओ । तगन्धेण य घेप्पइ नियरेण पिपीलियाणं सो ॥ ९४ ॥  
तं वेयणमंहियासिय सम्मं मासद्धमणसणं काउं । सहसारे उववन्नो मरिऊण महिड्डिओ देवो ॥ ९५ ॥  
संपत्थिओ य भयवं सुरहिपुरं तत्थ अन्तरे गड्ढा । तो सिद्धदत्तनावं आरुढो लोगमज्झम्मि ॥ ९६ ॥  
रविण य कोसिएणं खेमिलओ सउणजाणओ भणइ । पाणन्तिथमुवसगं कहइ इमो अम्ह जलमज्झे ॥ ९७ ॥

१ व-०इकेऊ । २ व-करि० । ३ ब-किं पिवि । ४ अ-व । ५ अ-०णअहि० ।

तस्सोवससं च पुणो इमस्स रिसिणो महापभावेणं । इय कहिए संचलिया नावा पत्ता अगाहजले ॥ ९८ ॥  
 तस्सोवससं च पुणो इमस्स रिसिणो महापभावेणं । पुवं निविट्टमारियकेसरिजीवेण सो कुविओ ॥ ९९ ॥  
 दिट्ठो य तत्थ अयं सुदाढनामेण नागकुमरेणं । एत्थन्तरे य कम्बलसयलाणं आसणं चलयं ॥ १०० ॥  
 कयसंवट्टगवाओ उब्बोलइ नावसुदगमज्झस्मि । एत्थन्तरे य कम्बलसयलाणं आसणं चलयं ॥ १०१ ॥  
 तेसिं पुण उप्पत्ती भण्णइ महुराए सावओ आसि । जिणदासो नामेणं जिणदासी भारिया तस्स ॥ १०२ ॥  
 जीवाइपयत्थविज्ज जिणपवयणरागरत्तमिज्झडी । धम्माउ न चालिज्झइ देवासुरजक्खरक्खेहिं ॥ १०३ ॥  
 पञ्चहिं अनुववएहिं गुणववएहिं च तिहि वि परिसुद्धो । बहुवीयणन्तकाइयकम्मादोणेण विणियत्तो ॥ १०४ ॥  
 सामइयसुभयसंज्झं चीवन्दणपूयणं च तिक्कालं । अट्ठमिच्चइसीसु य चउव्विहं पोसहं कुणइ ॥ १०५ ॥  
 असणं पाणं पत्तं उवस्सयं सयणमासणं वत्थं । ओसहमाइ वियरइ अइहीणं संविभागस्मि ॥ १०६ ॥  
 पढइ गुणेइ सुणेइ य एगगो झायए नमोक्कारं । तवनियमभावणाइसु सावगकिच्चेसु उवउत्तो ॥ १०७ ॥  
 तेहि य पच्चक्खायं जाजीवं चउप्पयस्स सव्वस्स । गिणहन्ति दहियमाइ निच्चं गोउलियहत्थाओ ॥ १०८ ॥  
 जाया सिणेहबुद्धी परोप्परं तेसिमिन्तजन्ताणं । गोउलियविवाहस्मि य कयाइ सोहा कया तेहिं ॥ १०९ ॥  
 वत्थाहरणाइहिं तेहि य तुंहेहिं तस्स सहुस्स । उवणीया सियवन्ना गोणजुवाणा दुवे पवरा ॥ ११० ॥  
 सो भणइ मज्झनियमो परिगहे चउप्पयस्स काउं जे । ताणि पुणो तस्स गिहे बन्धेत्तु गया नियट्ठाणं ॥ १११ ॥

सोऽवि य सद्धो चिन्तइ बाहिं सुक्का इमे हु लोगेहिं । बाहिज्जन्ति चरन्ति य अफासुयहरियमार्हयं ॥ ११ ॥  
 ताहे गिहद्धियाणं फासुयचारीए गलियमुदएणं । खाणेण य सो तेसिं करेइ सव्वं पि अक्खुणं ॥ १२ ॥  
 अट्ठमिचउदसीसु य उववासं करिय धम्मसत्थाइं । बाएइ तेसि पुरओ ते सक्की ताणि सोऊणं ॥ १३ ॥  
 भइयचित्ता जाया जद्धिवसं सावओ न जीवेइ । तद्धिवसं सुहभावा आहारं तेऽवि वज्जन्ति ॥ १४ ॥  
 सट्ठस्स तेसु जाओ बहुमाणो समहिओ सिण्हो य । एए उवसन्तप्पा भाकियचित्ता सि नाऊणं ॥ १५ ॥  
 भण्डीरमणे जत्ता जाया नीया य ते अपुच्छाए । सावगेमत्तेण तहिं जोएत्ता नियफिरिक्काए ॥ १६ ॥  
 अन्नस्स एरिसा गत्थि एव सिङ्गारसुव्वहन्तेणं । अन्नलोहिं य सद्धिं धवाडिया तेण वसहेहिं ॥ १७ ॥  
 ते ये मिलाणा छिन्ना सट्ठगिहे तेण आणिलं यक्खा । न चरन्ति नेय उदगं पिबेन्ति अइविहुरसव्वङ्गा ॥ १८ ॥  
 विन्नायवइयेरेणं सट्ठेण य खिब्बियं बहुपयारं । भत्तं पच्चक्खाविय दिन्नो तेसिं नमोक्कारो ॥ १९ ॥  
 तो मरिलं सुहभावा नागकुमारा महिद्धिया जाया । पेच्छन्ति य ओहीए उवसगं चद्धमाणस्स ॥ २० ॥  
 तुरियं तत्थागन्तुं जिणवरभत्तीए गिण्हए नावं । वीओ य तं सुदाढं निज्जिण्ह महिद्धियत्तेणं ॥ २१ ॥  
 जं तहस्स चवणकालो नवजाया ते य सो तओ नट्ठो । पणसन्ति ते य चलणेअहिंसं च करिन्ति वीरस्स ॥ २२ ॥  
 लोगोऽवि तह करेई सुरेहिं बुढं च कुसुअजलवरिसं । नावाए उत्तिन्नो वीरो अट्ठरा पेडिअया य ॥ २३ ॥

१ अ-अनरेहिं । २ अ-मिते । ३ व-तेय । ४ व-मिम । ५ व-यन्ति । ६ व-०पु । ७ व-य ते । ८ व-करे । ९ ०परिगं ।



दगतीरे पडिकमिउं हरियावहिद्या य पत्थिओ भयवं । नइपुलिणे तत्थ पया दीसन्ति सुलक्खणा पवरा ॥ २४ ॥  
 ते दट्ठुणं चिन्तइ पुस्सो सामुदलक्खणफलंणू । पयचारेणं गच्छइ भविस्सचक्की फुडं एसो ॥ २५ ॥  
 ता ओलगामि इमं साहेमि भविस्सलक्खणफलं च । जेणाहं लच्छीए आजम्मं भायणं होमि ॥ २६ ॥  
 थूणागसन्निवेसे बाहिं पडिमं ठियं च सो वीरं । दट्ठुं विसन्नचित्तो चिन्तइ मे निप्फलमहीयं ॥ २७ ॥  
 जं चक्किलक्खणजुओ हिण्डइ अप्पत्तनिवसणाहारो । एसो हु समणरूवो ता लक्खणसत्थमुज्झामि ॥ २८ ॥  
 एत्थन्तरम्मि सक्को आभोइय ओहिणा तहिं एइ । वन्दइ नमंसइ जिणं पभणइ सामुद्धियं तं च ॥ २९ ॥  
 भो पूस ! किं विसन्नो असुणन्तो लक्खणाण परमत्थं । एसो तिहुयणमहिओ अट्ठत्तरलक्खणसहस्सो ॥ १०३० ॥

अभिभन्तरलक्खणं पुण तुमं न याणासि—

रुहिरं गोखीराभं मंसं संखुज्जलं च निव्विस्सं । देहं आमयमलसेयवज्जियं सुरहिनीसासं ॥ ३१ ॥ इच्चाइ ॥  
 धम्मवरचक्कवट्ठी असुरिन्दसुरिन्दवन्दिओ एसो । तिहुयणवरकप्पतरू अमोहवयणो महावीरो ॥ ३२ ॥  
 संबच्छरं च दाणं वरवरियाघोसणेण दाऊणं । सासयसुहमोक्खट्ठा तवसंजमरज्जमल्लीणो ॥ ३३ ॥  
 ता सत्थमवित्तहं चिय मा निव्वेयं करेसु मग्गसु य । जं ते रोयइ आसा मा जायउ निप्फला तुज्झ ॥ ३४ ॥  
 सामिं उद्विसिय कया इय भणिउं देइ सुरवई तस्स । जं मग्गियं हिरन्नं सो तुट्ठो पणमए वीरं ॥ ३५ ॥

१ व-°याए । २ अ-लं च । ३ अ-°वरं च । ४ व-थोणा° । ५ अ-अट्ठो° । ६ अ-°त्थ अ° । ७ अ-सामिय उ° । ८ अ-°णिओ ।

पत्नो य पाउसम्मी रायगिहे तन्तुवायसालाए । तत्थ ठिओ णालन्दाबाहिरयाए महावीरो ॥ ३६ ॥

इओ य—

मङ्गलिमङ्गस्स सुओ भद्दाए उयरसंभवो अत्थि । गोसालाएँ पसूओ तो सो गोसालनामो त्ति ॥ ३७ ॥  
अब्भसियमङ्गसिण्णो जोव्वणपत्तो य चित्तफलमकरो । एगागी हिण्डन्तो रायगिहे सोऽवि संपत्तो ॥ ३८ ॥  
वासावासनिमित्तं सांमिं अणुनविय सालकोणम्मि । नियसिप्पदंसणपरो पुरलोयाणं ठिओ सोऽवि ॥ ३९ ॥  
भयवं पि पढममासक्खमणस्स उ पारणम्मि भिक्खद्धा । विजयस्स गिहं पविसइ सो पासिय एज्जमाणं तं ॥ ४० ॥  
अब्भुद्धइ अभिगच्छइ सत्तट्ठपए पयाहिणं कुणइ । हिट्ठमणो पडिलाहइ विउलाए भोयणविहीए ॥ ४१ ॥

भणियं च—

“पडिलाहिस्सामि त्ति तुट्ठे पडिलाहेमाणे तुट्ठे पडिलाहिए वि तुट्ठे ।”

एवं तिकालतुट्ठीसुद्धेणं परमपत्तदाणेणं । पुत्तं सुहाणुबन्धं उत्तममावज्जियं तेण ॥ ४२ ॥

किञ्च—

देवाउयं निबद्धं भवो परिस्सीकओ य अत्तोसिं । जणियं च बोहिबीयं पसंसणाहेउभावेणं ॥ ४३ ॥

जओ—

१ ब-सामी । २ ब-०णं ति ।

एकं पि सयलकल्याणकारणं होइ परमसुद्धाए । दाणं सुणीण दिन्नं जहेव धणसालिभद्धानं ॥ ४४ ॥  
जायाणि पञ्च दिव्वाणि ताणि दहूण रिद्धिलोभेण । गोसालो भणइ जिणं भयवमहं तुज्झ खीमो त्ति ॥ ४५ ॥  
भयवं मोणेण ठिओ भासवखमणं करेइ बीयं तु । पारणाए आणन्दो पडिलाहइ खज्जगविहीए ॥ ४६ ॥  
तइयम्मि पुणो नन्दो पारावह सव्वकामगुणिएण । गोसालोऽवि निओदरभरणपरो सेवए वीरं ॥ ४७ ॥

कत्तिथपुत्तिमाए य ।

नाणी एसो सुम्मइ ता पाणपरिखणं करेमि त्ति । चिन्तिथ पुच्छइ वीरं अज्झाहं किं लभिस्सामि ॥ ४८ ॥  
सिद्धत्थो भणइ तुमं कौदवकूरं च अम्बिलुम्मीसं । कूडं रूवगमेगं दक्खिणकज्जे य पाविहिस्सि ॥ ४९ ॥  
सो मगइ हिंइन्तो भण्डीसुणगो व्व भोयणं मिट्ठं । न य लहइ तओ संज्झासमए कम्मरयविडन्तो ॥ १०५० ॥  
लद्धो कौदवकूरो सुक्खियतिसिएण अम्बिलुम्मीसो । तह रूवगो य एगो परिक्खिओ जाव सो कूडो ॥ ५१ ॥  
तो आगओ विलक्खो भयवं पि चउत्थखमणपारणए । नालन्दाओ विहरिय पत्तो कोल्लागगामम्मि ॥ ५२ ॥  
बहुलदिएणं घयमहुजुत्तेणं पायसेण भसीए । पडिलाहिओ महप्पा पञ्च य दिव्वाणि सव्वत्थ ॥ ५३ ॥  
गोसालो भयवन्तं अनियन्तो तुण्डमुण्डणं काउं । हिण्डइ विमग्गमाणो कोल्लागे आगओ मिलिओ ॥ ५४ ॥  
वचइ सुवन्नखलयं सामी नत्थन्तरे अरत्तम्मि । महईए थालीए खीरिं रन्धन्ति गोवाला ॥ ५५ ॥  
गोसालो भणइ पइ एत्थ पडिक्खेइ जेण भुज्जामो । निप्पज्जिही ण एसा खीरी इय आह सिद्धत्थो ॥ ५६ ॥

सोऽवि तमसद्वहन्तो ते गोवे भणइ एस देवज्जो । तीयाणागयवेया धालीए भङ्गमाइसइ ॥ ५७ ॥  
 ता रक्खह जत्तेणं तेऽवि य वंसविदेलोहिं यन्धन्ति । रक्खन्ति तहवि फुट्ठा यदुनन्दुलगेवपञ्चमारा ॥ ५८ ॥  
 गोवेहिं कवछाइं गहियाइं तेण किं पि नो लद्धं । ताहे विलक्खचित्तो धाविय मिल्हो ज्जिणवरम्स ॥ ५९ ॥  
 सावत्थि संपत्तो कयाइ वाहिं ठिओ य पडिमाए । तो गोसालो पभणइ भिक्खावेल्ह त्ति पविमामो ॥ ६० ॥  
 नयरीए सिद्धत्थो जम्पइ भो अज्ज अन्तरं अम्ह । सो भणइ ममं साहसु अज्जाहं किं लहिस्सामि ॥ ६१ ॥  
 अज्ज तुमे भोत्तव्वं माणुसमंसं ति आह सिद्धत्थो । तमहं अज्ज गहिम्मं मंसस्स न संभवो जत्थ ॥ ६२ ॥  
 सो हिण्डिउमाहत्तो तत्थ य गाहावई उ पियदत्तो । तवभज्जा सिरिदत्ता सा निन्दू पुच्छए एगं ॥ ६३ ॥  
 सिवदत्तं नेमित्तिं किह मे जीवेज्ज पुत्तभण्डाइं । सो भणइ नियं गव्वं पीसित्ता पायसं कुणह ॥ ६४ ॥  
 सुतवस्सिस्स पयच्छह नियघरदारं च अन्नओ दुत्तं । कायव्वं सो नाउं नियतवत्तेण मा दहिही ॥ ६५ ॥  
 इय ते पयाथित्तं सोउं चेमं तहाकयं तीए । गोसालो हिण्डन्तो तीए पविट्ठो घरे कह वि ॥ ६६ ॥  
 तीए वि तस्स दिन्नो पुव्वुत्तो पायसो म्मुघयट्ठो । नत्थेत्थ नूण मंसं इय सुत्तो तुट्ठचित्तेणं ॥ ६७ ॥  
 आगन्तूण य जम्पइ वट्ठइ नेमित्तियत्तणं तुज्झ । कुणमाणस्स उ सुहरं अज्जं चुक्कं तुह निमित्तं ॥ ६८ ॥  
 विहडइ मज्झ निमित्तं न कयाइ वि एवमाह सिद्धत्थो । पत्तियसि जह न तो वमसु तेण पमियं तओ दिट्ठं ॥ ६९ ॥

१ अ-°दले° । २ अ-°देवं । ३ अ-°अवस° ।

नाओ तुम्ह पहावो छुटो एसो तुहाणु भावेणं । ता खमह मज्झ भयवं न घाणिओ तुम्ह सीसो ति ॥ ८२ ॥  
 गोसालो पुण पुच्छइ किमस जूयायो भणह भयवं ! । कहियं च तेउलेसासामत्थं सामिणा तैस्स ॥ ८३ ॥  
 तो संभन्तो पुच्छइ किह एस होइ जो उ गोसाला । छटं छट्टेण तवं करेइ आयावणानिरओ ॥ ८४ ॥  
 पारणए य नहन्तं सुञ्जइ कुम्मासपिण्डियं एगं । पियइ उदगस्स पसइं छम्मासं जाव तस्सेसा ॥ ८५ ॥  
 जायइ एवं कहिउं कुम्मगगामम्मि विहरिओ वीरो । चलिओ तेण पहेणं तिलथम्भो जत्थ दिट्ठो ति ॥ ८६ ॥  
 सो महुसुओ पभणइ तिलथम्भो सामि ! सो न निप्फन्नो । निप्फन्नो गोसाला पुप्फजिया तह तिला जाया ॥ ८७ ॥  
 उक्खणसि तुमं तइया मिच्छावाइत्तणं मम कुणन्तो । गोखुरनिहओ नवरं सुरकयवासेण सो लग्गो ॥ ८८ ॥  
 तो य असइहमाणो तत्थ गओ पेच्छए तहेव तयं । पक्खोडइ मुंगणियं करम्मि दिट्ठा य सत्त तिला ॥ ८९ ॥  
 कोइवियकूरभोयणपायसथालिनग्गमंसभोगम्मि । तिलनिप्फत्तीए तहा तेणं गहिओ नियइवाओ ॥ ९० ॥  
 तो सामिसयासाओ फिट्ठेउं सो गओ यं सावत्थि । साहेइ तेउलेसं कुलालसालाए पुवुत्तं ॥ ९१ ॥  
 छहिं मासेहिं य जाया दासीए परिक्खया य कूवतडे । तो दिट्ठपच्चओ सो गुरुहरिसो दप्पमावधो ॥ ९२ ॥  
 मिलिया छ सिद्धपुत्ता अवितहनेमित्तिया नया तस्स । तेसि सयासेऽहीयं निमित्तमह लोयमोहणयं ॥ ९३ ॥  
 अजिणो जिणप्पलावी अकेवली केवलिप्पलावी य । सो हिण्डइ मयमत्तो बहुअन्तेवासिपरियरिओ ॥ ९४ ॥

१ व-तुह पहा० । २ व-तत्थ । ३ अ-०शुवो । ४ अ-०तिवा० । ५ ब-उ ।

भयवं पि विहरभाणो दहभूमिं आगओ बहिं तीए । पेढाले उज्जाणे पोलासं चेइयं तत्थ ॥ ९५ ॥  
 अट्टमभत्तेण ठिओ अइहुक्करमेगराइयं पडिमं । अनिमिसनयणो एगस्मि पेगगलेऽचित्तहम्मि ॥ ९६ ॥  
 निच्चलनिरुद्धदिही सुद्धज्झाणोपलम्बियसुओ य । ईसिं ओणयकाओ निक्कम्पो मन्दरगिरि व्व ॥ ९७ ॥  
 सक्को य देवराया भगवन्तं ओहिणा पलोएउं । संजायवहलहरिसो बहुसुरपरिसाए मज्झगओ ॥ ९८ ॥  
 साम्मिस्स नमोक्कारं काउं पञ्चङ्कयपणामो य । अच्चन्सुयजयपहुचरियरञ्जिओ भणइ गुरुसइं ॥ ९९ ॥  
 सन्वं पि हु तेलोक्कं अभिभूय ठिओ अहो ! महावीरो । देवेहिं दाणवेहिं ज्ञाणाओ ण तीरए चलिउं ॥ १०० ॥  
 गुरुपवणेहिं व मेरू इय सोउं चिन्तए अभव्वसुरो । पावमई संगमओ सुरवइसामाणिओ तत्थ ॥ १ ॥  
 सच्छन्दवाइसक्को अहवा रागेण एवमुल्लवइ । को किर मणुस्समेत्तो चालिज्जइ नो सुरेहिं पि ॥ २ ॥  
 चालेमि अहं गन्तुं सक्को पुण तं न वारए इन्तं । परनिस्साए भयवं कुणइ तवं मा इमं सुणउ ॥ ३ ॥  
 सीहस्सेव सियालो तुच्छप्पा वायसो व्व गरुडस्स । वीरस्स खोहणत्थं पोलासे आगओ सोऽवि ॥ ४ ॥  
 धूलीवरिसं बेहलं पिपीलियाओऽवि वज्जतुण्डाओ । दंसा धयैइल्ला विच्छुया य नउला अइकराला ॥ ५ ॥  
 मूसा सप्पा य करी करेणुया वग्घदुइवेयाला । खरमारुयमण्डलिमारुया य सिद्धत्थतिसलाण ॥ ६ ॥  
 करुणं विलवन्ताइं रेयाइं विउव्वए रुयन्ताइं । पक्कणओ जिणवरतणुविलइय बहुसउणपञ्जरओ ॥ ७ ॥

१ अ-सुणउ । २ अ-बहुल । ३ व-ओ य । ४ अ-यउ । ५ व-वाइ ।

जिणचलणन्तरमङ्गलरन्धओ विरइओ य सुयारो । एएहिं जा न खुहिओ ताहे र्हो वहनिमिच्चं ॥ ८ ॥  
 अर्यभारसहससमयं सिरम्मि गयणाओ सुयइ सो चैक्कं । पडिहाएणं जस्स हु चुन्निज्जइ पव्वयवरोऽवि ॥ ९ ॥  
 भयवं पि जाणुमेत्तं खुत्तो धरणीए वज्जकट्ठिणाए । वालगं पि न भयवं क्षाणाओ चलइ धीरप्पा ॥ १११० ॥  
 दंसइ सूरसुदयं भणइ य देवज्जगा किं न वयसि । भयवं पि मुणइ अज्जवि चट्ठइ रथणी इमा माया ॥ ११११ ॥  
 वीसइम्यो उवसगो अणुकूलो एस होइ नायव्वो । अहवावि इमो भणइ संगमओ भणइ जिणवीरं ॥ १११२ ॥  
 तुट्ठोमि तुज्झ भयवं ! सगं तं नेमि अहव पाएसु । पाडेमि तुज्झ तिजगं अहवा जं मग्गियं देमि ॥ १११३ ॥  
 इय वीसं उवसग्गा एकनिसाए कया उ पावेणं । छम्मासं जाव पुणो अन्ने अणुकूलपडिक्कला ॥ १११४ ॥  
 जा चालिदं न सक्कइ सामी मणैयंपि घम्मझाणाओ । ताहे निट्ठिवन्नमणो आउट्ठो पडइ पाएसु ॥ १११५ ॥  
 खामेइ य अवरहं सच्चं तं सामि ! जं भणइ सक्को । तुम्हे सच्चपइत्ता भट्ठपइम्यो अहं जाओ ॥ १११६ ॥  
 संपइ हिण्डइ विहरइ मुज्जह न करेमि किञ्चि उस्सगं । इय भणिओ भणइ पट्ठ हो संगमया ण कस्सावि ॥ १११७ ॥  
 होमि अहं वत्तव्वो नियइच्छाए अईमि चिट्ठामि । संगमओ य विलक्खो कयगुरुपणइ गओ सगं ॥ १११८ ॥  
 इओ य—

१ अ—°तिमा° । २ व—°रिम्मि । ३ व पुस्तके—अस्या गाथाया उत्तरार्द्धमद्येतनगाथायाश्च पूवार्द्धं नास्ति । ४ अ—तह वि हु ।  
 ५ अ—°यंति । ६ व—णाउट्ठो । ७ व—उवस° ।

सक्काईया देवा उद्विगगमणा य तत्थ चिद्धन्ति । परिचत्ताहासकीला पेच्छन्ता सामिउवसग्गे ॥ १९ ॥  
 संगमयमेजमाणं दट्ठण परंमुहो ठिओ सक्को । जम्पइ भो भो तियसा ? एस दुरप्पा अदट्ठब्बो ॥ ११२० ॥  
 एएण चित्तरक्खा ण कया अम्हाण जं जिणिन्दस्स । विहिया महोवसग्गा तिहुयणजणवन्दणिज्जस्स ॥ २१ ॥  
 ता एस असंभासो निव्विसओ होउ एव भणियम्मि । सो नियदेविसमेओ मन्दरसिहरे ठिओ गन्तुं ॥ २२ ॥  
 भयवं पि बीयदिवसे घोसगओ वच्छवालथेरीए । पडिलाहिओ सुहरिसियमणाएँ दोसीण खीरीए ॥ २३ ॥  
 दिव्वाणि पञ्च भूयाणि विहरमाणो गओ य सावत्थि । बाहिं पडिमाएँ ठिओ उज्जाणे तत्थ लोएणं ॥ २४ ॥  
 जत्ताएँ खन्दपडिमा अलङ्किया पुप्फवत्थमाईहिं । रहआरोहनिमित्तं आढाइ न कोइ वीरस्स ॥ २५ ॥  
 णाऊण ओहिणा तो सक्को अणुपविसिऊण तं पडिमं । चलिओ वीराभिमुहो लोगो तुट्ठो इमं भणइ ॥ २६ ॥  
 सयमेव रहे देवो विलिगिही सोऽवि पणमए गन्तुं । वीरं ताहे लोगो आउट्ठो एस देवो त्ति ॥ २७ ॥  
 पूएइ महावीरं सक्कोऽवि हु होइऊण पच्चक्खो । वन्दइ नमंसइ जिणं सरीरखेमं च पुच्छेह ॥ २८ ॥  
 निद्वयसंगमयामरदुस्सहविविहोवसग्गकसवट्ठे । निव्वडिधं जयपहुणो वीरत्तं थोउमाहत्तो ॥ २९ ॥  
 जय संगमयसुरेण देव ! दारुणपरिणामिण विरइयघोरुवसग्गविविहतुहखोहणकामिण ।  
 नवरि न ज्ञाणह चलिउ चित्तु तुह वीर ! उदारह गुरुवाओविलिहि चलइ सिहरु किं कुलगिरिसारह ॥ ११३० ॥

१ व-सामि ताहे लो० । २ व-धीरत्त० ।



तणु संछाइउ बहलधूलिसंभारनिवाहण खण्डिउ तेण पयण्डतुण्डउहुंसन्निकाईण ।  
 पीवरनउलुन्दुरेहिं दीहदाहुगोहिं विघलिउ तहवि समाहिहि बद्धलक्खु तुह चित्तु न तरलिउ ॥ ३१ ॥  
 दुद्धपिपीलियकुलिसतुण्डघेइल्लमहिह्लिय केसरिकन्धररोमवन्नविह्वुयगणपेह्लिय ।  
 छिन्दिउ भिन्दिउ डसिउ तेहिं तुह देहु करालिउ सुहज्झाणह सोडीर वीर ! मणु तुज्झ न चालिउ ॥ ३२ ॥  
 सुण्डाडण्डेण लेवि गयणि तुह तणु उल्लालिउ पहणिउ दन्तगेहिं गैएण महियलि अप्फालिउ ।  
 घोरघुरुक्कारोविवग्घरूवेहिं विहण्डिउ धम्मज्झाणु पहाणु तोऽवि तुह णाह ! ण खण्डिउ ॥ ३३ ॥  
 खुहियकयन्तसमाणु फुरियभासुरकत्तियकरु दीहरदसणकरालवयणु तिहुयणह भयंकरु ।  
 विरइउ गुरुवेयालु तेण तणु तुज्झ कयत्थिउ तुह मणु तोऽवि न वीर ! धीर ! उम्मग्गि पत्थिउ ॥ ३४ ॥  
 सक्करेणुहिं निविडघाउ खरमारुइं ताडिउ मण्डलिवाइं कुलालचक्क जिह अहु भमाडिउ ।  
 तेहिं न खोभिउ वीर ! तंसि न य दुद्धमुयज्झिहिं खोहिज्झइ केसरिकिसोरु किं कैहिं वि कुरङ्गिहिं ॥ ३५ ॥  
 पुण गयणग्गह कालचक्कु सिरिसुक्कु सुरुद्धिण गिरिगुरु तेण सुत्तिक्खधारु सुरनरह अणिट्ठिणो ।  
 तसु घाएण तुह जाणु जाव तणु धरणिहिं खुत्तउ चलिउ न चित्तु समाहिमग्गि पसरन्तु निरुत्तउ ॥ ३६ ॥  
 विहरिउ तणु छम्मासु जाव बहुविहउवसग्गेहिं झाणभहु पारहु वीर ! तुह णेगेहिं मग्गेहिं ।

१ व-०रण । २ अ-नेवमु० । ३ अ-गयणि । ४ व-०राव० । ५ अ-कहि । ६ व-हेण । ७ व-हेण । ८ व-०णिहि ।

विहडिउ तोऽवि न देव ! चित्तु सुविसुद्धह भावह विहडइ किं कत्थइ सुवस्तु उत्तिस्तु सुतावह ॥ ३७ ॥  
बहुसो सुरु पाविहु दुइ परिभहु पइन्नहि तिहुयणि भायणु विगयणु सुंपन्नु अवन्नहि ।

तेहु पुणु तिन्नपइन्नभारु तइं जसु वित्थारिउ कुन्दसमुज्जलु सुवणमज्झि पसरह अनिवारिउ ॥ ३८ ॥  
गरुयपरक्कमसत्तसारभत्तिवभरभारिउ तइं उवसग्गपडिक्खलंतु हउं देव ! निवारिउ ।

किं खरनहरपहारु घोरदाढालिविराइउ करिवरैणिसंघट्टि करइ हरि अवरु सहाइउ ॥ ३९ ॥  
तइं पैहु घोरुवसग्गसोढ बारस संवच्छर सामि ! अकारणरुहुट्टजणजणियअमच्छर ।

धीरत्तणु तुह किं पि अल्लु निरुवस्तु अहुट्टिउ वीरैनाउं पैइं लोयमज्झि पायडिउ जहडिउ ॥ ११४० ॥  
तेहु अतुलियवल्लु विमलनाणु गम्भीरथिरासउ सारथससहरकन्ति खन्तिकारुन्नह आसउ ।

निरुवमसत्तुपसन्तचित्तु तइं जगु आणन्दिउ तुहु पयजुयल्लु नरिन्दचन्ददेविन्दिहि वन्दिउ ॥ ४१ ॥  
इय थोऊणं सक्को काऊण पयाहिणं गओ सग्गं । भयवं वेसालीए सुंपत्तो विहरमाणो उ ॥ ४२ ॥

समरे उज्जाणम्मी बलदेवगिहम्मि संठिओ भयवं । चाउम्मासियवमणं उवसंपजित्तु वासासु ॥ ४३ ॥  
तत्थत्थि परमसहो जिणदत्तो जो जणम्मि विक्खाओ । विहवक्खएण सेट्ठिण्यचाइओ जिन्नसेट्ठित्ति ॥ ११४४ ॥

जो य—

१ व-पहु सो । २ अ-तुहं । ३ ब-रण । ४ अ-बहुं । ५ ब-वीरुं । ६ ब-पइं । ७ ब-तुहु । ८ ब-वेहिं विं । ९ ब-पडिमं ।

जीबाइपयत्थविज चीवन्दणमाइधम्मकिबेसुं । निचं चिय उजुत्तो उदारयाइगुणजुओ य ॥ ४५ ॥

किञ्च—

जह भिक्खूणं बारस मासाइया हवन्ति पडिमाओ । तह सावयाण दंसणमाई एक्कारस पडिमा ॥ ४६ ॥  
दंसणवयसामाइयोसहपडिमा अबग्गमसच्चित्ते । आरम्भपेसउद्धिवज्जाए समणभूए य ॥ ४७ ॥  
एमाई परिभावि य जह सत्तीए य फासियप्पडिमो । सत्ताइसु मेत्ताइगुणेहि पवरेहि उववेओ ॥ ४८ ॥  
दिट्ठो य तेण भयवं णाओ अरिहा इमो ये चरिमो त्ति । वन्दह य पज्जुवासइ पइदियहं परमभत्तीए ॥ ४९ ॥  
नाओ अ विहरणेणं मासक्खमणेण संठिओ भयवं । कत्तिगिदिवसे चिन्तइ नूणं पारिस्सई अज्ज ॥ ११५० ॥  
तो<sup>३</sup> जह कहमवि गेहे आगच्छइ मज्झ पुन्नजोगेणं । ता पडिलाहेमि अहं इय चिन्तिय अच्छए पउणो ॥ ५१ ॥  
पउणियवरभोज्जविही भिक्खासमए य गोयरं पविसे । मत्तवरवारणगई वीरो चउमासखवणन्ते ॥ ५२ ॥  
अडमाणं दइणं हरिसियहियओ य कुणइ सो चिन्तं । सत्तट्ठपयाइ अहं समुहं गन्तुं जिणवरस्स ॥ ५३ ॥  
तिपयाहिणं करिस्सं पणमिस्सं भूमिनिहियभालयलो । पडिलाभिस्सामि तओ निययकरोहिं सुभत्तीए ॥ ५४ ॥  
सफलं मज्झ भविस्सइ जम्मं जीयं च माणुसत्तं च । आगच्छिस्सइ भयवं मज्झ गिहे अज्ज जह कह वि ॥  
इय जिणवरभत्तीए पइसमयसमुल्लसन्तपरिणामो । अज्जिन्तो सुहपुहं खवयन्तो पावकम्माइ ॥ ५५ ॥

१ ब-०पेसि । २ ब-उ । ३ ब-त्ता ।

जा चिद्वह ता भयवं अहिणवसेद्विस्स मन्दिरं पत्तो । तेण य उदासभावा भणियं रिसिणो दलह भिक्खवं ॥  
 दिक्षा तो कुम्मासा गिहकम्मयरीएँ सेद्विवयणेणं । जाया य पञ्चदिक्खा पारिय वीरो गओ तत्थ ॥ ५८ ॥  
 दुन्दुहिसदं सोउं दूहुं देवागमं च सो चिन्ते । पडिलाभिओ जिणिन्दो केणह इह पुत्रमन्तेणं ॥ ५९ ॥

अवि य—

चिन्तामणी उ एसो कप्पतरू जङ्गमो तिहुयणम्मि । अम्हारिसाण गेहे नागच्छह पुत्तरहियाण ॥ ११६० ॥  
 एवं विसन्नाहियओ दाणुल्लासपरिचट्ठणनियत्तो । बन्धइ अच्चुयकर्णे आउं उक्कोसयं अह सो ॥ ६१ ॥  
 खणमेत्तं न सुणन्तो दुन्दुहिसदं तु जइ सुपरिणामो । आरुहिय खवगसेहिं ता केवलमेव पाविन्तो ॥ ६२ ॥  
 अहिणवसेही एत्थं कयउन्नो जस्स एरिसी जाया । रिसिदाणेणं रिद्धी एव पसिद्धी जणो कुणह ॥ ६३ ॥  
 दाणुज्जयस्सति इमा न जिन्नसेद्विस्स ता इमं सव्वं । अच्छी पसारिय चिय कज्जलयं वाउणा नीयं ॥ ६४ ॥  
 पासजिणस्सं य केवलि तत्थुज्जाणे समोसढो तइया । तं वन्दिउं पुरजणो हिड्डमणो पज्जुवासेह ॥ ६५ ॥

केवलिणा भणियं—

धम्मो उज्जमियव्वं लद्धुं माणुस्समाइसाभग्गिं । धम्मावम्माण फलं पयडं चिय दीसए जेणं ॥ ६६ ॥  
 उत्तमकुलेसु धम्मा एगे जायन्ति खसियाईल्लुं । चण्डालभिल्लमाइसु अन्ने जायन्ति कयपावा ॥ ६७ ॥

१ त-०मेस । २ ब-० स्स केवली । ३ अ-हेड्डं ।

चित्तिधवलहरेसुं गवक्खसारेसु केइ निवसन्ति । अन्ने उ तणकुडीरे नीए बिलघूलिकलियम्मि ॥ ६८ ॥  
 वरभोज्जखज्जगनिही सव्वरसं केइ एत्थ मुञ्चन्ति । अन्ने कुलत्थकोर्ध्वकूरम्मिलमाइ न लहन्ति ॥ ६९ ॥  
 पइंसुयाइपवरे सहगघवत्थे य केइ परिहन्ति । अन्ने उ जिन्नकम्बलिडण्डियखण्डाइं निवसन्ति ॥ ११७० ॥  
 मणिकञ्चणछुरियासु य सेज्जासुं पवरतूलिकलियासुं । एगे सुयन्ति अन्ने खडसत्थरयं पि न लहन्ति ॥ ७१ ॥  
 करितुरजरहाईसुं एगे गच्छन्ति पवरजाणेसुं । अन्नेणुवाहण चिय ढणक्कयं देन्ति फुट्ठया ॥ ७२ ॥  
 पाहाडयसदेहिं केइ वि उज्झ(ड)न्ति गीयसदेहिं । अन्ने अरन्नवासी सियालरावेहिं जगन्ति ॥ ७३ ॥  
 अन्तेउरमेगेसिं त्वाइजुयं वियक्खणविणीयं । अन्ने निम्महिल चिय दुम्महिला अहव जायन्ति ॥ ७४ ॥

तथाहि—

आलत्तावि न आसइ भिउडिं कौडं व देइ उल्लावं । अज्जाघरघण्टा इव छिक्का सुइरं कणकणेइ ॥ ७५ ॥  
 एगे चार्इ ओगी अन्ने देहि ति जम्पणो रक्का । नग्गुघाडा अवरे करेन्ति कम्माइ परगेहे ॥ ७६ ॥  
 सिक्सिरे गमन्ति रयणिं वरपाउरणेहिं पाउया एगे । अन्ने देसउडीए चायन्ति उ दन्तावीणाओ ॥ ७७ ॥  
 केसिअि कुलुद्धरणा धम्मत्थपरा हवन्ति वरयुत्ता । अन्नेसिं बहुयाओ दुच्छरहण्डाओ धूयाओ ॥ ७८ ॥  
 निसुणन्ति केइ निचं जिउ देव ! महापहु ! ति वयणाइं । अन्ने मदिइ ! पाविइ ! फिइइय चरिणिमार्इणं ॥ ७९ ॥

१ व-कुदं । २ व-दिन्ति । ३ व-सीयालरेवेहि । ४ अ-काउं व । ५ य-मोह । ६ व-अजे ।

केइ विलेवणमङ्गे कुङ्कुमकंठूरिया य लायन्ति । अन्ने धूलीमलकदमाविला एत्थ हिण्डन्ति ॥ ११८० ॥  
केइ वि नीरोयतणू केइ वि कुङ्काइदुट्ठगयविहुरा । केइ चिराज्ज अन्ने बालावत्थाईसु मरन्ति ॥ ८१ ॥

एवं च नाऊण—

सयणे धणे असारे मोहं मोत्तण कुणह जिणधम्मं । जं परभवाणुगामी सो चिय जोहारमित्तो व्व ॥ ८२ ॥

किञ्च—

माणुस्सं मूलधणं पाविय लाभो बुहेण कायव्वो । न उ छेयमाइतिन्नि उ वणियसुया एत्थुदाहरणं ॥ ८३ ॥  
एमाई सोऊणं पडिबुद्धा पाणिणो तहिं बहवे । पुब्बइ य पुरजणो तो भयवं ! को एत्थ पुन्नो त्ति ॥ ८४ ॥  
जिज्ञेयरसेट्ठीणं भयवं पि हु आह जिन्नसेट्ठि त्ति । जं दाणुल्लासेणं तेण बहू अल्लिओ लाभो ॥ ८५ ॥  
अच्चयकप्पुप्पत्ती अहरेण य सिवसुहं चै सो लहिहि । तत्परिणामो य तहिं पुब्बुत्तो तेसि पक्किहिओ ॥ ८६ ॥  
इयरस्स एगभविया हिरन्नबुट्ठी न पेच्चसुहहेऊ । सावि य जिणभत्तीए खित्ता नो तस्स बहूमाणा ॥ ८७ ॥  
सद्धारहियमविहिणा दाणं पि न होइ सुहफलं जम्हा । दाणासंपत्तीयवि विसिद्धसद्धा महाफलया ॥ ८८ ॥  
वीरोऽवि सुंसुमारे गन्तुं बाहिं ठिओ महापडिमं । तत्थ य चमरुप्पाओ जाओ सो भन्नए इण्हि ॥ ८९ ॥  
एत्थेव भरहवासे वेभेलो नाम सन्निवेसो त्ति । तत्थत्थि अइसमिद्धो गाहवई पूरणो नाम ॥ ११९० ॥

१ ब-°कप्पुरियाइ ला° । २ अ-°यसु । ३ ब-च होहीओ । ४ ब-पहु° ।

मज्झिमवयपत्तो सो धम्मसत्थी पुच्छिउं सयणवग्गं । दारुमयं चउपुडगं पट्ठिगहं कारवेऊणं ॥ ९१ ॥  
पट्ठिवन्नो पव्वज्जं पाणायामं अभिगहं गेण्हें । जावज्जीवं छट्ठेण तवं करिस्सामि ॥ ९२ ॥  
पारणए पुण पढमे पुडए जं पडइ भिक्खचरियाए । तं पट्ठियाणं दोच्चे वायससुणगाइयाणं च ॥ ९३ ॥  
तच्चे य जलथराणं दायव्वं मच्छकच्छभाईणं । जं पुण चउत्थपुडए तं भुत्तिस्सामि सयमेव ॥ ९४ ॥  
कुणमाणस्स य एवं बारसवासा उ तस्स वोलीणा । अन्ते तवसुसियङ्गो पच्चक्खिअभत्तपाणो उ ॥ ९५ ॥  
पाओवगमनिर्वत्तो दिट्ठा हैहे जणे य खामेत्तो । अच्छइ समाहिचित्तो मासियसंलेहणाज्झुसिओ ॥ ९६ ॥  
कालं काऊण तओ उववन्नो चमरचच्चनामाए । असुराण पुरवरीए चमरो नामेण असुरिन्दो ॥ ९७ ॥  
सीहासणं निसन्नो सोहाभावेण ओहिणा उहुं । सोहम्मगयं सक्कं पासइ सुरभडसहामज्जे ॥ ९८ ॥  
तं दट्ठुमासुरुत्तो अप्पत्थियपत्थियाइगुणजुत्तो । को एस सुहं चेहुइ अवमन्नतो तिणं व जगं ॥ ९९ ॥  
पुच्छइ य निँए देवे उहुं को एस रिद्धिमयमत्तो । चिट्ठइ मम सीसोवरि तेऽवि य माहेन्ति पञ्चलिया ॥ १०० ॥  
एसोऽवि देवराया सामी सोहम्मवासिदेवाणं । पट्ठिक्खमहणपच्चलवज्जधरो अतुलअलरिद्धी ॥ १ ॥  
तं सोउं सुहुयरं परिक्खिविओ भणइ अज्ज टालेमि । नियमुयपरक्कमेणं विलसन्नो सुरवराण भिरि ॥ २ ॥  
असुराणवि एस पट्ठ हवेज्ज अहवा अहं सुराणं पि । एकम्मि न मायन्ति य पडियारे दोन्नि खगगाहं ॥ ३ ॥

१ अ-गेण्ह । २ व-वन्नो । ३ अ-मेहु । ४ व-मेत्तो । ५ व-चिट्ठं । ६ व-ण व । ७ व-निययदं । ८ व-सहिं । ९ व-हु ।

असुरमहल्लएहिं भणियं—

पुव्वजियपुन्नेहिं सामि ! सुरिन्दत्तणं इमो पत्तो । तं असुरिन्दो जाओ नियसुहकम्माणुसारेणं ॥ ४ ॥  
सा नत्थि इह विरोहो परोप्परं तुज्झ पुव्ववहरं वा । नियठाणठिया दोऽवि ह्नु उवमुअह सुरसिरिं पत्तं ॥ ५ ॥  
अन्नं च न दालेउं सफ्फइ तुम्हेहिं नियधलेणेसो । एरावणं निहन्तुं किं सफ्फइ कोइ इयरकरी ॥ ६ ॥  
नियसाअत्थणुरुवो होइ विरोहोऽवि बुद्धिसन्ताणं । अहियधले कीरन्तो जसत्थतणुभाणानिम्महणो ॥ ७ ॥  
न य साहएणं सफ्फरस तुम्ह लहुयत्तणं च कुणभाणा । एव भणेमो अम्हे किन्तु सरूवं इमं भणियं ॥ ८ ॥  
धम्मरो षभणइ चेट्ठेह तुम्हे वीसत्थमाणसा एत्थ । एगोऽवि अहं गन्तुं हयमहियं तं करिस्सामि ॥ ९ ॥  
जं एक्को छिय सीहो निहणइ भयअत्तकुअरसमूहं । एक्को विहङ्गराया विद्वहइ य उगगनायकुलं ॥ १२१० ॥  
गुरुभिउडिभासुरसुहो एवं भणिऊण सो समुप्पइओ । दप्पन्धाणं अहता गुणदोसचियारणा नत्थि ॥ ११ ॥  
कुण्डलकिरीडकेअरहारवरकडयअण्डियसरीरो । दङ्खुण महावीरं संपत्तो तुंसुमारम्मि ॥ १२ ॥  
कयतिपयाहिणकम्मो पणमित्ता भूमिनिहियभालयलो । रइयकरजुयलभउलो वीरं चिन्नवइ सो एवं ॥ १३ ॥  
सामिय ! तुह पयजुयलं चिन्तामणिकप्पपायवसमाणं । सुहसंपयाण मूलं दुहआवइणासणं परमं ॥ १४ ॥  
तुम्ह पभावेणाहं देविन्दं निज्जिणेज्ज जयनाह ! । वसणावडियस्सवि मज्झ सामि ! सरणं तुमं चेव ॥ १५ ॥

१ ब-तुम्ह । २ ब-विट्ठं । ३ ब-विहं ।



तओ य—

असिमसिकज्जलघट्टं विगरालं सुरनराण तासणयं । जोयणसयसाहस्सं विउव्वए भीसणं रुवं ॥ १६ ॥  
घेणूण महाफरिहं गज्जइ उल्लइ कुणइ एकाओ । दलइ य भूमिचवेडं करेइ पयदहरं घोरं ॥ १७ ॥  
सीहो व नदइ तुरओ व हेसाए गुलुगुलेइ हत्थि व्व । अडुडअडुलीए सुहं तिरिच्छं विडम्मेइ ॥ १८ ॥  
खोहन्तो अहलीगं कम्पेमाणो य मेहणीपीढं । फोडेमाणो व्व नहं पकरेन्तो घणरयेघायं ॥ १९ ॥  
तमुकायणज्जिविज्जं बुद्धिं च कुणन्तओ सधुप्पइओ । तासन्तो वणवरए जोइसिए दुहवि भयमाणो ॥ २० ॥  
पत्तो सहं सुहम्मं एगं पायं सहाए नज्जम्मि । धीयं च वेइयाए काउं इय भणिउमाउत्तो ॥ २१ ॥  
भो भो सक्का सामाणिघा ! य भो आयरक्खदेवा ! य । सुमरह सा सुररिद्धी भुत्ता जा एत्तियं कालं ॥ २२ ॥  
अज्जं मेहमि अज्जं वहेमि सग्गाओ अज्ज दालेमि । अहवावि भिच्चभावं पडिवज्जाह मज्झ सन्वेऽवि ॥ २३ ॥  
चमरम्मि वि प्परोक्खे तुम्हं पि पडुत्तणं ईमं आसि । रविविरहे ससिणोऽवि हु फुरइ पयावो नहयलम्मि ॥  
संपइ सक्कं मोत्तुं सुररिद्धी संकमेउ चमरम्मि । अमरयह तौ य इमा तस्सेवाराहगा होन्तु ॥ २५ ॥  
सुरजोहावि हु चमरं समागयं पेच्छिऊण संभन्ता । कुव्वयणभासणेण य अमरिसिया भणिउआउत्ता ॥ २६ ॥  
भो चमरा ! कोऽसि तुमं भुल्लो भमिओ य किञ्च उम्मत्तो । किं तं वाउँसरिओ जं पलवसि इय विरुद्धाहं ॥ २७ ॥

१ न-करं । २ व-रुं । ३ व-इहं । ४ व-तो । ५ ज-होसु । ६ व-यंतं ।

केसरिशुहं सियालो एह जहा तस्स टालणनिभिच्चं । तह तं पत्तो इह सुरवइस्स दम्भोलिपाणिसस ॥ २८ ॥  
 अहवा तुज्झ विणासो उवट्ठिओ जमइभूमिमायाओ । पक्खा पिपीलियाणं मच्चू समए चिय दवन्ति ॥ २९ ॥  
 ता नत्थि तुज्झ मोक्खवो सुमरसु जो कोड अत्थि तुह सरणं । सुरभडपहारपहओ लहमि फुडं दुन्नयस्स फलं १२३० ॥  
 इय भणिऊणं चमरं समकालं पहरिउं समादत्ता । तेण छत्ति महिया पयडं पवणेण जलय व्व ॥ ३१ ॥  
 ते चित्तोसिय समुहं अक्कोसन्तो य एइ सक्कस्स । रोसावेमपरब्धो देविन्दो चिन्ताएव ॥ ३२ ॥  
 नोवसमइ दप्पन्धो एसो हियकहणसामुवाण । जलइ चिय जलसित्तं घयं सुतत्तं हुयवहेण ॥ ३३ ॥  
 इय सुणिय तस्स मुञ्चइ वज्जं जालासहस्सपजलन्तं । अङ्गारसहस्साइं चिक्खिन्नरमाणं फुल्लिन्दंहु ॥ ३४ ॥  
 सो तं दहुं भीओ अहोसिरो उहुपयजुओ नट्ठो । कम्पन्तसव्वगतो हा निहओ मन्दभगो ति ॥ ३५ ॥  
 परिगलियहारमउडो वेगेणणुगच्छमाणसयधारो । वीरस्स पविट्ठो कमजुयस्स मज्झमि अट्ठुरिआ ॥ ३६ ॥

इओ य सक्को—

नो जिणवराइनस्सं मोचुं चमरो पहु इहागन्तुं । ता कस्स कया निस्सा इय चिन्तिय ओहिणा नियइ ॥  
 पासइ य वीरनाहं तओ य हाहा अजुत्तमावडियं । जिणआसायणहेउं खडहडिओ अकयपुब्बोऽहं ॥ ३८ ॥  
 वेगेण य आगन्तुं वज्जं पडिसाहरेइ अप्पत्तं । चउरहुलेहिं जिणवरचलणेसुं लज्जियमणो उ ॥ ३९ ॥

१ अ-°मय° । २ अ-°त्रासिय प° । ३ अ-°मवा° । ४ ब-पुल्लिगत्यं ।

तिपयाहिणं च काउं वन्दइ खामइ पुणो पुणो वीरं । कहिऊण चमरपरिहवहयमागद्धकरजुगलो ॥ १२४० ॥  
 सुक्कोऽसि चमर ! चिह्नसु वीसत्यो भगवओ पभावेणं । इहरा बुक्को होन्तो वज्जहओ असुररिद्वीगः ॥ ४१ ॥  
 चमर ! तए साहुकयं सामीसरणं पवज्जमाणेणं । जं सन्वस्सवि सरणं एसो चिय वसणएत्तस्स ॥ ४२ ॥  
 जा यं तुमे गलगब्बी सुराण पुरओ कया विगयसङ्कं । निव्वडिया सावि तुहं सामीसरणं पवज्जस्स ॥ ४३ ॥  
 इय जम्पिऊण सक्को गओ सठाणं जिणं पणमिऊणं । चमरोऽवि पायवडिओ थुणइ जिणिन्दं भयविमुक्को ॥ ४४ ॥

नाहु ! अणाहहँ वीर ! तं सि अप्पडिहयसासण दुडोवद्वदुडरिट्ठकम्मट्टविणासण ।

सरणु अल्लु भवरत्ति देव दुक्खियहं न विज्जइ तुम्ह चैव ओलग तेण इह विउसेहि किज्जइ ॥ ४५ ॥

धल्लु सलक्खणु सो कयत्थु जो पई आराहइ वयणु करेविणु तुम्ह सग्गु अपवग्गु पसाहइ ।

पई सामिउ को लहइ एत्थु पेडिहय सन्वावइ फलः पुल्लु जसु सो जि देव ! चिन्तामणि पावइ ॥ ४६ ॥

बलि किज्जउ नरजम्मु तासु बलि किउ देवत्तणु भत्तिभरेण करेइ देव ! जो तुह भिच्चत्तणु ।

मह लीणह पयकमलि एक्कपत्थण णिसुणिज्जउ जह तुह दंसणु लहिमि सांमि ! भवि भवि तह किज्जउ ॥ ४७ ॥

इय थोउं असुरिन्दो विलक्खवयणो गओ नियं ठाणं । भयवं पि विहरमाणो कोसम्मिगुरीणं संपत्तो ॥ ४८ ॥

तत्थ सयाणिगनामो राया भज्जा मिगावई तरस्स । तम्मन्ती य सुगुत्तो नन्दा पुण पणहणी तरस्स ॥ ४९ ॥

१ व-वि । २ अ-प्पडि० । ३ अ-०-भावइ । ४ व-पुल्लु । \* रोलहत्तानि ।

नन्दासियावईओ परोपरसहीओ परमसद्दीओ । तत्थ य अयवं गिणहइ अभिगहं किणहपक्खम्मि ॥ १२५० ॥  
पोसस्स पडिवयाए दण्वाइचउन्निहं पि दुरणुचरं । सुप्पट्ठियकुम्मासे कप्पन्ति उं दण्वओ भज्ज ॥ ५१ ॥  
खेत्तम्मि एलुगाए अन्तो बाहिं च कम्मजुयं काउं । कालम्मि नियत्तेसुं भिक्खाचारीसु भावे य ॥ ५२ ॥  
निवधूया दासत्तं पत्ता सुण्डियसिरा नियलबद्धा । रुयमाणी अट्ठमपारणम्मि जइ देइ तो कप्पे ॥ ५३ ॥  
कुणइ ये भिक्खायरियं पुरीए नीउच्चसज्झिमकुलेसु । तीए सव्वपरीसहउंदओ तो तेसि सहणत्थं ॥ ५४ ॥  
हिण्डिय चउरो मासे अन्नम्मि दिणे गिहम्मि नन्दाए । भिक्खवट्ठमणुपविट्ठो विन्नाणो तीए वीरजिणो ॥ ५५ ॥  
परमायरेण भिक्खा आणीया निग्गओ य सो<sup>१</sup> भयवं । ताहे अहो ! अधत्ता इय नन्दा खेयमावत्ता ॥ ५६ ॥  
दासीहि य सा भणिया एस रिसी पइदिणं इहागच्छे । ताए नायं नूणं अभिगहो सामिणो कोहं ॥ ५७ ॥  
सुट्ठयरं उट्ठिग्गा पुच्छइ उव्वेयकारणममच्चो । सा भणइ अम्ह मन्तित्तणेण किं पावमूलेणं ॥ ५८ ॥  
किं वा तुह बुद्धीए अभिगहं जं न सुणसि जयगुरुणो । अज्ज चउत्थो मासो न लहइ मणचिन्तियं भिक्खवं ॥ ५९ ॥  
सो भणइ पिए चिट्ठसु वीसत्था ता करेमि कल्लदिणे । जह लहइ जिणो भिक्खवं कप्पे य इम्मम्मि वट्ठन्ते ॥ ६० ॥  
तत्थागया मिगावइपडिहारी विजयनामिया कह वि । साहइ मिगावईए सा गन्तुं तं समुल्लावं ॥ ६१ ॥  
सावि महादुक्खत्ता जाया रत्ता य पुच्छिया भणइ । किं रज्जेण मए वा तुह जं सामी विहरमाणं ॥ ६२ ॥

१ अ-य । २ अ-स । ३ ब-तो । ४ ब-कुणइ । ५ ब-जप्पे य ।

णियनयरीए न याणसि अभिगहं वावि तस्स न सुणेसि । एत्तियकालो वट्ठइ अलद्धभित्तलो भमइ सामी ॥ ६३ ॥  
 मा कुणसु देवि ! अधिहं एत्तियकालं न किं पि मे नायं । संपइ सामिअभिगहपूरणकज्जे जइस्सामि ॥ ६४ ॥  
 अंबाडिओ अमच्चो अम्मं चिन्तेसि सयलकज्जाइं । जयगुरुपारणकज्जे कीस पमत्तोऽसि इय भणिउं ॥ ६५ ॥

अम्मच्चेण भणियं—

सामि ! न नायं संपइ करेसुवायं तओ य वाहरइ । तच्चावांई नामं ओज्जायं धम्मसत्थेविउं ॥ ६६ ॥  
 भणिओ य—

तुह सत्थे आयारो वद्विज्जइ चेव सब्वधम्मीणं । ता सुणसु जिणाभिगहरूवं होऊण अभिउत्तो ॥ ६७ ॥  
 सो भणइ नियैविवक्खा संभूयाभिगहा बहुपयारा । दव्वाइएहिं भणिया सत्त य पिण्डेसणा चेव ॥ ६८ ॥  
 असंसद्धा उँ संसद्धा उद्धडा अप्पलेविया । उग्गहिया पग्गहिया सत्तमुल्लिखयधम्मिया ॥ ६९ ॥  
 ता सामि ! परविवक्खा न सुणिज्जइ राइणा तओ लोगो । सब्वोऽवि समाइद्धो जत्तेणं सामपुव्वं तु ॥ १२७० ॥  
 वीरजिणोऽभिगहिओ गोयरचरियं कैरेउ ता तुब्भे । सामिस्स देह भित्तवं इमिणा इमिणा पयारेण ॥ ७१ ॥  
 सो धम्मत्थी वियरइ बहुयपयारोहिं सत्थभणिएहिं । सामी न चेव गिणहइ जणो य सब्वोऽवि उन्विग्गो ॥ ७२ ॥

इओ य पुव्वं—

१ ब-°वायं । २ ब-°त्थवियं । ३ व-°याविवक्खा । ४ ब-संसद्धा य । ५ ब-करेइ । ६ अ-य ।

दहिवाहणगहणत्थं चम्पं वेढइ सयाणिओ राया । एगाए रत्तीए नावाकडगेण गन्तूणं ॥ ७३ ॥  
 दहिवाहणोऽवि नडो चरयाए जगहो नरिन्देण । घोसाविओ य सेणालोणेण य त्हासिया नयरी ॥ ७४ ॥  
 दहिवाहणस्स रत्तो वसुमइधूयाए संजुया गहिया । भयभीया एगेणं वण्ठेणं धारिणी देवी ॥ ७५ ॥  
 वलिओ सयाणियनिवो सो वण्ठो भणइ एस मे भज्जा । होही इमाएँ धूयं एयं पुण विक्किणिस्सामि ॥ ७६ ॥  
 तो धारिणी विचिन्तइ एसा बाला अणज्जहत्थगया । कमवत्थं पाविस्सइ न नज्जेए हा ! विहिविलासो ॥ ७७ ॥  
 मज्झं पि सीलखलियं होही तं तु जसधम्मनासणयं । खुट्ठस्स वरं मरणं मा जीयं सीलखलियस्स ॥ ७८ ॥  
 हा हियय ! किन्न फुट्ठसि बन्धुविउत्ताए वसणवडियाए । सज्झ तुमं इय दुस्सहदुक्खेणं सो उ कालगया ॥ ७९ ॥  
 अव्वत्तसरं रोयइ जणणीमरणेण वसुमइ दीणा । तो सो वण्ठो चिन्तइ मरिही एसानि जइ किञ्चि ॥ १२८० ॥  
 जम्पाभि अजुत्तमहं तो मोल्लं वि हु न होइ इय नाउं । अणुयत्तंतेण दहं कोसम्बिपुरीएँ आणीया ॥ ८१ ॥  
 वीहीएँ ओडिया सा दिट्ठा य धणावहेण इब्भेण । अणलङ्कियावि लावन्नपुन्नसव्वङ्गसोहिह्ला ॥ ८२ ॥

चिन्तियं चै णेण—

आगीएँ चेव नज्जइ ईसरधूया नरिन्दधूया यं । एसा विसमं पत्ता हन्त ! अवत्थं विहिवसेणं ॥ ८३ ॥  
 ता मा वसणं दीहं पावउ करुणापवन्नचिच्चेणं । जं मग्गियमोल्लेणं गहिया सा सेट्ठिणा तेणं ॥ १२८४ ॥

१ अ-० ने लोणेणं लू० । २ ब-० ज्जइ । ३ अ-० पडियाए । ४ अ-साहु । ५ ब-ओड्डीया दि० । ६ ब-च तेण । ७ ब-वा ।

नीया य नियघरम्मी कासि तुमं पुच्छिया न साहेइ । रुयइ परं पन्वालियगणइयला अंसुधाराहिं ॥ ८५ ॥  
 पियवयणेहि सनेहं संठविया बेहिय सि पडिवन्ना । ण्हावणभोयणवत्थाइएहिं सम्माणिआ घणियं ॥ ८६ ॥  
 मूला य निययभज्जा भणिया धूया तुहेस ता सम्मं । तह कायव्वं जह सरइ नेव नियजणणिजणयाणं ॥ ८७ ॥  
 चिद्धइ य कुलहरम्मि व सा निव्वुयमाणसा गिहे तम्मि । विणएणं सीलेण य सव्वोडवि य रोज्झओ लोगो ॥  
 गिहवासी पुरवासी भणइ अहो ! सीलचन्दणा एसा । तो तीए धीयनामं संजायं चन्दण ति फुडं ॥ ८९ ॥  
 एवं वच्चइ कालो मूला पुण मच्छिरिज्जए हियए । तीए उवरि घणावहवहुमाणं पेच्छमाणी उं ॥ १२९० ॥

चिन्तइ य—

सव्वोडवि जणो पायं अहिणववत्थुम्मि कुणइ अनुरायं । चिरपरिचियमवधीरइ ता जड एसो इमं भजं ॥  
 कुणइ गुरुरायरत्तो ता गेहअसामिणी अहं होमि । इय सा पावा तीए चिद्धइ छिहुइ ज्ञोयन्ती ॥ ९२ ॥  
 सो सेट्ठी मज्झणहे वीहीओ आगओ गिहे विजणे । एगम्मि दिणे नत्थि उ जो कोइ विसोयए चलणे ॥ ९३ ॥  
 ताहे चन्दणबाला उवट्ठिया तत्थ पाणियं घेतुं । वारन्तस्सवि य बला आढत्ता सोइउं चलणे ॥ ९४ ॥  
 एत्थन्तरम्मि तीए छुट्ठा केसा सहावसोहिल्ला । पडिहिनति कहमे इय चिन्तेउं सेट्ठिणा झत्ति ॥ ९५ ॥  
 हत्थडियलीलाजडिअए धरिया तहेव बद्धा य । ओलोवणोवविट्ठा मूला चिन्नेइ तं दहुं ॥ ९६ ॥

१ व-विट्ठिय । २ ब-य । ३ गवाक्षस्था इत्यर्थः ।

बूण विगडं कजं तां तरुणो चवं छिजए वाही । जह पुण परिणोइ इमं तां मज्झ सुदेववड छारी ॥ १७ ॥

अन्नं व—

वरि हउं सुय वरि हउं मजाय वरि विसएरि खल्ली । वरि उन्धीसुलिघणिं अन्न वरि दुयवहि दल्ली ।  
वरि उव्वन्धि य उन्नलडालि वरि खहुहिं घल्लिग । मं मेइ दिहु सवत्तिजुत्तु पित हियडासल्लिउं ॥ १८ ॥  
इय एवमाइ चिन्तिय सेट्ठिस्म विणिगए गरुयरोसा । निदयचित्ता पहणइ सिरं च मुण्डावण तीसे ॥ १९ ॥  
नियलेहि य बन्धावह वलणेसुं ओर्यरम्मि पक्खिवह । भणइ च जो सेट्ठिस्सा साहिम्सइ सो ममं वडरी ॥ २० ॥  
गिहमागओ य पुच्छइ सेट्ठी ओ चन्दणा कहिं चेहे । मूलाए य भएणं न परियणो साहए कोइ ॥ १ ॥  
सो सुणह ॥ मइ कत्थंवि रत्ति जाणेइ नवरि सा सुत्ता । नीगदिवसे न दिट्ठा पुट्ठा य ण केणइ सिट्ठा ॥ २ ॥  
तइयदिणे परिकुविओ भणइ य मरेप्पि जइ न साहेइ । ताहे एमा थेरी चिन्तइ किं मज्झ जीएणं ॥ ३ ॥  
सा जियउ महाभागा मज्झवि जीएण पादिया एसा । मूला जं सियवीयाससिलेहानिक्कल्लए ॥ ४ ॥  
एईए इमं ववसइ नरयनिमित्तं तओ य थेरीए । सेट्ठिस्स जहावत्तं मूलाए चेड्डियं कहियं ॥ ५ ॥  
सेट्ठी वि अहो ! पावा मूला निद्धम्मनिदयसहावा । इय चिन्तन्तो ओयरगदारमुग्घाडए खिप्पं ॥ ६ ॥

१ व-छिजए य जह । २ व-०ब्भासू० । ३ अ-ओलंभि० । ४ व-मइ । ५ व-०य । ६ व-उव्व० । ७ व-चिट्ठ० । ८ व-० त्यइ ।

\* रोलवृत्तमिदम् ।



तं ददुं सुसिधयिं तिस्रसुफलकिलामियं सुदीणसुहं । रे जीव ! सहस्र दुष्कृतकर्मफलं ऐस भावन्ती ॥ ७ ॥  
 बाहजलभरियनयणो गुरुदुक्खं पावए जलं थोवं । निघइ य भोयणजायं णत्थि य भवियव्वयवसेणं ॥ ८ ॥  
 कुम्मास विघ दिट्ठा न य दिदं तत्थ भायणं किं सि । उस्सुगभावेणं चिय सुत्ते काऊण कुम्मासा ॥ ९ ॥  
 पासेसु पुत्ति ! एए तुह भञ्जावेसि जाव नियलेऽहं । इय भणिय ते पणामिय लोहारघरं गओ सेट्ठी ॥ १३१० ॥  
 सा तयत्था सुमरिय पिउगेहं एत्थिणि व्व नियजूहं । सुत्ताहलसरिसाइं रोयइ अंस्सुणि सुयमाणी ॥ ११ ॥  
 जणयविओगं पत्ता जणणीसरणं च बन्धुविरहं च । परदेसमिअमवत्थं हा हा ! देवस्स परिणामो ॥ १२ ॥  
 तारिसकुलजायाए तारिसलीलाएँ एरिसं वसरणं । ता नत्थि सा अवत्था कम्मवसा जा न संपड्डह ॥ १३ ॥  
 एवं चिन्तेमाणी उद्धठिया गरुयदुक्खपब्भारा । पुरओ कयसुप्पा सा चिद्धइ दारं पलोयन्ती ॥ १४ ॥  
 जइ कोइ एज्ज अतिही ता अट्ठमपारणं करेसि अहं । एए चिय कुम्मासे दाउमवत्थोचिएं तस्स ॥ १५ ॥  
 एत्थन्तरम्मि सामी पत्तो पुन्नाणुभावओ तीए । सा ददुं भयवन्तं खणेण जाया विगयदुक्खा ॥ १६ ॥  
 गुरुहरिसभरा चिन्तइ दरिद्रेहे हिरल्लबुद्धि व्व । संपत्तो मम भयवं कयपुन्नाए इहावसरे ॥ १७ ॥  
 तो सुप्पं दरिसित्ता पयमेगं काउमेलुया बाहिं । बीयं चन्तो पभणइ भयवमणुगहए कुम्मासे ॥ १८ ॥  
 पुन्नो अभिगगहो मे दव्वाइचउन्विहोऽवि इय नाउ । कुम्मासगहणत्थं पत्तारिओ साणिगा पाणी ॥ १९ ॥

१ व-ददुं त । २ व-एव । ३ व-°कसो पायप । ४ व-थोय । ५ व-°सूहं । ६ व-पुरओ । ७ अ-°चिए । ८ व-°छगा । ९ व-वन्तो ।

दिवा य चन्दणा पञ्च य दिव्वाणि पाउभूयाणि । जिणपारणं जायं पञ्चदिणेणूणछम्मासे ॥ १३२० ॥  
 देवा य सन्निवदया केसा तीए य वरतरा जाया । तुहा तड ति निघला सुवत्तमणिनेउरा भूया ॥ ३१ ॥  
 असरेहिं य सा विहिया सञ्वालङ्कारभूसियावयवा । पहयमहिरेणुउदगं बुट्टं हरिचन्दणुम्मीसं ॥ ३२ ॥  
 मुक्काहं अमरेहिं दसद्धयत्ताहं सुरहिकुसुमाहं । पहयाओ दुन्दुहीओ चेलुक्खेवो कओ परमो ॥ ३३ ॥  
 बुट्टं च अहो ! दाणं गयणे सक्को समागओ तुट्ठो । कोडीओ अट्ठतेरस तत्थ हिरत्तस्स बुट्ठाओ ॥ ३४ ॥  
 गायन्ति य नच्चन्ति य वायन्ति पढन्ति तहवि मुच्चन्ति । उक्किट्टिनायम्मरा पारणए तम्मि वीरस्म ॥ ३५ ॥  
 जाओ पुरे पघोसो चन्दणबालाए पुन्नकलियाए । पाराविओ मुणिन्दो धणावहो तो समावन्नो ॥ ३६ ॥  
 राया मिगावहं वि य नन्दामच्चो य आगया तत्थ । दट्ठं पारणमहिमं परमपमोयं गया सञ्चे ॥ ३७ ॥  
 दहिवाहणस्स रत्तो संपुलओ नामकम्भुहं जो उ । बन्दित्तणाणीओ सो पेच्छवि चन्दणकुमारिं ॥ ३८ ॥  
 चलणेसु पडिय रोय्यइ रत्ता पुट्ठो य का इमा कत्ता । दहिवाहणस्स रत्तो एसा धूय ति सो आह ॥ ३९ ॥  
 तं आलङ्घिय पभणइ मिगावहं एस भइणिधूया मे । राया हिरत्तबुट्ठिं गेणहन्तो वारिओ हरिणा ॥ १३३० ॥  
 जस्सेसा भो ! वियरइ तस्स इमा होइ पुच्छिया सा य । तायस्स माए दिन्नं हिरत्तभेयं ति पडिभणइ ॥ ३१ ॥  
 सक्केण निवो भणिओ एसा वीरस्स सिस्सिणी पढमा । होही चरिमसरीरा केवलनाणस्मि उप्पन्ने ॥ ३२ ॥

ता संगोवाहि तुमं परिवालसु आधरेण परमेणं । रत्ना तह त्ति भणिउं कन्नन्तेउरगिहे नीया ॥ ३३ ॥  
मूला धणावहेणं निच्छूढा ताडिया तह जणेणं । निन्दित्ता खिसित्ता विगोइया नयरमज्जम्मि ॥ ३४ ॥  
भयवं पि विहरमाणो छम्माणीगाममागओ तरस । बाहिं पडिमाएँ ठिओ तत्थवि कुम्मारगामे व्व ॥ ३५ ॥  
गोवो सामिसमीवे गोणे सुञ्चइ गया य ते अडविं । सो आगओ चिरेणं पुच्छइ देवज्जगा केत्थ ॥ ३६ ॥  
मज्झ बइल्ला सामी मोणेणं चिट्ठए तओ कुविओ । कन्नेसु कडसलागा दोसु वि पक्खिवइ जा मिलिया ॥ ३७ ॥  
दोन्नि वि मज्झे मूलाओ भञ्जए उक्खणेउ मा कोइ । कम्मं तिविहुकाले जमब्बियं तं उइन्नमिणं ॥ ३८ ॥

भणियं च—

कन्नेसु तउयतत्तं गोवस्स कयं तिविहुणा रत्ना । कन्नेसु वद्धमाणस्स तेण छूढा कडसलागा ॥ ३९ ॥  
तित्थयरस्सवि एवं कडाण कम्माण नत्थि मोक्खो त्ति । इय मुणिय बन्धहेऊ बुहेहिं सह वज्जियव्वो त्ति ॥ ३४० ॥

भावेइ य भयवं—

सयमेव कंडं एयं इहहं पि अकज्जारिणो देण्डो । अकयं कोइ न पावइ भगीरही नागदर्हणं व्व ॥ ४१ ॥  
सम्ममहियासमाणो सामी तं वेयणं विसुद्धमणो । मज्झिमपुरम्मि पत्तो सिक्खत्थो तत्थ अत्थि वणी ॥ ४२ ॥

१ अ—वाडिजा । २ अ—तत्थ । ३ ब—सय । ४ व—कयं । ५ ब—हण्डो । ६ अ—व्वणं व ।

तारस गिहम्भि पविट्ठो सामी दिट्ठो य तस्स भित्तेणं । सल्लपियणा किलन्तो तत्थ ठिओ खरगवेज्जेणं ॥ ४३ ॥  
 सिद्धत्थोऽवि य वन्दइ भयवन्तं धुणइ देइ वरभिवत्वं । खरणोऽवि य अणइ अहो ! समत्थलक्खणजुओ भयवत्वं ॥  
 किन्तु ससल्लसरीरो संभन्तमणो य अणइ सिद्धत्थो । जोएह कहिं सल्लो पलोइओ तेण दिट्ठा य ॥ ४५ ॥  
 कजेसु कउसलागा सिद्धासु य तासु अणइ सिद्धत्थो । अवणेसु इमा सिग्धं पुत्तं होही तुह महन्तं ॥ ४६ ॥  
 निपपडिक्कमो भयवं नेच्छइ किरियं तओ य पडियरिउं । उज्जाणठियरस गथा पडिमावत्थस्स वीरस्स ॥ ४७ ॥  
 सिद्धत्थो खरओ तह बहुपुरिसजुया य ओसहजुया य । अब्भत्तिय सव्वपुं सम्मदिय सउयहत्येणं ॥ ४८ ॥  
 बहुपुरिसपरियतणुओ दोहिं उ सण्डासएहिं समकालं । उक्कहिया सलागा सुदक्खलवन्तपुरिसोहिं ॥ ४९ ॥  
 तासु य सँसोणियासुं कहुज्जन्तासु वेयणवसेणं । सुक्को मएन्तनाओ तत्थ महाभइरवं जायं ॥ १३५० ॥  
 संरोहणोसहेणं संरोहिता वणे मणे तुट्ठा । वन्दिता खामित्ता गया गिहं सेट्ठिविज्जा उ ॥ ५१ ॥  
 सव्वुक्कोसुवसगा सीयं कडपूयणा कयं पढमो । वीओ य कालचक्कं सल्लुद्धरणं इमं तइओ ॥ ५२ ॥  
 सत्तमपुहवीएँ गओ गोवो मरिऊण सेट्ठिवेज्जा य । सुरलोयं सुहभावा मएन्तवियणं कुणन्तवि ॥ ५३ ॥

अओ च्वेव अणियं—

सुहपरिणामो निच्चं कायन्वो जेण बन्धमोक्खणाणं । सो चिय परमं अङ्गं नायं पुण्डरियकण्डरिया ॥ ५४ ॥

१ व-०यहि कहिं स । २ ग-अप्प० । ३ अ-०लक्ख० । ४ अ-सुसो० ।

दिवादी उवसग्गा सम्मं अहियासिया इय जिणेणं । पडिक्कला भणुकूला छउमत्थावत्थकालम्मि ॥ ५५ ॥  
छउमत्थकालमाणं पुण इमं—

वारसवासा सह्वा पवखी तवपारणादिणेहि इमो । वीरस्स दिक्खदिणसंजुओ य छउमत्थपरियाओ ॥ ५६ ॥  
एयम्मि य परियाए जौ अणुचिन्नो तवो जिणवरेणं । वीरेण अगवया तं कहिल्लमाणं निसामेह ॥ ५७ ॥  
नव चउमासियखमणे छ पुण दोमासिए अकासी य । वारस य मासियाइं जावत्तरि अद्धमासाइं ॥ ५८ ॥  
एणं पुण छम्मासं दोन्नि य तेमासियाइं खमणाइं । अट्ठाइयमासाइं दो दोलि दिवहुमासाइं ॥ ५९ ॥  
दोहिं अहोरत्तेहिं भइप्पडिमं अकासि वीरजिणो । चउहिं च महाभं दसहिं पुणो सन्वओभइं ॥ १३६० ॥  
पढमाए उस्सग्गो चउजामा चउदिसिं पि पत्तेयं । बीयाए अहोरत्तं तं चिय तेइयाए दिसिदसणे ॥ ६१ ॥  
पंचदिवसेहिं ऊणं खमणं छम्मासियं च कासी य । गोयरचरियसमेजं घोरायिग्गहजुयं वीरो ॥ ६२ ॥  
वारस य एगराइयपडिमाओ अट्ठमेण भत्तेणं । चरिमाए रयणीए काउस्सग्गोववेयाओ ॥ ६३ ॥  
दो चेव उ छट्ट सए अउणत्तीस्से अकासि जिणवसओ । कासी य निचअस्सं चउत्थभत्तं च न कयाइ ॥ ६४ ॥  
अउणापन्नं तिलि य सयाणि वीरस्स पारणादिणां । बहुयसयाणि य आसी उउत्तुयनिलेजपडिमाणं ॥ ६५ ॥  
एवं तवो गुणरओ छउमत्थो विहरिणं अपडिबद्धं । घोरं परीसरब्बं अएियासिन्तो मएचीरे ॥ ६६ ॥

१ व-तइए दिसा० । २ न-धीरो । ३ व-आसी । ४ अ-०णेणं । ५ व-०मत्तं ।

जस्मिभयगामंस्मि गओ भयचं उज्जुवालिया नई तत्थ । तीए उत्तरकूले सामागकुलुम्बिणो लेत्ते ॥ ६७ ॥  
 सालहुमस्स य हेट्ठा अपाणएणं च छट्ठभत्तेणं । उच्छुट्ठयनिसेजाए ठियस्स आयावमाणस्स ॥ ६८ ॥  
 करणमपुब्बं पाविय सुक्खज्झाणेण मोहपयडीओ । अणमिच्छमीससम्मं अट्ठ नपुंसिस्थिवेयं च ॥ ६९ ॥  
 हासाइल्लक्क पुंवेयमह य कोहाइए य संजलणे । खविऊण खीणमोहस्स गुत्तामणवयणकायस्स ॥ १३७० ॥  
 हेत्थोत्तरजोगेणं बइसाहे सुद्धदसमिअवरणहे । वीरवरस्स भगवओ उप्पन्नं केवलं नाणं ॥ ७१ ॥

अवि य—

घणवाहकम्मरयणीखयम्मि तमतिमिरनासणो सुहओ । कयभविक्कमल्योहो कुत्तिथिगहपहविणासयरो ७२ ॥  
 केवलसहस्सकिरणो उहओ वीरस्स भुयणपणयस्स । लोयालोयपयासी अत्थमणविवल्लिओ विमलो ॥ ७३ ॥  
 उप्पन्ने य अणन्ते नाणे वीरस्स सुरवरा सन्वे । चलियासणा सपरिसा समागया चउनिकायावि ॥ ७४ ॥  
 आणन्दनिब्भरमणा सन्वे ते बहलपुलइयसरीरा । वीरस्स कुणन्ति तहिं केवलनाणुप्पया महिमं ॥ ७५ ॥

तहाहि—

वैरिसिउ गन्धोदगुप्फफूरु अप्फालिउ विविहपयारु तूरु ।

तहिं ताडिय दुन्दुहि सुरगणेहिं जिणनाणमहिमहरिसियमणेहिं ॥ ७६ ॥

सुरगायण गायहिं गेउ तारु किवि पढहि वीरु तिहुयणह सारु ।  
 उछुट्टि नाउ केइ वि कुणन्ति जय जयहि देव ! केइ वि भणन्ति ॥ ७७ ॥  
 गजन्ति केइ नहि उल्ललन्ति किवि मयगलु नावइ गुलुगुलेन्ति ।  
 महिवट्टि केइ पुणु पुणु रुलन्ति मयमत्त जेमे केइ वि छुलन्ति ॥ ७८ ॥  
 अट्टट्टहाससदं हसन्ति रोमञ्च सव्वगत्तेहिं वहन्ति ।  
 इय हरिसचेट्ट बहुविह करेन्ति खणि अछुणाहिं तहिं संभरन्ति ॥ ७९ ॥  
 नचन्ति पवरकरणङ्गहार सुररमणिहियघोलन्तहार ।

किउ अमरिहिं चारु समोसरणु तहिं जिणु निविहु गयजरमरणु ॥ १३८० ॥

सक्कोऽवि हट्टट्टो काऊण पयाहिणं च तिवखुत्तो । पणमित्तु महावीरं संथुणइ सुगहिरनिग्घोसो ॥ ८१ ॥  
 जय जिणेसर ! जय जयाणन्द !, जय जीवरक्खणपरम !, जय समत्थतिहुयणदिवायैर ! । जय भीसण-  
 भवमहण !, जय अपारकारुन्नसायर ! ।

जय सिवकारण ! सिवनिलय !, वद्धमाण ! जिणइन्द ! । तिहुयणपत्थियकप्पत्तरु !, जय जय पणयसुरिन्द ! ८२ ॥

१ अ-°ढहि । २ व-जेम्ब । ३ अ-°कर । \* वस्तु रद्धा वा वृत्तम् ।

सरयससहरसरिसमुहसोह !, सिद्धत्थनिवकुलतिलय !, वरविंसिद्धकन्दुदलोयण !। चन्दद्वसमभालयल !,  
परमरूपयुवणपप्पमोयण !।

तुह दंसण भिच्छत्तहर, पावगणित्तुपण्डु !। अवसयसंचित मज्झै गड, गुणसायर ! सयखण्डु ॥ ८३ ॥  
करणतक्करपसरनिट्ठवण !, मणमल्लवगणमहण !, चउकसायवणगहणमोडण !। कन्दप्पकुञ्जरदमण !,  
मोहमूलभववेल्लितोडण !।

निकल निरञ्जण अजरमर, कयकम्मिन्धणदाह ! सरणु असरणह मज्झु तुहुं, वड्डमाणजिणनाह ! ॥ ८४ ॥  
बहुपरीसहससरसंगदसोडीर ! दुद्धरधरियबरुभचेरगुरुभर ! सुलक्खण !। अइदुक्करतवियतव !, खन्तिस्सर !  
तियलोक्करक्खण !।

जगबन्धव ! पइं विन्नवउं, करि महु एक्कु पसाउ । भवसायरि निवहन्तु मइं लहु उद्धरहि वराउ ॥ ८५ ॥  
एत्थन्तरस्मि य—

पव्वज्जाहगुणाणं पडिवत्तिखमो न कोइ इह अत्थि । इय नाउं खणमेगं केवलमहिमं सुरेहिं कयं ॥ ८६ ॥  
जीयं ति अणुभवेउं सुरकयवरकणयकमलनवगम्मि । चरणे विनिक्खिवन्तो चउविहसुरसङ्घपरियरिओ ॥ ८७ ॥

१ ब—°सट्टकन्दोदृ° । २ ब—°रूव° । ३ ब—°मज्झ° । ४ अ—°दवण । ५ अ—°वह्ति° । ६ अ—°दाहु । ७ न—°मज्झ । ८ ब—  
°दुत्तर° । ९ न—°जय° ।



गन्तूण जोयणाइं बारसरयणीए संठिओ वीरो । नयरीए अपावाए महसेणवणम्मि उज्जाणं ॥ ८८ ॥  
 तत्थत्थि सोमिलब्धो त्ति माहणो तस्स जागकालम्मि । बहवे दियाइलोया समागया जन्नवाडम्मि ॥ ८९ ॥  
 एगन्ते य विवित्ते उत्तरपासम्मि जन्नवाडस्स । तो देवदाणविन्दा करिन्ति महिमं जिणिन्दस्स ॥ ९० ॥  
 देवेहिं समोसरणं पुणोऽवि रइयं समन्तओ रम्मं । तं चिय संखेवेणं वज्जिन्नंतं निसामेह ॥ ९१ ॥  
 तणकडुसद्धरईं केइ सुरा आहुणित्तु वाएणं । जोयणमेत्तं भूमिं सोहेन्ति समन्तओ पढमं ॥ ९२ ॥  
 काज्जणमभवइलमन्ने गन्धोदगं तु वासन्ति । वरसुरहिपरिमलुगारमणहरं सहियमहिरेणुं ॥ ९३ ॥  
 अन्ने उ जच्चकञ्चणसिलवद्धतलं कुणन्ति धरणिजलं । आग्रंसतलं व खमं भासुरमणिरयणविच्छुरियं ॥ ९४ ॥  
 कप्पसुरा पायारं पढमं विरयन्ति जच्चरयणमयं । वरमणिकविसीसजुयं कमत्तणुयं मणहरुत्तुङ्गं ॥ ९५ ॥  
 उत्तत्तकणयघडियं जोइसवासी कुणन्ति वीधं तु । रयणकविसीसयंहं किरणेहिं निवद्धसुरचावं ॥ ९६ ॥  
 उज्जलकलहोयसिलाविणिम्मियं पवरकणयकविसीसं । तइयं बहिपायारं भवणवइसुरा उ विरयन्ति ॥ ९७ ॥  
 उच्चुङ्गरयणतोरणरेहिह्ला वरपडायसोहिह्ला । उभओ पासे पडम्मप्पहाणवरकलसपरिकलिया ॥ ९८ ॥  
 वररुवसातिभज्जियसयकलिया भयरसुहविराइह्ला । सरयवअखण्डपण्डुरहारावलिसारच्छत्तजुया ॥ ९९ ॥  
 विण्णुरियकिरणवहुभयरयणरइया मणोहराथारा । एद्धेक्के पायारे चउरो चउरो कया दारा ॥ १०० ॥

१ व-सोहि । २ व-यन्तुं । ३ अ-परवा । ४ व-रणयथम्मविच्छिन्ना ।

कालागुरुहरिचन्दणकण्ठपुरतुरुक्ककुन्दुरुक्कोहिं । महमहमहन्तगन्धा विरयन्ति य धूयघडियाओ ॥ १ ॥  
 चउसोयाणपरम्परकलिया वरकमलविमलजलपुन्ना । विरयन्ति सुरा वावी पुव्वाइदिसासु चत्तारि ॥ २ ॥  
 तो पढमवीयसालन्तरस्मि पुव्बुत्तरस्मि दिसिभाए । विरयन्ति देवछन्दं विस्सामत्थं जिणवरस्स ॥ ३ ॥  
 सीहासणं सपीढं चीरुत्तलं देवछन्दयं चमरे । छत्तत्तयमिच्चाइ वन्तरदेवा चित्तवन्ति ॥ ४ ॥  
 रइयम्मि समोसरणे एवं सूरौदए जिणो एइ । दोहिं पउमेहि पाए ठवयन्तो भगगओ सत्त ॥ ५ ॥  
 आगच्छन्ति य पउमा तेसिं जं अपच्छिमं होइ । तं तं अगगे गन्तुं पयठाणे ठाइ वीरस्स ॥ ६ ॥  
 अह पुव्वधारेणं पविसिय काउं पयाहिणं वीरो । पणमिय तित्थं उवविसइ आसणे पुव्वदिसिसमुहो ॥ ७ ॥  
 सेसदिसासुं अमरा जिणपडिख्वाइं तिन्नि उ कुणन्ति । तेसिं पि तयणुरूवं जिणप्पभावा हवइ रूवं ॥ ८ ॥  
 उवविट्ठस्स भगवओ अट्ठवि रायन्ति पाडिहेराइं । कहमाणाइं तिहुयणसाभित्तं जिणवरिन्दस्स ॥ ९ ॥

तथाहि—  
 तुङ्गवट्ठुल्लं मसिणथुडनालु, वेरुलियसमबहलदलु, घणविसालसमसालसालिउ । मयरन्दलालसभसलपि-  
 ज्जमाणकुसुमोहमालिउ ।

वीरह उयरि असोयतरु रविकरपहहरु, भाइ । पवणन्दोलपवालकरु, हरिसिं नचइ नाइ ॥ १४१० ॥

विण्टसंठियसुरहिगन्धहु, जलथलर्यरुसंभवहं, पञ्चवन्न सुरगणविमुक्किय । आजाणुउस्सेह तहिं, गन्धलु-  
द्धभमरहं अचुक्किय ।

सहइ समन्ता जिणवरह वियसियकुसुमहं बुट्ठि । जिणदंसणि उप्फुल्लमुह नाइ पयासइ तुट्ठि ॥ ११ ॥  
हरिसवियसियवयणणयणेहिं, हरिणेहिं सुयअइरसिण, विजियसजलजलवाहगजिय । अन्नाणतिमिरन्तरि-  
यमुवणभावपायडणसजिय ।

जिणञ्जुणि पसरइ दसदिसिंहिं, तिहुयणजणियपणाम । नं गुरुतमनिदोवहयजणपडिबोहणकाम ॥ १२ ॥  
खीरसायरलहरिडिण्डीरपण्डुरयरसरयससिकिरणसरिसचिहुरोहसुन्दरु । साणिक्कमण्डियपवरकणयडण्डु  
रजियपुरन्दरु ।

सुरवइकरकमलट्टिउं चामरजुयलु ढलेइ । नावइ गुणगणुं सुइयमणु पुणु पुणु जिणह नमेइ ॥ १३ ॥  
जचकञ्चणघडिउ मणिचित्तु, उत्तुहु वित्थरपवरु, नसियमज्जु पेरन्तउत्तुरु । बहुचित्तविछुरियतणु, पडिमरु-  
ववरसीहसिन्धुरु ।

सीहासणु तिहुयणगुरुहु सोहइ निरुवमकन्ति । नं रूवन्तरि मेरुगिरि धारइ तणु गुरुभन्ति ॥ १४ ॥  
अवभवजियगयणरविकिरणनियरो ँव परिभासुरह, विप्फुरन्ततणुकिरणरइयह । नहविवरपरिसक्किरह,  
१ व-०तरु । २ अ-०सिहु । ३ अ-०दण्डु । ४ व-०ट्टियं । ५ व-०गण । ६ अ-०मणु । ७ अ-०रुय । ८ व-०यहं ।

तिमिरनियरमहिवलयन्ईयह ।  
 पसरन्तह भामण्डलह वीरह निरुवमसोह । नं जिणसेवहिं पट्टविय दिणयरि नियकिरणोह ॥ १५ ॥  
 पउरपडिरवभरियनहविवरवाहिरीकयजणसवणगुरुवमक्खउक्कन्नवयणेहिं । आयन्निय पसुगणेहिं, कम्पमाण-  
 तणुतरलनयणेहिं ।

सुरदुन्दुहि वज्जन्तं तहिं गुरुनिग्घोसमहन्त । हक्खारइ जिणपासि किर सुर नर दूरि चरन्त ॥ १६ ॥  
 थूलनिंतूलविमलविललुन्तमुत्तावलिसालियह, सरयसोममण्डलरवन्नह । मणिस्रण्डपरिमण्डियह, हरतु  
 सारगिरिसरिसवन्नई ।

तिहुयणपहुछत्तत्तयह सोहइ उज्जलकन्ति । नं सुरसिन्धुपवाहनियरफेणह संठिय पन्ति ॥ १७ ॥

अन्नं च—

रुइरं च धम्ममच्चं णवहरियचिरायमाणकरपसरं । नीलमणिरयणमद्दं रेहइ पुरओ जिणिन्दस्स ॥ १८ ॥  
 माणिक्खजडियकञ्चणडण्डो सिञ्जन्तकिङ्किणिकलावो । छज्जइ य महिन्दधओ पुरट्ठिओ भुवणनाहस्स ॥ १९ ॥  
 सीहासणोवविट्ठे जिणस्मि परिसाउ ठन्ति सट्ठाणे । बारस उ मज्झयारे पढ्ढे पायारवलयस्स ॥ १४२० ॥

भणियं च—

१ अ-०पह । २ अ-जं । ३ अ-०कन्न० । ४ ब-०जन्ति । ५ अ-०नेत्तुल० । ६ अ-०लुर० । ७ ब-०न्नहं । ८ अ-०झओ ।

संजयेवैष्णविस्त्रिंशद्वेण पविसिउं वीरं । काउं पयाहिणं पुव्वदक्खिणे ठन्ति दिसिभाए ॥ २१ ॥  
जोइसियभवणवन्तरदेवीओ दक्खिणेण पविसिउ । चिट्ठन्ति इक्खिणावरदिसिम्मि तिगुणं जिणं काउं ॥ २२ ॥  
अवरेण भवणवासी वन्तरजोइससुरा य अइगन्तुं । अवरोत्तरदिसिभागे ठन्ति जिणं ते नमंसित्ता ॥ २३ ॥  
समहिन्दा कप्पसुरा राया वरनारिओ उइस्सेणं । पविसन्ति पणमिज्जणं ठन्ति य पुव्वुत्तरदिसाए ॥ २४ ॥

अवि य—

इन्तं भहिद्धिं पणिवयन्ति ठियसविचयन्ति पणमन्ता । नवि जन्तणा ण विकहा न परोप्परमच्छरो न भयं ॥ २५ ॥  
वीयम्मि होन्ति तिरिया तदूए पायारमन्तरे जाणा । पायारबहिं तिरियावि केवला मणुयोमस्सा वा ॥ २६ ॥  
सच्चवइ समणुगाए जुगवं चिय सव्वसंसयहराए । अमयरससाविणीए जोयणनीहारिणीए य ॥ २७ ॥  
वाणीए मणहराए कयकिच्चोऽवि हु कहेइ भव्वाणं । तित्थयरनामकम्मोदएण धम्मं महावीरो ॥ २८ ॥  
धम्मत्थकाममोक्खा पुरिसत्था एत्थ होन्ति वत्तारि । धम्माओ जेण सेसा हवन्ति ता तम्मि जइयव्वं ॥ २९ ॥  
पुरिसेणं बुद्धिमया, सो पुण दुविहो भवे समासेणं । पढमो यै ससणधम्मो सावगधम्मो भवे वीओ ॥ १४३० ॥  
पव्वज्जापडिवत्ती आरम्भपरिग्गहाण वाएण । विहियाणुद्दाणपवित्तिओ य धम्मो जइणेसो ॥ ३१ ॥  
सो पुण दुग्परियल्लो काउरिसाणं विवेगरहियाणं । दुद्धरपञ्चमहव्वचधारणमिन्तं जओऽव्वरसं ॥ ३२ ॥

१ व-वरुप० । २ व-पागा० । ३ व-उ । ४ अ-परिगहो य । ५ व-सा । ६ व-परियल्ला । ७ व-मेत्थं ।

राईभोयणविरई असनिहीसंचओ अकिञ्चनं । पिण्डो उग्गमउप्पायणेसणाएँ सया सुद्धो ॥ ३३ ॥  
 पञ्चसु तथा समीसुं गुत्तीसुं तीसु तवविहाणे य । उल्लभियन्वं निचं ममत्तभावो य न कहिञ्चि ॥ ३४ ॥  
 असिणाणं जा जीवं भूमीसयणं च तं पि जामहुगं । केसुद्धरणं परजायणं च अवमाणसहणं च ॥ ३५ ॥  
 गुरुकुलवासो सययं खुहापिवासादयो य जेयन्वा । वावीसं च परीसहसत्तू दिन्वाहउवसेग्गा ॥ ३६ ॥  
 सीलङ्गसहस्साणं भारो अट्टारसण्ह वोढन्वो । लद्धावलद्धभिक्षावित्ती तह उत्तमा खन्ती ॥ ३७ ॥

जओ—

खन्ती गुणाण सूलं विराहए कोहणो अहिंसाई । दहइ तवसंजमं पि य जेहेव मण्डुक्कियाखमओ ॥ ३८ ॥  
 बरुभाईवधरणं तवकरणमरन्नवासवसणं च । सज्झाओ सज्झाणं अहलं चिय खन्तिरहियस्स ॥ ३९ ॥  
 मद्दवमज्जवनिह्योभया य विणओ य अपडिक्कम्मत्तं । मासाइया य पडिमा पन्वज्जा दुक्करा एवं ॥ १४४० ॥  
 निसिउग्गखग्गधारासंक्रमणं दुक्करं जहा होइ । लोहमयचणयचावणमग्गिसिहाजालपाणं वा ॥ ४१ ॥  
 सायरबाहुत्तरणं मन्दरगिरितोलणं तुलाए य । चक्कट्टगमज्झेणं धीउल्लियविन्धणं चेव ॥ ४२ ॥  
 अहवाऽवि जहा गयणे गङ्गापडिसोयगमणमइकडं । तह साहसरहिएणं पन्वज्जा दुक्करा काउं ॥ ४३ ॥

भणियं च—

बुभ्रन्ति नाम भारा ते क्षिय बुभ्रन्ति वीसमन्तेहिं । सीलभरो वोढवो जावजीवं अविस्सामो ॥ ४४ ॥  
अओ य—

विसयसुहपिवासाए अहवा बन्धवजणाणुरागेणं । अचइन्तो नावीसं परीसहे दुस्सहे सहिउं ॥ ४५ ॥  
जइ न तरेज्जा विसुद्धं काउं अइदुक्करं समणधम्मं । समणोवासगधम्मं तो कुब्जा सत्तिओ महम्मं ॥ ४६ ॥  
पढइ पढसं च ताइं सुणेइ जाणेइ गुरुसमीवम्मि । तत्तो गिण्हइ पालइ उवओगपरो सया कालं ॥ ४७ ॥  
दुविहतिविहेण पढमो दुविहं दुविहेण बीयओ होइ । दुविहं एगविहेणं एगविहं चैवं तिविहेणं ॥ ४८ ॥  
एगविहं दुविहेणं एक्केक्कविहेण छट्ठओ होइ । उत्तरगुणसत्तमओ अविरओ चैवं अट्टमओ ॥ ४९ ॥

सो य इमो—

पच्च य अणुव्वयाइं गुणव्वयाइं च होन्ति तिन्नेव । सिक्खावयाइं चउरो सावगधम्मो दुवालसहा ॥ १४५० ॥  
थूलपणासवविरेइं दिसिवयभोगवयणत्थदण्डो य । समइयदेसवगासियपोसहतिहिसंविभागो य ॥ ५१ ॥  
वोसिरइ जहासत्तिं थूलं संकप्पैओ निरवराहं । जीवं पणुच्च हिंसं जयणं च करेइ सुहुमेसु ॥ ५२ ॥  
थूलमुसावायवए कन्नालियमाइपञ्चभेयं च । गुरुसंक्लिसहेऊ असच्चवयणं विवज्जेइ ॥ ५३ ॥  
थूलमदत्तादाणं सच्चित्ताचित्तमीसविसयं च । जं इह अणत्थहेऊ तं वज्जे जावजीवाए ॥ ५४ ॥

१ व-वेय । २ व-सावगा० । ३ अ-प्पए ।

वज्रं धूलमवम्भं परनारितिरिक्खदेविविसयं च । होइ व सदारनिरओ अहव सदारं पि वज्जेइ ॥ ५५ ॥  
 धणधनखेत्तवत्थू रूपसुवन्ने तहेव कुवियम्मि । दुपए चउपयम्मि य अपरिमियपरिगहं वज्जे ॥ ५६ ॥  
 गणिमं धरिमं मेज्जं पारिच्छिज्जं धणं चउद्धा उ । एयम्मि य पत्तेयं परिमाणं होइ कायच्चं ॥ ५७ ॥  
 धनो सालिजवाई खेत्तं सेक्काइ वत्थु घरहट्ठा । रूपसुवन्नं दुविहं घडियमघडियं च विन्नेयं ॥ ५८ ॥  
 कुवियं कडाहिमाई विविहं गिहवक्खरं वियाणाहि । दाससगडाइ दुपयं गोप्पाइ चउप्पयं नेयं (?) ॥ ५९ ॥  
 उहुमहे तिरियम्मि य दिसिपरिमाणं तु सावओ कुज्जा । परओ सच्चजियाणं अभओ दिन्नो भवइ एवं ॥ १४६० ॥  
 उवभोगे परिभोगे भोयणओ कम्मओ य वयगहणं । भोयणओ संसाई कम्मयओ पन्नरसकम्मा ॥ ६१ ॥  
 संसमहुसज्जमक्खणपञ्चुम्भवरिणन्तकायबहुवीयं । वज्जेइ राइभत्तं अमुणियफलकरगमाईयं ॥ ६२ ॥  
 सच्चित्तदव्वविगईवत्थविलेवणविभूसणं मल्लं । तम्बोलण्हाणमब्भङ्गणं च असणाइ नियमेइ ॥ ६३ ॥  
 इङ्गालीवणसाडीभाडीफोडीसु कम्मलक्खाए । दन्ते रसविसंकेसे वाणिज्जं जन्तपीलगयं ॥ ६४ ॥  
 णिल्लच्छणकम्मदवग्गिदाणसरदहतलायसोसणया । असईपोसं च तथा जहसत्तीए य नियमेज्जा ॥ ६५ ॥  
 रङ्गालविक्कयं इट्ठवायकुम्भारलोहगाराणं । उट्टारभाडिसुज्जाइयाण वित्तिं विवज्जेइ ॥ ६६ ॥  
 वणछेयाओ वणविक्कएण फलकुल्लुपन्नपणिण । आरामविक्कएण य जा वित्ती तं विवज्जेज्जा ॥ ६७ ॥  
 सगडाणं घडणघडावणेण तन्विक्कएण जा वित्ती । तं नियमे सगडाई भाडियकम्मं च वज्जेइ ॥ ६८ ॥



नियमेइ उडुसिलकुइयत्तहलखडणमाइणा वित्ती । सव्वेसिमागराणं ववहारे वोसिरेइ सया ॥ ६९ ॥  
 नहदन्तवसरचम्मं कच्छूरियपूहए ससुत्तीणं । सुत्ताहलसंखवराडंया य जहसत्तिओ नियमे ॥ १४७० ॥  
 वोसिरइ लक्खजउलोहभाइमहुमज्जलोणियाईणं । विससत्थसुसलजन्तणिउक्खलपैभिईण य वणिज्जं ॥ ७१ ॥  
 मणुयाण तिरिक्खाण य कैसवणिज्जम्मि विक्कयं नियमे । जन्ताण चाहणं घञ्चियत्तिलेत्तेल्लियं वज्जे ॥ ७२ ॥  
 णिल्लिच्छणं च वसभाइयाण दाणं च पावकम्ममाजं । दवदाणं सरदहसोसणं च वज्जे असइपोसं ॥ ७३ ॥  
 चउहा अणत्थदण्डो अवझाणपसायहिंसदाने य । पावुवएसम्मि तहा तत्थावज्झाणविसयम्मि ॥ ७४ ॥  
 अजराभरत्तदेसाइयाईविज्जाहरिन्दकिडुइ । धाउव्वयाइ असंबद्धज्झाणं चिवज्जेइ ॥ ७५ ॥  
 वज्जइ पमायचेट्ठं परेसि त्वगाइहिंसगप्पिणणं । करिसणनिवसेवाइ पावुनएसं च नो देइ ॥ ७६ ॥  
 सावज्जजोगवज्जणरूवं सामाइयं उअयक्कालं । बहुसो वावि करेज्जा समभावाचट्ठिओ सहो ॥ ७७ ॥  
 भणियं च—

जो समो सव्वद्वएणु तसेसुं थावरेसु य । तस्स सामाइयं होइ इइ केवलिआसियं ॥ ७८ ॥  
 सामाइयन्नि उ कए समणो इव सावओ इवइ जम्हा । एएण कारणेणं बहुसो सामाइयं कुज्जा ॥ ७९ ॥  
 देसावगासियं पुण दिसापमाणस्स आवकहियस्स । पइदिणमाइसमासो सव्ववयाणं च संखिवणं ॥ १४८० ॥

आहारपोसहो तह सरीरसकारबभवावारे । अट्टमिचउदसीसुं चउभेयं पोसहं कुज्जा ॥ ८१ ॥  
चरमवए असणाई साहूणं देज्ज निज्जरट्ठाए । देसद्धसद्धसकारकमजुयं मोक्खवहउ त्ति ॥ ८२ ॥

अणियं च—

निव्वाणं खलु कज्जं नाणाइतिगं तु कारणं तस्स । निव्वाणकारणाणं तु कारणं होइ आहारो ॥ ८३ ॥  
पुव्वोइयधम्मस्स य संभत्तं मूलकारणमिस्स । मूलाईउवमाए जं एयं वन्नियं समए ॥ ८४ ॥

तहाहि—

मूलं न दुमस्स इमं सुप्पायारनगरस्स दोरं व । पासायस्स न पीढं निहि व्व रथणाणमिच्चाइ ॥ ८५ ॥  
देवत्तणपडिवत्ती जिणम्मि साहुसु गुरुत्तपडिवत्ती । तत्तत्थसदहाणं च होइ संमत्तमेयं तु ॥ ८६ ॥  
एगविह दुविह तिविहं चउहा पञ्चविह दसविहं सम्मं । मोक्खतरुयीयभूयं तत्तत्था पुण इमे होन्ति ॥ ८७ ॥  
जीवाजीवा पुन्नं पावासवसंवरो य निज्जरणा । बन्धो मोक्खो य तहा नव तत्ता होन्ति नायन्वा ॥ ८८ ॥  
जीवा दुविहा संसारिणो य मुत्ता य णवविहा भविणो । पुढविदगागणिवाऊवणस्सइ चउव्विहा य तत्ता ॥ ८९ ॥  
अहवा दुविहा तिविहा चउहा पञ्चविह छव्विहा चेव । नवविह चउदस भेया बत्तीसविहा उ ते भणिघा ॥ १४९० ॥  
पाणा पज्जत्तीओ तणुमाणं आउयं च कायठिई । लेसा जोगुवओगा एएसिं जाणियन्वाइं ॥ ९१ ॥

तित्थअतित्थे सिद्धा तित्थयरा तह अतित्थकरसिद्धा । सयपत्तेयविबुद्धा बुहवोहियसन्नगिहिलिङ्गे ॥ ९२ ॥  
 इत्थीपुरिसनपुंसा एगाणेगसिद्धाइभेएणं । मुत्ता अणेगभेया असरीरा परमसुहजुत्ता ॥ ९३ ॥  
 धम्माधम्मागासा गइठिइअवगाहलक्खणा होन्ति । तह पुगलत्थिकाओ कालो अ इमे अजीवा उ ॥ ९४ ॥  
 सायं उच्चागोयं सत्तत्तीसा य नामपगडीओ । तिन्नि य आऊणि तहा यायालं पुत्तपगडीओ ॥ ९५ ॥  
 णाणन्तरायदसगं दंसण नव मोहपयडिछन्वीसं । णामरस चउत्तीसं तिण्हं एक्केक्क पावाओ ॥ ९६ ॥  
 अव्वयकसायहन्दियकिरियाजोगा य आसवो होइ । एएसि निरोहो पुण बोधन्वो संवरो चेव ॥ ९७ ॥  
 अणसणभेयाइ तवो वारसहा तेण निज्जरा होइ । भइमहाभइाई अहव तवोऽणेगहां भणिओ ॥ ९८ ॥  
 पयइठिईअणुभागप्पएसभेया चउन्विहो बन्धो । नीसेसकम्मविगमो मोक्खो इय नव उ तत्ताणि ॥ ९९ ॥  
 चउसइहणतिलिङ्गं अट्ठविहायारसुपरिसुद्धं च । पञ्चविहलक्खणजुयं संमत्तं छन्विहागारं ॥ १०० ॥  
 परमत्थसंथवो वा सुदिट्ठपरमत्थसेवणा वावि । वावन्नकुदंसणवज्जणा य संमत्तसइहणा ॥ १ ॥  
 सुस्तसधम्मराओ गुरुदेवाणं जहासमाहीए । वेयावच्चे नियमो सम्मदिट्ठिस्स लिङ्गाइ ॥ २ ॥  
 निस्सङ्खिय निक्कङ्खिय निन्वितिगिच्छा अमूढदिट्ठी य । उववूहथिरीकरणे वच्छल्लपभावणे अट्ठ ॥ ३ ॥  
 उवसमसंवेगोऽवि य निन्वेगोऽवि य तहाणुकम्प ति । अत्थिक्कं चेव तहा संमत्ते लक्खणा पञ्च ॥ ४ ॥  
 छिण्डी रायभियोगो गणाभियोगो बलाभियोगो य । देवाभियोग गुरुनिगहो य कन्तारवित्ती य ॥ ५ ॥

खीणैः सुवसन्तेऽसु य खीणुवसन्तेऽसु अहवणन्तेऽसु । मिच्छन्तस्मि य जीवो सम्मत्तं लहह न उ इहरा ॥ ६ ॥  
जह चउरङ्गं सेनं नायगरहिंयं न साहए कज्जं । तह नाणाइगुणजुओ अदंसणो साहह न मोक्खं ॥ ७ ॥

जओ भणियं—

कुसमयसुईण महणं सम्मत्तं जस्स सुद्धियं हियए । तस्स जगुज्जेयगरं नाणं चरणं च भवमहणं ॥ ८ ॥  
सम्मत्तस्मि उ लद्धे ठइयाइं णरयतिरियदाराइं । दिव्वाणि भाणुसाणि य मोक्खवसुहाइं सहीणाइं ॥ ९ ॥  
यन्दणमाइ न कप्पइ इह लोइयदेवलोइयगुरूणं । लोइयतवो य लोइयतिथेसुं णहाणदाणाइं ॥ १० ॥  
सम्मत्तमूलमेयं धम्मं नाउं समत्थसुहहेउं । भो भव्वा ! जहसत्ती इमस्मि च्चवुज्जमं कुणह ॥ ११ ॥  
एत्थन्तरस्मि जागो वित्थरओ सोमिलेण पारद्धो । उवद्वाया एगारस वेयाइविज्ज तहिं पत्ता ॥ १२ ॥

भणियं च—

पढमेत्थ इन्दभूई बीओ पुण होइ अग्गिभूइ ति । तइए य वाउभूई तओ वियत्ते सुहम्मे य ॥ १३ ॥  
मण्डिय मोरियपुत्ते अकम्पिए चैव अयल भार्योए । मेयज्जे य पभासे य गणहरा होन्ति वीरस्स ॥ १४ ॥  
एत्थाइह्हा तिमि वि सहोयरा अन्नन्नमणुरत्ता । मण्डियमोरियपुत्ता य दोऽवि एक्कोयरससुत्था ॥ १५ ॥  
सन्वे पण्डियमभू सन्वे चिय जच्चमाहणा एए । पढमेल्लुयसंघयणा समचउरंसा य सण्ठाणा ॥ १६ ॥

१ अ-वीए । २ ब-०या य । ३ ब-धिय ।

उकुट्टिनायमुहले अप्फालियदुन्दुही नहाउ सुरे । आगच्छन्ते दहुं परितुट्ठो भणइ जन्नजणो ॥ १७ ॥  
 जन्ने अहो ! सुजट्ठं सक्खं चियं जं सुरा इह समिन्ति इय । तेसि वयन्ताणं देवा जन्नं अहक्कमिउं ॥ १८ ॥  
 गच्छन्ति जिणसगासे ताहे जम्पन्ति ते विलक्खमणा । को एस इहायाओ कुणन्ति महिमं सुरा जस्स ॥ १९ ॥  
 रुप्पाइसालतियगाइया उ रिद्धी विउव्विया एसा । जाणियपरमत्थेहिं अन्नेहिं विं तेसि परिक्हियं ॥ १५२० ॥  
 सव्वजुसव्वदंसी तित्थयरो एत्थ आगओ वीरो । तिहुयणमहिओ सव्वे सुरासुरा किङ्करा जस्स ॥ २१ ॥  
 तं सोऊण दियवरो गोतमगोत्तो उ इन्दभूइ स्ति । गुरुअमरिसगहविहुरियचित्तो चिन्तइ अहम्माणी ॥ २२ ॥  
 मोत्तूण ममं लोगो किं धावइ एस तस्स पानूलं । अन्नोऽवि जाणइ मए ठिअग्गि कत्तो चियं एयं ॥ २३ ॥  
 वच्चेज्ज व मुक्खजणो देवा कहणेण विरूढयं नीया । वन्दन्ति संयुणन्ति य जेणं सव्वजुबुद्धीए ॥ २४ ॥  
 अहवा जारिसओ चिय सो णाणी तारिसा सुरा तेऽवि । अणुसरिसो संजोणो गामनडाणं च मोक्खवाणं ॥ २५ ॥  
 काउं हयप्पयावं पुरओ देवाण दाणवाणं वौ । नासेहं नीसेसं खणेण सव्वजुवायं से ॥ २६ ॥  
 इय वोत्तूणं पत्तो दहुं तियलोगपरिवुडं वीरं । चउत्तीसाइसयणिहिं स सङ्गिओ सो ठिओ पुरओ ॥ २७ ॥

उत्तरं च—

“साक्षादुद्दिष्टभूतिः समवसृतिस्तुत्रो भूषणत्वात्तत्कथा—

१ व-य । २ अ-चियं व-चयं । ३ न-मोक्ख । ४ व-य ।

नायातानङ्गनाभिः सह वरविबुधान् पञ्चवर्णैर्विमानैः ।

रूपं चाश्चर्यभूतं क्षमिति दशदिशो भासयन् स्फारकान्त्या

तस्थौ क्षोभात्सशङ्को मुनिपतिपुरतो हा किमेतत् किमेतत् ? ॥ २८ ॥”

आभासिओ जिणेणं जाइजरामरणविप्पमुक्केणं । नामेण य गोत्तेण य सवन्नू सव्वदंसी य ॥ २९ ॥

हे इन्दभूइ ! गोयम ! सागयमुत्ते जिणेण चिन्तेइ । नामं पि मे दियाणइ अहवा को मं न धोणेइ ॥ १५३० ॥

जइ किरं हिययगयं मे संसयमन्नेज्ज अहव छिन्नेज्जाँ । ता होज्ज विम्हओ मे इय चिन्तन्तो पुणो भणिओ ॥ ३१ ॥  
किं अत्थि जिओ देहे उयाहु नत्थि त्ति संसओ तुज्झं । वेयपए य भणित्ता जीवो अत्थि त्ति तुह बुद्धी ॥ ३२ ॥

वेयपयं च इमं—“स वै अयं आत्मा ज्ञानमयः ।”

पच्चरखाइपमाणाम्मो मुत्तत्तणाइभावाओ । जं ता नत्थि त्ति मई ण य जुत्ता तुज्झ सा काडं ॥ ३३ ॥

चेयन्नामणुहविज्जइ जीवन्ततणुस्मि तं च जीवणुओ । देहस्स गुणो णयं भूयाणमचेयणत्तणओ ॥ ३४ ॥

सुहदुहचेयणधारणमरणानुस्सरणमाइ न घडेइ । अणुहवसिद्धं जीवाभावे ता अत्थि सो नियमा ॥ ३५ ॥

एवं जिणेण कहिए सव्वन्नू चेव एस इय मुणिउं । हिट्ठमणो संविगो पडिबुद्धो वन्दए वीरं ॥ १५३६ ॥

किञ्च—

१ व-०सीणं । २ व-याणा० । ३ व-जइ वा हि० । ४ अ-वा । ५ अ-०वो भा० ।

छिन्नस्मि संसयम्भी जिणेण जरमरणविप्पमुक्केणं । सो समणो पव्वहओ पञ्चहिं सह खण्डियसएहिं ॥ ३७ ॥  
 तं पव्वहयं सोऽं अग्गिभूई वि अमरिसावन्नो । चिन्तइ भायरमाणेमि तं पराजित्तु समणमहं ॥ ३८ ॥  
 सो छलवाई अहविन्दजालिओ छलइ सत्थचित्तजणं । इहरा उ इन्दभूरं वाए को तरइ जेउं जे ॥ ३९ ॥  
 ता सो जइ मम पक्खं जाणिस्सइ अह निरागरिस्सइ य । ताहं पि तस्स सीसो इय भणिय गओ जिणसयासो १५४०  
 णामेण य गोत्तेण य जिणेण आभासिओ संसंकमणो । भणिओ य विम्विओ सो कम्मं तुह संसओ अत्थि ॥ ४१ ॥  
 पच्चक्खाइअगम्मं कम्मं मुत्तं च कह इमं जीवे । बज्झइ अमुत्तस्सवे उवघायाणुग्गहा य कहं ॥ ४२ ॥  
 मुत्तेण अमुत्तस्स उ कम्मं जियस्स सो य नो जुत्तो । पच्चक्खं चिय कम्मं अइसयनाणीण मज्झं च ॥ ४३ ॥  
 तुज्झाणुमाणगम्मं इह जियवइचित्तदंसणाओ उ । कम्माओ चिय सुहइहविकलेयरमाइभावाओ ॥ ४४ ॥  
 दीसइ य मुत्तघडमाइणा उ जोगो अमुत्तगयणस्स । नाणे सुरोसहेहिं य उवघायाणुग्गहा मुत्ते ॥ ४५ ॥  
 वेदेऽप्युक्तम्—“पुण्यः पुण्येन कर्मणा पापः पापेन कर्मणा ।”

छिन्नस्मि संसयम्भी जिणेण जरमरणविप्पमुक्केणं । सो समणो पव्वहओ पञ्चहिं सह खण्डियसएहिं ॥ ४६ ॥  
 ते पव्वहए सोऽं वाउव्वहूई वि चिन्तए एवं । सव्वन्नू चेव इमो भयवं ता वन्दिमो गन्तुं ॥ ४७ ॥  
 सीसत्तं पडिवत्ता संपह इन्दग्गिभूहणो जरस्स । तिहुयणकयप्पणामो स महाभागोऽभिगमणिज्जो ॥ ४८ ॥

ता तस्स वन्दणनमंसणाणा होमि पूयपावोऽहं । वोच्छिन्नसंसओ वा वोत्तुं पत्तो जिणसयासं ॥ ४९ ॥  
तो रुवरिद्धिदंसणपरितुट्ठो सो जिणेण आभ(पु)ट्ठो । तज्जीवतस्सरीरं ति संसओ तुज्झ हिययम्मि ॥ १५५० ॥  
पच्चक्खाइअगहणा जीवो नत्थेत्थ देहवहरित्तो । जलबुब्बुउ व्व सलिले देहे संमुच्छई एसो ॥ ५१ ॥

इमं च न जुत्तं—

देसेण स पच्चन्खो जीवगुणाणं अवग्गहारिणं । पच्चक्खत्तणओ चिय तहाणुमाणेणवि स गम्सो ॥ ५२ ॥  
देहिन्दिद्याहरित्तो आया जं इन्दिद्याण विगमेऽवि । इन्दिदयदिट्ठे अत्थे सुमरइ मरणं च पावेइ ॥ ५३ ॥  
वेदेऽप्यु त्तम्—“सत्थेन लब्धस्तपसा खेप ब्रह्मचर्येण । नित्तं ज्योतिर्मयो हि शुद्धोऽयं पश्यन्ति धीरा  
यतयः संघतात्मानः ॥”

छिन्नम्मि संसयम्मी जिणेण जरमरणविप्पमुक्खेणं । सो समणो पव्वइओ पञ्चहिं सह खण्डियसएहिं ॥ ५४ ॥  
तयणन्तरं विद्यत्तो आगच्छइ भगवओ सयासम्मि । आभासिओ जिणेणं भूएसुं संसओ तुज्झ ॥ ५५ ॥  
भूयाणि ण विज्जन्ति उ तप्पडिवत्ती दुचन्दरूवं ति । तो सव्वसुन्नया इद जुत्ता वेए जओ भणियं ॥ ५६ ॥

“खमोपमं वै सकलं” इमं च अजुत्तं, जेओ—

सुभिणासुमिणविभागो गन्धव्वपुरेयराइभेओ य । सव्वपसिद्धो जुज्झइ न सव्वसुन्नत्तपक्खम्मि ॥ ५७ ॥



अधुवत्तमसारत्ताणकहणेणं वेयवयणमेयं तु । संसारियवत्थूसुं पडिवन्धनिवारणपहाणं ॥ ५८ ॥  
न उ सव्वसुनभावस्स साहगं किञ्चि अत्थि अन्नं पि । वेयपयं भूयाणं सत्तासंस्तयगं तं च ॥ ५९ ॥

“पृथिवी वै देवता, आपो वै देवता, तेजो वै देवता, वायुवै देवता” इत्यादि ॥

छिन्नस्मि संसयम्भी जिणेण जरमरणविप्पमुक्केणं । सो समणो पव्वहओ पञ्चाहिं सह खण्डियसएहिं ॥ १५६० ॥  
तो एइ सुहम्मदिओ विस्मिहयचित्तो उ जिणसयासम्मि । आभासिओ जिणेणं आमन्तेज्जण नामेणं ॥ ६१ ॥  
जो जारिसो इह भवे सो तारिसो उ परभवे होइ । इय संसओ तुह मणे वेयपयाणत्थभन्तीए ॥ ६२ ॥

वेयपयं च—“पुरुषो वै पुरुषत्वमभ्रुते पशवः पशुत्वमभ्रुवन्ते ।” इत्यादि ॥

अन्नं च तुज्झ बुद्धी कलं किर कारणस्स अणुरूवं । ण जणेइ सालिद्धीजं जं कैइयवि गोडुमङ्करं ॥ ६३ ॥

इमं च न जुत्तं, जओ—

कारणरूवं कज्जं नेगन्तो सिंगओऽवि होइ सरो । जायइ तह गोलोसा विलोमओ एत्थ दुव्वत्ति ॥ ६४ ॥

जं पुरिसो पुरिसत्तं पावइ इच्चाइ भासियं वेए । तं मइवज्जवाईगुणजुत्तो सो तयं लहइ ॥ ६५ ॥

मायाईगुणजुत्ता पुणो पसुत्तं लहन्ति पसुणोऽवि । न उ नियमेणं जं इह कम्ममावेक्खा भवुप्पत्ती ॥ ६६ ॥

कम्मं च चित्तरूवं ता कारणरूवमेव कज्जन्ति । एयं पि जुज्झइ च्चिय किञ्चनं वेद्यवयणं नि ॥ ६७ ॥

१ अ—किञ्च । २ न—हासि० । ३ न—नीयं । ४ अ—क्याह यवि । ५ अ—वेवं ।

“शृगालो वै एष जायते यः सपुरीषो दह्यते ।” इत्यादि ॥

छिन्नस्मि संसयम्भी जिणेण जरसरणविप्पमुक्केणं । सो ससणो पव्वइओ पच्चहिं सह खण्डियसएहिं ॥ ६८ ॥  
तयणन्तरमागच्छइ मण्डियपुत्तो जिणस्स पासम्मि । भणिओ जिणेण भो तुह संदेहो बन्धमोक्खेसु ॥ ६९ ॥  
विरुद्धवेदपदनिबन्धनश्चायं, तानि चामूनि—“स एष विगुणो विभुर्न बध्यते संसरति वा मुच्यते मो-

चयति वा ॥” इत्यादि ॥

भुत्ते पडुच्च एयं नेयपयं भासियं न उ भवत्थे । बन्धाइअभावम्मि य दिक्खाह निरत्थयं सव्वं ॥ १५७० ॥  
किञ्च—“न ह वै सशरीरस्य प्रियाप्रिययोरपहतिरस्ति, अशरीरं वा वसन्तं प्रियाप्रिये न स्पृशतः ॥”  
इच्चाइवेयवक्कातो बन्धमोक्खवा उ होन्ति विन्नेया । इय छिन्नसंसओ सो अडुडसएहिं पव्वइओ ॥ ७१ ॥  
वीरजिणस्स सयासे मोरियपुत्तो य तो समागच्छे । भणिओ य भगवया सो देवेसु संसओ तुज्झ ॥ ७२ ॥  
“को जानाति मायोपमान् गीर्वाणानिन्द्रयप्रवरुणकुर्वेराण्” ।

इच्चाइवेयवक्का तुज्झ सुराभावपच्चओ जाओ । सो य ण जुत्तो जम्हा अणिच्चयावेयगं च्वे ॥ ७३ ॥  
मायोवसत्तमेयं देवाणं न उ अभावसंकहगं । पच्चक्खं पेच्छ इमे देवा मम पासमल्लीणा ॥ ७४ ॥  
किञ्च—“स एष यज्ञायुधी यजमानोऽञ्जसा स्वर्गं लोकं गच्छति ।”

१ अ-मवे । २ अ-वह । ३ ब-क्खाइ । ४ ब-वेय ।

एयस्मि य वेयपए सुरसत्ता स्रहया तुह मयस्मि । इय छिन्नसंसओ सो अहुट्टसएहिं पव्वइओ ॥ ७५ ॥  
आगच्छइ जिणपासे अकस्मिओ सो जिणेण आलत्तो । तुह नारएसु जाओ सन्देहो वेयवयणाओ ॥ ७६ ॥

तं च इमं—“न ह वै प्रेत्य नरके नारकाः सन्ति ।”

एयं च वेयवयणं सुहकरमाणो न नारया होन्ति । एयत्थसाहगं चिय न य तदभावं पसाहेइ ॥ ७७ ॥  
केवल्लिणो पच्चक्खा जुत्तीगम्मा भवारिसाणमिमे । जे वेइन्ति पगिइ पावफलं ते उ नेरइया ॥ ७८ ॥

किञ्च—“नारको वै एष जायते यः शूद्रान्नमश्नाति ।”

वेउत्तीए इमाए विज्जन्ते नारय त्ति बोधव्वं । वोच्छिन्नसंसओ सो पव्वइओ तिहिं सएहिं समं ॥ ७९ ॥  
संपइ य अयलभाया आगच्छइ भयवओ समीवस्मि । भो तुज्झ पुन्नपावेसु संसओ इय जिणो आह ॥ १५८० ॥  
सो य न जुत्तो जम्हा पच्चक्खं चेव दीसए पयडं । पुक्खस्स य पावस्स य फलमिह लोगागमपसिद्धं ॥ ८१ ॥  
सुकुलुप्पत्ती ख्वं विहवो भोगा पहुत्तमारोगं । एमाइ पुन्नफलं विवरीयं होइ पावस्स ॥ ८२ ॥

सुत्तिवयणं एत्थत्थे जहग्गिम्मूहस्मि तह उ दट्ठव्वं । इय छिन्नसंसओ सो पव्वइओ तिहिं सएहिं सबं ॥ ८३ ॥  
मेयज्जो आगच्छइ जिणयामूलस्मि तं जिणो भणइ । मेअज्ज ! संसओ तुह परलोगत्थित्तणे अत्थि ॥ ८४ ॥  
सो य ण जुत्तो जम्हा आया चेयल्लिङ्गओ सिद्धो । सो परलोगं वच्चइ सो वज्जियकज्जजोएणं ॥ ८५ ॥

परलोगस्साभावे दिक्खातवदाणजन्नपूयाइ । सव्वं निरन्थयमिहं इमे सुरा पेच्छ परलोगो ॥ ८६ ॥

किञ्च—

“अद्वाघेनोदरस्थेन यो वै ह म्रियते द्विजः । श्वानयोनिशतं गत्वा चाण्डालेषु प्रजायते ॥ ८७ ॥”  
परलोगो मन्निजइ एयाओ चेव समयवक्काओ । इय छिन्नसंसओ सो पव्वइओ तिहि सएहिं समं ॥ ८८ ॥  
तयणन्तरं पहासो सव्वजयपहासयस्स पासम्मि । आगच्छइ कुसलमणो जिणेण आभासिओ सोऽवि ॥ ८९ ॥  
निव्वाणे संदेहो तुह हियए सो य होइ नो जुत्तो । जं निव्वाणं भोक्खो सो पुण नीसेसक्कमाणं ॥ ९० ॥  
विगमो भन्नइ एत्थं कम्मं पुण वेयसिद्धमन्नं च । हीणुत्तामाइजीवावत्थावइचित्तदंसणओ ॥ ९१ ॥  
नाणतपदंसणेहि य सुद्धेहिं होइ कम्मविगमो उ । इय छिन्नसंसओ सो पव्वइओ तिहि सएहिं समं ॥ ९२ ॥  
उत्तमसंवेगपरा ते उत्तमचरणकरणसंपन्ना । सव्वे उत्तमवन्ना जयपहुणो गणहरा जाया ॥ ९३ ॥  
उप्पन्नाविगमधुवपयतियम्मि कहिए जिणेण तो तेहिं । सव्वेहिं चि य बुद्धीहिं बारस अङ्गाइं रइयाइं ॥ ९४ ॥  
आयारो सूयगडो ठाणं समवाय भगवई चेव । णायाधम्मकहाओ सत्तमयमुवासागदसाओ ॥ ९५ ॥  
तह अन्तगडदसाओ अनुत्तरोवाइयाण य दसाओ । पण्हावागरणं तह एक्कारसमं विवागसुयं ॥ ९६ ॥  
एक्कारस अङ्गाइं दुगुणादुगुणाइं गन्थमाणेणं । बारसमं पुण अङ्गं चउदसपुव्वेहिं नायव्वं ॥ ९७ ॥

ताणि य इमाणि—

उत्पायपुण्ड्रमगेणियं च तह्यं च वीरियं पुण्ड्रं । अत्थीनत्थिपवायं तत्तो नाणप्पवायं च ॥ ९८ ॥

सच्चप्पवायपुण्ड्रं तत्तो आयप्पवायपुण्ड्रं च । कम्मप्पवायपुण्ड्रं पच्चक्खाणं भवे नवमं ॥ ९९ ॥

विज्जाअणुप्पवायं अवज्झप्पाणा उ बारसं पुण्ड्रं । तत्तो किरियविलासं पुण्ड्रं तह विन्दुसारं च ॥ १०० ॥

गणहरपयस्मि उविया ते तित्थयेरेण सुहसुहुत्तस्मि । गन्धे निक्खिविय सिरे सुरोवणीए सुगन्धहे ॥ १ ॥

जाओ य तत्थ सङ्गो चउन्विहो जिणवरस्स पढमिल्लो । सीसो गोयमसामी चन्दणवाला य सिस्सिणिघा ॥ २ ॥

भवियारविन्दपडिवोहदिणयरो विहरए महीवीहं । चउतीसअइसयजुओ वीरो बहुगामनयरहुं ॥ ३ ॥

ते य इमे—

वररुवसुरहिरयमलआमयपासेयवज्जियं देहं । गोखीरसंखधवलं निव्विरस्सं मंसरुहिरं च ॥ ४ ॥

आहारो नीहारो दीसइ न जिणस्स मंसचवखूहिं । वरङ्कुलुप्पलसुरही निस्सासो दसदिसामोओ ॥ ५ ॥

जोयणमेत्ते खेत्ते मायन्ति सुराइयाण कोडिसया । सव्वसभासाणुगया जोयणनीहारिणी वाणी ॥ ६ ॥

पणवीसजोयणाइं चउद्धिसिं भगवओ उवस्समन्ति । पुण्ड्रुप्पन्ना रोगा पसमेइ वहरमारी य ॥ ७ ॥

अइवुद्धि अणावुड्डी दुब्बिभक्खं तह न होइ डमरं च । आमण्डलं रविसमं विरायए षट्ठिभायस्मि ॥ ८ ॥

आगासगयं चक्कं छसं इन्दज्झओ चमरजुयलं । सीहासणं विचित्तं सपायपीहं सहविहारि ॥ ९ ॥

कणगमया गवपउसा पायारतिथं च चउमुहत्तं च । वरदुन्दुही असोगो नहरोममवद्विधं चैव ॥ १६१० ॥  
 मगस्मि कण्टया किर अहोमुहा ठन्ति अवनमन्ति दुमा । होन्ति मणुत्ता पञ्च उ सद्दहि इन्दितथा य ॥ १११ ॥  
 वणराइसु छप्पि रिऊ मणोरसा अवयरन्ति समकालं । अणुकूलो भूभागं विसोहए सुरहिपवणो य ॥ १२ ॥  
 विहगा पयाहिणगई गन्धोदयपञ्चवन्नकुसुमस्स । बुद्धी होइ समन्ता सुरेहिं विहिया जिणिन्दस्स ॥ १३ ॥  
 कप्पसुरा जोहसिया भवणवई वाणमन्तरसुरा य । चिट्ठन्ति समोसरणे कोडिपमाणा जहन्नेणं ॥ १४ ॥  
 इय चउतीसमइसया चउरो जम्मप्पभीइ जिणिन्दस्स । एक्कारस कम्मक्खयसंभूया सुरकया सेसा ॥ १५ ॥  
 केवलमहिमं काउं वीरस्स सुरेसरा सपरिवारा । अट्टाहियानिमित्तं दीवे नन्दीसरम्मि गया ॥ १६ ॥  
 बहुनन्दिरुक्खवणसण्डमण्डिए सुरवरच्छरनिवासे । तत्थ य चउद्विसासुं नीलुप्पलमणिमया चउरो ॥ १७ ॥  
 अञ्जणगिरिणो तुङ्गा बहुविहवणराइरेहिरा वट्ठा । विच्छिन्नोवरिमतला तेसिं पुण चउसु पासेसु ॥ १८ ॥  
 चउरो पुक्खरिणीओ पत्तेयं विमलवारिभरियाओ । गहिरपरिमण्डलाओ जम्बूदीवप्पमाणाओ ॥ १९ ॥  
 तासि बहुमज्झदेसे धवलुज्जलमणिमया सुरम्मतला । परिवट्ठुलोरुत्तुङ्गा दहिवन्ता दहिसुहा गिरिणो ॥ १६२० ॥  
 इय अञ्जणसु चउसुं सोलससुं दहिसुहेसु उवरितले । सासयजिणभवणाइं चउरदुवाराइं रेहन्ति ॥ २१ ॥  
 जोयणसयदीहाइं पत्तासं वित्थडाइं रम्माइं । बावत्तरुसियाइं मणिरयणसुवन्नमइयाइं ॥ २२ ॥

उच्छुङ्कितोरणाइं मन्दरचूल व्व उच्चसिहराइं । मंगिरयणकिङ्किणीगणपडागपन्तीसणाहाइं ॥ २३ ॥  
 हयगयरहविज्जाहरपडिरूवयपवरपन्तिजुत्ताइं । सव्वज्जमणोहरसोलभञ्जियावलयकलियाइं ॥ २४ ॥  
 गब्भहरमज्झभागे तेसिं मणिपीढिया य एगेगा । पवरा तासु य चिट्ठइ विसिट्ठसंठाणसाराणं ॥ २५ ॥  
 पणवन्नमणिमग्धाणं अट्टमहापाडिहेरजुत्ताणं । वरलोमहत्थघण्टियधूयकडुच्छुयसमेयाणं ॥ २६ ॥  
 उत्सभजिणपमाणाणं उक्कोसेणं जिणिन्दपडिमाणं । वीरजिणिन्दपैप्पानाणं जहन्नओ अट्टसयमेगं ॥ २७ ॥  
 जिणभवणडुवाराणं पुरओ मुहमण्डवा चउण्हं पि । वरथम्भपन्तिरम्मा विचित्तचित्ता उ त्तिडुवारा ॥ २८ ॥  
 तण्णुरओ पेच्छामण्डवा उ सुरपेच्छणाण ते जोगा । मुहमण्डवसारिच्छा तेसिं पुरओ य वरधूमा ॥ २९ ॥  
 चउरो जिणपडिमाओ धूमाभिमुहाउ चउदिसिं होन्ति । मणिपेढियाडियाओ पसन्तमुहनयणसोहाओ ॥ ३० ॥  
 सिरिउसभवद्धमाणयचन्दाणणवारिसेणणामाओ । धूमाण तेसि पुरओ चेइयरूक्खा परमरम्मा ॥ ३१ ॥  
 तेसिं पुरओ मणिपेढियाँ य इन्दज्झया य अइउच्चा । तेसिं पुरओ होन्ति उ पुक्खरणीओ सुरम्माओ ॥ ३२ ॥  
 इय एवंविहरूवा सिद्धाययणा जिणेहिं पन्नत्ता । णन्दीसरम्मि वीसं संपत्ता तेसु सुरवसभा ॥ ३३ ॥  
 मुत्तावलिकणगावलिदिव्वंसुरइयरइयरउल्लोयं । सुरतरुविकोसकुसमोहविहियकुल्लहरयससिद्धं ॥ ३४ ॥  
 जिणणहवणचणसारं तूररुद्धामनट्टगीयहं । सव्वजिणायेणेषुं कुणन्ति अट्ठाहियामहिमं ॥ ३५ ॥

१ व-कणिरकलकिं । २ अ-सालिभं । ३ व-समाणं । ४ व-यासु ।

सौलसपुत्रवरणीसुं उभओ पासेसु केइ रइकरगा । दो दो हेममयगिरी भवन्ति सन्वे च वत्तीसं ॥ ३६ ॥  
 तेसु वि जिणभवणाइं अमहन्ततराइं केइ साहन्ति । इय नन्दीसरदीवो बावन्नजिणालओ होइ ॥ ३७ ॥  
 अयवं पि महावीरो विहरन्तो पुरवरम्मि रायगिहे । गुणसियलचेइयम्मी समोसढो सुद्धदेसम्मि ॥ ३८ ॥  
 रइयस्मि समोसरणे सुरेहिं सीहासणम्मि उवविट्ठो । तो जाणियवुत्तन्तो सेणियराया सपरिवारो ॥ ३९ ॥  
 निट्ठुरखुखल्यक्खमहेसारवमुहल्लतुरयचहुथ्हो । कयमत्तमयगलुद्धाअगज्जियाकालघणसङ्को ॥ ४० ॥  
 वामीयरछुरियरहोरुघणघणारावबहिरियदियन्तो । दिप्पन्तखगगकुन्तीतडिच्छडाडोवभीमभडो ॥ ४१ ॥  
 ताडियभेरीभाणयभम्भापडुपडहकाहलानियरो । सामन्तनिरन्तरधवलच्छत्तनहरइयसरयघणो ॥ ४२ ॥  
 उदण्डपुण्डरीओ उभओ कयचारुचामरुक्खेवो । पढमाणभट्ठहो वाउडुयधयवडसमूहो ॥ ४३ ॥  
 आबद्धवीरवलओ केऊरकिरीडहारसोहिल्लो । सेयणयगयारुढो सक्को अइरावणगओ न्व ॥ ४४ ॥  
 आरुढेहिं समन्ता हयगयरहकरहजाणसिवियासु । अणुगम्ममाणमगो अन्नोहिं वि पायचारीहिं ॥ ४५ ॥  
 निंयपुत्तेण चउन्विहवुद्धिसमिद्धेण सुपियधम्मणे । अभयकुमारेण ससं नाणाविहपुरजणसमगो ॥ ४६ ॥  
 आगन्तूणुज्जाणं तिपयाहिणपुन्वयं जिणं नमिउं । उवविट्ठो नियठाणे जिणदंसणहिट्ठमणनयणो ॥ ४७ ॥  
 अयवं पि कहइ धम्मं असेसदुरिओहवारणसमत्थं । भवजलहिजाणवत्तं भव्वाण विवोहणट्ठाए ॥ ४८ ॥

१ ब-ते उ । २ ब-महिंसा । ३ ब-हर° । ४ अ-°छुहिय° । ५ ब-°क्खेत्तो । ६ ब-आविद्ध° । ७ ब-पिय° ।



लङ्घूण माणुसत्तं सुदुल्लहं जलहिपडियरयणं व । बुद्धिमया पुरिसेणं जत्तो धम्मम्मि कायब्बो ॥ ४९ ॥  
सो पुण दाणं सीलं तवो य तह भावणा चउविगप्पो । दाणं तिविहं नाणाभयधम्मोवग्गहकराणं ॥ १६५० ॥  
दिक्खेण जेण जीवो विन्नाया होइ बन्धमोक्खाणं । तं होइ नाणदाणं सिवसुहसंपत्तिसंजणं ॥ ५१ ॥  
एयं उं नाणदाणं जं सुयदाणं तयत्थकहणं च । भव्वाणमहव सुयणाणकारणं सुयलिहावणयं ॥ ५२ ॥  
नाणाओ भवविरागो संवेगो इन्दियाण य निरोहो । कोहाइयाण जायइ खंडवसमो भावसत्तूणं ॥ ५३ ॥  
सयलपयत्थपईवं निरुवहयं निम्मलं इमं चक्खुं । नाणविहीणो मणुओ पसु व्व अन्धो व्व नहिरो वा ॥ ५४ ॥  
ज्जिणवयणं च लिहावइ जो सो अन्नाण अप्पणो हणइ । अन्नाण य भव्वाणं उस्मगं तह पणासेई ॥ ५५ ॥  
पयडेइ मोक्खसम्मगं कैस्सेण तो घाइकम्मखवणेणं । पावइ केवल्लवाणं लोयालोयप्पयासयरं ॥ ५६ ॥  
सव्वेसिं जीवाणं हिंसापरिवज्जणं जमिह सस्सं । तं होइ अभयदाणं इदं तं चेव सव्वेसिं ॥ ५७ ॥  
देसं चयन्ति रजं सुयन्ति उज्झन्ति बन्धुवग्गं पि । वियरन्ति य सव्वस्सं पडन्ति पाएसु रिउणोऽवि ॥ ५८ ॥  
जीवियकल्ले मणुया नत्थि तयं किं पि जं न कुब्बन्ति । ता सव्वपियं नं च्चिघ दायव्वं सोक्खकामेण ॥ ५९ ॥  
दीहाऊ वरसुत्ती निरुजो जणवल्लहो परमविहवो । जीवो उ सुलहबोही संजायइ अभयदाणेणं ॥ १६६० ॥  
धम्मोवग्गहदाणं असणं पाणं च वत्थु पत्तं च । ओसहसासण सयणं वसहिं च पडुत्तं जं दाणं ॥ ६१ ॥

१ व-तु । २ व-कम्माणं घा० ।

जो देह असणमाई साहूण ससत्तिओ सुविहियाणं । नाणाहगुणोवग्गहहेउं सो पुत्रफलभागी ॥ ६२ ॥  
 सो पावइ सुररिद्धिं सुकुलं रुवं च उत्तमे भोगे । सोहगं वरकित्ती घम्मपवित्ती तओ सुत्ती ॥ ६३ ॥  
 सद्धाजलेण रहियं बीयं च न होइ बहुफलं दाणं । सुक्खेत्तवावियं पिहु ता सद्धापुव्वगं देयं ॥ ६४ ॥  
 मोक्खो नाणाईहिं ताणि पुणो देहजावणाए उ । असणाइएहिं सावि छु सिवहेऊ तेण तद्दाणं ॥ ६५ ॥

वसहिदाणफलं पुण—

गई तेण दिन्ना मई तेण दिन्ना ठिई तेण दिन्ना सुहं तेण दिन्नं ।

गुणश्रीसमालिङ्गियाणं वराणं सुणीणं वरो जेण दिन्नो निवासो ॥ ६६ ॥

तहा—

संजमतबुज्जयाणं वसहिं साहूण देह जो भइमं । वत्थन्नपाणसयणाइयाइ तेणं विइन्नाइं ॥ ६७ ॥

तवसंजमसज्झाओ नाणब्भासो जणोवयारो य । जो साहूणमुवग्गहकारी सेज्जायरो तस्स ॥ ६८ ॥

दाऊण वसहिदाणं पमुइयचित्तो चरित्तजुत्ताणं । साहूण गिही पुन्नं सुहाणुबन्धं समज्जेइ ॥ ६९ ॥

वररयणरासिपुन्ने अच्छरगणसंकुले सुरविमाणे । उववज्जइ तियसवरो सुहकलिए वसहिदाणेणं ॥ १६७० ॥

उत्तमकुले विसाले विभवाइजुए नरत्तणं लहइ । तत्तो सुओ सुदुलहं पावइ तह बोहिलाभं च ॥ १६७१ ॥

१ व-°विचि° । २ व-मुत्ति° । ३ अ-°वज्जु° ।

पारम्परेण पावइ परमपयं नरयतिरियगइमुक्को । जतथ न जरा न मच्चू न वाहिणो नेय वसणाइं ॥ ७२ ॥  
सेब्बावसही तीए सुदुत्तरं तरइ जेण भवजलही । सेब्बायरो त्ति तेणं भणन्ति जं परमनाणी वि ॥ ७३ ॥  
अन्नं च—

जह जह सज्झायझुणी निसुणिज्झइ जिणवराण दुहदलणी । तह तह पावमलोहो गलइ जहा अञ्जलीसलिलं ॥  
इय साहुवसहिदाणं कल्लाणपरम्परासुहनिहाणं । जिणवयणाओ नाउं जहसत्तीए उ दायव्वं ॥ ७५ ॥  
मूलुत्तरगुणरूवं सीलं समणाण सावयाणं च । कम्मासवाण पिहणं महव्वयाणुव्वयाइणं ॥ ७६ ॥  
सव्वगुणालङ्कारो कुगइदुवारम्मि अगगला सीलं । सोवाणपन्तिथा इव सीलं सग्गापवग्गाणं ॥ ७७ ॥  
सीलं कुलुन्नइकरं लोयपियत्तजणं जसकरं व । सीलं सुइत्तणकरं सीलं चिय संपयामूलं ॥ ७८ ॥  
सीलस्स पहावेणं कुव्वन्ति सुरासुरावि सन्निज्झं । सीयारेवइभद्दामणोरम्मासावियाणं च ॥ ७९ ॥  
अणसणमूणोयरिया वित्तीसंखेवणं रसच्चाओ । कालकिलेसो संलीणया य वज्झो तवो होइ ॥ १६८० ॥  
पायच्छित्तं विणओ वेयावच्चं तहेव सज्झाओ । ज्ञाणं उस्सग्गोऽवि य अब्भिन्नरओ तवो होइ ॥ ८१ ॥  
सिद्धिपुरमग्गजाणं संसारसमुदरुन्दबोहित्थो । कम्मिन्धणस्स जलणो पत्थियवत्थूण कप्पत्तरु ॥ ८२ ॥  
वायायवेण सुस्सइ तलायसलिलं व पावकम्मं पि । तवसा हेममलो विव डज्झइ जलणोहेत्तावेणं ॥ ८३ ॥

१ व-°मुक्को । २ व-मुणिवराण । ३ अ-°णीयं । ४ अ-सिद्धं ।

जं नेरइओ कम्मं खवेइ बहुयाहिं वासकोडीहिं । पाणी पसन्तचित्तो तं श्रेवतवेण नासेइ ॥ ८४ ॥  
 सन्वं सवस्स सज्झं तवो उ सन्वेसि पूयणिज्जथरो । हरिकेसरिसिं तुट्ठा सुरावि जं पज्जुवासन्ति ॥ ८५ ॥  
 सन्वमणिच्चयमाईभावगाजालमेगचित्तेणं । भववेरगनिमित्तं अट्टमयट्ठाणछेयकरं ॥ ८६ ॥  
 धणसयणरूवजोव्वणजीवाईयं अणिच्चमिह सन्वं । धम्मं मोत्तूणन्नं न य सरणं किं पि संसारं ॥ ८७ ॥  
 विविहाओ अवत्थाओ पावइ जीवो नडो व्व भवरङ्गे । रोगजरमरणजम्मणइक्खं पि यं वेयए एगो ॥ ८८ ॥  
 अन्नो य एस जीवो अन्नं धणसयणदेहमाईयं । वससोणिगाइनिम्मियमसुइनिहाणं इमं देहं ॥ ८९ ॥  
 आसवइ जिओ कम्मं मिच्छत्ताईहिं असुहपरिणामं । तस्सेव य संवरणं करेइ तेसिं निरोहेणं ॥ ९० ॥  
 बारसविहेण तवसा कम्मं निज्जरइ पुव्वबद्धं वि । सो नत्थि लोयदेसो जत्थ न जाओ जिओ न मओ ॥ ९१ ॥  
 बोही वि ऐत्थ दुलहा पुढवाइजिएसु संसरन्तस्स । मणुयत्तेऽवि हु दुलहो धम्मगुरू अकयपुन्नस्स ॥ ९२ ॥  
 एमाइभावणाओ भाविन्तो सुक्कलेसपरिणामो । भरहइलापुत्तो इव उप्पाडइ केवलं नाणं ॥ ९३ ॥  
 एमाई धम्मकहं सोउं सेणियनिवाइया भन्वा । संमत्तं पडिवन्ना केई पुण देसविरयाइ ॥ ९४ ॥  
 एवं च पइदिणं सो सेणियराया सुणेइ जिणपासे । निचलसम्मदिट्ठी धम्मं अश्वन्तजिणभसो ॥ ९५ ॥  
 पुव्ववण्हे पहरन्ते आणावइ उज्जलक्खधमल्लिं च । मङ्गलतूरवेणं जिणपूयत्थं जओ भणियं ॥ ९६ ॥

१ व-विवेय० । २ अ-तत्थ । ३ अ-सोऊण सेणियाइया ।

राया य रायमच्चो तस्सासह पउरज्जणवओ वावि । दुव्वल्लिखण्डियवलिच्छियतन्दुलाणाढगं कलम्मा ॥ १७ ॥  
 भाविय पुणानियाणं अखण्डफुडियाण फलगसरियाणं । कीरह बली सुरावि य तत्थेव छुहन्ति गन्धाहं ॥ १८ ॥  
 बलिपविसणसमकालं पुव्वदारेण ठाह परिकहणा । निगुणं पुरओ पाडण तस्सद्वं अवद्धियं देवा ॥ १९ ॥  
 अद्धवं अहिवइणो अवसेसं होइ पागयज्जणस्स । सव्वामयप्पसमणी कुप्पइ नं नो य छम्मासं ॥ १७०० ॥  
 तयणन्तरं च भयवं देवछन्दम्मि कुणइ विस्सामं । वीयाए पोरिसीए गणहारी कहइ परिसाए ॥ १ ॥

भणियं च—

राओवणीयसीहासणम्मि विट्ठो य पायपीढम्मि । जेट्ठो अण्णगरो वा गणहारी कहइ वीयाए ॥ २ ॥  
 संखाईए उ भवे साहइ जं वा परो उ पुच्छेज्जा । नय णं अणईसेसी विग्याणई एस छउमत्थो ॥ ३ ॥  
 खेयविणोओ सीसगुणदीवणा पच्चओ उभयओऽवि । सीसायरियकमोऽवि य गणहरकहणे गुणा होन्ति ॥ ४ ॥  
 अभयकुमारो संवेगसंगओ परमधम्मसद्धालू । पुच्छइ विहारसमए किं किञ्च सावगाण पहू ॥ ५ ॥

भगवया भणियं—

चीवन्दणमावस्सयं सज्झायं चेव अपुव्वपढणं च । कायव्वं निच्चं चिय धीरेहिं भवविरसेहिं ॥ ६ ॥  
 अत्थं परिभावेन्तो गुणरागं विम्भयं भवभयं च । हियए समुव्वहन्तो करेज्ज चीवन्दणं सट्ठो ॥ ७ ॥

१ व-अणाइ० । २ व-कहियं । ३ अ-वीरेहि० ।

अरिहन्तो अरहन्तो अरहन्तो अहव तह य भयवन्तो । एसाई चीवन्दणसुत्तपयत्थं विभावेइ ॥ ८ ॥  
 रागदोसकसाया पञ्चेव इन्दियाणि दुदम्माणि । एए अरिणो तेसिं हन्तारो होन्ति अरिहन्ता ॥ ९ ॥  
 अट्ठविहं पिय कम्मं अरिभूयं होइ सब्वजीवाणं । तं कम्ममरिं हन्ता अरिहन्ता तेण बुच्चन्ति ॥ १७१० ॥  
 अरहन्ति वन्दणनमंसणाणि अरहन्ति पूयसक्कारं । अरहन्ति सिद्धिगमणं अरिहन्ता तेण बुच्चन्ति ॥ ११ ॥  
 दहुस्मि जहा बीए बुत्तेऽवि न होइ अङ्कुरपत्ती । तह दहुकम्मबीया रोहन्ति भवङ्कुरे न जिणा ॥ १२ ॥  
 एसो सुहस्स हेऊ सब्वन्नू परहि एकनिरओ य । सब्भूयवत्थुवाई वन्देयव्वो जिणो भयवं ॥ १३ ॥  
 कप्पडुमो सुक्कमहीहरे व्व दरिद्दगामे व्व महानिहाणं । सरोयसण्डो व्वं मरुप्पहम्मि दिट्ठो जिणो एत्थ मएज्ज चित्तं ।  
 जम्मजरामरणजलो अणाइमं वसणसावयाइन्नो । जीवाण दुक्खहेऊ कट्ठं रुदो भवससुद्धो ॥ १५ ॥  
 णिच्चं अणोरपारे एयम्मि निबुहुणाइं पकरेन्तो । जिणवैयणजाणवत्तं जइ एत्थ अहं अपाविन्तो ॥ १६ ॥  
 नवकारेण जहन्ना दण्डयथुइजुयलमज्झिमा नेया । संपुन्ना उक्कोसा विहिणा खलु वन्दणा तिविहा ॥ १७ ॥  
 दव्वेणै य भावेण य सुद्धा एसा य बहुफला होइ । जह दङ्कदव्वसुद्धो सफलो काहावणो होइ ॥ १८ ॥  
 चीवन्दणाउ सम्मं जायइ भावस्स जो समुल्लासो । तत्तो कम्मस्स खओ तओ य कल्लाणसंपत्ती ॥ १९ ॥  
 ता तिपयाहिणतिपणइमुद्दातियसंजुयं तिपणिहाणं । पूयातियपुव्वं चिय कुणइ तिसंज्झं इमं पयओ ॥ १७२० ॥

सामइयं चउवीसत्थओ य वन्दणयमह पडिक्कमणं । काउसग्गो पच्चक्खाणं आवस्सया छच्च ॥ २१ ॥  
समभावो सामइयं तम्मि कए समणसन्निभो होइ । ता तं जिणदत्तो विव निच्चलचित्तो करेज्जाहि ॥ २२ ॥

अन्नहा—

सामाइयं पि काउं घरचिन्तं जो य चिन्तए सहो । अट्ठवसट्ठोवगओ निरत्थयं तस्स सामइयं ॥ २३ ॥  
दव्वत्थय्यभावथए उसभाइजिणाण सावओ कुणइ । एहवणाई दव्वथए सन्तगुणुक्कित्तणा भावे ॥ २४ ॥  
दारिदं दोहगं परपत्थणमिन्दिद्याण विगलत्तं । दीणत्तरोगसोगा जिणथयकारीण नो होन्ति ॥ २५ ॥  
जो वन्दणयं सम्मं साहूण करेज्ज सीलकलियाणं । सो लहइ सगमोक्खे हरि व्व गुणलाभमज्झिणइ ॥ २६ ॥  
खवइ य निच्चागोयं उच्चागोयं च बन्धए कम्मं । सोहगं निव्वत्तइ आणासारं जणपियत्तं ॥ २७ ॥  
मिच्छाउक्कडवियडणनिन्दणगरिहानियत्तणं सोही । पायच्छित्तविहीए नियदुच्चरियस्स पडिक्कमणं ॥ २८ ॥  
कयपावोऽवि मणुस्सो आलोइयनिन्दिओ गुरुसगासे । होइ अइरेगलहुओ ओहरियभरो व्व भारवहो ॥ २९ ॥  
मिच्छत्तपडिक्कमणं तहेव अस्संजमे पडिक्कमणं । कसायाण पडिक्कमणं जोगाण य अस्सत्थानं ॥ १७३० ॥  
काउस्सग्गे जह सुट्ठियस्स भज्जन्ति अङ्गमङ्गाइं । इय भिन्दन्ति सुणिवरा अट्ठविहं कम्मसंघायं ॥ ३१ ॥  
जह करकओ णिकिन्तइ दांरुं इन्तो पुणोऽवि वच्चन्तो । इय किन्तन्ति सुविहिया काउस्सग्गेण कम्माइं ॥ ३२ ॥  
अलं इमं सरीरं अन्नो जीवो त्ति एव कयवुद्धी । छिन्दिय देहममत्तं काउस्सग्गं कुणइ साहू ॥ ३३ ॥

नेणहइ पच्चक्खाणं कालस्मि विऊ विउस्स पासस्मि । उवउत्तामणो सम्मं तं पि य इणमो दसविहं तु ॥ ३४ ॥  
 णवकारपोरिसीए पुरिमहुक्कासणेगठाणे य । आयम्बिलभत्तहे चरिमे य अभिग्गेहि विगई ॥ ३५ ॥  
 दो चेव णमोक्कारे आगारा छच्च पोरुसीए उ । सत्तेव य पुरिमहे एक्कासणगम्मि अट्टेव ॥ ३६ ॥  
 सत्तेगहाणस्स उ अट्टेव य अम्बिलस्मि आगारा । पञ्चेव अब्भत्तहे छप्पाणे चरिमे चत्तारि ॥ ३७ ॥  
 पच्च चउरो अभिग्गेहि निव्वीए अहु नव य आगारा । अप्पाउरणे पच्च उ हवन्ति सेसेसु चत्तारि ॥ ३८ ॥  
 णवणीतोगाहिमए अएवरूवे गुले दहिघए य । नव आगारा तेसि सेसदवाणं तु अट्टेव ॥ ३९ ॥

विगईओ पुण—

गोमहिखुट्टिपसूणं एलगखीराणि पच्च चत्तारि । दहिघयनवणीयाइं उट्टीणं ताणि नो होन्ति ॥ १७४० ॥  
 चत्तारि होन्ति तेत्था तिलअयसिक्कुसुम्भसरिसवाणं च । दो गुलपिण्डदक्खगुडा चलचलपक्कं च पक्कन्नं ॥ ४१ ॥  
 कुत्तिय सन्धिअय आसर तिहा महुं कट्ठपिट्ठयं मज्झं । चम्मं सोणिय पिसियं मंसतियं जलयमाई वा ॥ ४२ ॥  
 दहिमत्यू घयघट्टो विगईवीसन्दणं च केसिद्धि । एयांसि परिमाणं कुणइ अब्भक्खाण नियमं च ॥ ४३ ॥  
 दक्खत्ताखण्डार्णं निव्वीयाणं पि क्कारणायेक्कसो । उक्कोसगदव्वाणं परिभोगो नाधिसेसेणं ॥ ४४ ॥  
 फासियं पालियं चेव स्रोहियं तीरियं तारा । कित्तियमाराहियं चेव एरिसयम्मि पयइयव्वं ॥ ४५ ॥

१ अ--० दहिपिसियघयगुदे चेव ।



आगारेहिं विसुद्धं जं गहियं फासियं तयं नेयं । तह पालियं तु असहं सम्मं उवओगपडियरियं ॥ ४६ ॥  
 गुरुदत्तसेसभोयणसेवणयाए उ सोहियं जाण । पुण्नेडवि थेवकालावत्थाणा तीरियं होइ ॥ ४७ ॥  
 भोयणकाले अमुगं पच्चक्खायं ति सुअ किसियं । एएहिं पगारेहिं सम्मं आराहियं होइ ॥ ४८ ॥  
 पच्चक्खाणस्स फलं इह परलोगे य होइ दुविहं तु । इह लोए चम्मिलाई दामन्नगमाह परलोए ॥ ४९ ॥  
 चारसबिहस्सि वि तवे सन्निभन्तरयाहिरे कुसलदिट्ठे । नचि अत्थि पविय होही सज्जायस्समं तवोकम्मं १७५० ॥  
 सज्जाएण पसत्थं ज्ञाणं जाणइ य सव्वपरमत्थं । सज्जाए वट्ठन्तो खणे जाइ वेरगं ॥ ५१ ॥  
 पाणावरणस्स खओ संवेगो सुयरसो नवनवो य । तित्थयरत्तनिबन्धो अपुव्वपहणं कुणन्तस्स ॥ ५२ ॥  
 एवं सोउं अभओ परितुट्ठो वन्दिउं महावीरं । नियए भवणम्मि गओ सुसावगो एरिसो जाओ ॥ ५३ ॥

अहु दित्ते विच्छिन्नविउलसयणासणवाहणाइन्ने बहुधणबहुजायरुवरयए आओगपओगसंपउत्ते विच्छ-  
 द्धियपउरभत्तापाणे बहुदासीदासगोमहिसगवेलगपभूए बहुजणस्स अपरिभूए अइगयजीवाजीवे उवलच्चपुन्न-  
 पावे आसवसंवरनिज्जराबन्धमोक्खकिरियाहिगरणकुसले असेहेज्जेदेवासुरनागसुवन्नजन्मलरक्खसकिन्नरकिं-  
 पुरिसमहोरगाइएहिं देवगणेहिं निगन्थाओ पावयणाओ अणइक्खमणिज्जे निगगन्थे पावयणे निस्सङ्किए निक्क-  
 द्धिए निव्वित्तिगिच्छे लद्धहे गहियहे पुच्छियहे विणिछियहे अट्ठिमिज्जपेम्माणुरायरत्ते अयमाउसो निगगन्थे

१ व-० किचीयं । २ व-० सेदज्ज० । ३ व-० पेमा० ।

पाचयणे अट्टे घ अयं परमट्टे सेसे अणट्टे ऊसियफालिहे अवजुयदुवारे चियत्तान्ते उरपरघरप्पवेसे बहूहिं सीलव्व-  
यगुणव्वयवेरमणपचवखाणपोसहोववासेहिं अत्ताणं भावेमाणे चाउदसट्टमुद्धिदुगुणिमासीसुं तिहीसु  
पडिपुन्नं पोसहं पडिवालेमाणे फासुएसणिज्जेणं असणपाणखाइमसाइमेणं वत्थपडिगहकम्बलपायपुच्छणेणं  
पाडिहेरेण य पीढफलगसेज्जासंथारएणं ओसहभेसजेण य समणे निगन्थे पडिलाभेमाणे तवसा संजमेण य  
अप्पाणं भावेमाणे विहरह ॥

पिड्डीचरूपं पत्तो वीरजिणो तत्थ रागजुवराया । सालो य महासालो वन्दिय वीरं उवासन्ति ॥ ५४ ॥  
अयवं पि कहइ धम्मं दोगगइगमवारणं खुगइमूलं । अणुवकयपरहियरओ तेसिं पडिबोहणनिमित्तं ॥ ५५ ॥

तंजहा—

भूएसु संसरन्तस्स जड्ढमत्तं पि दुल्लहं । तम्मि पञ्चिन्दियत्तं च तत्तो वि मणुयत्तणं ॥ ५६ ॥  
नरत्ते आरियं खेत्तं खेत्तेऽवि विमलं कुलं । कुलेऽवि उत्तमा जाई जाईए ख्वसंपया ॥ ५७ ॥  
ख्वेऽवि बलसंपत्ती बलेऽवि चिरजीवियं । हियाहियाहविम्राणं जीविए खलु दुल्लहं ॥ ५८ ॥  
संमत्ताममलं तम्मि संमत्ते सीलमुत्तमं । सीलेऽवि खाइओ भावो सव्वकम्मवयङ्करो ॥ ५९ ॥  
णाणं च केवलं तत्थ लोयालोयपयासयं । परमं तम्मि नेव्वाणं जम्ममच्चुविवज्जियं ॥ ७१६० ॥

१ ब-० सु णं ति० । २ ब-० पुच्छ० ।

इय सथागा एत्थं दुलहा जीवाण कुणह ता धम्मं । इय सोउं पडिबुद्धा सालमहासालरायाणो ॥ ६१ ॥  
 रज्जम्मि भाहणेज्जं पिढरसुयं जसमईए अङ्गरुहं । संठाविय पव्वइया संविग्गा सामिपासम्मि ॥ ६२ ॥  
 कालन्तरेण केणइ चरूपानयरीए विहरिओ भयवं । सालमहासालावि य गोयमगगहारिणा सहिया ॥ ६३ ॥  
 पिड्डीचरूपाए गया तत्थ य वन्दन्ति परमभत्तीए । जसमइगगलिपिढरा सपरियरं गोयमगणिन्दं ॥ ६४ ॥  
 सुररइयकणयकमले उवविट्ठो गोयमो चउत्ताणी । उवइसइ इमं भव्वा धम्मो चिय एत्थ सुहमूलं ॥ ६५ ॥  
 कसंछेयतावसुद्धं जहा सुवन्नं सुवन्नयमुवेइ । तह एएहिं सुद्धो धम्मो धम्मत्तणमुवेइ ॥ ६६ ॥

ते य इमे—

पाणवहार्इयाणं पावट्ठाणाण जत्थ पडिसेहो । द्वाणज्झयणार्इणं जोयविही एस धम्मकसो ॥ ६७ ॥  
 वज्झाणुट्ठाणेणं जेण न बाहिज्जए दुगं पि तयं । संभवइ य परिसुद्धं सो पुण धम्मम्मि छेउ त्ति ॥ ६८ ॥  
 जीवाइभाववाओ वन्धाइपसाहगो इहं तावो । एएहिं अपरिसुद्धो कारिमकणगोवमो धम्मो ॥ ६९ ॥

अवि य—

एएहिं जो न सुद्धो अन्नयरम्मि वि न सुट्ठुनिव्वडिओ । सो तारिसओ धम्मो नियमेण फले विसंवयइ १७७० ॥  
 एमार्इ धम्मकहं सोउं संठाविउं सुयं रज्जे । अम्मापिईसमेओ पव्वइओ गगलिनरिन्दो ॥ ७१ ॥  
 आगच्छन्ताण पहे तेसिं सामिहस वन्दणनिमित्तं । सुहपरिणामविसेसा केवलणाणं ससुप्पन्नं ॥ ७२ ॥

चम्पाउरीए पत्ता ते पञ्चवि केवली जिणसयासे । गोयमसहिया काउं पयाहिणं चीरनालस्स ॥ ७३ ॥  
 तित्थण्णासं काउं केवलपरिसाए पत्थिया तेऽवि । गोयमसामी पभणइ मा वचइ वन्दइ जिणिन्दं ॥ ७४ ॥  
 भयवं पि भणइ गोयम ! मा आसाएहि केवली एए । तो सो विम्बियचित्तो संविग्गो खामए ते उ ॥ ७५ ॥  
 मिच्छाउक्खडपुव्वं कुणइ थ खेयं मणम्मि हा मज्झं । नो उप्पजइ नाणं किमिह भवेत्तं न सिज्जेज्जा ॥ ७६ ॥  
 खुणइ य अमरुल्लावं वागरियं अज्ज भो ! सुवणपटुणा । जो नियसत्तीए नरो वन्दइ अट्ठावयं तित्थं ॥ ७७ ॥  
 मो तेणेव भवेणं सिज्झइ विटुणियसव्वकम्मंसो । तो गोयमो वि सोउं अट्ठावयवन्दणं महइ ॥ ७८ ॥  
 तस्स अधिइविगमतथं तावससंबोहणं च नाऊणं । पभणइ वीरो गोयम ! वन्दसु अट्ठावयजिणिन्दे ॥ ७९ ॥  
 इय सोउं परितुट्ठो वन्दिय वीरं गओ य सो तम्मि । सासयसुहेक्करसिओ चारणलद्धीए संपन्नो ॥ १७८० ॥

इओ य—

अट्ठावयं विलग्गा लोगसुईए सुणेत्तु जिणकहियं । कोडिन्नदिन्नसेवालनामया तावसा तिन्नि ॥ ८१ ॥  
 पढमो कुणइ चउत्थं पारइ कन्दफलाइयं सो य । पञ्चसयतावसजुओ आरुढो मेहलं पढमं ॥ ८२ ॥  
 बीओ य कुणइ छट्ठं सुक्खफलाई य सुल्लइ निरीहो । सो मेहलं विलग्गो बीयं पञ्चहिं सएहिं जुओ ॥ ८३ ॥  
 सेवाली अट्ठमयं करेइ सुल्लइ य सुक्खसेवालं । सो पञ्चसओ तइयं आरुढो मेहलं जाव ॥ ८४ ॥  
 परतो ते अचयन्ता आरोहुं उम्मुहा विसन्ना य । चिट्ठन्ति ताव पत्तो गोयमसामी सुतवत्तेओ ॥ ८५ ॥

उत्तत्तकणयवन्नो सुन्दरलावन्नरुवसंपन्नो । तं ददुं ते सव्वे परोप्परं भणितमाढत्ता ॥ ८६ ॥  
 अम्हे सुक्खा सुक्खा इमं न सत्ता गिरिं विलगंउं । एयस्स थूलरिसिणो एत्थारुहणस्मि का सत्ती ॥ ८७ ॥  
 इय तेसि भणन्ताणं पेच्छन्ताणं च विम्भियमाणं । तुरियं समारुहन्तो खणेण अदंसणीहूतो ॥ ८८ ॥  
 ते आउट्ठियचित्ता भणन्ति ते पेच्छिमस्स सामत्थं । एस महप्पा कोइ वि परमरिसी पयडतवतेओ ॥ ८९ ॥  
 ता जइ एसो एही सीसा अम्हे इमस्स होहामो । इय ते निच्छियचित्ता गोयममिन्तं पडिच्छन्ति ॥ ९० ॥  
 अट्ठावयसिहरट्ठियमाययणं गोयमो वि संपत्तो । नन्दीसरसिद्धालयपडिच्छन्दो जं विणिम्मवित्रं ॥ ९१ ॥

अवि य—

आयासु जासु जोयणपमाणु जहिं रिसहपहू मोक्खपयाणु ।  
 गाउयइं तिन्नि उच्चलु कहिउ तं पवरु तित्थु असरेहि स्सहिउ ॥ ९२ ॥  
 रयणुज्जलमणिमयचउदुवारु निम्मवियविविहचित्सपयारु ।  
 मन्दरचूला चिन रिहुरु जासु को वन्निउ सक्कइ सोह तासु ॥ ९३ ॥  
 तहिं घडियपवरपुत्तलियपन्ति अवयरियवरच्छर नं सुकन्ति ।  
 पणवन्नरयणकरविच्छरन्ति नं इन्दचावसयविप्पुुरन्ति ॥ ९४ ॥  
 उत्तत्तकणयवरकलसु भाइ रविविम्बु उदयगिरिसिहरि नाइ ।

धयदण्डु रुईरमाणिकजडिउ माणवयलम्भु विहरेविव घडिउ ॥ ९५ ॥  
 तुङ्गत्तणि सो नहसिहरि लगु नं भविहं दरिसइ मोक्खमग्गु ।  
 जोइज्जइ जं जं तासु अहु उप्पायइ तं तं मणह रहु ॥ ९६ ॥  
 गळभहरमज्झि मणिपेडियाए उसहाइयाण समसेडियाए ।  
 पडिमाओ जिणाण पसन्नियाओ नियवन्नमाणसमन्नियाओ ॥ ९७ ॥  
 जहिं सुहमण्डव सोहहिं चउदिसिमणहरण पुरओ पेच्छामण्डव वरथम्भाहरण ।  
 पडिमथूभचीरुक्खमहिन्दज्झयपवर एवमाइनन्दीसरजिणहरसरिसपर ॥ ९८ ॥  
 काउं पयाहिणाओ तिञ्जिउ हरिसुल्लसन्तरोमञ्चो । उसभाइजिणे वन्दिय थुणह तओ गोघमो भयवं ॥ ९९ ॥  
 उसभाई जयगुरुणो इमाए ओसप्पिणीए उप्पन्ने । पढमपवत्तियतित्थे थोसामि जिणेसरे पयओ ॥ १०० ॥  
 जय उसहजिणेसर ! पढमदेव ! जय अजिय ! सुरासुरविहियसेव ! ।  
 जय संभव ! भवभयभीयसरण ! अभिनन्दण ! जय सुरपणयचलण ! ॥ १ ॥  
 जय सुमइ ! कुमयसारङ्गसीह ! पैउमप्पह ! जय जैसपत्तलीह ! ।  
 जय जय सुपास ! ससिसोमवयण ! चन्दप्पह ! जय कन्दोइनयण ! ॥ २ ॥

जय सुविहि ! विहियसंसारभङ्ग ! जय सीयल ! ववगयसयलसङ्ग ! ।  
सेलंस ! जयहि जयजन्तुरक्ख ! जय वासुपुज्ज ! सिवद्धलक्ख ! ॥ ३ ॥  
जय विमल ! दलियगुरुक्कम्मकन्द ! जय जय अणन्त ! महिवलयचन्द ! ।  
जय धम्म ! धम्मधुरधरणधीर ! जय सन्ति ! वसणघणरयसमीर ! ॥ ४ ॥  
जय कुन्धुदेव ! सुवणप्पयास ! जय अरजिण ! सिवपुरकयनिवास ! ।  
जय मह्लि ! मह्लसमसोहमहण ! सुणिसुव्वय ! जय अवरत्तदहण ! ॥ ५ ॥  
जय नमिजिण ! चिन्तामणिपक्कप्प ! जय नेल्लि ! भग्गकन्दप्पसेप्प ! ।  
जय पास ! पणासियसयलदुक्ख ! जय वीरनाह ! जय कप्पक्खल ! ॥ ६ ॥  
सन्नाणपयासियवत्थुजाय वत्तीससुरेसरनमियपाय ।  
रागाइसत्थुनिम्महणसूर अन्वारविन्दपडिबोहसूर ॥ ७ ॥  
चउवीसवि कक्कणारसनिहाण चउवीसवि पानियसिद्धेठाण  
चउवीसवि सुवणुद्धरणखम्भ चउवीसवि दुद्धरधरियवम्भ ॥ ८ ॥  
चउवीसवि अद्दावयन्नण्डण चउवीसवि मार्यामयल्लण्डण ।

१ अ-०पुर० । २ व-०दप्प० । ३ ०द्धा० । ४ व-०मह० ।

चउवीसवि अरहेसरकारिय वन्दह नियनियनामुचारिय ॥ ९ ॥

एवं थोज्जण जिणे निगन्तुं जिणहरस्स मज्झाओ । उवविट्ठो सिलपट्ठे असोगरुक्खस्स हेट्ठस्मि ॥ १८१० ॥  
सुरदाणवखयेरहिं य गणहारी वन्दिओ सबहुमाणं । धम्मकहाअवसाणे य पुच्छिओ तेहिं सो भयत्वं ॥ ११ ॥  
केणेमं जिणभवणं कारवियं सुकयकम्मुणा रहयं । कहइ य गोयमसामी आसी इह पढमत्तित्थयरो ॥ १२ ॥  
उसओ नाम महप्पा तस्स सुओ आसि पढमचक्कि त्ति । भरहो तेण य निसुया उसभसमीत्ते जिणाईया ॥ १३ ॥  
अरहम्मि जे भविस्सा सत्तसु ठाणेसु दविणविणिओगो । होइ य गिहीण स्सम्मं सद्धाजोगेण कीरन्तो ॥ १४ ॥  
वीयस्सवि निक्खेवो सुक्खेत्तेसु बहुफलो चेव । एमाइओ य निसुओ धम्ममुवएसो तया तेण ॥ १५ ॥

सत्तहाणाणि पुण—

जिणभवणं जिणबिम्बं जिणागमो चउविहो य सिरिसङ्खो । संजयसमणीसावयसावियरूवो गुणनिहाणं ॥ १६ ॥  
जो अहिगारी विहिणा जिणमवणं कारवेइ जहसत्ती । सो सुरनरसिवसोक्खं अइरेणं लहइ कयपुत्तो ॥ १७ ॥  
एवं च बिम्बकारी जिणागमुदीवणं च कुणमाणो । सुहफलभागी जायइ तित्थयरत्ताइ अज्जेइ ॥ १८ ॥  
सत्तीए संघपूया अविसेसेणं गिहीण कायन्वा । जं एस सुए भणिओ तित्थयरानन्तरं सङ्खो ॥ १९ ॥  
पत्तं सिवतरूवीयं भववल्ली दुहफलउला छिन्ना । सायत्ताइं कयाइं सुहाइं इह तेण सन्वाइं ॥ १८२० ॥

१ अ-०न्तरो ।



दारिद्रं धीवहयं बद्धं तित्थयरनामकम्मं ति । सद्धासंवेगेपरं सहो परिपूहओ जेण ॥ २१ ॥  
 एसा उ महादानं एस चिय होइ भावज्जो ति । एसा गिहत्थसारो एस चिय संपयास्सुलं ॥ २२ ॥  
 एयाएँ फलं नैयं परमं नैव्वाणमेव नियमेणं । नरसुरसुहाइँ अणुसंगियाइँ इह किसिपलालं व ॥ २३ ॥  
 भरहेण इमं सोउं अट्ठावयपव्वयम्मि एयम्मि । मोक्खगए उसभजिणे एयं कारावियं तित्थं ॥ २४ ॥  
 जिणपडिभाचउवीसं आउयपडिमासयं च एगूणं । नियमुत्ती य जिणिन्दे कारविया पज्जुवासन्ती ॥ २५ ॥  
 धूमसयं भाईणं परिपेरन्तेसु रक्खणनिमित्तं । चीभवणस्सुत्तुङ्गं चहुइरयणेण निम्ममवियं ॥ २६ ॥  
 लोहमया पडिहारा जन्तमया कारिया दुवारम्मि । अट्टेव मेहलाओ ते छिन्ना दण्डरयणेणं ॥ २७ ॥  
 इगजोयणन्तराओ एगएँ ए अट्टजोयणुस्सेहे । एयम्मि रक्खणत्थं तो पच्छा सगरपुत्तेहिं ॥ २८ ॥  
 फरिहा कया अगाहा भरिया गङ्गाजलस्स आणेउं । इण्डमहारयणेणं समन्ताओऽलङ्घणिज्जस्स ॥ २९ ॥  
 इय कहिऊण गोयमो रयणिं गमिउं पहायसन्नयम्मि । उत्तिन्नो तो दिट्ठो तेहिं सहरिसं तावस्सेहिं ॥ १८३० ॥  
 पणमिय भणन्ति अम्हे सीसा तुम्हाण अम्ह तंसि गुरु । अम्हं तुम्हं च गुरु वीरो इय गोयमो आह ॥ ३१ ॥  
 सो केरिसो ति पुट्टे वीरगुणकित्थणं तओ छुणइ । खुहुमे खेत्तन्तरिए कालन्तरिए सुणइ सन्वे ॥ ३२ ॥  
 सो भावे सन्नाणी उम्मुक्को रागदोसओहेहिं । बत्तीसं पि खुरिन्दा किङ्करभावं गया जस्स ॥ ३३ ॥

१ व-भो व० । २ अ-वेयेणं । ३ अ-०सओ । ४ व-निवा० । ५ अ-एयं । ६ व-०पहे । ७ व-दण्ड० ।

बहुअइसयसंपन्नो वीरो भवियारचिन्ददिणणाहो । सव्वज्झियरूवेणं कन्तीए तिहुयणभहिओ ॥ ३४ ॥

अणियं च—

सव्वसुरा जइ रूवं अद्भुट्ठपमाणयं विउवेज्जा । जिणपायद्भुट्ठं पइ न सोहए तं जहिङ्गालो ॥ ३५ ॥

इय सोउं ते तुट्ठा पव्वइया गोयमस्स पासम्मि । देवयविइन्नलिङ्गा गोयससहिआ पहे चलिआ ॥ ३६ ॥

एगम्मि सन्निवेसे भिक्खावेलाए पुच्छिआ ते उ । किं आणिज्जइ तुम्हं पारणए ते वि जम्पन्ति ॥ ३७ ॥

आणेह पायसं णे गोयमसामी वि लद्धिसंपन्नो । आणइ सोदैरमेत्तं खीरिं सपडिगहे काउं ॥ ३८ ॥

उवविसह त्ति भणिए इमेण किं एत्तियाण होहि त्ति । किन्तु गुरु चिय जाणइ जुत्ताजुत्तं ति चिन्तेउं ॥ ३९ ॥

उवविट्ठा तिप्पविया अक्खीणमहाणसीए सव्वेऽवि । पच्छा सयं पमुत्तो गणहारी विम्हिआ तेऽवि ॥ ४० ॥

भवक्खयकरालम्बो पत्तो सामी सुदुल्लहो वीरो । धम्मंगुरू जणयसमो अणभबुट्ठि व्व एसो य ॥ ४१ ॥

बोही सुहावहा तह पत्तो भवसयसहस्सदुल्लम्भा । ता कयपुत्ता अम्हे एमार्इ भावयन्ताणं ॥ ४२ ॥

सुहपरिणामवसेणं सुञ्जन्ताणं तु केवलं जायं । सेवालभक्खगाणं मग्गे पुण दिन्नमार्इणं ॥ ४३ ॥

पिच्छन्ताण य वीरं कोडिन्नाइण तक्खणं चेव । छत्ताइछत्तकलियं उत्पन्नं केवलं नाणं ॥ ४४ ॥

काउं पयाहिणं ते केवलिपरिसं पहाविया सव्वे । वन्दह एह जिणिन्दं भवमहणं गोयमो भणइ ॥ ४५ ॥

१ ब-०यद्भुट्ठं प० । २ ब-०रपूरणमेत्तं स० । ३ ब-वीर । ४ अ-०गुरुजणयसम्भो । ५ अ-०ता जा भवसह । ६ ब-मज्जे ।

भणइ जिनिन्दो गोयम ! मा आसाएहि केवली एए । तो खामह संविगो मिच्छामीहुक्कंडं देइ ॥ ४७ ॥  
 कुणइ महन्तमधीइं नाहं सिज्झामि नूण गुरुकम्मा कयपुत्ता केवली जाया ॥ ४७ ॥  
 भयवं पि तं सखेयं नाऊणं भणइ गोयमा ! कहसु । तित्थयराणं वयणं गज्झसुयाहो तुहागेज्झं ॥ ४८ ॥  
 एगन्तओ उ गज्झं ता खिज्जसि कीस जं तुममहं च । दोणिण वि अम्हे गोयम ! अन्ते तुल्ला भविस्सामो ॥ ४९ ॥

अन्नं च—

गोयम ! चत्तारि कडा सुण्ठकडो वि दलचम्मकडगा य । कम्बलकडो ममोवरि कम्बलकडउं व तुह नेहो १८५० ॥  
 चिरसंसिद्धो चिरपरिचिओ य जं मज्झ तंसि ता मोहो । आवरइ केवलं तुह विगए य इमम्मि तुह होही ॥ ५१ ॥  
 तम्मि य समए गोयमनिस्साए पन्नवेइ अज्झयणं । दुमपत्तं वीरजिणो दिन्तो सिस्साणमणुसट्ठि ॥ ५२ ॥  
 दुमपत्तए पण्डुयए जहा निवडइ राइगणाण अच्चए । एवं मणुयाण जीवियं समयं गोयम ! मा पमायए ॥ ५३ ॥  
 कुस्सग्गे जह ओसविन्दुए थोवं चिट्ठइ लम्बसाणए । एवं मणुयाण जीवियं समयं गोयम ! मा पमायए ॥ ५४ ॥

तहा—

मणुयत्तमारियत्तं अहीणपञ्चिन्दित्तधम्मसुहं । सद्धण धम्मचरणं जहुत्तरं एधमइडुल्लहं ॥ ५५ ॥  
 इय नाऊणं गोयम ! समयं पिहु मा करेज्जसु पमायं । एमाइ तमणुसासिय चम्पाओ विहरिउं भयवं ॥ ५६ ॥

१ अ—संसडो । २ व—विहरिओ ।

सावत्थि संपत्तो समोसढो कोट्ठगम्मि उज्जाणे । भेत्तीए वन्दणत्थं च आगया तत्थ पुरिपरिसा ॥ ५७ ॥

कहिओ धम्मो भयवया—

बज्झन्ति जहा जीवा मुच्चन्ति जहा भवेय जह दुक्खं । जह सिद्धाणं सोक्खं कम्मविवागं च सुहमसुहं ॥ ५८ ॥  
गोसालो तत्थच्छइ हालाहलकुम्भयारसालाए । मत्तो निमित्ततेजलेसाहिं ससीसपरियरिओ ॥ ५९ ॥  
छट्ठं छट्ठेण तवं कुणभाणो गोयमो अनिक्खत्तं । सावत्थीनयरीए भिक्खनिमित्तं अणुपविट्ठो ॥ १८६० ॥  
सुणइ य बहुजणसदं जिणप्पलावी जिणो य गोसालो । तं सोउं संसइओ विहरित्ता आगओ वीरं ॥ ६१ ॥  
वन्दिता परिपुच्छइ एत्थ जिणत्तेण घोसए भयवं । गोसालो लोए णं ता को सो कहह परमत्थं ॥ ६२ ॥

मम सीसो एस आसित्ति भणिऊणं—

मङ्गलिपुत्तत्ताइवुत्तन्तं तस्स तेउलेसन्तं । कहइ जिणो परिसाए मज्झे गणहारिणा पुट्ठो ॥ ६३ ॥  
जणपासाओ य इमं गोसालो सोउमामुत्तो धे । आणन्दं अणगारं गोयरचरियागयं दट्ठु ॥ ६४ ॥  
पभणइ भो आणन्दा ! तव धम्मायरिओ मए समं अज्ज । खवलइ सुरकयपूओ नियइहीगारववसेणं ॥ ६५ ॥  
ता आगच्छामि अहं तस्स सयासम्मि एस जइ किञ्चि । सो पडिक्कलं सासइ तं तेएणं दहेमि तओ ॥ ६७ ॥  
तं सोउं भयभीओ आणन्दो गन्तु वन्दिदं वीरं । साहइ गोसालुत्तं तं भन्ते सो पइ दहिउं ? ॥ ६८ ॥

भयवं भणइ पइह सो आणन्दा ! किं परं न अरिहन्ते । परिधावणे समत्थो तेसिं पिहु ता तुमं कहसु ॥ ६९ ॥  
 गोयममाइसुणीणं गोसालं किं पि कोइ मा भणउ । सो कुद्धो आगमिही भणिओ तेएण य दहेइ ॥ १८७० ॥  
 आणन्देण य कहियं सुणीण तं सो उ आगओ तुरियं । गोसालो बहुसीसो उद्धठिओ भणइ भयवन्तं ॥ ७१ ॥  
 किं भणसि कासवा ! तं गोसालो आसि एस मम सीसो ? । अन्नो सो तुह सीसो अहं तुं तन्नामओ अन्नो ॥ ७२ ॥  
 जह तेणो पारद्धो नगररक्खियभडेहिं गोसाला ! । पुरओ देइ तणाइं आवरणत्थं सरीरस्स ॥ ७३ ॥  
 छाइज्जइ तेण तैयं गोवेंसि तुमं पि एवमप्पाणं । न य अन्नो होसि ति य भणिओ वीरेण अइरुद्धो ॥ ७४ ॥  
 उच्चावयमक्कोसइ बेइ विणट्ठो सि मम सयासाओ । सन्वाणुभूइसाहू तं सोउं सामिभत्तीए ॥ ७५ ॥  
 जम्पइ हा गोसाला ! एकं पिहु अक्खराइ जो जत्तो । सिक्खइ सो तं वन्दइ गुरु ति काउं कुणइ भत्तिं ॥ ७६ ॥  
 तं पुण सीसत्तेणं पडिवन्नो भगवया य सिक्खविओ । तेजलेसा वसणाउ मोइओ बहुसुओ य कओ ॥ ७७ ॥  
 पडणीयत्तं संपइ किं पडिवन्नो सि दुट्ठु तुज्झ मई । इय भणिओ सो रुद्धो तं साहुं भाससा कुणइ ॥ ७८ ॥  
 पुणरवि जिणमक्कोसइ तओ सुनक्खत्तमहरिसी तत्थ । धम्मगुरुपरमभत्तो चिन्तइ नियजीवनिरवेक्खो ॥ ७९ ॥  
 मा जम्मउ सो पुरिसो जाओऽविहु जिघउ मा चिरं कालं । जो पेच्छन्तो वि सहइ धम्मगुरुपराभवं सूढो १८८० ॥  
 इय चिन्तिय पडिचोयइ गोसालं सो तहेव तेएणं । सोऽवि तयं परितावइ बाढं तो वीरपासम्मि ॥ ८१ ॥

आलोहयपडिक्कन्तो उच्चरियमहन्वओ समाहिजुओ । खामियसंजयसाहुणिवग्गो सव्वत्थ समभावो ॥ ८२ ॥  
 कालगओ सो वीरो पुणो य अक्कोसए जिणं सो य । पडिचोइओ जिणेणं तहेव तेयं तओ सुग्रह ॥ ८३ ॥  
 जह वातोली सेले पक्कमइ न चेव तह जिणसरीरे । सावि न पहवइ काउं अहिवियडुं तओ उहुं ॥ ८४ ॥  
 उप्पइया पडिनिहया गोसालसरीरगं अणुपविट्ठा । तीए अन्ताइट्ठो सो विमणो जम्पए एवं ॥ ८५ ॥  
 मम तेएणं ऐत्तो छण्हं मासाण कासवा तंसि । दाहत्तो छउमत्थो करेसि कालं जिणो आह ॥ ८६ ॥  
 सोलसवासाइं अहं अन्नाइं वि विहरिऊण गोसाला । केवलपेरियाएणं पच्छा मोक्खं गमिस्सामि ॥ ८७ ॥  
 तं पुण नियतेएणं अन्ताविट्ठो य दाहजरघत्थो । कालं करेसि अन्तो सत्तण्ह दिणाण छउमत्थो ॥ ८८ ॥  
 भणिया जिणेण सुणिणो धम्मियपडिचोयणाए चोएह । गोसालं हयनिहओ विज्झायगि न्व जं एसो ॥ ८९ ॥  
 पडिचोयन्ति य ते तं कुणन्ति निप्पट्ठपसिणवागरणं । कोवगिगजलन्तोऽविहुसो न तरइ किं पिकाऊणं ॥ ९० ॥  
 उद्धियदाढो व्व फणी सीसा विहु तैत्थ तं निएऊणं । वीरजिणं आलीणा केह वि अन्नेऽवि तं चेव ॥ ९१ ॥

गोसालोऽवि—

दीहुणहे नीसासे सुञ्चन्तो दाढियाउ लुञ्चन्तो । पाएहिं कुट्ठिन्तो भूमिं रोसेण कम्पन्तो ॥ ९२ ॥  
 निगगन्तूण य तत्तो निययट्ठाणम्मि सो गओ तुरियं । तत्थवि दाहजरेणं चिट्ठइ बुन्नो विगयपुन्नो ॥ ९३ ॥

१ ब-अचिचियंवि । २ ब-अन्ना° । ३ ब-अन्तो । ४ ब-अन्ना° । ५ ब-तत्स । ६ ब-°एहि य ।

भगवयाऽवि समणाण साहियं—

जो मुक्को नियतेओ गोसालेणं वहाय मह समणा । सो अङ्गवङ्गमाई सोलसदेसे अलं दहिउं ॥ ९४ ॥

इओ य—

अम्बं विलिया पाणगमाई दाहस्स पसमणनिमित्तं । गोसालो पियइ बहू करेइ सीओवयारे य ॥ ९५ ॥  
मज्जं पिएइ गायइ नच्चइ हालाहलाइ पकरेइ । अञ्जलिकम्मं मूढो सिञ्चइ मद्दियजलेण तणुं ॥ ९६ ॥  
सत्तमअहरत्तन्ते नियमरणं जाणिउं भणइ सीसे । मं कालगयं तुब्भे सिणाणमाईहिं पूएउं ॥ ९७ ॥  
सिबियारूढं काउं घोसिज्जह एत्थ सव्वनयरीए । चउवीसमतित्थयरो गोसालो भरहवासम्मि ॥ ९८ ॥  
केवलणाणी सिद्धो देवाणुपिया इहेज्ज इय महया । इट्ठीसक्कारेणं नीहरणं मम करेज्जाह ॥ ९९ ॥  
खणमेत्तेण पुणो सो कहिञ्चि मिच्छत्तत्तवयउवसमेणं । संमत्तभावियमणो चिन्तइ नाहं जिणो होमि ॥ १०० ॥  
मङ्गलिपुत्तो उ अहं समणाणं घायगो अणत्थखणी । गुरुपडणीओ धम्मस्स अयसकारी महापावो ॥ १ ॥  
नियतेएणं दहो करोमि कालं सकम्मदोसेणं । भयवं पि महावीरो तित्थयरो केवली एत्थ ॥ २ ॥  
एवं परिभावेन्तो नियसीसाणं कहेइ सो सव्वं । पुवुत्तं ते भणिया तुब्भे मं सुणियकालगयं ॥ ३ ॥  
सुंवेणं बन्धेत्ता वामे पायम्मि थोक्कह मुहम्मि । तिक्खुत्तो पुणं पच्छा कहुविकट्ठि करेमाणा ॥ ४ ॥

१ व-°लाए । २ व-°हं जह य । ३ अ-°गय° । ४ व-तो । ५ अ ठोक्° ।

घोसिज्जह नयरीए दुच्चरियं मज्झ तुम्ह जं कहियं । वीरस्स जिणत्ताईगुणकित्तणयं करेज्जाह ॥ ५ ॥  
 सहईए अवत्ताए कहुत्ता अह कलेवरमणजं । पेयवणे छडुज्जह इय ते सवहेहिं सावेत्ता ॥ ६ ॥  
 गोसालो कालगओ सीसेहिं सवहमोक्खणनिमित्तं । दारं पिहित्तु अज्जे रेहमया सा कया नयरी ॥ ७ ॥  
 तब्भणियं तेहिं कयं बन्धणठोकणयघोसणाईयं । तो महया नीहरणं सक्कारेणं कयं तस्स ॥ ८ ॥  
 अयवं सावत्थीए निक्खमिऊणं बहिजणवयविहारं । कुणइ पडिबोहयन्तो अविए सूरु ओ व्व कमलवणं ॥ ९ ॥  
 विहरन्तो य कमेणं सिग्घियगासे पुरम्मि संपत्तो । फासुयदेसम्मि ठिओ उज्जाणे साणकोट्टम्मि ॥ १० ॥  
 पञ्चभिगमेण सहा समागया तत्थ कोउणेणणे । संसयछेयट्ठणे अयवं पुण कहइ सव्वेसिं ॥ ११ ॥  
 देवाणुपिया ! धम्मो कायव्वो भवविरत्तचित्तेहिं । तस्स पसाहणकज्जे जं कायव्वं तयं सुणह ॥ १२ ॥  
 गुणरागो कायव्वो नो कायव्वा कुसीलसंसग्गी । वज्जेयव्वा कोहादओ य समयं पमाओ न ॥ १३ ॥  
 जम्मन्तरेऽवि जीवो पावइ बोही गुणाणुरागाओ । सुहपरिणामवसेणं तेणगणायं इहं नेयं ॥ १४ ॥  
 दुट्ठयरजोगओ दोसाण गुणाण भायणं होन्ति । गिरिसुयपुप्फसुया इव ता कायव्वा सुसंसग्गी ॥ १५ ॥  
 पढमकसाया सम्मं हणन्ति बीया य देसविरइ ति । तइया य सव्वविरइं चउत्थया पुण अहक्खायं ॥ १६ ॥  
 केरिसा य ते—



जलरेणुपुढविपञ्चयराईसरिसो चउव्विहो कोहो । तिणसलघाकट्ठट्ठियसेलत्थम्भोवमो माणो ॥ १७ ॥  
 मायावलेहिगोसुत्तामिण्डसिङ्गघणवंसमूलसरिसा उ । लोहो हलिक्कदमखज्जणकिमिरागसम्माणो ॥ १८ ॥  
 पक्खचउमासवच्छरजावल्लीवाणुगाणिणो कमसो । देवनरतिरियनारयगइसाहणहेयवो भणिया ॥ १९ ॥  
 पमाओ पुण—

वरं महाविसं सुत्तं वरं अग्गीपवेसणं । वरं सत्तुहिं संवासो वरं सप्पेहिं कीलियं ॥ १९२० ॥

ना धम्मम्मि पमाओ जमेगमच्चू विसाइणो । पमाएणं अणन्ताणि जम्माणि मरणाणि य ॥ २१ ॥

एवं हिओवएसा पडिबुद्धा तत्थ पाणिणो बहवे । सामिस्स तदा जाओ रोगायक्को सकम्माओ ॥ २२ ॥  
 तिब्बो उ डुरहियासो जिणस्स वीरस्स पित्तजरजुत्तो । लोहियवच्चायं पि य करेइ जायइ य अबलत्तणू ॥ २३ ॥  
 रोगकिलन्तं दड्ढु सामी सव्वो चउव्विहो सद्धो । तह देवदेविवग्गो महन्तमुव्वेयमावन्नो ॥ २४ ॥

चाउवन्नो य जणो जम्पइ गोसालतेउलेसाए । छण्हं मासारणन्ते करिही कालं महावीरो ॥ २५ ॥

तं सोउं सीहसुणी एगागी विल्लिय मालुयाकच्छे । रोयइ कहकहसदेण गरुयडुक्खं समावन्नो ॥ २६ ॥

सामी साहू पेसइ सुणिय इमं तस्स वाहरणकज्जे । अणिओ अ तेहिं गन्तुं सीहा ! सद्दाइ तं वीरो ॥ २७ ॥

सीहोऽवि समागन्तुं वनिदत्ता एजुवासए भयवं । अणिओ जिणेण सीहा ! कीस अधिइ तुभं कुणसि ॥ २८ ॥

१ व-०ं पि य । २ व-०णन्तो ।

छण्हं सासाणन्तो नाहं कालं जओ करिस्सामि । अन्नाइं अद्धसोलसवासाइं एत्थ विहरिस्सं ॥ २९ ॥  
ता गच्छ तुमं मिण्हियगामं मग्गाहि रेवई मज्झ । गाहार्वईण कज्जे पजुसियं ओसहं कप्पं ॥ १०३० ॥  
सीहो य गओ तीए गेहं अब्भुद्धिओ ये हिद्वाए । सत्तट्ठपए अहिगम्म वन्दिओ परमभत्तीए ॥ ३१ ॥  
भणिओ साहेहि तुमं देवाणुपिया इहागमणकज्जं । तेण य भणियं अमुगं पजुसियं ओसहं अत्थि ॥ ३२ ॥  
तुज्झ गिहे तं वियरसु सा भणइ इमं रहस्सनिम्मवियं । कहमुणसि तुमं कहियं केवलिणा वीरनाहेण ॥ ३३ ॥  
तं सोउं सा तुद्धा वियरइ सीहस्स ओसहं तं तु । दब्बाइविसुद्धेणं ओसहदाणेण सा तेण ॥ ३४ ॥  
देवाउयं निबन्धइ परित्तसंसारियत्तणं कुणइ । दिव्वाणि तत्थ पच्च य पाउब्भूयाणि सयराहं ॥ ३५ ॥  
सीहो वि य पडिगन्तुं आलोइय दंसिऊण वीरस्स । णिसिरइ पाणिम्मि तयं भुत्तममुच्छेण य जिणेण ॥ ३६ ॥  
खिप्पं चिय उवसन्तो रोगायङ्को य तम्मि भुत्तम्मि । निरुओ वलियसरीरो जाओ समणो महावीरो ॥ ३७ ॥  
तुद्धा समणा समणी य सावगा साविगा य तुद्धाओ । देवा देवी य तहा सदेवमणुयं जगं तुड्डं ॥ ३७ ॥  
वन्दिदुत्तु इन्दभूई पुच्छइ वीरं कहिं समुववन्नो । सव्वाणुभूइसाहू तहा सुनक्खत्तअणगारो ॥ ३८ ॥  
पढमो उ सहस्सारं गोयम ! बीओ उ अच्चुए कप्पे । उक्कोसठिई जाया सिज्झिस्सन्ती विदेहम्मि ॥ ३९ ॥  
भन्ते ! तुम्ह कुसीसो गोसालो समणघायगो कत्थ । उववन्नो इय पुट्ठे कहिओ पज्जन्तवुत्तन्तो ॥ १०४० ॥

गोसालस्स जिणेणं सुहपरिणामाउ तेण सम्मत्तं । पत्तं तस्स पभावा अञ्चुक्कप्पे गओ सो वि ॥ ४१ ॥  
 सम्मदिट्ठी मणुओ विमाणवज्जं न बन्धए आउं । जइ वि न संमत्तजढो अहवा बद्धाउओ पुव्विं ॥ ४२ ॥  
 कप्पाओं चुओ सन्तो किं किं सो सामि ! पाविही एत्थ । भरहम्मि सयदुवारं नयरे होही महाराया ॥ ४३ ॥  
 नामेण महापउमो सो समणाणं उवद्दवे बहूए । मिच्छत्तं पडिवन्नो कारेही दुट्ठपरिणामो ॥ ४४ ॥  
 अक्कोसणनिवअच्छणवन्धणरुम्भणयउवहिहरणं च । छविछेयं कारेही निवासेही य नयराओ ॥ ४५ ॥  
 चित्तन्तो य जणेणं मिच्छाभावेण उवरमं काही । चरियाएँ रहारूढो निगमिही अन्नया सो उ ॥ ४६ ॥  
 उज्जाणे अणगारं आयाकित्तं सुमङ्गलं नाम । दट्ठणमासुरुत्तो नोल्लावेही रहसिरेणं ॥ ४७ ॥  
 सो सणियं उट्टेत्ता पुणो वि आयाविही सुधीरमणो । इयरो नोल्लेइ पुणो वीयं वारं पुणो तइयं ॥ ४८ ॥  
 आभोएही य तओ ओहिन्नाणेण सो अईअद्धं । गोसालभवे दहुं दुच्चरियं तस्स गुरुरोसा ॥ ४९ ॥  
 सहयं सरहं दहिही नियतवत्तेण तं महापउमं । आउखए सो जाही सव्वेऽणुत्तरविमाणे ॥ १९५० ॥  
 सत्तमपुढविं जाही सो राया होहिईं<sup>३</sup> य सो मच्छो । पुण सत्तमिए जाही एवं एगेगपुढवीए ॥ ५१ ॥  
 दो दो वारा जाही तत्तो पञ्चिन्दिएसु सव्वेसु । बहुसो उववज्जिस्सइ सव्वत्थवि सत्थबज्जो त्ति ॥ ५२ ॥  
 वउरिन्दियतेइन्दियविइन्दिएगिन्दिएसु सव्वेसु । छिन्नो भिन्नो दहो मरिही सव्वत्थ विघणत्तो ॥ ५३ ॥

१ व-आउक्खयंमि जा० । २ अ-०हई ।

एवमणन्तं हिण्डिय संसारं माणुसत्तणं लहिही । पावियजिणिन्दधम्मो देवगइं एस गच्छिहिही ॥ ५४ ॥  
 कहवि भवग्गहणाइं महाविदेहे तओ य रायसुओ । नामेण दढपइन्नो होही दिक्खं च पडिच्चो ॥ ५५ ॥  
 केवलमुप्पाडेही सुचरियतवसंजमो तओ समणे । आमन्तेत्ता कहिही नियदुत्तन्तं सवित्थारं ॥ ५६ ॥  
 गोसालगमाइयं ता अज्जा ! को उ मा हवउ तुब्भं । गुरुमाइपच्चणीओ भमिज्ज मा सोवि संसारं ॥ ५७ ॥

अणियं च—

तित्थयरपवयणसुयं आयरियं गणहरं महिड्डीयं । आसायन्तो बहुसो अणन्तसंसारिओ होइ ॥ ५८ ॥  
 तं सोउं ते समणा भीया उ तह त्ति पडिसुणेहिन्ति । मोक्खं च वचिही सो दहप्पइन्नो महाभागो ॥ ५९ ॥  
 इय भावी बुत्तन्तो कहिओ गोसालगस्स वीरेणं । गोयममाइसभाए संवेगोवन्नचित्ताइ ॥ १९६० ॥  
 विहरइ य वद्धमाणो गामागरनगरसंकुलं पुहइं । परिवद्धमाणसद्धो सवत्थ गुणेहिं सुमहग्घो ॥ ६१ ॥  
 उद्धरियकुमयकन्दो चउविहसिरिसेद्धकुसुयवणचन्दो । तिहुयणकयआणन्दो करुणामयसारनिससन्दो ॥ ६२ ॥  
 उद्दामकित्तिसद्धो दुज्जयकम्ममारिचक्कसंमद्धो । चोदससमणसहस्सो पडिबोहइ पाणिणो बहवे ॥ ६३ ॥  
 मेहमिगावइसुलसानन्दोदायणदसन्नभेइ य । अइसुत्तसालिभेइ धन्नाणन्दाइकयउत्ते ॥ ६४ ॥

तत्थ सालिभदपडिबोहणं विसेसेण भन्नइ—

सालिगामे आसी दुगो कुलपुत्तओ उ ओलगो । धन्ना य तस्स भज्जा तेसिं पुत्तो य संगमओ ॥ ३५ ॥  
 भवियद्वयावसेणं तीसे पद्यत्तसुवगओ भत्ता । सा परघरकम्माइं कुणमाणी भरइ नियपोट्टं ॥ ३६ ॥  
 संगमओ पुण चारइ सिंसुभावे गामवच्छरूवाइं । तेणन्नया वणम्मी दिट्ठो पडिमं ठिओ साहू ॥ ३७ ॥  
 निच्चलनिरुद्धकाओ लम्बिरवाहू सिलायलोवगओ । उग्गतवसोसियद्धो धम्मज्झाणं अियायन्तो ॥ ३८ ॥  
 जाया य तस्स सद्धा महारिसीए सधम्मपिण्डो ति । सो तं वन्दइ चलणे पमज्जिउं मलइ भत्तीए ॥ ३९ ॥  
 समुहं च पलोइन्तो खणमेत्तं चिट्ठए उपासन्तो । कुणमाणस्स य एवं के विं दिणो वोलिया तस्स ॥ ४० ॥  
 जायम्मि कम्मि वि छणे गिहे गिहे तत्थ रज्झए खीरी । सो दट्ठणं पभणइ अम्बे ! मह देसु परमत्तं ॥ ४१ ॥  
 सा रोविउं पयत्ता सुयराहाडिं निएवि मनुइया । आसन्नगिहाहिन्तो तत्तो मिलियाउ महिलाओ ॥ ४२ ॥  
 पुट्ठं च ताहिं भइ । किं रोयसि तीए तासि परिकहिं । न सुणइ अत्थि अणत्थि मम पुत्तो निययगेहम्मि ॥ ४३ ॥  
 एसो मग्गइ खीरी सामग्गीचिरहओ य सा कत्तो । दन्तेहिं विणा जम्हा न सिण्टेणं होइ कइयावि ॥ ४४ ॥  
 तो पायसोवगरणं अणुकम्पाए विइन्नमेयाहिं । चिन्तिय दसाविभागो कैस्सिस्थ न जायए विससो ॥ ४५ ॥  
 रद्धा य तीए खीरी भरियं भाणं च भोयणट्ठाए । पुत्तस्स घयमहुजुयं उवविट्ठो सुञ्जिउं सो वि ॥ ४६ ॥  
 एत्थन्तरे सुणी सो सभागओ सासखमणपारणए । जुगसेतनिहियदिट्ठी तस्स गिहे पुट्ठजोगेणं ॥ ४७ ॥

१ व-०सम्मि । २ व-कैह । ३ अ-दिणे । ४ व-०ण्ट्ठणं । ५ व-कस्से ।

तं दहुं परितुहो धन्नो पुन्नो अहं कयत्थो त्ति । जमिहागओ अचिन्तियहिरन्नवुट्ठीसमो एसो ॥ ७८ ॥  
 उट्ठेज्जण य तत्तो वन्दित्ता आयणं च तं धेतुं । साहुस्स देइ सबं परमन्नमखण्डपरिणामो ॥ ७९ ॥  
 चिन्तामणिम्मि पत्ते तप्पयाए उ होइ जा सद्धा । जो सयलसिद्धिकारयमन्तस्सरणे रसावेसो ॥ १०८० ॥  
 पत्ते महानिहाणे रोरस्स य होइ जो मणाणन्दो । तत्तोऽहिगभावेणं साहू पडिलाहो तेणं ॥ ८१ ॥  
 दवार्होहि विसुद्धं नाउं अच्चन्तियं च तस्सद्धं । धम्मन्तरायभीरु गिण्हइ साहू तयमसेसं ॥ ८२ ॥  
 पत्ताइविसुद्धेणं तिकालतुट्ठीजुएण दाणेणं । सुहभोगफलं पुन्नं सुकुलुप्पत्ती य बन्धेइ ॥ ८३ ॥  
 भुत्तो य सयं पच्छा आकण्ठं पायसो य गेहीए । रत्तिं विसूइयाए सुहपरिणामो य कालगओ ॥ ८४ ॥  
 उववन्नो रायगिहे भद्दाए सुयत्तणेण कुञ्छिसि । सालीसुमिणसूइओ सुइब्भगो भद्दमज्जाए ॥ ८५ ॥  
 वहुइ य सो सुहेणं गवभो इब्भो गओ वणिज्जेणं । परतीरं पोएणं जन्तस्स य पवहणं भिन्नं ॥ ८६ ॥  
 अत्थो गओ अणत्थो गोभदो वि य विसायमावन्नो । संपत्तो पञ्चत्तं अहो ! हु सोवक्कमं जीयं ॥ ८७ ॥

तथाहि—

सत्थग्गीजलसावयसप्पविसार्होहि विविहेज्जोहि । सूलविसूइयसोगाइएहिं जीयं उवक्कमइ ॥ ८८ ॥

अओ चेव भणियं—

ववहरह नरा धेतुं बहुलाभं धम्मभण्डमणवरयं । जे पुव्वण्हे दिट्ठा अवरण्हे ते न दीसन्ति ॥ ८९ ॥

इओ य—

कालक्लमेण जाओ देवकुमारोवमो सुओ तीए । विहियं वन्धुजणेणं वद्धावणयं अइमहन्तं ॥ १९९० ॥  
तस्स परिपालणत्थं ठवियाओ तेण पञ्चधावीओ । धावणमज्जनमण्डणकीलावणअङ्कधाईओ ॥ ११ ॥  
जं सालिखेत्तसुमिणं दिट्ठं गव्भंगयम्मि एयम्मि । भद्दाए कयं नामं सुयस्स तो सालिभद्दो त्ति ॥ १२ ॥  
भद्दाए सुयं किर मे पवहणभङ्गेण उवरओ भत्ता । मुच्छइ रोयइ कन्दइ विलवइ सोआउरा ताहे ॥ १३ ॥  
हाहा हयविहि ! निइय ! निल्लज्ज ! अणज्ज ! मज्झ किं विहियं । वसणमसज्झमयण्डे सुहिसज्जनसोयणिज्जमिणं ॥ १४ ॥  
रे दइय ! जइ ममोवरि लुज्झ धिणा नत्थि कूरच्चित्तस्स । ता किं एयम्मि विवालयम्मि करुणा न तुह जाया ॥ १५ ॥  
एवं सा थिलवन्ती संठविद्या सयणमित्तवग्गेणं । कालेण विगयसोगा जाया घरकज्जसंलग्गा ॥ १६ ॥  
जाओ य सालिभद्दो परिवहुन्तो कलागहणजोगो । गेहे चिय सिद्धविओ कलाउ कलसूरिणा मइमं ॥ १७ ॥  
लायन्नरुवमणहरसव्वं जोव्वणं च संपत्तो । रमणीयणमणहरणो पिओ य सव्वस्स लोयस्स ॥ १८ ॥  
चाई भोई दक्खिन्नसाथरो सच्चमासणो सोमो । पियवाणी दयसारे धम्मपिओ विणयसंपन्नो ॥ १९ ॥  
उत्तमकुलवभवाओ मणहरतारुन्नकान्तिकलियाओ । सारयससिचयणाओ कुवलयदलदीहनयणाओ ॥ २००० ॥  
अमरकरिक्कुम्भविब्भमपओहराओ । तिवलियतणुमज्झाओ कयलीखम्भोरुजुयलाओ ॥ १ ॥  
अलिउलसमचिहुराओ सुरसरियापुलिणरम्मरमणाओ । परिणेइ एगदिवसं बत्तीसं इब्भकन्नाओ ॥ २ ॥

गोभदो विद्य तदया मरिडं जाओ गुरो भवणवासी । ओहिं पउञ्जइ तओ सभारियं नियसुयं नियड ॥ ३ ॥  
 मुणिदाणोवज्जियपवरपुन्नआगरिसओ इहं एह । चिउरुवइ सत्ततलं पासायं सालिभद्धस्स ॥ ४ ॥  
 सुरपासायसमाणं सधोउयतरुसमिद्धवणसण्डं । विमलजलजन्तवावीकलियं अच्छेरयब्भूयं ॥ ५ ॥  
 बत्तीसत्तूलिकलियं पल्लङ्कं देइ सालिभद्धस्स । मणिरयणकञ्चणमयं तप्पत्तीणं च एगेगं ॥ ६ ॥  
 अमरविलेवणआभरणवत्थकुसुमाइसयलभोगङ्गं । अन्नन्नं पइदियहं देइ सभज्जस्स सो तस्स ॥ ७ ॥  
 बहुविहकीटानिरओ जणयसुराणीयभोगडुल्ललिओ । दोणुन्दुगो व देवो गयं पि कालं न याणाइ ॥ ८ ॥  
 सबं गिहवावारं भद्द चिय पइदिणं विचिन्तेइ । कयविक्रयमार्इयं अन्नं पि य कुणइ ववहारं ॥ ९ ॥  
 तत्थन्नया कयाई कम्बलरयणाण विक्खयनिसित्तं । देसन्तराउ वणिया समागया लक्खमोह्छाणं ॥ २० ॥  
 जाहे कोइ न गिणहइ ताणि महग्घत्तणेण अन्नजणो । ताहे सेणियरन्नो गन्तुं दरिसिन्ति अत्थाणे ॥ ११ ॥  
 रञ्जियहियओ पुच्छइ मोल्लं कहियं च लक्खमोह्छाणि । रायाह न मे कज्जं एरिसमोह्छेहिं एणहिं ॥ १२ ॥  
 तो ते विसन्नचित्ता निगन्तुं रायमन्दिराहिन्तो । तो सालिभद्धरिद्धिं सुणिडं भद्दागिहं पत्ता ॥ १३ ॥  
 गहियाणि ताणि तीए जहुत्तमोह्छेण हेट्टहिययाए । ते वि परितुट्ठचित्ता निययावासं गया सव्वे ॥ १४ ॥  
 कम्बलरयणसरूवं सुणिऊणं चेह्छणा भणइ रायं । इक्क मम कज्जे पिययम ! एक्कं पि न तं तुमे गहियं ॥ १५ ॥  
 तिट्ठा किमेरिसी तुह कत्तणयज्जियधणस्स व महन्ती । अहवा रोभणवत्थुं मम दिन्नं तुह न पडिहाइ ॥ १६ ॥



किञ्च—

तुज्झ पसिद्धिं सोऽं जे वणिणो आगया इह नरिन्द ! । तेसिं पुरओ तुमए एवं लहुईकओ अप्पा ॥ १७ ॥  
तं मोहं नो पुज्झइ जइ तुह रयणावलिं इमं गेण्ह । किणसु य कम्बलरयणं विगयासा ते वि मा होन्तु ॥ १८ ॥  
एवं च उवालद्धो भज्जाए सेणिओ तओ वणिए । मग्गइ कम्बलरयणं तेहिं य भद्दागहो कहिओ ॥ १९ ॥  
तं सोऽं सुट्ठुयं रुद्धा सा चेच्छणा भणइ एवं । वाणिगिणीए वि समं सत्तं तुह नत्थि नरनाह ! ॥ २० ॥  
तो नरवइणा भद्दा भणाविया अज्ज जे तुमे गहिया । कम्बलरयणा तेसिं एगं मे देहि मोल्लेणं ॥ २१ ॥

ताहे पडिभणियं—

ते तक्खणमेव मए नरिन्द ! नियपुत्तसालिभइस्स । बत्तीसभारियाणं फालिय पयत्तहणा विहिया ॥ २२ ॥  
अत्थि य चिरन्तणाइं मज्झ गिहे ताइं गिण्हउ देवो । जइ कज्जं मोल्लेणं विणावि मेऽणुग्गहो एस ॥ २३ ॥  
तो सुयमभयं पुच्छइ चउविहवुद्धीसमिद्धसइ राया । को एस सालिभदो तेण वि कहियं जहावत्तं ॥ २४ ॥  
तो विम्भिओ विचिन्तइ रायाऽहो ! सालिभइसामग्गी । ता सुकयत्थो अहयं जस्स पुरे एरिसावणिणो ॥ २५ ॥  
भद्दा य ससाइद्धा तस्सुयदंसणसकोउगमणेणं । पेसेसु नियं पुत्तं रायउले जेण पेच्छाम्मि ॥ २६ ॥  
तो तीए पडिभणियं अइसुक्कुमालो सुओ न मह साम्मि ! । गिहवाहिं कुण्ह पयं न पेच्छए चन्दस्सरावि ॥ २७ ॥

१ ब-ताए । २ अ-सूरो वि ।

ता तुम्ह सयासम्मी आगच्छउ कह इमो इय सुणेउं । आ अम्हाणं उवरिं अपसायपरो हवउ देवो ॥ २८ ॥  
 तो रत्ना आणत्तं सयसागच्छामि तुज्झ गेहम्मि । तुह सुयदंसणकले इय भणिण् सा इमं आह ॥ २९ ॥  
 गरुओ अणुगहो मे गेहमलङ्करइ जमिहमागन्तुं । सामी नवरं कहयवि देउ दिणे होमि पउणाहं ॥ २०३० ॥  
 पडिवन्ने नरवइणा रायघराओ य नियघरं जाव । संमज्जिओवलित्तो मण्डणपउणो कओ मग्गो ॥ ३१ ॥  
 डज्झन्तनिरन्तरपवरअगरुकप्पूरसुरहिगन्धहो । पेच्छणयगीयवाइयेच्छयजणजणियआणन्दो ॥ ३२ ॥  
 उल्लोओ य विरइओ महग्यपणवन्नरुइरवत्थेहिं । सुत्तावल्लिमालिल्लो सणहरकुल्लहरेरहिल्लो ॥ ३३ ॥  
 गिहमवि तीए कयं कमणीयं हारुल्लोयमल्लरमणीयं । वन्दणमालाऽलङ्कियदारं दारनिवेशिय तलमसुतारं ॥ ३४ ॥  
 जाणाविओ य तत्तो पहाणपरिवारपरिवुडो राया । भद्दा गिहमागच्छइ पए पए कोउगक्खिल्लो ॥ ३५ ॥  
 रज्जियचित्तो उ दढं उवविट्ठो पवरचन्दणचउक्के । सीहासणे विसाले तवभवणसिरीं नियच्छन्तो ॥ ३६ ॥  
 वरवत्थमोत्तिथार्ह भद्दा उवणेइ सुट्ठु परितुट्ठा । गिण्हह तुम्ह गिहमियं राया न य गिग्हण किं पि ॥ ३७ ॥  
 भणइ सपुत्तं दंससु गन्तूणं बेइ सालिभइं सा । ओयर पासायाओ पुत्त ! तुमं सेणिओ हेट्ठे ॥ ३८ ॥  
 चिट्ठइ गिहमायाओ सो भणइ न किं पि अम्ब ! जाणामि । मोल्लं कयाणगाणं सयमेव करेसु जं जुत्तं ॥ ३९ ॥  
 जाय ! कयाणगमेयं न होइ एसो हु सेणिओ राया । सामी तुज्झं मज्झ य सव्वजणाणं इहं देसे ॥ २०४० ॥  
 मज्झ वि अन्नो सामी इय सुणिउं चिन्तए गुरुविसाओ । एत्थ अहो ! अकयसुहा परस्स सेवाकरा होन्ति ॥ ४१ ॥

भणियं च—

न करेन्ति जे तवं संजमं च ते तुल्यपाणिपायाणं । पुरिसा समपुरिसाणं अवस्सपेसत्तणमुवेन्ति ॥ ४२ ॥  
धत्ता सुणिणो एगे जे विसयपरम्मुहा निरासंसा । मोत्तुणं देवगुरुं अन्नस्स कुणन्ति न पणामं ॥ ४३ ॥  
संसारिया उ रिद्धी परमा विबुहाण नो रई कुणह । ईसाविसायभयपरवसत्तमाईहिं जमसारा ॥ ४४ ॥  
विसयाभिलासविसधारियाण पुरिसाण निव्वियेयाण । न पुरइ धम्मस्मि मई तुच्छसिरीए मघन्धाणं ॥ ४५ ॥  
एवं अहिमाणधणो तं चिय संवेगकारणं धरिउं । धम्मकरणुज्जयमई संजाओ सो महासत्तो ॥ ४६ ॥  
इय विमणो ओयरिओ पासायाओ गतो निवसमीवं । सवालङ्कारधरो पच्चक्खो कप्परुक्खो व ॥ ४७ ॥  
पसरन्तवहलपरिमलवासियदिसिमण्डलो सलीलगई । नियपणइणीसमेओ अच्छरसहिओ व सुरकुमरो ॥ ४८ ॥  
निवचलणेसु निवडिओ आलिङ्गिय राइणा कओ अङ्के । दहुं सरीरसोहं विम्हइओ चिन्तए एवं ॥ ४९ ॥  
नूणं नत्थि असज्झं सुचरियधम्मस्स जीवलोगम्मि । जं इय माणुसमेत्ता अमरविभूहं विडम्बन्ति ॥ ५० ॥  
संभासिओ निवइणा न जम्पए जायए य साममुहो । अंसुजलपुत्तनचणो भदाए निवो तओ भणिओ ॥ ५१ ॥  
सुरभोयणेहिं नव नव सुरभोगेहिं लालियसरीरो । न सहइ मणुस्सतणुपरिमलं इमो सुयह ता देव ! ॥ ५२ ॥  
गच्छसु वच्छ ! सठाणं इय भणिओ सेणिएण सो मुक्को । आरुढो पासायं उट्टिकामो उ नरनाहो ॥ ५३ ॥  
भदाए विन्नत्तो जोडियहत्थाए गरुयपणएणं । देव ! पसाएणड्ढं सागयकिंच पडिच्छेह ॥ ५४ ॥

उवरोहसीलयाए पडिवन्नो राइणा उ तद्वयणे । अब्भङ्गिओ य संवाहिओ य वरवेसविलयाहिं ॥ ५५ ॥  
 उव्वट्ठिओ य राया वाविजले मज्झिओ कराउ तहिं । पडियं सुद्धारयणं तो संभन्तो पलोएइ ॥ ५६ ॥  
 किं देव ! नियह तुब्भे संखुब्बा पुच्छियं च भद्दाए । रत्ता कहियं तीए सुद्धारयणस्स जलपडणं ॥ ५७ ॥  
 भद्दाए तं सोउं जन्तपओगेण तं जलं खिप्पं । आइसिउं नियदास्सिं संकामियसन्नवावीए ॥ ५८ ॥  
 निज्जलतलस्मि तीसे भूस्सणनियरं फुरन्तकिरणिल्लं । पेच्छइ तेसिं भज्जे सुद्धारयणं तयं नियइ ॥ ५९ ॥  
 इङ्गालो व विसोहं पुच्छइ य सकोउगो किमेयं ति । भद्दाए कहियमिमं निम्मल्लं सालिभद्दस्स ॥ ६० ॥  
 जेण सुरो पइदियहं आभरणमिमस्स पणइणिजुयस्स । देइ तयं निम्मल्लं काउं खिप्पइ य वावीसु ॥ ६१ ॥  
 अइसयविब्भिहयहियओ सुद्धारयणं नियं च धेत्तूण । मणहरकयनेवच्छो रम्मं नन्दणवणं नियइ ॥ ६२ ॥  
 पासायं च समन्ता गच्छइ देवालयं जिणं नमिउं । पूइयजिणवरचिम्बो भत्तीए संथुइं कुणइ ॥ ६३ ॥

जगचिन्तामणि ! जगह नाह ! जगगुरु ! जगरक्खण ! जगबन्धव ! जगसत्थवाह ! जगभाववियक्खण !;  
 जय जय जिणवरवद्दमाण ! सरणागयवच्छल ! । जय करुणारस ! सुहनिहाण ! भवतारणपच्चल ! ॥ ६४ ॥  
 जे पेच्छन्ति थुणन्ति सामि ! पूएन्ति प्हवन्ति य, जे गायन्ति नमन्ति पायसुमरंइं तुह सन्ति य ।  
 ते नरधन्न सउन्न तेहिं सुरसिरिआवज्जिय । सिवसुहसंपय ते लहन्ति जरमरणविवज्जिय ॥ ६५ ॥

तुह सेवकरंतह निरुनरह पावपङ्कु उहिल्लइ । तं नत्थि किं पि भुवणे वि सुहु जं न सामि ! संपज्जइ ॥ ६६ ॥

भद्दाए चिन्नत्तो भोयणकज्जस्मि निग्गओ तत्तो । भोयणसहसुवविट्ठो नियपरियणपरिगओ राया ॥ ६७ ॥  
भुत्तो य अहाविहिणा तम्बोलाईकयोवयारो य । संभासिऊण भद्दं नियभवणम्मी गओ राया ॥ ६८ ॥

चिट्ठइ य सालिभद्दो विसयविरत्तो सुधम्ममगयचित्तो । पत्तो य तत्थ सूरी तक्कालं धम्मघोसो त्ति ॥ ६९ ॥

वन्दणवडियाएँ गओ रायां य जणो य तस्स सूरिस्स । जणणिं च पुच्छिऊणं तत्थ गओ सालिभद्दो वि ॥ ७० ॥

वन्दिय उवविट्ठाए परिसाए भवविरागेजणणीए । सो धम्मदेसणाए पडिबोहं काउमाढत्तो ॥ ७१ ॥

कोडिं वराडियाहेउं जहा हारेज्ज कोइ णं । मणिं वेरुलियं वावि दलेज्जा सुत्तकारणा ॥ ७२ ॥

नावं जलहिमज्झस्मि लोहकजेण भिन्दए । सारं च चन्दणं भासहेउं मूढो दहेज्ज णं ॥ ७३ ॥

छेत्तुं कप्पूरसण्डं च कोइवाणं वइं करे । धन्तं जच्चसुवन्नं च जुक्काए हारए नरो ॥ ७४ ॥

एवं माणुस्सयं जम्मं धम्मसाहणसंजुयं । असारविसयासत्ता सत्ता ! नासेह मा हु णं ॥ ७५ ॥

इय धम्मकहं सोउं पडिबुद्धा पाणिणो गथा सगिहं । संविग्गो भद्दाए सुओ वि पत्तो सभवणस्मि ॥ ७६ ॥

तो पणसिऊण जणणिं सो पभणइ अम्भ ! अज्ज मे निसुओ । गुरुणो पासे धम्मो सा जम्पइ पुत्त ! सुहुकयं ॥ ७७ ॥

तो पवज्जामि अहं तं अणुजाणेसु सा य तं सोउं । कत्तकहुयं च वयणं धसत्ति धरणीयले पडिया ॥ ७८ ॥

१ व-°याइ ज° । २ व-°राय° । ३ व-°कारणे ।

परसुनिकित्त व लया मुच्छाए तो जलेण सितझी । वीयनएणं वीया लहिकुण य चेयणं दीणा ॥ ७९ ॥  
 अंस्तुणि य सुयमाणी रोयन्ती भणइ तं सि मे एगो । पुत्तो उम्बरपुष्पं व दुल्लहो जीवियंभहिओ ॥ २०८० ॥  
 ता जीवन्तीएँ मए दिक्खं मा गेण्ह सो वि तं आह । अम्ब ! न नज्जइ एय को पुब्बि जाइ को पच्छा ॥ ८१ ॥  
 सा भणइ जाय ! तुज्झं नीरोगसुलक्खणं सुरूवं च । देहं ता एयगुणं माणेसु विलासकरणेणं ॥ ८२ ॥  
 सो आह असुइ एयं बहुवसणहयं जराएँ छुणियं च । आममिउभण्डगसमं विद्धंसणधम्मयं एयं ॥ ८३ ॥  
 तो को अम्ब ! इमम्मी पडिबन्धो कीरए विवेगीहिं । धम्मविहाणेणं चिय सफलत्तं होइ एयस्स ॥ ८४ ॥

माता—

रूवाइगुणजुयांओ अणुरत्ताओ य तुज्झ जायाओ । बत्तीतमिमाहिं समं ता भोए मुञ्ज जा तरुणो ॥ ८५ ॥

पुत्रः—

असुइसमुत्था परिणामदारुणा धेवकालिया भोगा । नरयाइदुक्खहेऊ ता को भोएसु कुणइ रहं ॥ ८६ ॥

माता—

मणिकणगरयणमार्हअत्थो आसत्तमं कुलं तुज्झ । दाउं भोत्तुं च अलं ता तं विलसेसु जाय ! तुमं ॥ ८७ ॥

पुत्रः—

रायग्गिचोरदाइयमच्चसुराईण साहिओ अत्थो । बाहिरमलो व अथिरो को मुज्झइ एत्थ जाणन्तो ॥ ८८ ॥

माता—

असिधारगमणअयचणयचावणादुक्करं खु समणत्तं । भूसयणलोयभिक्षन्नबम्भचेराइ जं एत्थ ॥ ८९ ॥

पुत्रः—

संसारसूयरणं विवेयरहियाण कायरनराणं । दुक्करमिह समणत्तं न उ धम्मियधीरपुरिसाण ॥ २०९० ॥

माता—

सुकुमालो वच्छ ! तुमं सुहोइओ सह अदिट्ठदुहलेसो । कह उवसग्गपरीसहसहणसमत्थो तुमं होसि ॥ ९१ ॥

पुत्रः—

नरयम्मि सुघोराओ बहुसो वियणाउ मे विसहियाओ । तयविक्खाए केत्तियमेयं उवसग्गमाइदुहं ॥ ९२ ॥

माता—

जह एवं ता पुत्तय ! समीहिंयं कुणसु किन्तु कहवि दिणे । परिकम्मसु अप्पाणं एवं दिक्खा सुहं काउं ॥ ९३ ॥

जणणीउवरोहेणं पडिवज्जिय तं गओ सपासायं । भज्जाओ आमन्तिय पडिवोहन्तो इमो भणइ ॥ ९४ ॥

पुरिसेणं बुद्धिमया परभवचिन्ता अवस्सकायवा । न ह्यु विसयविमूढेणं हारेयवो मणुयजम्मो ॥ ९५ ॥

जं विसएसु पसत्ता बम्भसुभूमाइया गया नरयं । विसयविरत्ता उ गया भरहनरिन्दाइया मोक्खं ॥ ९६ ॥

१ ब—पडिवोहत्थं ।

जीवरस नत्थि तित्ती चिरं पि ओत्तोहिं विसयसोवलोहिं । ता विसयविरमणेणं पव्वजमहं करिस्सामि ॥ ०.७ ॥  
तुम्हं जा उ ससल्ला सावचाओ य ता हे गिहिधम्मं । कुवन्तु सेसियाओ कुणन्तु दिक्खं सहच्छाए ॥ ०.८ ॥  
एवं अणुसासेउं भज्जाओ थेवथेवभोगेज्जे । परिहरमाणो चिट्ठह निच्छियचित्तो य दिक्खाए ॥ ०.९ ॥ हओ य—  
धन्नेणं परिणीया भइणी तत्थेन सालिभइस्स । अबभइन्ती दइयं सैदुक्खमंस्सणि सा सुयह ॥ २१०० ॥

यन्नेणं तो पुडा किं तुह उव्वेयकारणं सुयणु ! । सा आह सालिभइो पव्वजं इच्छए घेतुं ॥ १ ॥  
परिकम्मं कुणमाणो दिणे दिणे वयइ तूलिभेगेणं । भज्जं च एवमाइ कहिए धन्नो तयं भणइ ॥ २ ॥  
काउरिसो सो सुन्दरि ! जो वयगहणुज्जुओ वि कीवत्तं । कुणह न एक्कए चिय सणहुमारो व गिहचायं ॥ ३ ॥  
जइ सुकरो गिहचाओ ता किं न तुमं करेसि सपपुरिस्सं ! इय भणिए अहिमाणी सो तं पडिभणइ संविग्गो ॥ ४ ॥  
तुह वयणमवेक्खन्तो ठिओ भिहि पिच्छसु करेमि जं इण्हिं । तीए भणियं पिययम ! हासो विहिओ खमह मज्झं ॥ ५ ॥  
किं बहुणा भणिएणं संपइ भइणीसमा तुमं मज्झ । ता जइ तुह उच्छाहो तुमं पि गेणहाहि पव्वज्जं ॥ ६ ॥  
अह वीरो संपत्तो थुवन्तो अमरचारणगणेहिं । रहयम्मि समोसरणे धम्मकहं कहिउमाढत्तो ॥ ७ ॥  
सेणियनरिन्दप्पमुहो वन्दणहेउं जणो गओ तत्थ । धन्नो वि धम्मकज्जे विणिजोजिय नियधणं कुणइ ॥ ८ ॥  
पव्वज्जासामणिं तवभज्जा तरस्स निच्छयं नाउं । रुयमाणी गन्तूणं जइवत्तं कहइ भाउस्स ॥ ९ ॥



धत्तेणं तरिओऽहं इय चिन्तिय संठवेत्तु तं भइणि । भदं तह भज्जाओ संभासिय उस्सुयमणो सो ॥ २११० ॥  
 दाऊण विउलदाणं मइहं कारिय जिणिन्दभवणेसु । पूइत्तु समणसइं घोसाविय अभयदाणं तु ॥ ११ ॥  
 सिधियारूढो भदाए संजुओ भारियासयणसहिओ । तित्थं पभावयन्तो जणाभिनन्दित्तमाणो य ॥ १२ ॥  
 तं रिद्धिं सगगसमं पडलगतणं व सबमुज्झित्ता । महया विच्छुद्धेणं समागओ जयगुरुसगासे ॥ १३ ॥  
 पुरओ विय संपत्तो धत्तो ते दो वि तत्थ भयवन्तं । तिपयाहिणी करेत्ता वन्दन्ति इमं च भासन्ति ॥ १४ ॥  
 भयवं ! अणुगहेत्ता अवमहणिं अमह देहि पव्वजं । तुमह पयकमललगा असेसदुक्खक्खयं कुणिमो ॥ १५ ॥  
 भदाए वि य भणियं भयवमिसे मज्झ पुत्ताजामाऊ । इय सालिभइधन्नयनामा इच्छन्ति पव्वजं ॥ १६ ॥  
 ता पव्वाविह एए तिहुयणणाहेण दिक्खिया तत्तो । कयपञ्चमुट्ठिलोया सिद्धवविया साहुकिरियं च ॥ १७ ॥  
 गुरुगच्छवसहिसेसग्गिअत्तउवगरणतववियारेसु । आवणविहारजइकहठाणेषु य ते समणुसट्ठा ॥ १८ ॥  
 विहरन्ति जिणेण समं चउत्थच्छट्ठमाइकुवन्ता । सुत्तसमणा संजाया अइरेण अहीयसुत्तथा ॥ १९ ॥  
 सुक्का किडिक्किडि भूया जाया दुक्करतवेण ते धीरा । पुण रायणिहं पत्ता सहिया तियलोयनाहेण ॥ २० ॥  
 परिसा मिलिया कहियं चउरासीजोणिलक्खभैयरूवं । पच्छा उचिए समए भिक्खवुहं पत्थिया दो वि ॥ २१ ॥  
 छट्ठस्स उ पारणए भयवन्तं पुच्छिऊण कयकिचा । ते धत्तासालिअया अणिया य जिणेण ते जन्ता ॥ २२ ॥

१ व-तेलोक्कनाहेण । २ व-भवत्तु ।

जणणी अज्ज करिस्सइ पारणयं सालिभद ! तुह हिट्ठा ! तो ते भदाएँ घरं पत्ता तवसोसियसरीरा ॥ २३ ॥  
 वीरजिणस्सागमणं नाउं तह सालिभदधन्नाणं । भदाइओ गिहजणो जाओ हल्लप्फलो सबो ॥ २४ ॥  
 न य केणइ विन्नाया ते सुणिणो आगयावि तो तत्थ । खणमेत्तं चिट्ठित्ता अदीणचित्ता पडिनियत्ता ॥ २५ ॥

अणियं च—

सुन्दरसुकुमालसुभोइएहिं विविहेहिं तच्चविसेसेहिं । तह सोसविओ अप्पा जहनविणाओ सम्भवणे वि ॥ २६ ॥  
 आगच्छन्ता य पहे गोउलथेरीए पवरदहिएणं । पडिलाभिया सहरिसं पत्ता जिणवरसयासम्मि ॥ २७ ॥  
 विहिणा तं आलोइय पुच्छन्ति जिणं न अम्ह पारणयं । जणणीए कयं भयवं ! ता तं कह तुम्ह आइहुं ॥ २८ ॥  
 भयवं पि आह जीए दिन्नं दहिं अईयजम्ममि । सा सालिभदजणणी आसी धन्न ति नामेणं ॥ २९ ॥  
 वज्जरिओ पुव्वभवो भोयफलं दाणपच्चयं कहियं । तं सुणिय सालिभदो सुमरइ पोरणयं जम्मं ॥ २१३० ॥  
 तो ते संविग्गमणा दहिं पारित्तु जिणमणुन्नविउं । खामियच्चउविहसङ्गा सुद्धप्पा अणसणं घेत्तुं ॥ ३१ ॥  
 कयआराहणकिच्चा वेभारट्ठियसिलायलं गन्तुं । उल्लसियसुक्कलेसा पाओवगमं पवज्जन्ति ॥ ३२ ॥  
 एत्थन्तरे भयवओ वन्दणहेउं समागया भदा । वन्दिय पुच्छइ धन्नो कत्थच्छइ सालिभदो य ॥ ३३ ॥  
 जहवत्तं परिकहिं जिणेण सबं पि तो ससोयमणा । तेसि समीवम्मि गया पेच्छइ ते निच्चलसरीरे ॥ ३४ ॥  
 वन्दिता संभासइ पुणो पुणो ते न किं पि जम्पन्ति । गयसंगा ताहे सा रुयइ महासोगभरभरिया ॥ ३५ ॥

गेहगओ वि न नाओ हा पुत्तय ! मन्दभाइणी अहयं । संभासिओ न दिहो न वन्दिओ पावकम्माए ॥ ३६ ॥  
 अमराणियमाहारं भोत्तुं कहमन्तपन्तयं मुत्तं । यत्तीसतूलियासुं सुविउं कह सुवंसि सिलवट्ठे ॥ ३७ ॥  
 हरियन्दणाणुलेवं काउं कह सेयपङ्कसुवहसि । कागलिगीयं सोउं सुणसि कहं घूयसिवरावे ॥ ३८ ॥  
 पुविं तुज्झ मओवरि भत्ती विणओ य तारिसो आसि । संपह उल्लावं पिहु न देसि किं पुत्त ! दीणाए ॥ ३९ ॥  
 गुरुदुक्खसल्लियमणा एमाई बहुविहं विलवमाणी । तेसिं वन्दणकज्जे गएण रत्ता समणुसट्ठा ॥ ४० ॥  
 धन्ना एए जेहिं उ भवदुक्खाणं विमोइओ अप्पा । तं पि कयत्था जीसे सुएण आराहियं एवं ॥ ४१ ॥

अन्नं च—

वयणचलणाइचेट्ठा कायवा नेय एस कप्पो त्ति । पाओवगमे ता तं मा कुणसु अकारणे खेयं ॥ ४२ ॥  
 एमाइ सेणिएणं महुरगिरिं संठवित्तु सवहूया । नीया घरम्मि भदा अक्कन्दणवीणगलसदा ॥ ४३ ॥  
 ते चियं मुणिवरवसभा कालगया पुत्तरेसु उववत्ता । तत्तो चुया विदेहे उववज्जिय उत्तमकुलम्मि ॥ ४४ ॥  
 भोगसमिद्धिं पाविय दिक्खं घेचूण निम्भलचरित्ता । निहुवियसयलकम्मा सिद्धिपुरीए गमिस्सन्ति ॥ ४५ ॥  
 इय एवं दाणफलं जणस्स विम्भयकरं सुणेज्जं । जइयवमगारीहिं विसेसओ दाणघम्मिस्सि ॥ ४६ ॥

भणियं च—

१ व-०यसि । २ व-सवहुं । ३ व-च्चिय । ४ व-देक्ख । ५ व-मुणेज्जं ।

दाणसीलतवभावण संसिउ वीरेहि धम्मु चउव्विहु दंसिउ ।

उत्तम तिविहधम्म असमत्थहं दाणधम्मु पर जियह गिहत्यहं ॥ ४७ ॥

इय जीहन्तो भविए पज्जन्ते विहरिओ अपावाए । रइयं च समोसरणं देवेहिं चउनिकाएहिं ॥ ४८ ॥

अयवं कहेइ धम्मं सदेवमणुयासुराए परिसाए । पुट्ठो य गणहरेणं भयवं ! किं कालचक्कस्स ॥ ४९ ॥

भरहे एत्थ सरूवं भूयं अबं समासओ कहह । उस्सप्पिणिओस्सप्पिणिरूवस्स कहेइ तो भयवं ॥ २१५० ॥

सुसमसुसमा य सुसमा सूसमदुसमा य दुसम अइदूसमावि य ओस्सप्पिणिए उ छच्च समा ॥ ५१ ॥

चउरो कोडाकोडी अयराणं सुसमसूसमा होइ । तीए य मिहुणयनरा कोसतिगुचा त्तिपलियाऊ ॥ ५२ ॥

ते सुरहिगन्धदेहा निरामया निवभया सुरूवा य । वत्तीसलक्खणधरा जरचिन्तासोयपरिहीणा ॥ ५३ ॥

पयइए तणुकसाया अहमिन्दा उत्तमा य सङ्खयणे । माणुग्माणपमाणौवच्चन्नेहा सकरुणा य ॥ ५४ ॥

पुढवीपुप्फफलाणं रसो तथा आसि सक्कराअहिगो । पुक्करणीओ घयखीरउदगइक्खुरसनीराओ ॥ ५५ ॥

दसविहा य कप्पक्खवा—

अजङ्गया य भिज्जा तुडियज्जा दीवजोइचित्तङ्गा । चित्तरसा मणियज्जा गेहागारा अनिगिणा य ॥ ५६ ॥

अजङ्गेसु य अज्जं उपपज्जइ भायणाहं भिङ्गेसु । तुडियेङ्गेसु य संगयतुडियाइं बहुपयाराइं ॥ ५७ ॥

दीवसिहा जोइसनामया य एए करेन्ति उज्जोयं । चित्तेङ्गेसु य अज्जं चित्तरसा भोयणट्ठाए ॥ ५८ ॥

मणियङ्गेषु य भूषणवराहं भवणाहं भवणरुक्मेषु । जायन्ति य वत्थाहं अनिगिणनामेषु रुक्मेषु ॥ ५९ ॥  
आलयसेसे सिद्धिं पसेवेत्ता ते सुरालयं जन्ति । तवसंजमरहिया वि दु अकूरपरिणामभावेण ॥ २१६० ॥  
अथरतिकोडाकोडीपरिमाणा सुस्समा तर्हि मणुया । कोसदुग्धा दोपलियजीविया सेस पुषसमा ॥ ६१ ॥  
पलिओवममार्हए पजान्ते होह पुवकोडीए । तहयाए उ समाए दोकोडाकोडिमाणाए ॥ ६२ ॥  
आर्हए कोससुचा अन्ते पुण पञ्चचावसयमाणा । कालकमेणं हाणिं गच्छन्ति ये कप्पतरुणो वि ॥ ६३ ॥  
पुढविजलोसहिफलफुल्लमाहवथू वि हायमाणरसा । बलरुववन्नखभमुत्तिअज्जवाई ये हायन्ति ॥ ६४ ॥  
तहयसमाए अन्ते उप्पन्नो पढमजिणवरो उसभो । सत्तमकुलगरपुत्तो सुणीण धयदाणधणजीवो ॥ ६५ ॥  
सो दंसियसयलठिहं होज्जं धम्मसारही पढमो । सिद्धो तिवाससद्धमाससेसे तहयअए ॥ ६६ ॥  
देसूणाथरकोडाकोडीमाणे चउत्थअरयम्मि । तेवीसं तित्थयरा उप्पत्ता एत्थ गणनोहा ! ॥ ६७ ॥  
सोवखंगयस्स मज्झं पञ्चमअरगो उ दूस्समा होही । सद्धमासअहिएहिं तीहिं वासेहिं अहएहिं ॥ ६८ ॥  
छहिं वासाण सएहिं पञ्चहिं वासेहिं पञ्चनासेहिं । मय निवाणगयस्स उ उप्पजिस्सह सगो राया ॥ ६९ ॥  
तेरसवाससहिएहिं नबुत्तरेहिं सगाव कुसुमपुरे । होही कक्की पेन्ते कुलस्मि केउ व दुट्ठप्पा ॥ २१७० ॥  
बहुकोहमाणमायालोअयघत्थस्स तस्स जम्मस्मि । सरसा तत्थ पडिस्सह देवउलं रामकण्ठाणं ॥ ७१ ॥

१ व-ओ । २ व-उ । ३ व-०पहा० । ४ व-०नाह । ५ अ-उन्ते ।

चोरा रायविरोहा रायभयं क्षिजिहिति गन्धरसा । दुब्बिभक्खमणावुट्ठीईवहुला तथा देसा ॥ ७२ ॥  
 अट्टारस य कुमारो वासाइं तत्तियं च डामरिओ । अवसेसं पुण कक्की राधा होही अइपयण्डो ॥ ७३ ॥  
 नगरं आहिण्डन्तो पेच्छिस्सइ सो उ पञ्चथूभाइं । केणेमाइं कयाइं इय पुट्टा तेण पुरवुट्टा ॥ ७४ ॥  
 कहिहन्ति नन्दराया अत्थसमिद्धो इहं जयपसिद्धो । तेण इमेसु हिरन्नं अइबद्धयं निक्खयं चिट्ठे ॥ ७५ ॥  
 न तरन्ति इमं घेचुं पट्टु ! अन्नो नरवई इमं सोउं । सो थूभे खाणेही मसीकरिस्सइ हिरन्नं तं ॥ ७६ ॥  
 अह सवओ पुरं तं खार्णोही अत्थलुद्धओ कक्की । सो दप्पन्धो सेसे तणं व गणिही महीवाले ॥ ७७ ॥  
 धरणीयलाओ उम्मज्जिएण आरुट्ठगाविरुवेणं । तइया सिलामएणं भेसेही साहुवणं च ॥ ७८ ॥  
 अह भदिगा उ देवी रायपहार्इसु ते परिघडन्ते । तुण्डेणं नोल्लेही भिक्खं भस्मिहन्ति किच्छेणं ॥ ७९ ॥  
 वोच्छन्ति तत्थ थेरा एसा सूयइ भविस्सकालम्मि । घोरं जलोवसगं कहियमिणं वीरनाहेण ॥ ८० ॥  
 ता वयह अन्नदेसं इय कहिए के वि तत्थ वक्कन्ता । अन्नो वि भत्तवत्थाहएसु सिद्धा अपिस्सन्ति ॥ ८१ ॥  
 जं कालपरिणईए कम्मवसेणं च भावि सुहमसुहं । तं तरद निवारुं को फिर हह बुद्धिमन्तो वि ॥ ८२ ॥

अणियं च—

दूरं वच्चइ पुरिसो तत्थ गओ निव्वुइं लहिस्साभि । तत्थवि पुच्चकयाइं पुव्वगयाइं पडिच्छन्ति ॥ ८३ ॥

१ ब-विरोहो । २ व-णेही । ३ अ-अकान्ता ।

सबे वि य पासण्डे रुम्भेजं सो करे वि मग्गेही । कक्किनिवो दाहन्ति य सारम्भपरिगहा ते वि ॥ ८४ ॥  
रुद्धो य समणसद्धो करदाणत्थं च भासिही रायं । भिक्खावित्ती निक्किञ्चना य अम्हे अणायाणा ॥ ८५ ॥  
ता अम्ह धम्मलाभं मोत्तूणं नत्थि किं पि अन्नं ति । इय नाऊण नराहिव ! जं रोयइ तं करेसु तुमं ॥ ८६ ॥

अन्नं च भणियं पुराणे—

सज्झायज्झाणनिरए तवुज्जए यम्भयारिणो दन्ते । जइणो परिरक्खन्तो छट्ठसं लहइ धम्मस्स ॥ ८७ ॥  
ता उवरम एयाओ अज्झवसाणाओ होइ न य खेमं । जइणं उवइवेणं कीरन्तेणं पुरे देसे ॥ ८८ ॥  
एवं भणिओ जाहे न मन्निही रोसपरवसो होही । तो नगरदेवया तं भणिही किं रुच्छसे मरिउं ॥ ८९ ॥  
जं बाहसि सुणिसद्धं इय भणिओ भीयमाणसो पडिही । पाएंसुं संघस्स उ भयवं ! मे खमह इय वेन्तो ॥ ९० ॥  
होहिन्ति य उप्पाया तइया पुरनाससूयणा बहवे । सत्तरस अहोरत्ता निरन्तरं वासिही उदयं ॥ ९१ ॥  
गङ्गादहो य सोणो उवत्तिस्सइ य गरुयजलवेगी । तो कुसुमपुरं नगरं समन्तओ वुज्झिही तेणं ॥ ९२ ॥  
पाडिवओ आयरिओ सद्धजणो कोइ कोइ पुरलो गो । कक्की राया फलगाइएहि तरिऊण हुंइही ॥ ९३ ॥  
बहुओ जाही निहणं तत्थ जणो उवरए य जलवसणे । अन्नं नयरं काही कक्की गन्दस्स अत्थेणं ॥ ९४ ॥  
होहिन्ति य आययणा साहुविहारो य सम्मबुद्धी य । सस्ससई पडिएणं कुम्भेणवि को वि न किणेही ॥ ९५ ॥

१ अ-अन्नं पि । २ व-पाएसु समणसद्धस्स खमइ मम सामि इ० । ३ व-न्तो । ४ अ-उज्झि० । ५ व-छुट्ठिहिही ।

पद्मानं वासां सुभिक्षलंकालो भविसहै धणियं । पुणरचि कक्की राया सूढो आसन्नरपत्ता ॥ ९६ ॥  
 वासण्डिणो सलिङ्गे मेलावेही उवदवेही य । सुणिवगं तइया पुण पाडिवओ नाम आयविओ ॥ ९७ ॥  
 होही जुगप्पहाणो तं सो रुक्मिणु समणसइजुयं । भिक्खवाए छट्ठागं मग्गेही दुट्ठपरिणामो ॥ ९८ ॥  
 काही काउस्सगं सक्खसाराहणाए तो सद्धो । गोवाडस्मि निरुद्धो जक्खं वा वारिहन्ति नयं ॥ ९९ ॥  
 ओ कक्किराय ! सद्धं मा बाहलु सुन्दरं न तुह एयं । एत्थन्तरस्मि सक्को काउस्सगप्पभावेणं ॥ १०० ॥  
 बलियासणो मुणेउं ओहीए खिप्पमेव तत्थेही । बुहुदियखवधारी भणिही कक्किं च अत्थाणे ॥ १ ॥  
 सीहासणे निविट्ठं एए किं साहुणो तए रुद्धा । भिक्खस्स छट्ठागं पि मग्गिया दिनति नो मज्झं ॥ २ ॥  
 निवसन्ति य एत्थ पुरे सब्बे करदायगा उ पासण्डी । मम जाया थद्धा पुण एए नो किञ्चि वियरन्ति ॥ ३ ॥  
 सक्को भणिही नत्थि उ एएसिं किञ्चि भिक्खभायं पि । दिनति न कस्सवि एए तुमं च भिक्खवं विमग्गन्तो ॥ ४ ॥  
 लज्जसि न लोयमज्जे निप्फुट्ठ ! विमुञ्च ता इमे साहू । इहरा तुज्झ अणिट्ठं होही इय जम्पिण कम्मिउं ॥ ५ ॥  
 भणिही इमं गलत्थह भट्टमसंबद्धभासणं सिग्घं । इय भणिए तो सक्को गल्लचवेडाए नाडेउं ॥ ६ ॥  
 काही छारुकुल्लं छासीवासाणि आउयं भोत्तुं । नए उववज्जिस्सइ अणन्तदुहवेयणापउरे ॥ ७ ॥  
 तरस य दत्तं पुत्तं इन्दो संठाविऊण जिणधम्मो । वन्दितु समणसइं नियए ठाणस्मि संपत्तो ॥ ८ ॥

१ व-०माला म० । २ व-०भागं पि । ३ व-थट्ठा । ४ अ-हसिउं ।



तयणन्तरं च काही दत्तो जिणभवणमण्डियं वसुहं । इगुवीससहस्राहं होही धम्मुन्नइं परमा ॥ ९ ॥  
घणघन्नत्थसम्भिद्धं भारहवासं जिणिन्दकालम्मि । पुरगामागरपउरं आसी सुरलोगसंक्रासं ॥ २२१० ॥  
गामा नगरउभूया नगराणि य देवलोगसरिसाणि । रायसमा य कुटुम्बी वेसमणसमा य रायाणो ॥ ११ ॥  
चन्दसमा आयरिया अम्मापियरो य देवयसमाणा । साम् वि य माइसमा ससुरो चिट्ठ पीसमो आसि ॥ २२ ॥  
धम्मधम्मविहिन्नू विणयपरो सच्चसोयसंपन्नो । गुरुदेवपूयणरओ सदरनिरओ जणो तइया ॥ १३ ॥  
अग्घइ य सविन्नाणो अग्घइ सीलं कुलं च विज्जा य । परचक्कइइतक्करभयसोयविवज्जिओ लंगो ॥ १४ ॥  
जिणभत्ता रायाणो पाएण कुत्तिथिया य अवीया । दससु वि वासेसु तहा दस दस अच्छेरया जाण ॥ १५ ॥  
उवत्सग गवभहरणं इत्थीतित्यं अभाविआ परिसा । कणहस्स अवरकङ्का अवयरणं चन्दसूराण ॥ १६ ॥  
हरिवंसकुलुप्पत्ती चमरुप्पाओ य अट्टसयसिद्धा । अरसंजयाण पूया दसवि अणन्तेण कालेणं ॥ १७ ॥  
लोगुत्तमपुरिसेहिं चउप्पन्नाए इहं अईएहिं । केवल्लिमणपज्जवओहिणाणिसुयकेवलीहिं च ॥ १८ ॥  
दूसमकाले लोगो कोहाइकसायविसहयविवेगो । अचोदगो व वप्पो जाओ संभिन्नमज्जाओ ॥ १९ ॥  
जहजह वच्चइ कालो तह तह दयदाणसच्चपरिहीणो । अहिंयं अहम्मसीलो कुत्तिथिमोहिंयमई हाही ॥ २२२० ॥  
गामा मसाणभूया णगराणि य पेयलोयसरिसाणि । दाससमा य कुटुम्पी जमदण्डसमा य रायाणो ॥ २१ ॥

लुद्धा य पुहइपाला भिच्चे गिण्हन्ति ते वि इयरजणो । खायन्ति ये अन्नोन्नं मञ्छा इव दुब्बले बलिया ॥ २२ ॥  
 जे अन्ता ते मज्झा जे मज्झा ते कमेण पचन्ता । अपडागा इव नावा डोह्लन्ति समन्ताओ देसा ॥ २३ ॥  
 चोरा सुसन्ति अत्थं नरिन्दकरपीडियाहं रडाहं । भूयगहपायसेणी लञ्चाइपरा य कारणिमा ॥ २४ ॥  
 सयणे निच्चविरोहो सकज्जनिरओ परत्थनिरवेक्खो । चप्फलभासी लोगो पाएणमवोल्लसारो त्ति ॥ २५ ॥  
 धणधन्ने अवियण्हो घरकज्जे चेव ओहिधमईओ । दक्खिन्नलज्जरहिओ धम्मसुइविवज्जिओ लोगो ॥ २६ ॥  
 स्त्रीसा नारोहिन्ति उ आयरिए दूसमाणुभावेणं । ते विहु तेसिं पढणं न दिन्ति सुयनाणसिक्खिआओ ॥ २७ ॥  
 फिट्ठइ गुरुलुलवासो मन्दा य मई जणस्स धम्मम्मि । सत्ताउला य पुहई देवा ए न दरिसणं देन्ति ॥ २८ ॥  
 पुत्ता अम्मापियरो अवमन्नन्ति कहुयाहं भासन्ति । सुण्हा सुयज्झितुल्ला सासू वि य कालकन्नसमा ॥ २९ ॥  
 हसिएहिं जम्पिएहिं य अन्धिच्चियारेहिं विगयलज्जाओ । सविलासनियत्थेहिं बहुया सिक्खन्ति वेसाणं ॥ २३० ॥  
 सावगसाविगहाणी भावणतवदाणसीलपरिहाणी । समणाणं समणीणं असह्मडं थेवकज्जे वि ॥ ३१ ॥  
 कूडतुलकूडमाणं धम्मे वि सदत्तणं संपेसुत्तं । पहवन्ति दुज्जणा तह सीयन्ति य सज्जणा पायं ॥ ३२ ॥  
 विज्जाण मन्ततन्तोसहीण मणिपुष्पफलरसाणं च । रुवाउयरिद्धीणं संठाणुच्चत्तधम्माणं ॥ ३३ ॥  
 दूसमकाले होही सुहभावाण सवेसि परिहाणी । एगन्तदूसमाए असुहतराणं इमं सव्वं ॥ ३४ ॥

१ न-गेण्हं । २ व-उ । ३ व-लंति । ४ व-यायं । ५ व-राहेन्ति । ६ व-उरा । ७ द-दिन्ति । ८ अ-कन्निसं । ९ अ-चपे ।

एवं परिहायन्ते लोए चन्दो व कालपक्खस्मि । जे धम्मिमा मणुस्सा सुजीविणं जीविणं तेलिं ॥ ३६ ॥  
 दुप्पसहो आयरिओ फणुसिरी साहुणी णयपहाणा । सहो नाहलनामो सच्चसिरी साविणं च ॥ ३७ ॥  
 तह विमलवाहणो वि य राया सुपुहो व तस्स उ अमचो । एए उ दूसमाए होहिति अपच्छिमा भरहे ॥ ३८ ॥  
 दोरयणिपमाणतणू वीसयवासाउया य होहन्ति । दुप्पसहाई चउरो उल्लोसेणं च छट्तवो ॥ ३९ ॥  
 दसवेयालियधारी चोदसपुवी व पुज्जिही सच्चो । दुप्पसहो तित्थं पि व ता वेहिही जाव सो वेव ॥ ४० ॥  
 जो अणइ नत्थि धम्मो ण य साअइयं न चेव य वयाइ । सो समणसद्धवज्जो कायवो समणसद्धेणं ॥ ४१ ॥  
 वारस वासाई गिहे गमिऊणं अट्ट चेव सामने । दुप्पसहो गच्छिहिही अट्टमभत्तेण सोहम्मं ॥ ४२ ॥  
 पुवणहे वोच्छेओ चरित्तधम्मस्स रायधम्मस्स । अज्झणहे पुण होही अवरणहे जायवेयस्स ॥ ४३ ॥  
 एवं दूसमकालो इगवीससहस्स होइ वासाणं । एणन्तदूसमावि य एवइयं चेव नायवा ॥ ४४ ॥  
 नट्टे चरणाइस्मि उ हाहाभूओ अणाहभूओ य । कालो अमाइपुत्तो गोधम्मसमो जणो तैत्थ ॥ ४५ ॥  
 रयवहुला खरफरुसा अणिट्ठवाया तया य वाहन्ति । धूपायन्ति दिसाओ अयज्जणीओ य सव्वेसिं ॥ ४६ ॥  
 चन्दो सुइही सीयं अहिंयं अहिंयं च सूरिओ तविही । जेण इहं नरतिरिया सीउणहहया किलिस्सन्ति ॥ ४७ ॥  
 तह अरसविरसमेहा अम्बिलमेहा य खारमेहा य । अग्गिविसअसणिमेहा अभिक्खणं वासिहिन्ति तया ॥ ४८ ॥

१ व-०सइ वा० २ व-०पुव व । ३ व-०सहा तित्थं पिय । ४ व-०सहा तित्थं पिय । ५ व-०सहा तित्थं पिय । ६ अ-०सारामेहा लद्धमेहा य ।

जेण इहं मणुयाणं कासो सोसो जलोयरो कोहो । जरसूलसीसवियणा हवन्ति रोगा भणेगच्चिहा ॥ ४८ ॥  
 काही तिरिए दुहिए जलथलखहचारिणो उ सवे वि । आरामछेत्तकागणरुक्खत्तर्णाई खयं नेही ॥ ४९ ॥  
 वेयहुउसभक्खे गङ्गासिन्धु य मुत्तुमवसेसं । गिरिकूवनहतडांगे थलाइ संवं समं होही ॥ २२५० ॥  
 हङ्गालसुम्भुरसमा छारब्भूया भविस्सई धरणी । कहयावि धूलिवहला घणच्चिक्खणकहमागम्मा ॥ ५१ ॥  
 मणुया खरफरुसतणू उब्भडधोडासुहा चिविडनासा । दुवन्ननिटुरगिरा बहुरोगा कोहणसहावा ॥ ५२ ॥  
 रयणीपमाणदेहा नरितिथओ वीससोलसाज य । बहुपुत्तनत्तुयजुया निहज्जा विगयवसणा य ॥ ५३ ॥  
 छव्वरिसी गब्भधरा होही नारी य दुक्खपसवा य । सोलसवासा पुत्तयनत्तुयए पेच्छिही थेरा ॥ ५४ ॥  
 होहिनति य बिलवासी बिला उ बावत्तरी य वेय्हु । उभयतडेसु नईणं नव नव एक्केए कूले ॥ ५५ ॥  
 सवे वि बीयमेत्ता तिरिया होहिनति तत्थ मणुयाई । कुणिमाहारा सवे निस्संसा निव्विगेगा य ॥ ५६ ॥  
 रहपहमेत्तं तु जलं वहिही बहुमच्छकच्छभाइन्नं । गङ्गासिन्धुनईणं तासु य गन्तूण ते मणुया ॥ ५७ ॥  
 रयणीए थलमज्जे कट्ठिनति दिवा य सूरकरपक्के । खाहिनति य बीयाए निसाए अन्ने य कट्ठिनति ॥ ५८ ॥  
 दहिस्वीरघयाईयं सतरस धन्नाई पुप्फफलमाई । होही न भरहवासे सयणासणवत्थमाई य ॥ ५९ ॥  
 इगवीससहस्साई एवं एगन्तदूसमा होही । पञ्चसु भरहेसु तहा पञ्चसु एरवयवासेसु ॥ २२६० ॥

१ ब-०णाई । २ ब-मोतु० । ३ ब-०डागा । ४ ब-०मा मगा । ५ अ-०गोडासु० । ६ अ-हिइ थे० ।

सागरकोडाकोडी एगा अरओ चउत्थओ होही । ऊणा इह वासाणं बायालीसं सहस्सेहिं ॥ ६१ ॥  
 सा पञ्चमछट्टेहिं अरएहिं जुया य होइ पडिपुत्ता । ओसप्पिणी दसायरकोडाकोडी अओ होइ ॥ ६२ ॥  
 ओसप्पिणीएँ एवं जो अणुहावो उ वन्निओ पुर्वि । सो द्विय पडिलोमेणं उस्सप्पिणिए सुणेयवो ॥ ६३ ॥  
 बायालीससहस्सा वासाण नरा उ होन्ति बिलवासी । उस्सप्पिणीएँ एगन्तदूसमा चरिमकालम्मि ॥ ६४ ॥  
 होहिन्ति पञ्च मेहा पुक्खल संवट्ठ खीरमेहो य । धयमेहअमयमेहा रसमेहो पञ्चमो होइ ॥ ६५ ॥  
 एक्केओ अणुबद्धं वासीही सत्त सत्त दिवसाइं । पञ्चत्तीसं दिवसे वदलिया होहिइ सोमा ॥ ६६ ॥  
 पढमो उ निव्वेही धन्नं बीओ करिस्सए मेहो । तइओ नेहं जणयइ ओसहिमाइ चउत्थो उ ॥ ६७ ॥  
 पञ्चमओ पुण मेहो पुढवाईयाण रसकरो होही । तत्तो हरियदुमोसहिंवेछिलयाइ परोहिन्ति ॥ ६८ ॥  
 तो ते बिलवासिनरा पासित्ता तं महिं तह समिद्धं । आसत्था हिट्ठमणा नीहरिय बिलाण भमिहिन्ति ॥ ६९ ॥

अणिरस्सन्ति य—

जायं खु सुहविहारं भरइम्मिं पुण्णफलसमिद्धं च । ता जो कुणिमं खाही सो अमहं बल्लणिज्जो उ ॥ २२७० ॥  
 जह जह वच्चर कालो तह तह फलकुसुमओसहीणं च । सइयणरुवउच्चत्ताआउमाईण चुट्ठी य ॥ ७१ ॥  
 होहिन्ति सुहा रिउणो सुहा य वाया सुहाइँ उदगाइँ । गयरोगा तो मणुया होहिन्ति तहा तिरिक्खा य ॥ ७२ ॥

१ अ-एक्के । २ अ-होइही । ३ व-वलिं ।

सयगो य जिणो णवमो पुवं आसी सुनन्दणामो जो । मुणिसुव्वओ य दसमो सयगो जो आसि पुव्वभवे ॥ ८६ ॥  
 एक्कारसमो य जिणो देवइजीवो उ सव्वभावविऊ । अममो वारसमजिणो होही जो सच्चइ आसि ॥ ८७ ॥  
 तह निक्कसायनामो तेरसमो वासुदेवजीवो उ । बलदेवो पुण होही चोइसमो निप्पुलायजिणो ॥ ८८ ॥  
 निम्भसजिणो अमोहो पनरसमो होइ रोहिणीजीवो । सुलसासाविघजीवो सोलसमो चित्तगुत्तो य ॥ ८९ ॥  
 सतरसमो य समाही रेवइजीवो उ विगयभववाही । संवरजिणो य जयहिओ अट्टारसमो मियालीओ ॥ ९० ॥  
 दीवायणस्स जीवो नियहिअरहा य अगुणवीसइमो । कण्हो गैयभवतण्हो वीसइमो देवसेणजिणो ॥ ९१ ॥  
 तत्तो य एगवीसो नारयजीवो विवेगजिणचन्दो । वावीसइमो विमलो अमरजिओ विगयक्कम्ममलो ॥ ९२ ॥  
 देवोववायनामो तेवीसइमो उ अम्मडो पुवं । चरिमो य साइबुद्धो अणन्तविजओ जिणो होही ॥ ९३ ॥  
 ओसप्पिणीजिणाणं पडिलोमेण होन्ति तित्थयरा । जा चरिमो जिणनाहो विन्नेओ उसभनाहो व ॥ ९४ ॥  
 एएसु अईएसुं कमेण होहन्ति पुव्वतुल्लगुणा । सुस्समहुसमा सुसमा सुस्सप्पसुसमा य छट्ठा उ ॥ ९५ ॥  
 वीसं कोडाकोडी दोन्नि वि एणा उ होन्ति अयरणं । ओसप्पिणी य उस्सप्पिणी य परियत्तमाणीओ ॥ ९६ ॥

अयरपमाणं पुण—

एणाहियेवेहियतेहियाणि उक्कोससत्तरत्ताहं । घेत्तुं सिस्तुलोमाहं काउमसंखेज्जखण्डाहं ॥ ९७ ॥

१ व-य० । २ अ-भवगय० ।

जोयणमुवेहेणं जोयणंमायामवित्थरेणं च । पल्लं भरेज्ज निचियं सुहुमाणं तेसि लोमाणं ॥ ९८ ॥  
वाससए वाससए वोलीणे अवहरेज्ज एक्केकं । जो तत्थ हवे कालो एगं पलिओवमं तं तु ॥ ९९ ॥  
दसकोडाकोडीओ तेसिं अह सागरोवमं हवह । पोगलपरियदो पुण ओसप्पुसप्पिणि अणन्ता ॥ १०० ॥  
ओरालियवेउवियतेयमणभासपाणुकम्मेहिं । जीवस्स सव्वपोगलगहणे तो दायरपरदो ॥ १ ॥  
एगयरेण इमेसिं तगगहणे सुहमओ य सो होइ । एवं खेत्ते काले आवे वि य सो हुहा नेओ ॥ २ ॥  
अजवाडगणाएणं एक्केकजिएण सव्वलो गो उ । उक्कमओक्कमओ वा असइं मरणेहिं जं पुटो ॥ ३ ॥  
तो पोगलपरियदो अणाइकालम्भि संसरन्तस्स । एगेगस्स जियस्स य इमे भवे वोलियाणन्ता ॥ ४ ॥  
ता भो भद्दा ! नाउं सरूवमेवं अणाइनिहणस्स । कालस्स धम्मकज्जे उज्जमियवं पयत्तेण ॥ ५ ॥  
पणपन्नं अउज्जयणा परूविया तत्थ सुहविवागत्था । तावइय चिय वीरेण साहगा दुहविवागस्स ॥ ६ ॥  
छत्तीसमपुट्टां वागरणां च तत्थ कहियां । छट्ठयभरास्सन्ते दिवसं रयणिं च सव्वं पि ॥ ७ ॥  
दिन्नो हिओवएसो सदेवमणुयासुराए परिसाए । भवजलहिदीवभूएण भगवयाणुगहनिमित्तं ॥ ८ ॥  
वागरियं च जिणेणं उववन्नो इह अणुद्धरी कुन्थू । रयणीए अज्ज सुहुमो चलमाणो दीसए न ठिओ ॥ ९ ॥  
ता इण्हिं समणाणं दुरणुचरो संजमो उ होहि त्ति । भरहेरवएसु जओ सो तीरह रक्खिउं न खलु ॥ १० ॥

१ अ-०ण आया० । २ व-अयवा० । ३ अ-रूवेण । ४ अ-तो छट्ठमत्तअन्ते दि० ।

अस्संजमभीएहिं तं सोउं भगवया समक्खायं । बहुसाहुसाहुणीहिं य पक्वखायाइ भत्ताइ ॥ ११ ॥  
तम्मि य सभए वीरस्स जम्मरिक्खम्मि दुट्ठपरिणामो । दोवाससहस्सडिई सङ्कन्तो भस्सओ कुगहो ॥ १२ ॥  
निवाणगमणसमयं नाऊण जिणस्स भणइ तो सक्को । भयवं ! उदग दिट्ठी भासगहसन्ति या इण्हि ॥ १३ ॥  
वइइ ता परिवालह मुहुत्तमेत्तं भविस्सकालम्मि । जेण न जायइ तित्थस्स अवणइ सपरपक्खाओ ॥ १४ ॥  
भणिओ य सो जिणेणं समत्थवत्थूण सक्क ! परिणामं । अणुभावं कालस्स य जाणन्तो मुज्झसे कीस ॥ १५ ॥

तथा हि—

तुव्विज्जइ जरवत्थं सीडिज्जइ तह गिहं पि परिसडियं । भगं पि संघडिज्जइ सगडं तुट्ठा वरत्ता य ॥ १६ ॥  
सो पुण णत्थि उवाओ सन्धिज्जइ आणुपाणुमेत्तं पि । जेणाऊ जीवाणं झीणं जं पुव्वभववडं ॥ १७ ॥  
मन्ता तन्ता मणिसूलियाओ सन्ती सुराण सन्नेज्झं । ज्ञाणरसायणमाइ रक्खन्ति न आउए झीणे ॥ १८ ॥  
सुरगिरिदण्डं पुहविं छत्तं पिव धारिउं जे समत्था । अरहन्ता अतुलबला ते चि न मच्चुं निवारिन्ति ॥ १९ ॥  
ता सुरवइ ! मा तम्मसु जेणेत्थमवस्स भाविणो भावा । तुमए मए व्व कहमवि तीरन्ति न अन्नहा काउं ॥ २० ॥  
एवं अणुसासेउं सक्कं च उभेयसमणसङ्घं च । संपलियङ्कनिसन्नो जोगनिरोहं च काऊणं ॥ २१ ॥  
सेलेसिं पडिवन्नो ज्ञायन्तो परमसुक्कज्ञाणं च । खविऊण निरवसेसं भवोवगाहीणि कम्मणि ॥ २२ ॥  
चइऊण इमं बुदिं संपावेऊण सवणिज्जाणं । उजुसेहिं पडिवन्नो एगेणं चैव समएणं ॥ २३ ॥



कत्तियअमावसाए णागे करणे पहायसमयस्मि । णक्खत्ते साइग्गि य दोच्चे संवच्छरे चन्दे ॥ २४ ॥  
 सासयमणन्तसोक्खं सद्वावाहपरिवज्जियं अयलं । तेलोक्कमत्थयत्थं सिद्धिं पत्तो महावीरो ॥ २५ ॥  
 णव सालइय नव लेच्छइय गणराहणो य तं रयणिं । अट्टारस पोसहिंया ठिया जिणं पज्जुवासेन्ति ॥ २६ ॥  
 तो उव्विग्गा समणा समणीओ सावगा साविगाओ । देवा देवीओ चि य सबं पि जयं समुव्विगं ॥ २७ ॥  
 सक्को वि हु सोगेणं अब्भाहयमाणसो सुत्तिव्वेणं । ओरुल्लविवन्नमुहो झूरइ पगलन्तनयणंसू ॥ २८ ॥  
 तमगसियरविं व दिणं निसाए गयणं व अत्थसियचन्दं । विज्झायपईवं पि व भवणं तमसस्मि बहलस्मि ॥ २९ ॥  
 उद्धियकमलं व सरं उव्वियणिज्जं इमं जयं जायं । उम्मूलियकप्पतरुं इयरहुमकाणं व कुडं ॥ २३३० ॥  
 पसरिस्सन्ति य इण्हि कुत्तित्थिया पमुइया अरहवासे । वग्गन्ति वणे करिणो निप्पसरा पवस्सिए सीहे ॥ ३१ ॥  
 पभणन्ति मिहो मणुया भावुज्जोओ इहज्ज समईओ । संपइ दब्बुज्जोओ रयणपईवा यतो चेव ॥ ३२ ॥  
 वत्तीसं पि य इन्दा समागया तक्खणं ससोगमणा । खीरोयजलेण तणुं पहावन्ति जिणस्स सुरहेण ॥ ३३ ॥  
 गोसीसचन्दणेणं घणसारणं च तो विलिम्पन्ति । परिहिति देवदूसे सिवियं पवरं विउव्वन्ति ॥ ३४ ॥  
 तत्थारोवन्ति तयं दिव्वंसुयमाइमणहल्लोयं । उम्मालिन्ति समन्ता सुरपायवपुप्फमालाहिं ॥ ३५ ॥  
 कारिन्ति य कालागरुहरियन्दणदारुनियरइयचियं । पवरस्मि भूमिभागे सीयं वहवन्ति सुरपहुणो ॥ ३६ ॥

अफालितूररवं मणहरनचन्तसुरवहुसमूहं । निवडन्तकुसुमवरिसं चिकित्त्रमणिमोत्तियसमूहं ॥ ३७ ॥  
 गिज्जन्तसारगेयं संचलिया सुरनरा चियाभिमुहं । पत्ता खणेण तत्थ य काऊण महुसवं परमं ॥ ३८ ॥  
 आरोवियं चियाए कलेवरं वद्धमाणसामिस्स । अग्गिक्कुमारोहिं तहिं खित्तो अग्गी नियमुहेहिं ॥ ३९ ॥  
 वायं विडव्विऊणं वाडक्कुमारोहिं फूमिओ जलणो । कुम्भगगसोयखित्तं घयं महुं तह य तियसेहिं ॥ २३४० ॥  
 सोणियसंसे डुहे मेहक्कुमारोहिं गन्धउदगेणं । विज्झावियाँ चिया सा गिणहन्ति सुरा य अट्ठीणि ॥ ४१ ॥  
 दाहिणमुवरिमहणुयं सक्को गिणहेइ हेट्ठिमं चमरो । ईसाणो उवरिल्लं वामं हेट्ठिल्लयं तु बली ॥ ४२ ॥  
 दन्तट्ठीणि उ सेसा सुरा सुरिन्दासुरा य सद्धे वि । मणुया य चियाभूइं सिवसन्तिकरं च गेणहन्ति ॥ ४३ ॥  
 गन्तियतुरगाइगया तत्थ जणा आगया सुणियवत्तं । अहमहमिगाएँ बीए दिणम्मि वाहाइ य पवत्ता ॥ ४४ ॥  
 इय मोक्खगमणमहिमं काऊण सुरासुरा जिणवरस्स । नन्दीसरम्मि सहिमं काऊण गया नियं ठाणं ॥ ४५ ॥  
 तीसं अगारवासी वारसवासाइं साहेगाइं । छउमत्थपरीयाओ देसूणा केवली तीसं ॥ ४६ ॥  
 वावत्तरि सद्वाऊ कणगाभो सत्तरयणिउस्सेहो । चवणाह पञ्चहत्थुत्तरो य बीरो जिणो होत्था ॥ ४७ ॥  
 इओ अणागयमेव य पावाएँ समोसहेण बीरेणं । मम मोहमोहियमई एसो न करेइ द्वाइखयं ॥ ४८ ॥  
 ता अवणेमि य मोहं विप्पियउप्पायेण एयस्स । इय चिन्तिऊण गोयमसामी संपेसिओ गामे ॥ ४९ ॥

१ व-खेतं । २ व-दुहे । ३ व-० य सा चीया णि० ।

तुह दंष्टणेण गोधप ! संकुज्झह दिग्धवरो नि हु सुसस्सो । इय भणिज्जणं सो वि हु तत्तं ति पडिवलिज्जण गओ २३६०  
पडिवोहिज्जण य तयं नियत्तमाणो जणाउ सोज्जणं । निघाणगयं वीरं सहन्तमुधेयमावन्नो ॥ ५१ ॥

चिन्तितं च पवत्तो—

येच्छ जिणेण भगवया अपरिचियस्सवि अभत्तिमन्तस्स । काराविओ महत्तो अणुगहो देवस्सम्भस्स ॥ ५२ ॥  
मग्ग पुण नेहपरस्सवि चिरसंसद्धस्स नियचिणेयस्स । कहियं न मोक्खगमणं निययं धरिओ य न ससीवे ॥ ५३ ॥  
एगाणिणं अणाहं अस्सरणं उज्झवं भं अहन्नं । एगो धिय परमपयं गओ जिणो हा ! न जुत्तमिणं ॥ ५४ ॥

जह दज्झसि दज्झसु कढसि कढसु अह कुडसि कुडसु सयराहं ।

तहवि परिसेसिओ हियय ! तंसि तेलोगनाहेण ॥ ५५ ॥

अन्नं च—

अणुरत्ते अणुरागो जुत्तो इहरा विडम्बणा णेहो । सुन्ने उलम्भि दीवयदाणं भण किं गुणं कुणह ॥ ५६ ॥  
किञ्च अनियला गोत्ती अजलो पङ्को उ पङ्गरमदाहं । कीलियरहिया य हडी अरज्जुयं बन्धणं नेहो ॥ ५७ ॥  
नेहो रागो तम्भि य संते दोसो अवस्स संभवह । ते पुण दोन्नि वि हेज भवस्स बहुदुक्खपउरस्स ॥ ५८ ॥  
अयवं पि निम्ममत्तो सव्वपयत्थेसु वीयरगत्ता । कह कुणउ सो ममोवरि पडिबन्धं कीस हं सूढो ॥ ५९ ॥

ता भगवथाणुचिन्नं निम्ममभावं अहं पुण चरामि । एमाइसुहृद्वसणाण संगओ तक्खणं चेव ॥ २३६० ॥  
 संपत्ताखवगसेढी धाईकम्मक्खयं च काऊण । गोयमसामी मग्गे उप्पाडह केवलं गाणं ॥ ६१ ॥  
 दसगणहारी एत्थं नियनियसमए सुहम्भसामिस्स । नियनियगणं समप्पिय संपत्ता सिवपयं ते वि ॥ ६२ ॥  
 वीरजिणस्स भगवओ परमं तित्थुन्नइं करेमाणो । रायगिहे संपत्तो वरसमणगुणो हु भणियं च ॥ ६३ ॥  
 वज्जरिसभसङ्घयणे समचउरंससंठाणसंठिए जाइसंपन्ने कुलसंपन्ने बलखवविणयसंपन्ने नाणसंपन्ने दंसणसं-  
 पन्ने चरित्तसंपन्ने ओयंसी तेयंसी वचंसी जसंसी जियकोहे जियमाणे जियमाए जियलोभे जियइन्दिए  
 जियपरीसहे जीविधासमरणभयविप्पमुक्के तवप्पहाणे गुणप्पहाणे चरणकरणप्पहाणे अज्जवमहव्ववन्तिमुत्ति-  
 गुत्तिप्पहाणे विज्जामन्तप्पहाणे उराले घोरे घोरवए घोरतवस्सी घोरबम्भचेरेवासी उच्छृङ्खलसरीरे संखित्तविउ-  
 लतेयलेसे चउइसपुंवे चउनाणोवगए समणस्स भगवओ महावीरस्स अन्तेवासी सुहम्मे नाम गणहरे रायगिहं  
 नगरं समोसढो त्ति ॥

दिक्खित्तु जम्बुनामं कमेण संठाविऊण सूरिए । निट्ठवियसयलकम्भो सासयसोद्धवं गओ मोक्खवं ॥ ६४ ॥  
 परिनिब्बुया गणहरा जीवन्ते नायए नय जणाओ । इन्दब्भइसुहम्मे रायगिहे निब्बुए वीरे ॥ ६५ ॥  
 वियरियपवित्तिणिपया वीरजिणिन्देण चन्दणज्जावि । एक्कारसङ्गकुसला पज्जन्ते सिद्धिपुपत्ता ॥ ६६ ॥

१ अ-जिइदिए । २ अ-चेरे उ० । ३ अ-पुढी । ४ ब-सढे ।

चोदस्स ससणसहस्सा गोयममाई उ आसि वीरस्स । चन्दणपामोक्खाओ छत्तीसं साहुणिसहस्सा ॥ ६७ ॥  
 संखसयगाइयाणं अगुणसठिसहस्ससमहिंयं लक्खं । सुस्सावयाण जिणसासणम्मि एगन्तरत्ताणं ॥ ६८ ॥  
 अट्ठारसयसहस्सा तिन्नि य लक्खा य सीलवन्तीणं । सुलसारेवहपमुहाण संपया साविगाणं तु ॥ ६९ ॥  
 सत्तसया वेडवियलद्धीणं केवलीण तह चेव । पञ्च य तेरस य सया सणपज्जवओहिनाणीणं ॥ ७० ॥  
 चत्तारि अट्ठ य सया वार्हणमणुत्तरोववार्हणं । तिन्नि सया पुण चोदसपुवीणं वीरपरिवारो ॥ ७१ ॥  
 जयइ खुयाणं पभवो तित्थयराणं अपच्छिमो जयइ । जयइ गुरु लोगाणं जयइ महप्पा महावीरो ॥ ७२ ॥  
 भदं सव्वजगुज्जोयगस्स भदं जिणस्स वीरस्स । भदं सुरासुरनमंसियस्स भदं धुयरयस्स ॥ ७३ ॥  
 भदं धीवेलापरिगयस्स सज्झायजोगमगरस्स । अक्खोभस्स भगवओ सङ्खसमुदस्स रुन्दस्स ॥ ७४ ॥  
 इय एवं संखेवा वीरजिणिन्दस्स साहिंयं चरियं । संपइ जेण निवद्धं एत्तो एयं पवक्खामि ॥ ७५ ॥

सिरिजम्भुनामसिरिपहवसूरिसेल्लभवादिसूरीणं । परिवाडीते जाओ चन्दकुले वड्डुगच्छम्मि ॥ ७६ ॥  
 सिरिउल्लोयणसूरी उत्तमगुणरयणभूसियसरीरो । वेहारुयमुणिसन्ताणगयणवरपुत्तिमाइन्दो ॥ ७७ ॥  
 सोमत्ताणेण सोमं खमं खमाए य जो अभिक्खवइ । थिरयाए मेरुगिरिं गम्भीरत्तेण मयरीनिहिं ॥ ७८ ॥  
 जम्मि य गच्छे आसी सिरिपज्जुन्नाभिहाणसूरि त्ति । सिरिमाणदेवसूरी सुपसिद्धो देवसूरी य ॥ ७९ ॥

उज्जोयणसूरिस्स य सीसो अह अम्बदेवउवझाओ । खममद्वज्जवार्द्धगुणकलिओ सोमसुत्ती य ॥ २३८० ॥  
 तस्स विणेएण इमं वीरजिणिन्दस्स साहियं चरियं । पावमलस्स खयट्ठाए सूरिणा णेमिचन्देण ॥ ८१ ॥  
 जं एत्थ अणागमियं लक्खणछन्देहिं दूसियं जं च । रइयमणाभोगेणं मिच्छामिह दुक्कडं तस्स ॥ ८२ ॥  
 जो पढइ इमं चरियं वक्खाणइ सुणइ वायए वावि । वीरस्स उ भत्तीए सो पावइ परमकल्लाणं ॥ ८३ ॥  
 अणहिलवाडपुरम्मी सिरिकन्नराहिवम्मि विजयन्ते । दोहट्टिकारियाए वसहीए संठिएणं च ॥ ८४ ॥  
 वाससयाणं एगारसण्ह विक्कमनिवस्स विगयाणं । अगुयालीसे संवच्छरम्मि एयं निवड्ढं ति ॥ ८५ ॥

॥ ग्रन्थाग्रं श्लोकतो ज्ञेयम् ॥ ३००० ॥

॥ समत्तमिणं महावीरचरियं ॥

॥ समत्तमिणं सिरिनेमिचन्दसूरिरह्यं महावीरचरियं ॥

